




15.4.124

15H.1

Badia. 12283.

---





D E  
BONO, MALO  
E T  
PULCHRO  
DISSERTATIONES  
TRES  
ANDREÆ SPAGNII  
FLORENTINI  
E SOCIETATE JESU.



ROMÆ MDCCLXVI.  
EX TYPOGRAPHIA FRANCISCI BIZZARRINI KOMAREK  
PROVISORIS LIBRORUM BIBL. VATICANÆ.

---

APUD VENANTIUM MONALDINI.

*SUPERIORUM PERMISSO.*



ILLUSTRISSIMO ET CLARISSIMO VIRO

III

D. JOSEPHO CALLIXTO

ABBATI DE GENTILIBUS

SACRÆ CÆSARÆ MAJESTATIS CONSILIARIO,  
ET AUDITORI IMPERIALI &c. &c.



JOSEPH ANTONIUS MONALDINI FELICITATEM:



Etus consuetudo est ab ultimis ferme repetita temporibus, atque omnium probata consensu, ut qui sua, vel aliorum opera in vulgus emittunt, præstantissimo, & Digni-

gnitate, vel Doctrinæ Laude florenti viro cuidam inscribant; non ob ea tantum a Criticorum ausibus ipsius præsidio tuenda (quis enim horum unquam poterit impetus coercere?) sed ad observantiam, studium, benevolentiam, gratamque erga ipsum animi voluntatem potissime declarandam. Quamobrem quum hoc Andreæ Spagnii S. J. Presbiteri Cpus, multis sane nominibus commendandum, non ita pridem mea cura evulgandum suscepissem, mecumque de Patrono ei adsciscendo sedulo cogitarem; Tu quidem unus omnium, Abbas amplissime, succurristi, quem publico hoc obsequii, atque observantiæ testimonio prosequer.

Atque utinam plures maximasque officii mei rationes, præclaras Animi, Ingeniique tui Dotes debitis heic laudibus efferendo, possem, ut vehementer optabam, fusc lateque percellere! Verum quum ea sis incredibili plane modestia,

ac

ac verecundia, ut vix illud, adnitente, etiam summo intimaque tibi familiaritate conjuncto viro ægre sim adsequutus, ut Operis nempe patrocinium in te susciperes; omnia quæ ad Tui laudem ac Nominis, & Generis celebritatem pertinent, cogor tacitus præterire.

Quamquam adeo quidem pervulgata ista sunt, ut vel me tacente in omnium oculis, atque ore versentur. Uti enim eximia vitæ integritate, pietate, fide, facilique morum suavitate cum gravitate conjuncta omnium tibi jamdiu animos demeruisti; ita præclarum in te ingenium, singularem doctrinam, atque prudentiam, rerum usum, maximamque in negociis, iisque sane difficilimis, expediendis dexteritatem uno omnes suffragio adfirmant, admirantur, atque subspectant.

Neque Urbis tantum finibus se se meritorum tuorum fama continuit; sed ad exterarum quoque gentes celeriter pervagata

vagata eam de te illico existimationem in Summorum etiam Principum animis excitavit , ut Negociorum suorum in Romana Curia gerendorum munus sane gravissimum Tibi uni committendum existimaverint . Quorum de te præclaram opinionem quum non æquaveris modo , sed etiam viceris ; spectatissimos ad dignitatem honores in te certatim postea contulerunt ; & Serenissimus Moguntiaë Elector , aliique S. R. Imperii Proceres dignissimum judicarunt , quem intimis Aulæ suæ Consiliariis adnumerarent . Romanorum vero Imperator electus FRANCISCUS I. non inter suos tantum , & Ipse Consiliarios adlegit , sed & Legationis , Protectoratus , ac Comprotectoratus , uti vocant , Imperialis , omniumque Statuum Hæreditariorum Augustissimæ Domus Austriacæ Auditorem , atque universæ Germanicæ Nationis , suorumque Jurium in Romana Aula Advocatum , & Defensorem

per-

perpetuum constituit , ac declaravit .

Quamobrem mihi sane vehementer gaudeo gratulorque , quod quidquid a me erat optandum maxime in te sum feliciter , & cumulatissime consequutus . Nam ejusmodi ista Nominis Inscriptio tui dubitare quidem nec possum , nec debeo , quin Operi splendorem adferat , ac dignitatem : Quæ vero tam longe tuis ceteris virtutibus excellunt humanitas , atque benignitas , non solum illæ magno me animo esse jubent , sed certam etiam injiciunt spem fore , ut quod tibi offero observantiæ genus benevole , ac peramenter excipias ; ex quo maximum profecto officii mei fructum me percepisse arbitrabor .

S.FRAN-

**S. FRANCISCO XAVERIO  
E PRIMIS S. IGNATII SOCIIS  
INDIARUM APOSTOLO  
EXIMIO PATRONO SUO**

**ANDREAS SPAGNIUS SOC. JESU**

*D. D. D.*

AN-



## ANDREAS SPAGNIUS

E SOCIETATE IESU

LECTORI SUO S. D.

**D**issertatio illa *Metaphysica, de Causa Efficiente*, quam duobus ab hinc annis in publicam lucem protuli, cum placuerit, ut id quod est, aperte eloquar, viris non solum ingenio & doctrina præstantissimis, verum etiam in ferendo de alienis lucubrationibus iudicio (id quod facere honestorum hominum est) rectissimis, animos mihi addidit ad evulganda ea, quæ *de Bono, Mala, & Pulchro* in totidem Dissertationes digessi. Horum legitimas notiones animo informare, eaque penitus inspicere, permagni profecto interest; cum Bonum quidem & Malum sint duo, oppositi inter se fines, quos Disciplinæ omnes, si excipias Mathematicas, quarum unius est veri inquisitio, a prima sui origine propositos habent: Pulchrum vero non solum universa, quam late patet, Scientia, sed etiam quævis Artes prosequuntur & contemplantur. Utinam, si minus bene & pulchre, saltem non male ac turpiter de his egerim!

# PHILIPPUS DE ILCIO

SOCIETATIS JESU

IN ROMANA PROVINCIA

*Præpositus Provincialis.*

**C**UM Librum, cui Titulus *De Bono, Malo, & Pulchro* Dissertationes tres, a P. Andrea Spagni Nostræ Societatis Sacerdote conscriptum, aliquot ejusdem Societatis Theologi recognoverint, & in lucem edi posse probaverint, potestate Nobis a R. P. Laurentio Ricci Præposito Generali ad id tradita facultatem concedimus, ut typis mandetur, si ita iis, ad quos pertinet, videbitur. In quorum fidem has literas manu Nostrâ subscriptas, & Sigillo Nostro munitas dedimus Romæ die xxvi 11. Maji anni Millesimi Septingentesimi Sexagesimi Quinti.

*Philippus de Ilcio.*

Loco + Sigilli.

IMPRI-

IMPRIMATUR,

xi

Si videbitur Reverendissimo Patri Sacri Pal. Apostol. Magistro.

*Dom. Jordani Archiep. Nicomed. Vicefg.*

---

APPROBATIO.

**L**ibrum, cui Titulus *De Bono, Malo, & Pulchro Dissertationes tres*, a P. Andrea Spagni Societatis Jesu conscriptum, jussu Reverendissimi Patris Mag. S. Apost. Pal. attente perlegi; & dum Viri Clar. scopum sum perscrutatus, comperi, quod in Dissertatione, quæ de Bono inscribitur, adæquatæ Boni notiones inveniuntur, atque penitus opiniones profligantur; quas Libertini furtim conantur disseminare; in ea autem quæ est de Malo, finis cl. Auctoris eo tendit, ut de medio tollantur, cavillationes innumeræ, quas Increduli obtrudunt, eis valide opponendo claram distinctamque ideam de variis speciebus Mali: Tandem in qua de Pulchro agitur, generica quidem de Pulchritudine notio exhibetur, & talis ut ad diversas illius species, quæ deinceps numerantur, satis luculenter applicetur. Hinc tam utile Opus ut typis mandetur, existimo.

Romæ apud SS. Vincentium & Anastasium in Trivio 19. Januarii 1766.

*Thomas Gabrini Cler. Reg. Min. Sac. Theolog.  
Lector Emeritus.*

**O**pus tribus constans Dissertationibus, quarum prior *de Bono*, altera *de Malo*, tertia *de Pulchro* inscribitur a P. Andrea Spagni Soc. Jesu compositum summa cum voluptate, seduloque perlegi; tum quia nihil mihi acceptius est quam Reverendissimi Patris Magistri Sac. Palatii Apostolici iussibus obsequi, tum etiam quia notum illustris Auctoris ingenium præstiebat, plura in eo inventum iri subtiliter & eruditè dicta, ex quibus legentis mens haud leviter proficere posset. Nec sane eventus spem præconceptam elusit; namque in eodem Opere veras Boni & Pulchri ideas procusas inveni, ea potissimum ex Malo dispulsa caligine, quam Neoterici quidam Philosophi propriæ magis imaginationis spectra, quam rectæ Fidei lumina sectantes ipsi superinduxerant, quin aliquid in proluxa disputatione Cl. Auctori excidisse deprehenderim, quod Religionem, aut bonos mores, vel remotissime lædat. Quare memoratum Opus prælo, & luce dignum existimo, tum ut nomen ipsius Auctoris impensius innotescat, cum ut utilitatem exinde percipiant, quotquot recte & orthodoxe philosophari desiderant.

Dabam in Cœnobio S. Pauli de Urbe die 29. Decembris  
Ann. 1765.

*D. Andreas Bina Cassinensis Sac. Theol. Lector.*

---

IMPRIMATUR.

*Fr. Thomas Augustinus Ricchinius Ordinis Prædicatorum Sacri Palatii Apostolici Magister.*

ORDO

# ORDO DISSERTATIONIS DE BONO

## NUMERI INDICANT PAGINAS.

<b>P</b> <i>Razfatio .</i>	pag. 1.
<b>Seçt. I.</b> <i>Definitiones &amp; Divisiones , Boni .</i>	
<i>Art. I. De Bono in genere .</i>	pag. 2.
<i>Art. II. De Bono in se , &amp; bono alteri .</i>	4.
<i>Art. III. De Bono honesto naturaliter , &amp; moraliter .</i>	6.
<i>Art. IV. De Bono morali objectivo in genere .</i>	9.
<i>Art. V. De Bono morali objectivo per se , &amp; per accidens .</i>	10.
<i>Art. VI. De Bono morali objectivo simpliciter , &amp; secundum quid .</i>	12.
<i>Art. VII. De Bono morali actuali .</i>	13.
<i>Art. VIII. De Bono delectabili .</i>	18.
<i>Art. IX. De Bono utili .</i>	21.
<i>Art. X. De Bonis homini propriis .</i>	23.
<i>Art. XI. De naturali felicitate hominum dum vivunt .</i>	27.
<b>Seçt. II.</b> <i>De Bono in genere .</i>	
<i>Propositio . Bonitas in genere non significat idem , ac entitas : nec aliquid distinctum ab entitate : Sed significat convenientiam , quam realiter habet unum alteri , saltem per nostrum modum cogitandi ab illo distinctum .</i>	29.
<b>Seçt. III.</b> <i>De Bono in se , &amp; Bono alteri .</i>	
<i>Propositio I. Bonum in se &amp; bonum alteri est divisio communis , &amp; per membra , quæ non admittunt aliquid medium .</i>	43.
<i>Propos. II. Omnes Ens est bonum tam in se , quam alteri : &amp; omne bonum tam in se , quam alteri est ens , sive ut ajunt , bonum generice sumptum convertitur cum ente .</i>	44.
<i>Propos. III. Bonum in se , quod tale est ante omnem modum cogitandi nostrum , est semper bonum alteri : atque illud quidem sive sit bonum in se increatum , sive creatum , est semper bonum alteri determinate sumpto , quod sit ens in</i>	in-

*increatedum : non vero alteri determinate samplo , quod sit ens creatum . At viceversa bonum alteri non est semper Bonum in se ante omnem modum cogitandi nostrum . 53.*

**Sect. IV. De Bono honesto delectabili & utili.**

*Propos. I. Divisio boni in honestum delectabile & utile est optima divisio boni in genere . 56.*

*Propos. II. Divisio boni in honestum , delectabile , & utile habet locum relate ad naturam cognoscitivam dumtaxat : & quamvis non sit divisio in membra immediate descendens , nihilominus est optima divisio . 60.*

*Propos. III. Una eademque res potest esse simul bonum honestum , delectabile , & utile . 62.*

**Sect. V. De Bono honesto naturali , & de illo morali , quod est objective honestum per se .**

*Propos. I. Sola bonitas honestatis naturalis idem est , ac bonitas transcendentalis . 68.*

*Propos. II. Datur bonitas moralis , quæ talis est per se , hoc est non dependens a lege ulla , ne Divina quidem , nec ab humanis opinionibus . 99.*

**Sect. VI. De Bono morali objective per accidens .**

*Propos. Datur illa bonitas moralis per accidens , quæ actibus humanis supervenit ex lege Dei positiva , aliquid præcipiente vel vetante . 95.*

**Sect. VII. De Bono morali formaliter tali .**

*Propos. Bonitas formalis in linea morum præsupponit actum intellectus , quo nihil hæsitans judicat vel cum veritate , vel cum errore invincibili operationem illam habere bonitatem objectivam moralem vel certam , vel saltem probabilem : nec bonitas hæc formalis stare potest cum prævio iudicio vincibiliter erroneo circa objectivam bonitatem : stat autem sine actuali Caritate , seu Amore Dei supernaturali , & etiam sine actuali Fide supernaturali . 104.*

**Sect. VIII. De Regula cognoscendi bonum morale formaliter tale .**

*Propos. Regula universalis pro cognoscenda bonitate morali actionis humanæ seorsim ab ejus exercitio considerata est*

*Voluntas Divina nobis manifestata, vel per lumen rationis, vel per Revelationem Divinam, vel per Ecclesiam, scilicet per Concilia, per Summos Pontifices, per Patres, & alios proprios Præceptores. Regula vero pro cognoscenda bonitate morali actionis humane, quam quis actu exercet est conscientia operantis recte formata, judicium scilicet, quo operans remoto omni errore voluntario & culpabili, certus est Deum velle, ut actionem illam faciat, vel præcipiendo, vel consulendo, vel illam non vetando.*

110.

#### SECT. IX. De Bono delectabili.

*Propos. I. Bonitas delectationis vel sumi potest formaliter, scilicet pro delectatione ipsa, & hoc modo distinguitur a bonitate honestatis tum naturalis, tum moralis: vel sumi potest objective, scilicet pro ratione illa objecti, propter quam ipsum delectat, & hoc modo non distinguitur realiter a bonitate honestatis naturalis, sed distinguitur per modum cogitandi nostrum, quatenus bonitas delectationis etiam objective exprimit suavitatem ex illa manantem, tamquam rationem motivam ad illius appetitionem, quam bonitas honestatis non exprimit.*

117.

*Propos. II. Bonum delectabile sive formale sive objectivum constituit speciem boni particularis, & jure utrumque bonum conjunctim venire potest sub nomine boni delectabilis.*

120.

*Propos. III. Natura capax solius delectationis intellectualis felicitior est ea, quæ capax est etiam sensibilis delectationis.*

122.

#### SECT. X. De Bono utili.

*Propos. Bonitas utilitatis præsupponit quidem in re utili bonitatem transcendentalem, vel honestatis naturalis: constituitur tamen in ratione bonitatis, quæ dicitur utilitatis, a bonitate finis sibi extrinseca.*

127.

#### SECTIO XI. De Bono honesto delectabili & utili inter se comparatis.

*Propos. Bonum proprie dicitur, tam de Bono honesto moraliter, quam de delectabili: sed primario de honesto morali-*

*raliter, secundario de delectabili, de utili vero dicitur solum per Analogiam.*

129.

**Seç. XII. De Naturali felicitate hominum dum vivunt.**

*Propos. I. Ad naturalem felicitatem hominis singularis dum vivit, omnino requiruntur, ex bonis ipsi intrinsicis hæc quatuor, intelligere, bene valere, tranquilum esse, & honeste agere: ex bonis autem extrinsecis hæc duo, amari, & honorari.*

243.

*Coroll. I. Nulla intelligens creatura potest naturaliter pervenire ad naturalem felicitatem, nisi post longum temporis intervallum, & sustinendo interea mala physica bene multa.*

149.

*Coroll. II. Neque Pueritia, neque Adolescensia capaces sunt felicitatis humanæ.*

150.

*Coroll. III. Juventus, Virilitas, & Senectus sunt solæ hominis ætates capaces felicitatis: sed Senectus minoris, quam ceteræ ætates.*

150.

*Coroll. IV. Major felicitatis humanæ copia cadit in viros, quam in mulieres.*

151.

*Coroll. V. Epicurei longe absunt a felicitate humana.*

151.

*Coroll. VI. Macchiavellius errat statuens ad felicitatem Principis pertinere, timeri potius quam amari.*

152.

*Coroll. VII. Illi melius comparati sunt ad humanam felicitatem, qui claritatem generis cum aurea saltem mediocritate fortunarum sortiuntur, quam ii, qui infra hanc conditionem nascuntur.*

153.

*Propos. II. Ad felicitatem propriam integræ gentis necessaria sunt mentis vigor, corporis robur, & bonarum artium, quæ propriæ pacis sunt pretium.*

154.

## **ORDO DISSERTATIONIS**

### **D E M A L O**

**P**refatio.

pag. 157.

**Seç. I. Definitiones, & Divisiones Mali.**

**Art. I. De Malo in genere.**

158.

**Art. II.**



- Art. II. De Malo simpliciter, & see undum quid.* 160.
- Art. III. De Malo metaphysico.* 161.
- Art. IV. De Malo naturali, & morali.* 162.
- Art. V. De Malo pure naturali.* 163.
- Art. VI. De Malo non pure naturali.* 164.
- Art. VII. De Malo morali objectivo.* 165.
- Art. VIII. De Malo morali actuali.* 169.
- Art. IX. De Malo morali originali.* 172.
- Sect. II. De Natura mali proprie talis.**
- Propos. Definitio mali proprie talis, quod sit privatio perfectionis, est recepta definitio nominis, & legitima definitio rei.* 173.
- Sect. III. In quibus sit, vel non sit malum proprie tale.**
- Propos. I. Dantur creaturae sine ullo malo proprie tali.* 184.
- Propos. II. Omne malum proprie tale, respectu creaturae rationalis, est malum vel culpa vel pena: numerus tamen Malorum, respectu hominum in hac vita, non est major illo Bonorum, quae iisdem concessa sunt: nec ea mala sunt semper pena culpa illorum alicujus actualis.* 185.
- Sect. IV. De Causa efficiente Mali metaphysici.**
- Propos. Deus est sola causa mali metaphysici, & talis est sine ulla sui imperfectione.* 197.
- Sect. V. De Causa efficiente mali proprie talis in genere.**
- Propos. Omne malum proprie tale est ab aliqua causa positiva, & prima etiam ipsius causa est aliquod bonum.* 206.
- Sect. VI. De Causa efficiente, & finali mali naturalis.**
- Propos. I. Deus est causa physica omnis mali naturalis non directe, sed consequenter: quod quando malum est pure naturale, sive sit malum pure privativum, sive etiam sensibile, intendit non quidem ut finem, sed ut medium ad aliquod bonum: quando vero non est malum pure naturale, sed habet rationem pena intendere potest, ut finem aliquem, & intendit reipsa respectu damnatorum: & etsi intendere posset mala pena etiam respectu hominum in hac vita, ut finem, non tamen intendit nisi ut medium ad alia bona.* 238.
- Propos. II. Creaturae possunt esse causa physica particulariter*

res mali proprie talis : atque quæ sunt causæ non liberæ , sed imperfectæ , hoc est habentes malum aliquod naturale , producant effectum naturaliter malum de consequenti , non per se : quæ sunt causæ non liberæ & perfectæ , hoc est non habentes malum ullum naturale , etsi necessario habeant , utpote creaturæ , malum metaphysicum , si non producant effectum sine ullo malo naturali , provenit ex aliquo ipsis extrinseco impedimento : quæ tandem sunt causæ liberæ , si producant effectum cum aliquo malo naturali , cum possent producere sine illo , malum hoc provenit ex dominio , quod illæ habent in suis actus : atque si debuissent effectum illum sine eo malo producere , tum hoc malum , respectu effectus , naturale , est respectu causæ malum morale , quale pariter est omnis ipsius effectus etiam non malus naturaliter , quo nomine intelligitur etiam omisso , utpote effectus quidam negativus , si producatur ab ipsa , cum deberet eum non producere. 264.

Sect. VII. De Causa efficiente & finali mali moralis .

Propos. Deus non est causa efficiens neque mediate , neque immediate ullum malum morale : sed est solum illius causa permissiva , quam permissionem Deum rectissime velle lumen ipsum rationis humanæ suadet : sed generalem dumtaxat hujus rectitudinis rationem , non vero determinatam aliquam in particulari , quæ adæquata sit , detegere potest. 268.

Sect. VIII. Corollaria circa subjectum , & causam efficientem , finalem , & formalem mali .

Coroll. I. Subjectum cujusvis mali est aliquod bonum . 290.

Coroll. II. Causa directe efficiens malum nulla est . 291.

Coroll. III. Causa de consequenti efficiens omnis mali naturalis est vel solus Deus , vel Deus simul & Creatura . 293.

Coroll. IV. Causa formalis cujusvis mali , per quam scilicet malum constituatur in esse mali , nulla est . 294.

Coroll. V. Causa finalis omnis mali proprie talis , est semper aliquid extrinsecum ipsi malo , & quidem bonum aliquod vel verum , vel apparens . 295.

Coroll. VI. Solutio celebris illius Sophismatis , Deus aut vult

*vult tollere mala & non potest, jamque caret potentia: aut potest & non vult, jamque caret bonitate: Sed sine potentia & bonitate non est Deus: ergo non est.* 296.

## ORDO DISSERTATIONIS DE PULCHRO.

<b>P</b> Ræfatio.	pag. 299.
<b>Seçt. I.</b> Definitiones & Divisiones pulchri.	
Art. I. De Pulchritudine <i>tum in genere, tum vera, tum apparenti.</i>	301.
Art. II. De Pulchritudine <i>essentiali, &amp; naturali.</i>	302.
Art. III. De Pulchritudine <i>artificiali.</i>	303.
Art. IV. De Pulchritudine <i>ex solo ingenio, &amp; ex ingenio simul &amp; scientia.</i>	305.
Art. V. De Pulchritudine <i>spirituali, &amp; corporea.</i>	306.
Art. VI. De Pulchritudine <i>absoluta, &amp; relativa.</i>	308.
<b>Seçt. II.</b> De Bonitate datæ de Pulchro in genere definitionis.	
Propos. Notæ <i>pertinentes ad notionem adequatam pulchritudinis in genere sunt bonitas rei intrinseca, multiplicitas diversarum partium sive realium, sive æquivalentium coalescentium in unum, ordo ad vim intellectivam, &amp; aptitudo ad eam delectandam.</i>	311.
<b>Seçt. III.</b> De quibusdam opinionibus circa naturam pulchritudinis.	
Propos. I. <i>Fundamentum pulchritudinis non est utilitas.</i>	320.
Propos. II. <i>Pulchritudo essentialis ne a Deo quidem dependet.</i>	322.
Propos. III. <i>Pulchritudo vera, secundum id, quod dicitur de bonitate, est aliquid reale, nec dependens ab hominum opinione: secundum vero id, quod dicitur de ordine ad vim intellectivam, postulat judicium verum.</i>	323.
Propos. IV. <i>Pulchritudo non est objectum particularis potentie, quæ distingui debeat in homine ab ipsius potentissimum spiritualibus; ut intellectu, &amp; voluntate, tum materis-</i>	325.

*terialibus, ut quinque sensibus vulgo notis.* 328.

Sect. IV. De iis quæ pertinent ad notiones pulchritudinis spiritualis, & corporeæ.

*Propos. I. Pulchritudo spiritualis bene definitur bonitas intrinseca entis spiritualis ex pluribus diversis perfectionibus quodammodo coalescens, quæ per sui cognitionem delectat.* 330.

*Propos. II. Pulchritudo corporea bene definitur bonitas intrinseca objecti visibilis seu audibilis, coalescens ex pluribus realiter partibus, quæ per sui cognitionem delectat.* 331.

Sect. V. De Bonitate divisionis pulchritudinis in spiritua-  
lem, & corpoream.

*Propos. Pulchritudo bene dividitur in pulchritudinem spiritua-  
lem, & corpoream.* 337.

Sect. VI. De Bonitate divisionis pulchritudinis corporeæ in  
visibilem dumtaxat, & audibilem.

*Propos. I. Pulchritudo corporea bene dividitur in ordine ad  
solos sensus visus & auditus.* 340.

*Propos. II. Nulla pulchritudo cognoscitur a Brutiis.* 344.



# DE BONO

DISSERTATIO

ANDREÆ SPAGNII

SOC. JESU

PRÆFATIO.

1.



ONUM dari extra controversiam est. Certe enim sumus ex intima experientia esse in nobis inclinationem naturalem in aliqua objecta sive spiritualia, ut scientiam, sive corporea, ut sanitatem: sed quod appetitur, est bonum: ergo datur bonum. Hinc merito S. Augustinus dicit, (1) *negari bonum esse nisi stulte, atque imperite prorsus non potest.* Accedit testimonium Sacrae Scripturae, ex qua habemus (2) Deum vidisse singulas res a se creatas esse bonas. Quid autem sit bonum, non ita facile explicatur. Quare idea Boni est una ex illis, quæ in omnibus tam doctis, quam indoctis aliquo modo reperitur; Nam si omnes appetunt bonum, necesse est illud aliquo modo concipiant, cum nihil sit volitum, quin præcognitum. At an eadem sit etiam in omnibus clara, equidem dubito. Observamus enim non raro accidere,

A

ut

(1) S. Aug. Enchir. ca. 2. pag. 199.

(2) Genes. 1.

ut re aliqua in medio posita non solum judicia hominum circa illam varia sint, verum etiam opposita, agentibus his, negantibus illis eam esse bonam, etiam illi remoti esse videantur ab omnibus causis, quæ rectum & verum iudicium possent impedire. Audimus Isaiam clamare, (1) *Vae qui dicitis malum bonum, & bonum malum*. Novimus Salomonem commendari, quod postulaverit a Domino, (2) *ut posset discernere inter bonum & malum*, nec sibi, ut ait S. Ambrosius, (3) *usurpavit, ut Adam, boni & mali scire distantiam, sed intelligendæ ejus gratiam oravit*. Quod exemplum in mentem revocat tristem primorum hominum casum, qui desiderio acquirendi scientiam boni & mali (4), qua primus mendax Diabolus promiserat ipsos potituros per vetiti fructus comestionem, quasi quodam ariete e statu innocentiae in illum damnationis misere fuerunt deturbati. Verum si clara dicenda est hujusmodi idea, quemadmodum contendit Cardinalis Pallavicinus, illam collocans in earum numero, quæ per se notissimæ sunt (5), certe quidem apud indoctos tam longe abest, ut distincta illa sit, ut Socrates apud Platonem queratur esse etiam Philosophos, qui boni quidem exempla, nullam vero certam atque communem ejus notionem proponebant. Ad hanc igitur acquirendam primo contendam, eaque stabilita eas, quæ ipsi subjiciuntur species, adnotabo: de quibus omnibus deinceps singulatim est disserendum.

## S E C T I O I.

*Definitiones & Divisiones Boni.*

## A R T I C U L U S I.

*De Bono in genere.*

2. **B** Onum significat id, cujus attributa positiva saltem per rationem nostram distincta sibi invicem & toti

(1) Isai. 5. 20.

(2) 3. Reg. ca. 3. v. 9.

(3) S. Ambrosius in Psalm. 108. serm. 12. num. 47. pag. 1209.

(4) Genes. 3. v. 5. 18.

(5) Pallav. del Bene lib. 2. ca. 7. pag. 161.

Id. de Aq. hu. lib. 1. num. 1. pag. 1.

& toti conveniunt. Quare Bonitas significat convenientiam, quam inter se habent unum & alterum saltem per rationem nostram invicem distincta. Allatam definitionem hujus nominis Bonitas esse communem, planum erit, ubi ostendam illam esse definitionem rei. Solum hic adverto cum Suarez (1), vocabulum convenientiæ interdum sumi pro eo, quod alicui perfectionem aliquam, & quasi utilitatem affert, interdum vero pro eo, quod est consentaneum naturæ, etiamsi nullum illi commodum afferat. Sic maxime, conveniens Deo dicitur misereri, & liberaliter se communicare, non quia Divina Natura perfectionem aliquam de novo acquirat, sed quia illud proportionatum est ejus perfectioni, & magnitudini. In hoc secundo sensu, non vero in primo sumitur convenientia in generica boni definitione.

3. Bonum primo dividitur cum Aristotele (2) in verum, & apparens. Verum dicitur illud, quod tale in re est, quale æstimatur: apparens vero quod æstimatur quidem, non tamen est in re. Quot autem modis dividi potest bonum verum, totidem dividi potest apparens; Nam in omni specie boni error, & falsa existimatio potest intervenire, & in ordine ad movendum appetitum æquali fere modo se habet utrumque bonum; Nam bonum verum non aliter movet, quam prout apprehenditur, & judicatur esse bonum: ergo bonum etiam verum in ordine ad movendum appetitum convenit cum bono apparenti, quod pariter movet appetitum, in quantum judicatur esse bonum. Quamobrem ad se revera optime rediisse comprobavit Horatianus ille mente captus (3)

*Qui se credebat miros audire Tragedos,  
In vacuo latus jessor, plausorque theatro:*

quando tandem cognatorum opibus, & vi medicamentorum expulsa insania

*. . . pol me occidistis amici,  
Non servastis, ait, cui sic extorta voluptas,  
Et demptus per vim menti gratissimus error.*

A 2

At

(1) Suar. in 1. 2. tract. 3. disp. 2. sec. 2. Maurum pag. 73.  
num. 13. pag. 214.

(2) Aristot. Ethic. lib. 3. ca. 4. juxta

(3) Hor. lib. 2. Epist. 3. pag. 184

At cum bonum, quod in se tale est, possit vividius cognosci, & firmitus judicari esse bonum, quam illud, quod in se tale non est, magis quandoque bonum verum movebit appetitum, quam moveat bonum apparens: quemadmodum majus, & certe magis constans est gaudium nascens ex possessione veri boni, quam apparentis dumtaxat, cujus existentia nequit esse nec diuturnior, nec robustior errore quo producit, qui accedente vera cognitione illico evanescit.

## ARTICULUS II.

*De Bono in se, & Bono alteri.*

4. **B**onum tam verum, quam apparens dividitur in bonum in se, & bonum alteri. Bonum in se significat id, cujus attributa positiva per rationem dumtaxat nostram distincta sibi invicem & toti conveniunt. Ita anima rationalis est in se bona, quia vis intelligendi volendi & alia similia, quæ per nostrum modum cogitandi in illa, & ab illa distinguuntur, sibi invicem & toti animæ conveniunt. Ita pariter homo est aliquod in se bonum, quia sibi invicem conveniunt corpus illud, & illa anima propria hominis, quæ etiam realiter inter se distinguuntur, attamen relate ad hominem, seu compositum humanum distinguuntur solum per rationem.

Bonum vero alteri significat id, quod alteri a se realiter distincto convenit. Ita quæcunque a nobis prorsus distincta adhibemus ad victum & vestitum, bona nobis sunt.

Definitiones sunt juxta aliorum acceptionem. Sic Polmanus dixit, (1) *Bonum est ens conveniens sibi alterive*. Et Durandus statuit, (2) *Formalis ratio boni est ratio convenientis, ita quod bonitas est formaliter ipsa convenientia*: qui deinde advertit, (3) *bonum per prius dici de eo, quod est conveniens rei intrinsecæ, & per habitudinem ad tale bonum dici de iis, quæ conveniunt rei extrinsecæ*. Quod jure observat, quandoquidem boni nomine absolute prolato intelligi solet

(1) Polm. Breviar. Theolog. par. 1. 2. quæst. 1. num. 22. pag. 189.  
num. 126. pag. 146.

(1) Id. ibid. quæst. 2. num. 5.

(2) Durand. in 2. sentent. distinct. 33.



## S E C T I O I.

solet bonum in se, & cum bonum alteri volumus significare, hoc ipsum additum exprimimus.

Quare Bonitas in se significat convenientiam, quam inter se habent illa, quæ per rationem nostram tantummodo distinguuntur. Horum convenientia cum sit, intrinseca ipsi enti, bonitas in se est intrinseca enti. Bonitas vero ad alterum significat convenientiam, quam habent inter se illa, quæ realiter invicem distinguuntur. Atque hæc dici potest contraria ratione bonitas extrinseca.

Yvon, qui articulum de Bono scripsit in Gallica Encyclopædia bonitatem ad alterum dixit (1) consistere in ordine & relatione, quam unum habet ad alterum: quæ definitio ex subiecta quidem materia, de qua ibi agit, cognoscitur conspirare in illam jam positam, sed attentis verbis convenit etiam malo ad alterum, cuiusmodi est supplicium, quod certe dicit ordinem & relationem ad alterum; & malum, profecto illi est, qui eo afficitur.

5. Bonum in se dividitur in illud, quod est bonum per se, seu a se, & illud quod est bonum per participationem, seu ab alio: Primum est solus Deus: secundum est quævis creatura. Nam (2) *omnes creaturæ*, inquit S. Augustinus, *habent quoddam bonum suum, integritatis suæ, & perfectionis naturæ suæ.*

Divisio est communis apud Theologos cum S. Dionysio (3), vel Auctore libri de Divinis Nominibus, S. Augustino (4), qui frequens in ea est, & Boetio (5). Audiatur S. Augustinus, cuius sunt prædicta etiam nomina (6). *Sententia Catholicae disciplinae aliud dicit bonum, quod summe ac per se bonum est, & non participatione ulicujus boni, sed propria natura, & essentia, aliud quod participando bonum & habendo: habet autem de illo summo bono, ut bonum sit, in se tamen manente illo, nihilquæ amittente.* Eandem divisionem observante non semel eodem S. Doctore (7) insinuat

(1) Yvo. Encycl. art. Bon. pag. 270.

(2) Aug. in Psal. 102, num. 8, pag. 1117.

(3) Diony. ca. 1. & 4.

(4) Aug. lib. 8. de Trinit. ca. 3. pag. 129.

Id. quest. 83. qu. 24. pag. 6.

Id. serm. 29. num. 1. pag. 149.

(5) Boet. lib. de Hebdom. ca. 2.

(6) Aug. de Morib. Manich. ca. 4. m. 6. p. 717.

(7) Aug. in Psal. 134. num. 4. pag. 1424.

Id. serm. 15. num. 5. pag. 89.

Id. serm. 90. num. 2. pag. 488.

Id. de Persec. Justit. ca. 14. n. 32. pag. 182.

nuavit etiam Christus Dominus, qui bonum per se expressit, ubi dixit, (1) *Nemo bonus, nisi solus Deus*; quoniam (2) *bonum quo bonum est, ipse sibi est: homo autem cum bonus est, ab illo bonus est, quod a se ipso esse non potest*. Quare in sensu etiam opposito ad bonum per se sumi potest, quod idem Dominus malos vocaverit ipsos Apostolos, quos alloquebatur dicens, (3) *Vos cum sitis mali, noster bona dare filiis vestris*. Idem autem volens significare bonum per participationem alibi dixit hominem bonum, (4) *Bonus homo de bono thesauro cordis sui profert bona*.

6. Bonum alteri dividitur in bonum honestum delectabile & utile. Hæc divisio communis est cum S. Thoma (5) post Aristotelem (6). Ea etsi cadat etiam in bonum in se, præcipue invaluit circa bonum alteri, tum quia ratio boni, quæ explicatur per convenientiam, clarius nobis se prodit, dum termini, qui inter se habent hujusmodi convenientiam, sunt realiter distincti, quam cum distincti solum sunt per rationem: tum quia de bono Philosophi disputant non eo principaliter fine, ut illud cognoscant, quam ut illud sibi comparent & applicent. Ceterum quod divisio illa cadat etiam in bonum in se, sit planum ex eo, quod ut ait Suarez, (7) *nihil est alteri bonum, nisi quod in se est bonum, & perfectionem habet alteri convenientem*.

### ARTICULUS III.

*De Bono honesto naturaliter & moraliter.*

7. **B**onum honestum dividitur in bonum honestum naturaliter, sive in ordine ad naturam quamcunque, & bonum honestum moraliter, sive in ordine ad naturam rationalem.

Bonum honestum naturaliter significat id, in quo est convenientia inter unum & alterum, nullo etiam intellectu cogi-

(1) Marc. 10.

(2) Aug. Epist. ad Macedonium 25, alias 53, ca. 5. num. 12. pag. 512.

(3) Matt. 7. 11.

(4) Luc. 6. 45.

(5) S. Thom. 1. p. quest. 5. art. 6. pag. 21.

Id. 2. 2. quest. 145. art. 3.

(6) Arist. Ethic. lib. 2. ca. 3.

Id. ibid. lib. 8. ca. 2.

(7) Sua. Metaph. disp. 10. sec. 2. nu. 2. pag. 212.

cogitante. Atque quando unum & alterum distinguantur invicem solum per rationem, illud erit bonum honestum in se naturaliter: quando vero distinguantur realiter erit bonum honestum alteri naturaliter.

Peripatetici admittentes appetitum etiam in rebus inanimis, honestum naturale illis etiam commune vocarunt, ut constat ex S. Thoma (1) id, in quod appetitus se quodammodo movet. Quare id, in quo motus appetitus terminatur, dixerunt bonum delectabile, quod pariter in res ipsas inanimas cadere affirmarunt. At inferius planum fiet trimembrem illam partitionem boni in honestum delectabile & utile propriam esse naturæ dumtaxat cognoscitivæ, adeoque illorum hæc honesti naturalis definitio admitti nequit. Melius veteres Philosophi, ut colligitur ex Tullio (2) bonum honestum in se naturaliter vocarunt bonum naturæ. Idemque esse bonum illud, quod alii vulgo appellant transcendentale, inferius ostendam. Interea intelligi potest quale sit istud bonum, quod dicitur transcendentale, hoc est ad nullum particulare entis genus pertinens, sed super omnia quodammodo ascendens, & omnia sibi subjiciens.

Ex his patet, quid sibi velint hæc nomina, bonitas honestatis naturalis tum in genere, tum in specie scilicet vel in se vel ad alterum. Sic ad Bonitatem honestatis naturalis in se pertinent proprietates essentielles rei, inter quas respectu hominis sunt sanitas, integritas membrorum & vita ipsa; Nomine enim hominis intelligitur vulgo ille, qui habet cum natura humana eas perfectiones, quæ ipsam comitari solent pro statu suæ existentiae. Quare siquid ex illis in aliquo desit, dicitur quidem homo, sed vel cæcus, vel claudus, vel cum alio addito opportuno. Sic ad Bonitatem honestatis ad alterum naturalis pertinent proprietates accidentales rei, quales sunt respectu essentiae humanæ sanitas & integritas corporis, & respectu hominis, suimet actus positivi, illi etiam qui dicuntur indifferentes, ut comedere & ambulare; Nam hi distinguuntur plusquam per rationem ab homine, eidemque conveniunt.

8. Bo-

(1) S. Tho. 1. p. quest. 5. art. 6. O. pag. 22.

(2) Tull. de Finib. lib. 3. &amp; 4.

8. Bonum honestum moraliter, quod brevius dicitur bonum morale significat id, quod decet naturam rationalem, qua talem (1), *non qua*, inquit Polmanus, *natura est, quo modo est ei bonum habere perfectiones naturales, non etiam qua natura animalis est, quo modo est ei bonum sanam esse: sed qua rationalis est, quo modo est ei bonum virtuosam esse.*

Dices. Omnis bonitas honestatis moralis est bonitas honestatis naturalis; Nam natura rationalis quædam natura est: ergo male dividitur bonum honestum in naturale & morale.

Respond. Concedo antecedens, & nego consequentiam; Nam quod omnis bonitas honestatis moralis sit etiam bonitas honestatis naturalis probat solum, quod honestas naturalis sit attributum genericum respectu honestatis moralis tamquam cujusdam particularis speciei, quoties non possit viceversa affirmari, quod omnis bonitas naturalis sit bonitas moralis, quemadmodum certe non potest. Hoc observavit jam Suarez dicens (2) *Bonum naturale & morale conveniunt in hoc, quod utrunque est per se conveniens alicui naturæ: differunt tamen, quia bonum naturale præcise respicit naturam ut naturaliter operantem: bonum autem morale respicit illam ut elevatur ad modum operandi libere, quod propriissime illi competit, ut rationalis est.*

9. Bonum morale dividitur in objectivum, sive proprium objecto, & actuale, sive proprium actui. Divisio est communis apud Theologos, ubi cum S. Thoma (3) docent bonitatem moralem objectivam præsupponi ad illam, quæ dicitur de actibus, ut sunt actus virtutum moralium, & illam, quæ est in habitibus provenientibus ex repetitis actibus, cujus doctrinæ veritas suo loco suadebitur, propter quam causam bonum morale objectivum abstracte sumptum dicitur a S. Thoma, etiam bonitas primordialis.

Bonum morale objectivum cum eodem S. Doctore dividitur (4) in bonum per se, & bonum per accidens, & bonum

(1) Polm. Brev. Theol. pag. 1. 2. num. 230. pag. 147.

(2) Sua. Metaph. disp. 10. sec. 2. n. 30. pag. 213.

(3) S. Tho. 1. 2. q. 19. art. 1.

Id. ibid. qu. 29. art. 1. ad 2.

Id. de Malo qu. 2. art. 3. O. & ad 8.

(4) S. Thom. 1. 2. qu. 19. art. 5. pag. 46.

## S E C T I O I.

tum per se, tum per accidens, quod uno verbo dicitur bonum simpliciter, & demum bonum vel per se tantum, vel per accidens tantum, quod brevi dicitur bonum secundum quid. Rursus bonum morale objectivum per accidens dividitur in bonum per accidens propter legem positivam, vel præcipientem illius exercitium, vel illud permittentem, adeoque præcipientem, ne illud impediatur: & bonum per accidens propter ordinationem agentis: & bonum per accidens propter errorem invincibilem agentis. Bonum tandem morale actuale dividitur in materiale & formale.

### A R T I C U L U S IV.

#### *De Bono morali objectivo in genere.*

10. **B** Onum morale objectivum in genere significat, actum, quem natura rationalis potest operari, ipsi prout rationalis est convenientem. Opportune quid objectivum dicitur actus, quem natura rationalis potest operari quia est objectum quoddam vi suæ activæ quodammodo propositum, in quo, quoties illum actu exerceat, habetur jam aliquid morale actuale. Neque quod ipsius actus alii sint intrinseci & imperantes, cujusmodi sunt volitiones, alii vero extrinseci & imperati, cujusmodi sunt, qui per alias suas potentias, quam per voluntatem exercentur, ut opera misericordiae, facit, ut utrique pertinere non possint ad bonum morale objectivum, dum actu non exercentur, sed solum facit, ut actus imperati sint objectum actuum imperantium, ad quos referuntur tamquam ad causam ut quo, dum simul sunt objectum naturæ, quæ potest illos agere, quam respiciunt tamquam causam ut quod.

Stoici, ut referunt Tullius & Sextus Empiricus (1), aliam excitarunt controversiam de appellatione boni attributa objectis actuum moralium, contententes hæc vocari solum posse & debere *πρὸς ἡμᾶς*, hoc est *proposita & expendenda*, nullo autem modo

B

(1) Toll. de Finib. lib. 5.

Sext. Pyrrh. Hypoth. lib. 3. circa

princip. cap. 24. pag. 177.

modo bona, quippe nomen boni sacrum quodammodo volebant, nec tribuendum nisi actibus virtutis, quos quis actu exerceat, qui communius dici solent bonum morale actuale, aut formale: cetera autem quæcunque, quæ vulgus bona appellat, illi vocabant indifferentia. Lis enim vero importuna est, utpote de voce, & exemplum inutilium concertationum.

Bono morali objectivo respondens bonitas definitur convenientia, quam cum natura rationali habet actus, quem ipsa prout rationalis est, potest operari.

#### ARTICULUS V.

##### *De Bono Morali objectivo per se, & per accidens.*

11. **B**Onum morale objectivum, quod tale bonum est per se, & ut etiam dicitur, in re, vel in rei veritate, vel in se ipso, vel secundum se, vel ex natura sua, vel intrinsece, significat actum naturæ rationalis illi convenientem independentem ab omni cujuscvis cogitatione. Ita Deum colere, parentes revereri, miseros sublevare, sunt totidem exempla hujus boni morales per se objectivi. Veteres bonum hoc vocarunt bonum per se decens. Quare bonitas morales per se sed objectiva, quam etiam dicunt propriam objecto, significat convenientiam, quam actus naturæ rationalis habet cum illa independentem ab omni cujuscvis cogitatione. Definitio nominalis hujus bonitatis inferius suadebitur habenda esse etiam pro definitione reali, cui similem video statui & propugnari a Suarez (1). Atque idem proportionaliter dicendum est de illi opposita malitia, quæ dicitur per se, seu intrinseca.

12. Bonum morale objectivum, quod tale bonum est per accidens vel extrinsece, significat actum naturæ rationalis illi convenientem non independentem ab omni cujuscvis cogitatione.

Bonum morale objectivum per accidens propter legem positivam significat actum naturæ rationalis objective indifferentem.

(1) Suarez in 1. 2. tract. 3. disp. 2. sec. 2. num. 10. & seq. pag. 213.

ferentem præscindendo a lege positiva, qui eidem naturæ ut rationali convenit consequenter ad talem legem. Exemplum hujus boni sunt multiplices illæ cæremoniæ, quibus subiecta fuit Gens Hebræa in Veteri Lege. Quare respondens bonitas significat convenientiam, quam actus naturæ rationalis objective indifferentem præscindendo a lege, habet cum ipsa consequenter ad positionem legis actum illum præcipientis. Hujus per tale accidens boni moralis capax est sola natura rationalis creata, quæ utpote creatura, subjacet Deo, qui illi suas leges indicit: Deo autem, cum sit ens necessario independens, nequit hujusmodi bonum per accidens ullo modo attribui.

13. Bonum morale objectivum per accidens propter ordinationem agentis significat actum naturæ rationalis objective indifferentem, qui illi convenit, quando fiat ex motivo moraliter bono. Exemplum hujusmodi boni per accidens est actus comedendi etiam exquisita ex aliquo fine moraliter bono, ut quia eorum usum nobis Deus creator noster largitus est ad commendandam ejus in nos benignitatem. Sic S. Thomas loquens de bono morali dixit, (1) *id quod est indifferens potest accipere rationem boni*. Quare respondens bonitas significat convenientiam, quam actus naturæ rationalis objective indifferentem habet cum ipsa natura, dum fiat ex motivo per se moraliter bono. Hinc respectu naturæ rationalis bonitas honestatis naturalis cujuscunque sui actus potest evadere bonitas honestatis moralis, quia ad rectæ rationis usum pertinet ea, quæ sunt naturæ consentanea, donec talia sunt, proficui.

14. Bonum morale objectivum per accidens propter errorem invincibilem agentis significat actum naturæ rationalis objective malum moraliter, qui illi convenire potest consequenter ad apprehensionem invincibiliter erroneam de illius bonitate morali objectiva. Exemplum esto in actu Patriarchæ Jacob accedendi ad Liam, quam credidit (2) esse Rachelem sibi desponsatam, qui actus non est objective bonus moraliter, nisi per accidens hic expositum. Similiter in amore alterius, qui credatur bonus per errorem, invenit S. Au-

B 2

gusti-

(1) S. Tho. 1. 2. qu. 19. art. 3. O. pag. 46.

(2) Genes. 29. 24.

gultinus objectum laudis & meriti, quia bonitatem, inquit (1) *profecto diligit, qui cum diligit, quem credit bonum*: & ab omnibus laudandum dicit, (2) *qui eis officia debita impenderit, quos parentes esse crediderit, etiam si non essent*. Quare respondens bonitas significat convenientiam, quam actus naturæ rationalis objective malus moraliter habet cum ipsa consequenter ad errorem invincibilem talis objectivæ malitiæ.

## ARTICULUS VI.

*De Bono Morali objectivo simpliciter, & secundum quid.*

15. **B**onum morale objectivum simpliciter significat bonum, quod tum per se tum per accidens (§ 12.) est tale bonum. Exemplum esto in actibus Religionis ordinatis ab agente ad cultum Dei.

Bonum vero morale objectivum secundum quid significat bonum, quod alterutro dumtaxat modo bonum est. Ita actus Religionis ordinati ad hypocrisim sunt boni secundum quid, quia mali sunt per accidens: Et mendacium prolatum ex errore invincibili, quo credatur lege naturali illud præcipi, quando per ipsum potest grave proximi malum impediri, est bonum secundum quid, quia malum est per se. Atque quoniam dicendo bonum sine ullo addito intelligitur bonum simpliciter, hinc fit, ut de iis etiam, quæ secundum quid objective bona sunt, inveniatur affirmatum ab Authoribus illa non esse bona. In hoc sensu S. Thomas, qui docuerat, (3) *id quod est bonum, posse accipere rationem mali: vel illud, quod est malum rationem boni propter apprehensionem rationis*, articulo deinde immediate sequenti non dat istam propositionem, *Voluntas concordans rationi erranti est bona*, quia citans illud axioma desumptum ex S. Dionysio, (4) bonum causatur ex integra causa, malum autem ex singularibus defectibus: ideo, inquit, *ad hoc quod dicatur malum id, in quod fertur voluntas sufficit, sive quod secundum suam naturam*

(1) S. Aug. epist. olim 126.

(2) Id. de Utilit. credendica. 12.

(3) S. Tho. 1. 2. qu. 19. art. 5. O. pag. 46.

(4) S. Diony. de Div. nom. ca. 4.



## S E C T I O I.

13

*ram sit malum, sive quod apprehendatur ut malum: sed ad hoc, quod sit bonum, requiritur, quod utroque modo sit bonum.*

### A R T I C U L U S VII.

#### *De Bono Morali actuâli.*

16. **B**onum morale actuâle significat actum a natura rationali peractum, qui ipsi convenit vel simpliciter vel secundum quid (§. 15.) Definitionem declarant eadem exempla nuper proposita. Quare respondens bonitas significat convenientiam, quam actus naturæ rationalis habet cum ipsa vel simpliciter vel secundum quid.

Bonum morale actuâle materialiter tale significat actum a natura rationali peractum, qui ipsi convenit objective dumtaxat consideratus, hoc est nulla habita ratione nec ad modum, quo ille fiat, qui potest esse sine libertate a necessitate, nec ad finem propter quem fiat, qui potest esse malus.

Bonum morale actuâle formaliter tale significat actum a natura rationali peractum, qui ipsi convenit subjective consideratus, hoc est habita ratione tum ad finem, propter quem fiat, qui debet esse objective bonus, tum ad modum, quo ille fiat, qui debet esse liber a necessitate, & præcedi a iudicio vel vero, vel invincibiliter erroneo, quod actus ille sit vel certo, vel saltem probabiliter objective bonus moraliter.

17. Hinc colligitur, quod notio quidem actus moralis materialiter boni præscindit tum a fine, propter quem fiat, tum a modo quo fiat. Sic actus objective optimus, quo Beatus Deum amat, quem intuitive videt, habetur pro actu materialiter dumtaxat bono, quia modus, quo illum exercet, non est liber a necessitate. Sic actus cujuscunque virtutis, qui exercentur ex cupiditate inanis gloriæ, vel alio fine pravo, sunt quidem morales actus materialiter boni, sed non solum nullo modo formaliter boni, quin etiam sunt formaliter mali, ut sæpius inculcat S. Augustinus, (1) *Bono*, inquit, *uti male*,

(1) S. August. de Pecc. mer. & remiss. cap. 29. num. 57. pag. 31.

le, malum est. Sic male utitur bono, continentiam dedicans Idolo, & alibi impium vocat illum (1), qui in bonis operibus assiduus est eo unice fine, ut temporalem obtineat felicitatem, applicans illi reprehensionem Apostoli, (2) *Servierunt creaturæ potius, quam creatori*; propterea moveas, inquit, *licet in bonis operibus lacertos, & videaris navim optime gubernare, in saxa festinas*. Notio vero actus moralis formaliter boni præter objectivam bonitatem postulat etiam subjectivam, dependentem ex dictis tum ex modo agendi illum libero a necessitate, tum ex fine objective bono, cujusmodi est actus virtutis, quem Fidelis exerceat ut Deo serviat, qui erit actus moralis non solum materialiter, sed etiam formaliter bonus.

18. Bonitas igitur moralis materialiter talis significat convenientiam, quam cum ipsa habet actus a natura rationali peractus objective dumtaxat consideratus. Exemplum esto in actu elemosinæ, qui procedat a mala voluntate, hic, inquit Suarez (3) *quamquam ut actus non sit bonus, tamen ut objectum semper est bonus*.

Bonitas vero moralis formaliter talis significat convenientiam, quam vel per se vel per accidens cum ipsa habet actus a natura rationali peractus cum libertate a necessitate; Per se enim illam convenientiam cum natura rationali habet actus ille, si prævium illud iudicium de ejus objectiva bonitate, quod pertinet ad notionem boni hujus moralis non sit erroneum: per accidens vero illam convenientiam habet, si iudicium illud prævium sit invincibiliter erroneum. Definitio hæc nominalis de bonitate morali formaliter tali est legitima etiam definitio rei. Hoc infra suo loco ostendam, quod pertinet ad alias ipsius notas præter illam de libertate indifferentiæ, quæ satis patet ex eo, quod sine illa ex nuper dictis, bonitas moralis non sit nisi materialis.

19. Placet aliquas aliorum definitiones bonitatis formalis in linea morali asferre, quandoquidem non parum in ea determinanda, quæ legibus bonæ definitionis realis respondeat,

(1) S. Aug. in Psal. 31. enarr. 2. n. 12. pag. 181.

(3) Suar. in 1. 2. tr. 2. disp. 2. sect. 1. num. 11. pag. 211.

(2) Ad Rom. 1. 25.

deat, laborant Auctores . Imprimis Polmani definitio sic habet, (1) *Bonitas moralis actus est conformitas ipsius ad rectam rationem, sive est complementum requisitorum ipsius in specie moris . Requisita autem sunt objectum, finis, & circumstantiæ honestas .*

Rejicitur hæc, quia si consideremus primam ipsius expressionem, illa bonitatem hanc formalem non explicat per id, in quo illa consistit, sed per id, quod ex illa necessario consequitur; Nam conformitas actus cum recta ratione præsupponit moralem bonitatem ipsius actus etiam formalem. Etenim, ut inquit Suarez pluribus hanc definitionem impugnans, quæ multis ab eo citatis (2) placuit, non ideo actus est formaliter bonus, quia talis judicabitur, vel quia præscribitur a lege æterna; alterutrum enim venire potest nomine rectæ rationis, sed ideo talis judicatur, vel a lege præscribitur, quia sic bonus est . Sin vero consideremus secundam ejusdem expressionem, imprimis illa non est primæ declaratio: deinde eo modo proponitur quidem subjectum, quod habet moralem bonitatem formalem, non vero ipsamet ipsius Bonitas . Ita de objecto bono, ut eleemosynâ data ad solamen pauperis, finem profecto bonum, concurrentibus circumstantiis bonis loci, temporis, aliisque, dicitur habere moralem bonitatem formaliter, & quærendo quid hæc sit, importune assignantur objectum finis & circumstantiæ bonæ; quæ pertinent ad ipsius subjectum .

20. Secundo Sfortia Pallavicinus, qui deinde fuit Cardinalis, post longiorem in hac re disquisitionem in suis de Bonno libris Italice primum, & Latine deinde ab ipsomet editis (3) *doctis Jupiter & laboriosis* etiam propter utriusque linguæ veneres, quibus plane redundant, statuit tandem, (5) *Honestum bene & clare definiiri, id quod placet Naturæ, ut a nobis fiat* . Inferius autem addit illud placere Naturæ, ut a nobis fiat, quod plus boni, quam mali physici generi humano

no

(1) Polm. Brev. Theol. pa. 1. 2. n. 307.  
pag. 157.

(2) Suar. in 1. 2. tr. 3. disp. 3. sect. 3.  
num. 9. pag. 226.

(3) Catul. ad Cornelium .

(4) Pall. del Bene li. 1. cap. 26. & seq.  
pag. 88.

no confert, vel ut ipfemet alibi dicit, (1) *Virtus nihil deum est, nisi quod hominum universitati universim prodest.*

Rejicitur hæc definitio, quia obscura est tum in voce Naturæ, tum in verbo placet. Ipse utrumque manifestum esse vult, *placet* quidem ex intima cujusque experientia: *naturam* vero ex eo, quod nulla Philosophorum secta, nulla gens, nulla ætas illam ignoraverit. Sed equidem etiam postquam legi omnia, quibus præsertim notionem naturæ contendit ille esse nobis manifestam, nescio, quid apud illum sibi velit Natura; Nam modo videor mihi colligere sensum definitionis esse, honestum moraliter est id, quod Deus vult fieri a nobis, quam interpretationem ipse idem revera alibi (2) adhibet citans seipsum hoc in loco, de quo nunc loquor. Eandemque esse juxta suam mentem confirmari etiam potest ex eo, quod deinde in Theologicis suis assertionibus iterum de hac re ex professo agens statuat rationem honesti moralis (3) *esse conformitatem cum complacencia summi boni.* At hoc modo male illud definitur, nam non ideo aliquid est honestum moraliter, quia Deus vult illud fieri a nobis, sed contra ideo Deus vult illud fieri a nobis, quia est moraliter honestum: Modo dixerim significari moraliter honestum esse illud, quod naturæ rationali convenit, in quo haberetur posita jam a nobis definitio: Modo alius & alius mihi occurrit sensus: ergo obscura est. Nec illa additio lucem illi affert, sed majoribus offundit tenebris; Si enim definiiri posset illud esse moraliter honestum, quod plus boni, quam mali physici generi humano confert, jam actum videtur esse de honestate omnium illorum actuum, qui ad sui solum perfectionem spectant: & quamvis etiam ex privata ut ita dicam honestate dicatur erui aliquid redundans in bonum physicum totius generis humani, saltem hoc certum est, quod hujusmodi boni definitio non est per suam causam formalem, sed per suum quemdam effectum. Et quia contraria contrariis notionibus explicantur, definiri poterit malum morale esse illud, quod plus mali, quam

(1) Pall. del Ene li. 4. cap. 1. num. 3.  
pag. 423.

(2) Id. ibidem, li. 2. ca. 57. n. 5. p. 320.

(3) Id. de 7 & 8. hominis li. 1. cap. 13.  
num. 157. pag. 206.

quam boni physici generi humano confert, ex quo Kingius intulit majus malum esse malum physicum, quam morale; quod quam falsum sit in dissertatione de malo ostendam.

21. Tertio Buffierius (1) definit bonum honestum moraliter esse id, quod confert ad quietem perennem substantiæ intellectualis.

Rejicitur, quia hoc modo explicatur bonum morale formale per quemdam ipsius effectum, non vero per propriam ejus rationem, quæ est hujus effectus causa.

Quarto Antonius Genuensis dicit: (2) *Bonum morale est convenientia actionis liberæ cum lege.*

Rejicitur, tum quia male, ut infra ostendam, reducitur omnis bonitas moralis ad solam bonitatem per accidens (§. 12.): tum quia explicare bonitatem moralem per convenientiam actionis cum lege, est ignotum per idem ignotum aliis æque saltem ignotis cumulatam explicare; Nam notio legis importat ipsam notionem bonitatis moralis præter alia multa; definitur enim lex a Theologis, ut Antoine (3) *Præceptum commune, honestum* (hoc est moraliter bonum) *justum, stabile, ad bonum commune a gerente curam communis impositum, & sufficienter promulgatum.*

22. Necessitas distinctionis boni moralis actualis in materiale & formale est extra controversiam. Manifestum, enim est hominem, cujus usus rationis impeditus sit vel ætate immatura, vel morbo, posse exercere actus convenientes naturæ suæ rationali, ut actus Religionis vel Misericordiæ: sed repugnat actus exercitos a stolido habere bonitatem moralem formaliter: ergo actus illi habent bonitatem moralem dumtaxat materiale. Rursus doctrina est communis cum S. Thoma (4), bonitatem propriam objecto, quæ est bonitas materialis, præsupponi ad bonitatem propriam actus, quæ est bonitas formalis: ergo altera ab altera secundum communem sententiam distinguitur.

C

ARTI-

(1) Buff. Traite des prem. verit. n. 283. sec. 1. quæst. 1. pag. 16. pag. 240.

(2) Gen. Elem. Metaph. pag. 1. in definit. num. 76. pag. 62.

(3) Ant. Theolog. Moral. de Legib.

(4) S. Tho. 1. 2. qu. 19. ar. 1.

Id. ibi. qu. 20. ar. 1. ad 2.

Id. de Malo qu. 2. ar. 3. O.

## ARTICULUS VIII.

*De Bono delectabili.*

23. **B** Onum delectabile significat id, quod est conveniens naturæ cognoscenti, quia illi affert delectationem, hoc est quietem quamdam sui appetitus conjunctam cum experimentalis suavitatis. Bonitas igitur delectabilitatis significat convenientiam, quam habet aliquid respectu naturæ cognoscentis, quia illi affert delectationem. Definitio est communiter recepta, quia hanc nobis hujus bonitatis ideam ingerunt Philosophi cum Aristotele, & Theologi cum S. Thoma. (1)

24. Buffierius loco supra (§. 21.) citato definivit bonum delectabile esse id, quod confert ad quietem substantiæ intellectualis, sed perbreve. At contra hanc valet primo, quod rem explicat per effectum, non per ipsius formalem rationem. Rursus contra eandem est, quod limitat bonum delectabile ad solam naturam intellectualem, cum juxta S. Augustinum extendi possit ad naturam quovis modo cognoscentem: (2) *Frui*, inquit, *cibo & qualibet corporali voluptate non adeo absurde existimantur & bestiæ*. Quin immo hæc est sententia communiter recepta non solum a vulgo, sed ab ipsis etiam Philosophis, qui pro certo habentes brutæ subijci doloribus, consequenter non dubitant delectationem etiam posse experiri. Idem præterea, ubi agunt de Temperantia, statuunt illam versari circa delectationes, quæ ex gustu & tactu proveniunt, (3) *quæ*, ut ait Aristoteles, *cæteris quoque animalibus communes sunt, servilesque ob id, ac ferinæ habentur*; serviles quidem, quia, ut jam olim explicavit Plato, illas (4) *dolor* (hoc est molestia aliqua sensatio) *necessario antecedit*: ferinæ vero, vel quia feris etiam conveniunt, vel potius quia ferum dominum, scilicet dolo-

(1) Arist. 1. Rhetor. cap. 10.

S. Thom. 1. 2. qu. 31. ar. 1. &amp; seq.

(2) S. Aug. li. 83. qu. 30. pag. 8.

(3) Arist. li. 3. Ethic. cap. 10. nu. juxta

Maurum 5. pag. 90.

(4) Plato in Phædro post duas tertias partes pag. 263.

dolorem ex dictis sequuntur. Nec ulli sunt, qui his contradicant, nisi Cartesiani, qui dicunt brutum esse pura automata.

25. Illud quidem verum est, quod non solum qualitas, sed etiam numerus bonorum in linea solius etiam delectationis sensibilis, quibus homo capax est, se habet ad numerum illorum, quæ brutis convenire possunt in ratione maximi ad minimum. Quod sic cum Pallavicino (1) demonstratur. Delectationes sensibiles sunt, quæ ex quinque sensibus originem ducunt: sed ex gustu & tactu majorem voluptatum copiam trahit homo, quam brutum, tum quia in homine argutiores sunt hi sensus, tum quia per usum rationis homo potest artificiose removere, quæ his sensibus officiant, & studiose procurare, quæ iisdem blandiuntur: Ex visu autem auditu & odoratu plures quidem haurit homo voluptates, nullam vero, aut vix aliquam brutum, ita ut (2) *hominum esse tantum propria videantur*, inquit Gellius. Homines certe tam mirifice oblectantur in conspiciendis tabulis, signis, aulæis, viridariis, fontibus sive aqueis, sive igneis, ædibus magnificis, & quibusvis machinamentis, ut hinc natæ sint Pictura, Sculptura, Hydraulica, Pyrotechnia, Architectura, cæteræque artes. Quid quod ipsos pueros videmus ita spectaculis recreari, ut dilationem etiam cibi non ægre patiantur, & delectationem oculorum præferant aperte illi gustus, in quo videas jam luculentum testimonium animæ, quæ in ipsis est rationalis. At Bruta nihil horum curant, nec magis læta sunt in regio conclavi, quam in sordido stabulo. Rursus homines sedulo intendunt concentibus, & plaudentes ac frequentes convolant ad theatra, & gestiunt in symphoniis modulatissimis: & non pauci ita impotenter cantus voluptate capiuntur, ut non inscite Socrates apud Platonem Phædro narraverit fabulosam illam cicadarum originem ex hominibus quibusdam, qui edocti cantum a Musis, dum in illo toti sunt (3) *cibum potumque negligunt, imprudenterque pereunt*. At in Brutis nihil simile unquam observamus, & exceptis

C 2

avi-

(1) Pall. del Ben. li. 3. ca. 21. pag. 381.

(2) Plat. in Phædro pag. 264.

(3) Gell. Noct. Att. li. 19. cap. 2. p. 583.

avibus, quæ indulgent certis sibi propriis cantibus, alia vel muta omnino sunt, ut pisces universi præter marinum, quem appellant vitulum, qui extra aquas ululatus quosdam edit, vel inconditos dumtaxat sonos emittunt, nullo autem alieno cantu aut voce gaudent: & si quando ad voces aliquas signa lætitiæ exhibent, ut canis ad vocem heri advenientis, vel Leo ad vocem bovis, quod est exemplum Aristotelis citato loco, *non illius, inquit, voce, sed esu lætatur, ex voce autem prope cum esse cum senserit, ea videtur oblectari*. Certe æque inter fabulas habemus saxa ab Amphionis cantu attracta, ac feras ad illum Orphei & Arionis concurrentes. Homines tandem odoribus etiam delectantur, ex quo factum est, ut sint artes aliquæ, quæ circa hos componendos versantur, quæ quidem sunt longe minores numero iis, quæ officio aliorum sensuum manciantur, quia olfactus minus, quam cæteri sensus ad vitæ nostræ conservationem, & felicitatem concurrunt. At Bruta nullum propter se odorem expetere apparent, sed propter gustum aut tactum.

26. Bonum delectabile dividitur in sensibile, & intellectuale. Primum addit definitioni boni delectabilis in genere respectum ad solum appetitum sensitivum: secundum vero ad solum appetitum rationalem. Bona delectabilia sensibilia, quæ præcipua sunt, ad gustum & tactum pertinent ex nuper dictis. Intellectualia vero sunt virtutes intellectuales & morales, ut cognitiones veræ, & operationes moraliter bonæ. Cum in homine, utpote qui constat ex corpore & anima rationali, repariatur uterque appetitus sensitivus & rationalis, ipse utriusque delectabilis boni capax est. In purum autem spiritum non cadit nisi bonum delectabile intellectuale, quin tamen proinde inferior sit conditio entis pure spiritualis, quam compositi ex spiritu & corpore, quasi primum ex uno tantum fonte minorem, secundum vero ex duplici cumulationem hauriat delectationem: quin immo hoc ipsum non posse sensibilibiter oblectari, ad naturæ spiritualis perfectionem, & maiorem ipsius felicitatem pertinere inferius ostendam.

Illud ulterius adverti debet, utrunque bonum delectabile, tam sensibile quam intellectuale, præscindere ab honestate

mora-



morali, cum qua possunt esse vel conjuncta vel divisa. Ac bonum quidem delectabile intellectuale conjunctum revera est cum quovis bono moraliter honesto; nam ut suo loco patebit, nullum bonum moraliter honestum sejunctum est a delectatione: Idem autem bonum delectabile, cadens etiam in solam naturam pure intellectualem, sed capacem errandi sejunctum esse posse ab honestate morali patet in Angelis, qui peccaverunt. De bono autem delectabili sensibili manifestum magis est illum unitum esse posse, aut divisum a bono honesto. Propter quam causam, quod mutuo non se includant hæc duo boni membra, honestum & delectabile etiam generice sumptum pro intellectuali & sensibili, bona & opportuna est illorum communiter assignata divisio.

27. Utrumque bonum sensibile & intellectuale dividitur in objectivum & formale. Atque objectivum quidem est id, quod in se tale est, ut possit asserre delectationem: formale vero est ipsamet delectatio, quam actu natura cognoscitiva experitur. Porro delectatio formalis, quæ est rationalis, proprie appellatur Gaudium, ut notat Pallavicinus (1): Voluptas vero dicitur illa, quæ est sensilis. De hac est illud S. Augustini, quod notionem hujus boni per convenientiam bene assignari confirmat, (2) *Quære in corporis voluptate, quid teneat, nihil aliud invenies, quam convenientiam; Nam si resistens pariunt dolorem, convenientia pariunt voluptatem.* Suo loco planum erit jure distingui bonum delectabile in objectivum & formale, & jure pariter ex usu quodam communi utrumque conjunctim venire sub nomine boni delectabilis.

## A R T I C U L U S IX.

*De Bono utili.*

28. **B**onum utile significat id, quod est conveniens naturæ cognoscitivæ, propterea quod confert ad obtinendum aliquem finem ab ipsa intentum. Hæc certe est potior definitio, quam illa Buffierii, qui bonum utile dicit

(1) Palla, del Bene li. I. ca. 11. n. 3. pag. 23.

(2) Aug. de Ver. Rel. ca. 39. n. 73. p. 773.

cit esse illud, quod confert ad quietem, sed non perennem substantiæ intellectualis; contra quam habet locum primo, quod hæc definitio explicet bonum utile per ipsius effectum quemdam, non per rationem ipsi intrinsicam, quæ hujus effectus est causa. Secundo, quod juxta illam utile dici solum possit respectu naturæ intellectualis, cum tamen inveniamus ab Authoribus accurate etiam loquentibus dici pariter respectu naturæ Brutorum, (1) *quibus*, ut scriptum est, *non est intellectus*. Certe S. Thomas de Brutis sic loquitur: (2) *Neceffe est animali, ut quærat aliqua vel fugiat non solum quia sunt convenientia, vel non convenientia ad sentiendum, sed etiam propter aliquas alias commoditates, sive nocumenta. Sicut avis colligit paleam, non quia delectat sensum, sed quia est utilis ad nidificandum. Necessarium est ergo, animal quod percipiat hujusmodi intentiones, quas non percipit sensus exterior*. Hinc admittit ipse in Brutis sensum illum internum, qui a Peripateticis, quorum ipse doctrina utitur hoc loco, vocatur *Æstimatoria*, & dicitur esse organum quoddam, cui, inquit, *Medici assignant mediam partem capitis*. Equidem nunc non quæro, quonam modo explicandæ sint operationes illæ frequentes in Brutis, quæ arguunt intendi etiam ab illis aliquem finem, & cognosci bonum utile ad illum, sed in recepta tantummodo significatione hujus nominis utile sisto, quam dico illos etiam, qui accurate loquuntur, non limitare ad solam naturam intellectualem, ut autoritas Sancti Thomæ, adeoque omnium qui illi adhærent, demonstrat.

29. Solus obitare videtur S. Augustinus, qui utilis nomen derivat a verbo *utor*, in cujus notione vult contineri rationem seu intelligentiam. Quare, (3) *uti*, inquit, *aliqua re non potest nisi animal, quod rationis est particeps*. Scire namque quo quidque referendum sit, non datum est rationis expertibus, sed neque ipsis rationalibus stultis. Nec uti quisque potest ea re, quæ quo referenda sit nescit, nec quisque potest scire, nisi sapiens. Verum re penitus inspecta in objectis verbis habetur dumtaxat verbum *uti* in sua significatione includere

(1) Psal. 31.

(2) S. Tho. 1. p. quæst. 78, art. 4.

(3) S. Aug. lib. 23. qn. quæst. 10, pag. 8.

dere usum rationis, quæ deest brutis, & ab hoc de rivari nomen utile: quibus omnibus admissis non sequitur, quod utile proprie dici non possit respectu Brutorum; Quoti es enim accidit, ut nomina nihil habeant ejus significationis, quæ reperitur in eorum radicibus? Etimologia tamen proposita a S. Doctore facit, ut observemus hoc nomen utile significare etiam id, quo quis utatur, non quidem illud ordinando ad aliquid aliud, sed eo perfruendo. In hoc sensu bona etiam honestum & delectabile sunt utilia, quin immo maxime utilia, cum ideo hæc consequi tantopere curemus, ut iis hoc modo, scilicet fruendo utamur, non ut aliis illorum usum tradamus. Toto proinde cœlo diversa apparet secunda hæc significatio hujus nominis utile a prima illa, per quam bonum utile distinguitur ab honesto & delectabili, & ex qua sequitur, ut quod est honestum, aut delectabile dicatur esse inutile; quemadmodum reapse loquuntur aliqui Authores, tribuentes felicitati, quæ certe est bonum honestum aut delectabile, aut utrumque simul, attributum inutilis. Sic Pallavicinus, (1) *Animum*, inquit, *felicitas explet, satis ipsa sibi est: ergo opus est eam esse inutilem*; Etsi tamen habens præ oculis secundam illam utilis significationem, quæ non est aliena a communi loquendi modo, & usum ejusdem rei, non vero ejusdem ordinationem importat, statim addit, *hoc est non ordinatam ad aliud bonum*.

## A R T I C U L U S X.

*De Bonis homini propriis.*

30. **B**onum honestum delectabile & utile dividitur respectu hominum in bonum temporale & æternum. (2) *Temporalia sunt*, sic S. Augustinus, *salus, substantia, honor, & cætera vitæ hujus, ubi peregrinamur. Æterna sunt primum ipsa vitæ æterna; incorruptio & immortalitas carnis & animæ, societas Angelorum, civitas cælestis, dignitas indeficiens, Pater & Patria, ille sine morte, illa sine hoste*. In bonis temporalibus non opus est meminisse de illis, quæ jam præterierunt; Nam nostra amplius non sunt, nec de futuro

(1) Pall. del Bene. lib. 4. ca. 15. pag. 322.

(2) Aug. serm. 29. num. 1. pag. 149.

futuris, quia nostra adhuc non sunt. Restant igitur nobis inter bona temporalia illa solum, quæ præsentia sunt. Fuit quidem Seneca, qui vocavit (1) *stultum, qui non & in præteritis bonis acquiescit, & ea judicat certiora, quæ abierunt, quia de illis ne desinant, non est timendum*. Verum hæc dicere, inquit Pallavicinus (2) in hoc Senecam impugnans, idem est ac contendere, ut quis credat magis jucundum esse palato amarum, quam dulce, sive opponere se sensui, & experientia communi, quæ certos nos reddit bona ipsa, quibus actu jucunde fruimur, aspergi amaritie, si cogitemus illa caduca esse, & ocyus transitura. Rursus si ideo, quæ præterierunt, adhuc bona sunt, quia non timendum ne desinant: ergo bona, quibus in præsentī fruimur, certiora bona sunt, immo unice bona sunt, tum quia sunt, nec de illis dicitur, quod desierint: tum quia timeri potest de illis, ne quod accidit præteritis, desinant.

31. Omissis bonis æternis, de quibus, quæ humanitus haberi potest enarratio & descriptio videri potest apud S. Thomam (3) & Theologos, & alios sacros Authores, ut Bellarminum (4), & Annibalem Marchettum (5), bonum temporale proprium homini dividitur in bonum commune, & privatum. Commune est, quod convenit Reipublicæ, seu quod conducit ad illam conservandam & perficiendam: Privatum contra, quod convenit singulis in particulari hominibus. Homo, qui præferat bonum privatum communi deficit ab honestate morali, quando tamen utrumque bonum sit ejusdem saltem ordinis, & multo magis si bonum publicum sit ordinis superioris; Nam (6) *charitas, ex S. Thoma, ordinem habet, & plus debet diligere bonum commune multorum, quam bonum privatum unius*. Cujus ratio ulterior est, quia bonum commune est bonum totius, privatum vero est bonum partis: ergo sicuti totum est majus sua parte, ita bonum totius majus est bono partis, adeoque præferendum. Hinc statuunt, & suadent Theologi, ut Antoine, (7) etiam leges humanas ut-

pote

(1) Sen. Consol. ad Polyb. ca. 29. p. 170.

(2) Pall. del Bene. lib. 1. ca. 16. pag. 46.

(3) S. Th. 1. 1. 2. aq. 1. Et in 4. dist. 43. & seq.

(4) Bellar. de Æterna Felicitate.

(5) March. Terr. Beat. li. 3. c. 8. & seq. p. 284.

(6) S. Th. in 3. dist. 33. art. 1. ad 4.

(7) Ant. Theol. Mor. de Legi. ca. 2. qu. 5. resp. 3. pag. 29.

pote tendentes essentialiter in bonum commune, *posse per se obligare cum periculo & damno etiam vite. Sic Dux potest obligare milites ad servandam stationem, vel irruendum in hostes cum certo mortis periculo.* At si bonum privatum sit ordinis superioris illo, quem habet bonum publicum, non solum non deficit ab honestate morali, qui bonum suum præfert bono publico, sed tunc potius deficeret, vel ut melius dicam stulte ageret, quando aliter se gereret. Hinc tamquam furiosi habiti sunt illi, qui vitam suam morti exponebant ad barbaram & inanem inspectantis populi voluptatem in spectaculis gladiatorii, quæ proinde jure omnes boni, & expressè S. Cyprianus (1), reprehenderunt, & execrati sunt.

32. Bonum tam commune, quam privatum dividitur in bonum intrinsecum, cujus duo sunt membra, bonum animæ, & bonum corporis: & bonum extrinsecum, quod etiam dicitur bonum fortunæ. Divisio est communis post Aristotelem (2), eamque cadere in triplex boni genus, honestum, delectabile, & utile consideranti patebit. Stoici congruenter ad ea, quæ supra (§. 10.) etiam dicta sunt, in bonis hominis solos actus virtutis numerabant, reliqua omnia negabant esse bona. Ita horum alumnus Seneca sæpe inculcat, (3) *Nihil est bonum, nisi quod honestum est*, & in eandem conclusionem definit decima Juvenalis Satyra. At melius referente Tullio, (4) *Peripatetici, nec multo veteres Academici*, bona animi vocarunt maxima, illa corporis media, reliqua vero infima. Inter bona animi, seu maxima sunt ingenium, eruditio, scientia, & omnis virtus moralis; ad quorum classẽ reduci debent illa, quæ indivisim sunt bona animi & corporis; propterea quod animus potiore ipsorum partem obtinet, ut linguæ charis, & eloquentia. Inter bona corporis seu media Tullius (5) numerat valetudinem, vires, velocitatem, pulchritudinem. In bonis tandem infimis ex eodem habent locum, *bonos, pecunia, affinitas, genus, amici, patria, potentia*. Hæc certe appellatio, atque partitio opportuna est; Nam ut ait S. Thomas, (6) *exteriora bona ordinantur ad ea, quæ sunt*

D

(1) S. Cyp. Epi. ad Donatum circ. med. p. 3.

(2) Arist. 1. Ethic. cap. 8.

(3) Sena. epist. 120. pag. 509.

(4) Tull. Tuscul. lib. 4. num. 85. pag. 263.

(5) Id. de Inven. lib. 2.

(6) S. Tho. 2. 2. qu. 152. art. 2. O. p. 156.

*sunt corporis, ea vero quæ sunt corporis ad ea, quæ animæ. Ergo bona animæ sunt ceu finis, & bona corporis, ceu medium magis immediatum ad huiusmodi finem, quam bona externa, & æstimabilius certe est, quod habet rationem finis, quam id, quod habet rationem medii.*

33. S. Augustinus simili modo loquutus est (1), sed ipse optimo jure inter bona animæ invenit aliqua, quæ nolit collocari, nisi inter bona media; Nam maxima bona hominis vocat illa, quæ in se considerata inveniuntur esse semper bona moraliter honesta, sive illa, quibus homo recte vivit, & nunquam male. Huiusmodi sunt actus virtutis, quibus insit meritum vitæ æternæ. Media dicit illa, quæ in se considerata inveniuntur solum bona naturaliter honesta, necessaria tamen ad bonum moraliter honestum, sive illa, sine quibus nemo quidem potest recte vivere, sed non semper cum illis recte vivit, tales sunt potentia animæ. Prima bona, ut alibi idem docet (2) talia sunt, ut faciant hominem bonum, formaliter. Secunda vero sunt bona, unde quis fiat sic bonus. Minima tandem dicit illa, quæ in se considerata inveniuntur quidem bona naturaliter honesta, sed nullo modo necessaria ad bonum moraliter honestum, cujusmodi sunt bona corporis, & res omnes nobis externæ, ut pecunia, argentum, aurum, prædia, domus, mancipia, pompa sæculi, honor volaticus, & periturus: Quæ esse bona minima, contra illos, qui apud Plutarchum (3) *paupertatem maximum malum esse censent, ut ejus vitandæ gratia de saxis & in mare se precipitare homo debeat*, non solum plane suadet ex ratione jam dicta, sed etiam ex eo, quod ea jam pertinent ad objectum mali moralis, semel quod quis illis abutatur, vel eadem constituat finem ultimum suæ appetitionis, ut jam Plato docuit apud Alcinoûm (4), & Theologi Morales plane demonstrant agentes de Vitiis Capitalibus. Quare idem Augustinus dixit, (5) *in illis esse fallacem suavitatem, & infructuosum laborem, & perpetuum timorem, & periculosam sublimitatem.*

(1) S. Aug. Retrac. lib. 1. ca. 9. pag. 14.  
Id. de lib. arb. lib. 2. ca. 19. n. 50. p. 607.

(2) S. Aug. ferm. 48. in Michæam, alias  
236. de Tempore nom. 2. pag. 270.

(3) Plunde Virtute morali longe post mediam pag. 500.

(4) Alcinoûs de Doctr. Platon. ca. 10. pag. 35.

(5) S. Aug. epist. 203. alias 83. pag. 764.

tem. Quas illorum proprietates eloquenter exponunt Pallavicinus in sua *Arte Perfectionis* (1), & Annibal Marchettus in suo, de *Terrena Beatitudine*, tractatu (2). Deus autem ipse non solum testatur, cum Ecclesiasticus ab ipso libri principio, eo inspirante, omnia hæc bona appellet *Vanitatem vanitatum*, res scilicet otiose se habentes ad finem, qui ab homine quæritur, felicitatem suam, quæ est notio vani observante Melchiorre Cano (3), sed quotidie etiam suadet, cum ea, ut sæpe dicit S. Augustinus, (4) *propterea largiatur etiam malis, ne magnum bonum videantur bonis*.

ARTICULUS XI.

*De felicitate hominum naturali.*

34. **B**Onum tandem tam commune, quam privatum, & quidem temporale, & rursus de ordine naturali, non enim hic loquar de bono ordinis supernaturalis, dividitur in illud, quod habet rationem medii ad alia bona ulteriora, & illud, quod habet rationem finis omnium bonorum, quod dum possideatur, dicitur felicitas: quæ est, aut privata, hoc est singulorum hominum seorsim ab aliis, aut publica, hoc est plurium simul sumptorum, ut integræ nationis. Felicitas hæc privata definiri potest, possessio talis bonorum cumuli, qui maxime homini convenit, in eo permanens pro sua mortalitatis conditione. Et simili modo definiri potest similis felicitas publica. Alii, ut Pallavicinus (5) illam definiunt esse statum, omnium maxime optabilem homini mortali. Sed hæc definitio est per effectum quemdam huiusmodi felicitatis, non per formalem ipsius rationem. Alii demum, quin declarent, quam animo informaverint notionem, audito hoc nomine felicitas naturalis hominis in hac vita, nolunt tamquam de re chimærica ullam haberi disquisitionem. Fortasse hi nomine felicitatis humanæ intelligunt vel Paradisum terre-

D 2

strem,

(1) Pall. lib. 4. ca. 5. & seq. pag. 26.

Id. in Joa. tra. 32. num. 9. pag. 529.

(2) Can. de Loc. lib. 9. cap. 9. pag. 267.

Id. term. 29. num. 1. pag. 149.

(3) March. lib. 1. ca. 2. & seq. pag. 26.

(5) Pall. del Bene. lib. 4. ca. 3. pag. 486.

(4) S. Aug. de Civ. Dei lib. 15. ca. 22. p. 406.

strem, qui certe semel homini occlusus fuit, vel Paradisum Coelestem, quem Deus post hanc vitam bonis promittit, & repugnat naturaliter convenire homini in hac vita. Quando horum alterutrum non intelligant, consentire debent in hoc, quod sit aliqua felicitas, quam in hac vita consequi homo naturaliter possit, & de qua utiliter quæratur, in quo consistat. Neque enim, si attente seipsos introspeciant, negare poterunt se naturali quodam impetu in felicitatem etiam huic vitæ convenientem urgeri: vel fateantur oportet, quod ridiculum esset, *vanum esse naturæ totius instinctum*, ut contra istos, de quibus jam olim meminit Plato in Epinomide (1), dixit Ficinus in ejus prævio Commentario, & iterum Pallavicinus in sua Theologia (2): vel tandem per incredibilem arrogantiam præferre se debent toti Philosophorum omnium temporum frequentissimæ nationi, quæ ad hanc inquirendam tam sollicitè incubuit, ut jam olim Marcus Varro octoginta duas supra ducentas distinxerit de eâ opiniones teste Sancto Augustino (3), qui eas ad duodecim reduci posse existimavit. Illæ, quæ celebriores apud Ethnicos fuerunt, videri possunt apud Tullium in suis de hac re quinque libris, qui *de Finibus bonorum & malorum* inscribuntur. Quoniam autem multitudo bonorum pertinet ad notionem jam positam felicitatis, quorum singula dicuntur ipsius partes vel elementa, dubitari non potest hæc debere esse ex bonis intrinsecis & extrinsecis conjunctim. Atque cum hæc possint esse in gradu majori vel minori, solus enim Deus infinite beatus est, certum etiam est felicitatem nostram, & cujusvis creaturæ suscipere magis & minus. Quæ autem determinate bona necessaria omnino sint ad hanc felicitatem, dicam suo loco.

## SECTIO

(1) Plato Epin. sub initium pag. 504.

(3) S. August. de Civit. Dei. lib. 19. cap. 1.

(2) Pall. de Aet. hum. li. 1. ca. 3. n. 18. p. 28. - num. 1. pag. 540.



## S E C T I O   I I .

*De Bono in genere .*

## P R O P O S I T I O .

35. **B**onitas in genere non significat idem ac entitas : nec significat aliquid distinctum realiter ab entitate : sed significat convenientiam , quam realiter habet unum alteri , saltem per nostrum modum cogitandi ab illo distinctum .

Probatur prima pars sic primo . Bonitas non significat idem ac Entitas , si idea , quæ respondet his vocibus Ens & Entitas , prærequiratur ad ideam , quæ respondet his vocibus Bonum & Bonitas : sed ita est : ergo Bonitas non significat idem ac Entitas . Probatur minor , quia bonum concipitur tamquam attributum entis , & bonitas tamquam forma quædam intrinseca ipsi enti vel entitati , ex quo dici solet proprietas , vel passio entis . Confirmatur ex S. Thoma , qui ait , (1) *Ens secundum rationem est prius quam bonum . . . Nam primo in conceptione intellectus cadit ens , quia secundum hoc unumquodque cognoscibile est , in quantum est actu* . Brevi totum argumentum complexus est Durandus his verbis : (2) *Ratio boni differt a ratione entis , alioquin esset nugatio dicere ens bonum* .

Secundo sic arguitur . Eadem entitas respectu unius non raro dicitur bona , respectu vero alterius , vel non sic dicitur , vel etiam dicitur mala ; Sed si bonitas in genere significaret idem ac entitas , eadem entitas significaret simul bonitatem & malitiam : ergo bonitas non significat idem ac entitas .

36. Secunda propositionis pars , bonitatem in genere non significare aliquid distinctum realiter ab Entitate , est contra Scotum locis citatis a Suarez (3) , qui inter bonitatem rei , & entitatem ipsius admittit distinctionem quamdam majorem

(1) S. Thom. 1. p. quæst. 5. art. 2. O.  
pag. 19.

(2) Durand. in 2. dist. 33. q. 1. an. 11. p. 188.

(3) Suar. Met. disp. 10. sec. 1. num. 16.  
pag. 209.

rem illa, quæ est per rationem, & minorem illa, quæ est realis, quam dixit distinctionem ex natura rei. Rursus est contra illos, qui ut refert Soneinas (1), bonitatem in genere visi sunt asserere distinctam esse realiter ab entitate, quandoquidem illam dixerunt esse accidens pertinens ad illam accidentis speciem, quæ dicitur qualitas, in qua sententia præter falsitatem habetur etiam abusus hujus nominis bonitas in genere, cui cum communiter tradita sit ea significatio, ut significet proprietatem convenientem omnibus entis speciebus, limitatur deinde ad illam ipsius speciem, quæ dicitur qualitas. Tandem est contra illos, quos distinctim impugnat Suarez (2), qui bonitatem reponebant in ente quodam diminuto, cui nomen relationis vel realis, vel rationis tribuebant. Istos a se repellit Pallavicinus, quasi homines, (3) *qui voluerunt occultare ignorantiam suam monstrosis spectris entium diminutorum & relationum, quibus & similibus Chimaræ deciperunt multitudinem, quæ percussa strepitu vocabulorum, sensus ignoti iisdem eorum inventoribus, admirata est tamquam Sacerdotes Sapientiæ, hujusmodi Lycei circulatores.*

37. Hæc secunda pars primo probatur sic. Si Bonitas in genere esset aliquid plusquam per rationem distinctum ab entitate rei, per quod entitas redderetur bona, imprimis sine illo entitas rei dicenda esset non bona ulla bonitate, ne generica quidem: ergo dicenda esset mala. Probo consequentiam, quia indifferens, quod dicitur esse medium inter bonum & malum, est medium dumtaxat inter determinatas species boni, scilicet vel moralis vel utilis, non vero inter bonum & malum genericæ sumpta: ergo malum esset aliquid positivum, quod falso dici ex Dissertatione de Malo patebit. Quin immo quia, quod dicitur universaliter de omni entitate, dicitur determinate de singulis, adeoque de ipsa Deitate, jam si cujusvis rei entitas de se non esset bona, ne ipsa quidem Divinitas esset bona. Quod in mentem sanam certe non cadit. Deinde istud aliquid, quod superadditum entitati reddit illam bonam, vel est bonum per se ipsum, jamque ipsa met

(1) Sone. Met. quæst. 19.

(2) Suar. Met. dis. 10. sec. 1. m. 16. p. a. 203.

(3) Pall. del Bene. li. 1. cap. 21. num. 4. pag. 68.

met entitas poterit esse per se ipsa bona, quin indigeat aliquo a se distincto ad hoc, ut sit bona: sin autem illud non sit per se ipsum bonum, sed bonum fiat per aliud, quod similiter ipsi superaddatur, jam aperitur via ad processum in infinitum: ergo.

Secundo. Sunt aliqua, quæ explicant particularem rationem boni, quod dicitur bonum alteri, cujusmodi sunt sanitas, virtus, scientia, quæ sunt bona subjectis a se distinctis: Sed hæc non sunt bona suo subjecto per aliquid distinctum plusquam per rationem ab ipsamet illorum essentia; præscindendo enim ab omni hujusmodi modo illis superaddito, per quem reddantur bona, ipsa in se sanitas aut scientia non potest non concipi bona animali, aut intellectui: ergo potest quid esse bonum per aliquid non distinctum plusquam per rationem ab ipsamet sui essentia.

38. Objicitur. Bonitas in genere dicitur etiam de illo, quod est alterius pars, prout pars est: sed bonitas partis distinguitur plusquam per rationem ab entitate totius: ergo saltem aliqua bonitas in genere distinguitur plusquam per rationem ab entitate, cujus est bonitas.

Resp. Conc. maj., & nego min. Nam quemadmodum inter partes & totum non datur nisi distinctio rationis, ut vera sententia docet, ita etiam inter bonitatem partium, & totius sola datur distinctio rationis.

39. Tertia propositionis pars, bonitatem significare convenientiam supra in ejus definitione dictam, probatur primo. Significatio communiter attributa vulgaræ illi distinctioni boni in honestum delectabile & utile importat rationem convenientiæ unius alteri. Ita bonum honestum vulgo explicatur per hoc, quod sit bonum per se conveniens naturæ rationali: bonum delectabile per hoc, quod sit bonum conveniens naturæ sensibili: bonum tandem utile per hoc, quod sit bonum accommodatum ad finem intentum: ergo bonitas in genere significat convenientiam.

Secundo. Omnis bonitas est appetibilis: Ergo omnis bonitas significat convenientiam unius alteri. Probatur consequentia, quia quod appetitur, propter convenientiam cum appetente appetitur. Quis enim adspirat ad id, quod sibi repræsentatur disconveniens?

Ver-

Tertio probatur autoritate plurium, qui idem sentiunt. Præter Durandum, & Polmanum supra (§. 4.) citatos est Suarez (1) fuisse quod asserimus propugnans. Et ex antiquis est Tullius, qui dicit esse satis communem datam boni explanationem (2): *Constitit*, inquit, *ferè inter omnes id, in quo prudentia versaretur, & quod assequi vellet, aptum & accommodatum naturæ esse oportere*. Sunt & illi, qui, ut refert Seneca, dicebant (3): *Bonum esse, quod secundum naturam est*.

40. Primo obijcitur. Melius dicitur bonitatem significare appetibilitatem, quam convenientiam. Assumptum probatur primo, quia quantum ad convertibilitatem bonitatis cum appetibilitate requisitam ad bonam definitionem, eadem in illa est, ac sit in convenientia; Nam sicuti verum est, omne bonum esse alicui convenienti, & omne alicui convenienti esse bonum, ita verum est omne bonum esse appetibile, & omne appetibile esse bonum. Secundo quia est juxta communior receptionem non solum vulgi, sed etiam Philosophorum, nomine boni intelligere, ut ait Seneca (4) *id quod animum invitat, & ad se vocat*, vel ut communius dicitur post Aristotelem, (5) *id quod omnia appetunt*, qua definitione utitur S. Thomas (6) in singulis sex articulis suæ quæstionis de bono, & alibi sæpe: eamque Pallavicinus, siquidem danda sit boni descriptio aliqua, rei juxta ipsum (§. 1.) per se manifesta, cæteris præfert (7) tamquam exprimentem attributum boni communissimum, nobilissimum, apertissimum, atque primarium: observantque præterea ex appetitione significata per nomen boni factum esse, ut res, cui plus inest boni, appellata fuerit melior, quasi *mælior*, hoc est quam magis volumus, & illa quæ summe bona creduntur, dicta sint optima, quasi optatissima.

Resp. Nego assumptum. Quod pertinet ad primam probationem, illa pariter negatur. Falsum enim est bonum recipro.

(1) Sua. Met. dif. 10, sec. 1. nu. 12.

(2) Tull. de Fin. li. 5. num. 7. pag. 144.

(3) Sen. epist. 113. pag. 503.

(4) Id. ibi pag. 502.

(5) Arist. 1. Ethic. ca. 1. & Rhet. 1. c. 6.

(6) S. Thom. 1. p. qu. 5. pag. 118.

Id. ibid. qu. 6.

(7) Pall. del Bene li. 2. cap. 9. pag. 166.

Id. ibid. cap. 12. pag. 174.

ciprocari cum appetibili; Nam bonum proprie pertinet etiam ad res inanimes, sed quis sine contradictione dicat ad illas proprie pertinere appetibile? Verum omiſſa hac ratione, quoniam ei aliquo modo occurrit 'Aristoteles in Rhetoricis dicens appetibile id, quod *quæ sensum vel intellectum habent, appetunt, aut appeterent, si haberent*, venio ad aliam. Nonne multa frequenter appetuntur vel per furorem vel per imprudentiam, quæ mala sunt, & proinde appeti non deberent? Nihil hoc evidentius, quam in ea specie boni, quæ dicitur utile. Nonne communiter homines appetunt redundantes divitias, tamquam medium ad felicitatem terrenam consequendam? Illi ipsi, qui majoris boni causa maxime de genere supernaturali eas negligunt, vel ab iis se abdicant, hoc ipso ostendunt haberi a se tamquam aliqua bona. At tolle prudentiam ab illo, qui eas possideat, nonne divitiæ idem illi sunt, ac gladius in manu stulti? quippe evadunt instrumentum ad excidium suæ valetudinis, ad hebetudinem mentis, ad odium, ad infamiam, uno verbo ad oppositam infelicitatem.

41. Quod si quis instet, nomine appetibilitatis significari illam, quæ rationalis sit, non irrationalis, & in hoc casu contendat verum esse, quod omne bonum sit appetibile rationaliter, & omne appetibile rationaliter sit bonum, imprimis dico fieri jam transitum a bono in genere, de quo hic agimus ad speciem boni: deinde ne loquendo quidem de bono proprio naturæ rationalis creaturæ verum est, quod omne ab illa appetibile rationaliter sit bonum; Nam cum ratio creaturæ sit errori obnoxia, fieri potest, ut aliquid, quod ab ipsa rationaliter appetitur, non sit bonum, quin immo stultum sit & impossibile: Ut cum filii Adam post diluvium studiose appetiverunt ædificare turrin (1) *cujus culmen persingeret ad cælum*, quasi vero tota ipsa massa telluris satis illis esset ad solam hujus turris basim conficiendam. Similibus argumentis jampridem definitionem boni per appetitum respuit Plotinus (2). Opus igitur esset adhibere adhuc aliam limitationem, & dicere omne bonum esse appetibile per rationem nullo modo errantem: & omne appetibile per rationem non errantem

E

esse

(1) Gen. 10. 4.

(2) Plot. Ennead. 6. li. 7. ca. 19. pag. 712

esse bonum, quod revera intendit jam Pallavicinus aperte concludens, & sæpe repetens, nomine boni venire (1) *id quod sine errore cognitum potest appetitum ciere*. Profecto sic limitata appetibilitas convertitur cum aliqua bonitatis specie, quin tamen ne hæc quidem particularis species boni dici possit bene definiri per appetibilitatem; Neque enim ad bene aliquid definiendum attendi dumtaxat debet convertibilitas, sed multa alia, de quibus Dialectici agunt. Quod convertatur bonum naturæ rationalis cum convenienti, provenit ex eo, quod in hoc, quod est esse convenienti, sit ratio seu causa formalis boni: quod vero idem bonum convertatur cum appetibili per rationem non errantem, provenit ex eo, quod bonum illud sit fundamentum, vel quasi causa necessario excitans hujusmodi appetitionem. Observavit jam hoc Cajetanus dicens (2) *ideo aliquid est appetibile, quia bonum, & non e converso*. Ad bonam autem definitionem rei requiritur, ut illa explicetur per id, quod res habet de formali, non per id, quod res trahit secum de consequenti. Quod vero pertinet ad Senecam, ille importune citatur, cum referat quidem illam definitionem, sed non approbet, immo rejiciat. Ad Aristotelem autem dico per illa ipsius verba dari descriptionem quamdam boni ad excitandam aliquam ipsius ideam claram, non vero definitionem, quæ ideam adæquatam ipsiusmet essentiae boni excitet, vel indicari methodum aliquam dignoscendi, an aliquid sit bonum, qualis habetur in motu appetitus sive rationalis sive sensitivi, qui nequit esse nisi in id, quod est, aut apprehenditur esse bonum aliquod, quæ quidem usus est S. Thomas, quia satis ea illi fuit pro iis, de quibus ibi agebat. Ceterum ipse idem alibi animadvertit (3) Aristotelicam definitionem boni sumptam esse a posteriori: Quod tandem pertinet ad originem horum nominum *melius* & *optimum*, esto sit illa quæ dicitur, non tamen hinc sequitur, ergo melior vel optima est definitio boni per appetitionem. Nunquid quia metallum dictum est, ut aliqui volunt, a μεταλλάω, quod est perscrutor, vel ut Plinio usum est

(1) Pall. del Bene. li. 2. c. 13. num. 2.  
pag. 231.

Id. ibid. ca. 40. nu. 2. pag. 256.

Id. ibid. ca. 47. nu. 4. pag. 275.

(2) Cai. in 1. p. qu. 5. ar. 1. §. Probat. p. 18.

(3) S. Thom. in 1. Ethic. ca. 1.

est (1) *α μετὰ ἄλλα*, hoc est post alia, bene illud explicabitur dicendo esse, id quod perscrutatur, vel perscrutamur, vel quod est post alia?

42. II. Objicitur. Bonitas in genere ex hypothesi bene explicatur per convenientiam, quam attributa rei habent secum ipsa, & cum tota re: ergo omne ens existens dici potest esse bonum sibi; Nam ens, cujus attributa invicem conveniunt & toti, est ens cujus attributa sibi conveniunt. Atqui non omne ens existens, sed illud solum, quod est intellectuale dicitur esse bonum sibi: ergo Bonitas in genere non bene explicatur per prædictam convenientiam.

Resp. Conc. antecedens, & permitto consequentiam. Minorem autem subsumptam sic distinguo: solum ens intellectuale dicitur bonum sibi juxta unam hujus loquutionis. *bonum sibi* acceptionem, concedo minorem, aliter nego minorem, & consequentiam. Dico igitur *bonum sibi* in triplici sensu diverso posse sumi. Primus est ille prolatus in adducta probatione, respondens definitioni bonitatis in genere. Alter est, qui denotat conceptum illum, perquem consideratur ens actu exercens suas potentias ad sui commodum & perfectionem, quod exercitium non pertinet ad sui essentiam. In hoc sensu dicimus hunc quidem hominem studiosum & indutrium esse bonum sibi, illum vero otiosum, vel sponte, vel coacte, non esse bonum sibi. Tertius sensus est ille, qui significat ens, cujus natura intellectiva cum gaudio cognoscit se esse. Jam vero bonum sibi in primo sensu utique de omni re dici potest. At in secundo sensu non potest dici de ulla re mere corporea, utpote inerti, nec de qualibet re animata, quæ irrationalis sit, utpote impar ad cognoscendum se esse, & ne de omni quidem re rationali animâ prædita, quemadmodum explicat exemplum adductum hominis otiosi, qui negatur esse bonus sibi; & certe dici non potest de Deo, in quo nefas est distinguere naturam ab ipsius actibus, & credere illam ab his perfici; Propter quam causam permixta dumtaxat fuit, non vero concessa consequentia illa in objecto argumento. Atque habita ratione ad secundum hunc sensum satis

(1) Plin. li. 33. ca. 6.

vulgarem, Deus dicitur communiter bonus in se, non vero bonus sibi, nisi forte loquendo cum Metaphysicis & Sapientibus, qui norunt nullam aliam importari inter attributa entis & ens ipsum, distinctionem, nisi per nostrum modum cogitandi, vel loquendi, & in particulari loquentes de Deo norunt, quod ipse, ut ait Suarez (1) *per summam identitatem & simplicitatem est conveniens sibi ipsi, & natura ejus est conveniens suae personae, & personalitas ipsi naturae*. Tandem bonum sibi acceptum in tertio sensu manifestum est dici non posse nisi de natura intellectuali; illa enim sola potest cognoscere se esse, & hoc modo de nullo dici verius potest, esse bonum sibi, quam de Deo. Juxta hunc sensum Pallavicinus jure observat celebre Metaphysicorum effatum, (2) *Omne esse est bonum*, verissimum esse, quin tamen inde sequatur, quod semper sit etiam bonum possessoris; De illo enim, qui non cognoscit se esse, ceu lapis vel brutum, vel cognoscens se esse, nollet esse, ut est quisvis ad aeternos cruciatus damnatus dici non potest, quod esse illi sit bonum. Quare nego, inquit, *omne ens esse bonum sibi*,

43. III. Objicitur. Bonum in genere dividitur in Bonum in se, & Bonum alteri (§.4.): & bonum in se dicitur illud, quod tale est nullo habito respectu ad aliud quicquam extra se, per quem respectum dicitur bonum alteri: ergo bonitas in se non potest dici, quod imbibat significationem convenientiae unius ad aliud; ergo male explicatur bonitas in genere per convenientiam unius ad alterum.

Resp. cum Suarez (3), distinguo antecedens: bonum in se dicitur, quod nullum dicat respectum ad aliud extra se distinctum realiter, concedo antecedens: ad aliud distinctum per rationem, nego antecedens, & consequentiam. Ens & Bonum, seu Entitas & Bonitas sunt quidem in re indistincta, sed secundum modum cogitandi & significandi sunt distincta, Ens enim dicitur ab esse, & Bonum dicitur a quadam veluti forma, saltem prout a nobis concipitur, inhaerente ipsi enti. Et etiam si omne Ens, quod reale sit, includat suam entitatem, & En-

(1) Sua. Metaph. disp. 10. sec. 3. nu. 7. pag. 220.

(3) Suar Metaph. disp. 10. sec. 1. nu. 17. pag. 211.

(2) Pall. del Bene li. 3. ca. 16, pag. 369.



& Entitas dicatur includere perfectionem, quæ idem est ac bonitas, attamen saltem hæc ipsa bonitas aperte & clare exprimitur cum nominatur, quod non ita fit certe, cum solum dicitur Entitas.

44. IV. Obijcitur. Alexander VIII. damnavit ut hæreticam hanc propositionem: *Bonitas objectiva consistit in convenientia objecti cum natura rationali: formalis vero in conformitate actus cum regula morum. Ad hoc sufficit, ut actus moralis tendat in finem ultimum interpretative. Hunc homo non tenetur amare neque in principio, neque in decursu vite sue mortalis.* Ergo bonitas saltem moralis nequit dici, quod consistat in quadam convenientia; Nam hæc definitio, prout statuitur pro definitione rei, includitur in allata damnatione.

Resp. Conc. antecedens, & nego consequentiam. Ad rationem adductam dico illam definitionem includi quidem in ea thesi damnata, non tamen damnari. Notum enim est ex Dialectica propositionem, quæ pluribus partibus constat, dici falsam, quoties una etiam tantummodo pars e multis sit falsa, etiam si cæteræ omnes aliunde veræ sint. Hinc cum Pontifici denunciata esset tota illa thesis, cujus partes, quæ sunt post definitiones bonitatis objectivæ & formalis, falsæ sunt, jamque olim damnatæ ab Alexandro VII. in prima ex thesibus ab illo proscriptis, & ab Innocentio XI. in sexta & septima, pronunciat illam esse falsam, quinimmo declarat esse hæreticam. Res extra omnem controversiam est, quia Pontifex in suo Decreto dicit thesim illam non esse novam, sed *denovo erumpere*. Et certe hæresis intra ipsam contenta oppressa, jam fuerat a suis Prædecessoribus. Hinc etiam Auctores de thesibus damnatis agentes, dum ad illam veniunt, dicunt de ea egisse se, *in expositione primæ propositionis ab Alexandro VIII. proscriptæ*, ita Viva (1), & alii eam referunt omis-  
illis definitionibus, ita Antoine (2).

45. V. Obijcitur. Bonitas respectu alterius non consistit in convenientia, seu proportionem unius ad alterum: ergo saltem

(1) Viv. Thes. Dam. pag. 147.

ca. 2. art. 1. quest. 1. pag. 151.

(2) Aut. Thes. Mor. de Virt. Theo. par. 3.

tem hæc Bonitas male explicatur per huiusmodi convenientiam. Probatur antecedens. Si Bonitas respectu alterius consisteret in prædicta convenientia, consisteret in ea, vel per modum formæ alicujus, quæ alterum perficeret: vel per modum operationis versantis circa illud: vel per modum objecti, quia scilicet unum est appetibile ab alio: sed non potest dici, quod consistat in convenientia unius ad alterum per modum formæ, quia sequeretur Deum non esse bonum homini; Nam Deus non se habet per modum formæ respectu hominis: neque potest dici, quod consistat in convenientia respiciente operationem, quia sequeretur integritatem corporis, & virtutes infusas non esse bona homini; Nam non sunt ipsius operationes: Neque potest tandem dici, quod consistat in convenientia objectiva, quatenus est quid appetibile, quia sequeretur ideo aliquid esse bonum, quia est appetibile, quod falsum est, cum revera, ideo aliquid sit appetibile, quia est bonum (§.41.): ergo bonitas respectu alterius non potest dici, quod consistat in convenientia unius ad alterum.

Resp. Nego antecedens. Ad probationem, distinguo majorem. Bonitas ad alterum consisteret in aliquo ex illis membris disjunctive propositis, sed non uno eodemque pro omni huiusmodi bonitate, conc. maj.: uno eodemque, nego maj.; & cadunt reliqua; Nam quæ dicuntur in minori patefaciunt, quam necessaria sit hæc distinctio, & exempla ibi proposita ostendunt aliqua esse bona ad alterum propter convenientiam per modum formæ, ut sunt virtutes: alia per modum operationis, ut est videre Deum, illoque frui. Itaque generaliter dici debet, bonitatem ad alterum consistere in convenientia quadam ipsi propria, quæ ex parte rei sic bonæ dicit ipsius perfectionem cum omnibus conditionibus vel phisicis vel moralibus necessariis ad prædictam convenientiam ad alterum. Tertium certe membrum illius disjunctivæ omnino dici non potest propter rationem ibidem expositam.

46. Quarta propositionis pars, convenientiam, quam significat Bonitas, esse realem, quatenus scilicet vix distincta per rationem sint attributa entis vel entitatis ab ipsa entitate, datur jam sine alia cogitatione ratio convenientiæ in illis

illis ad illam entitatem, opponitur illis, qui apud Suarez (1) rationem hanc convenientiæ negant esse realem. Pars hæc sic primo probatur. Quod non est aliquid reale, est in se nihil. Sed bonitas non est in se nihil: ergo est aliquid reale: Atqui bonitas est convenientia quædam unius ad alterum (§.39.): ergo bonitas est convenientia realis.

II. Bonitas non potest significare aliquid negativum vel privativum, tum quia hoc esset contra communem sensum, qui audita hac voce bonitas intelligit aliquid positivum: tum quia, cum demonstratur, ut suo loco patebit, malitiam esse meram negationem, seu privationem, jam sequitur bonitatem illi oppositam esse quid positivum. Rursus bonitas non potest significare aliquid confictum per intellectum, tum quia repugnat communi rationi, quæ aliud dicit esse bonum verum, aliud bonum apparens, quæ distinctio nulla esset, si nulla bonitas esset in rebus ante intellectum cogitantem: ergo bonitas significat aliquid reale ante omnem intellectum cogitantem: sed bonitas significat convenientiam: ergo significat convenientiam realem.

III. S. Scriptura, Patres, Doctores & Philosophi loquuntur de Bonitate tamquam de aliqua realitate ante omnem intellectum cogitantem: sed Bonitas significat convenientiam: ergo loquuntur de convenientia tamquam de realitate aliqua, quæ sit ante omnem intellectum cogitantem. Majorem probant hæc. In Genesi dicitur de Deo, (2) *Vidit cuncta, quæ fecerat, & erant valde bona*. Augustinus dicit (3) *In quantum sumus, boni sumus*, S. Thomas (4) docet bonum consistere in perfectione, quæ sine realitate aliqua ne intelligi quidem potest. Aristoteles (5) docet bonum esse in rebus, & in hoc distingui a vero.

47. I. Objicitur. Convenientia quam significat bonitas non est realis, si ista convenientia sit relatio, quam nos apprehendimus habere unum ad aliud semper realiter distinctum: sed ita est: Probatur. Convenientia quam dicit bonitas,

(1) Sear. Metaph. disp. 10. sec. 1. num. 2.  
pag. 208.

(2) Genes. 1. 31.

(3) S. Aug. li. 1. de Doctr. Christ. ca. 32.

(4) S. Tho. 1. p. qu. 48. art. 5.

(5) Arist. 6. Metaph.

nitās, est convenientia alicujus entis ad appetitum : atqui hæc est convenientia unius ad alterum distinctum realiter, quæ talis est ex nostra apprehensione seu cogitatione : ergo .

Resp. conc. maj., & nego min. Ad probationem distinctio maj. Convenientia quam dicit bonitas est convenientia ad appetitum de consequenti, conc. maj., de formali nego maj., & concessa minori, nego consequentiam . Planum jam supra (§.40.) factum est, quod ratio appetibilis est posterior ratione boni ; cum omni enim proprietate dicitur, ideo hoc est appetibile, quia est bonum, & non viceversa .

48. II. Objicitur . Error intellectus, privatio scilicet veri judicii circa propositum objectum, in multis circumstantiis reputatur bonum : ergo saltem error cum reputatur bonum, non habet bonitatem realem, sed solum ex opinione .

Resp. distin. antecedens . Error reputatur bonum, quatenus vel bonum primæ apprehensionis proprium, vel bonum plurium veritatum in eo includitur, & quasi immisceatur, vel est occasio alicujus boni, quod ex illo sequitur, vel est argumentum, ex quo inferri potest spes alicujus boni conc. antecedens . Error reputatur bonum, quia error est, nego antecedens, & nego consequentiam, vel potius in ea latens suppositum . Dico itaque errorem, quia error est, nunquam revera reputari bonum . Adeo ille dedecet naturam rationalem, ut in eo Academici summum constituerint hominis malum, ad quod evitandum inierunt ridiculum illud & impossibile consilium suspendendi omnem assensum . Certe quæque pudet se errasse, quin immo ii, qui minus sui compotes sunt, seu minus honesti, tantum & tam turpe malum credunt errare, ut elegant præ honesta confessione sui erroris turpissimam pervicaciam in eo tamquam in veritate aliqua propugnando . Alio igitur modo de errore dicitur bonum .

49. Ac primo sic dici potest, quia omnis assensus erronea continet necessario apprehensionem objecti, circa quod assentitur, quæ certe est aliquid bonum, quod eligibilius est habere, quamvis immixtum cum malo erroris, quam illo  
omni-

omnino carere, ne hoc erroris malum habeamus; quemadmodum melius est quandoque hallucinari, quam nihil unquam videre: aut jacere in tugurio, quam sub Dio: aut habere pannosam vestem, quam nullam.

Secundo error dici potest bonus, quia in se continet aliquam singularem veritatem, tamquam aurum reconditum intra lutum. Hoc accidit in illis erroribus, qui sunt conclusiones ex longa rationationum serie deductæ, quæ vitio alicujus intermediæ enunciationis vitiosæ etiam illæ sunt. Interea tamen si aliqua in prævio illo discursu continentur, quæ vera sunt, & vulgo ignorata, jam error ille hoc modo bonus dicitur. Hoc pacto Authores aliqui, etsi erraverint, dum quadraturam circuli, vel motum perpetuum demonstrasse se conclamarunt, nihilominus laudantur, propterea quod hæc inquirentes inciderunt in peregrinas quædam veritates.

Tertio error dici potest bonus, quatenus est occasio alicujus magni boni. Ita error Mucii scævola, qui reputans ab habitu pene regio ministrum Porcenæ Romam obsidentis esse regem ipsum Porcenam, illum occidit libere coram eo profectus sperare se alios ex Romanis, qui idem se tentaturos juraverant, fore feliciores, peperit ipsi quidem Scævola gloriam apud suos immortalem, Urbi vero libertatem ab obsidione, quæ fortasse Porcena interfecto, cum remaneret Tarquinius superbus in castris, illius obsidionis fomes & causa principalis, non fuisset soluta. Quare dixit Martialis in suo de hac re epigrammate (1) loquens de manu Scævola,

*Si non peccasset, fecerat illa minus.*

Tandem error dici potest bonus, quatenus est argumentum ad certo satis inferendum aliquod magni momenti bonum. Hoc modo laudant Præceptores tyronis discipuli elucubrationes, vel demonstrationes ab illo adinventas, etsi veri dumtaxat speciem habeant, & in se sint meri paralogismi, quia palam faciunt inesse illis ingenium non vul-

F

gare

(1) Mart. li. 1. Epigr. 2. juxta Juvencium pag. 42.

gare , quod in Reipublicæ literariæ ornamentum & incrementum olim sit evasurum .

50. III. Objicitur . Aurum , argentum , & gemmæ non habent in se bonitatem majorem illa , quæ est in aliis metallis , & lapidibus , nisi ex arbitraria hominum opinione : ergo datur aliquod saltem bonum , quod non est quicquam intrinsecum ipsi enti , seu reale , sed situm in nostra dumtaxat opinione .

Resp. nego antecedens . Illius falsitas declarabitur inferius , ubi opportunius audiemus , quomodo ipsum ab objectantibus probetur . Hoc unum hic animadvertam , accidere quidem posse , ut ens reale non habeat bonitatem illam in se , quam unus & alter apprehendit , non vero quod hanc non habeat illud , de quo communis & constans est opinio hominum , illud esse in se bonum , quemadmodum evenit in objectis rebus , pro quibus omni tempore extitit inter homines illa existimatio . Primum quidem possibile est , quia in hoc consistit bonum apparens , & error , qui frequens est in judiciis singularium hominum : Secundum vero nequaquam , quia non datur error universalis simul & perpetuus .

51. IV. Objicitur . Bonitas apparens non est bonitas realis : sed bonitas apparens participat rationem bonitatis in genere : ergo non omnis bonitas in genere est bonitas realis .

Resp. dist. maj. Non est bonitas realis , hoc est non est bonitas intrinseca enti , quod tale sit ante omnem nostram cogitationem conc. maj. , non est bonitas intrinseca enti , statim ac illud est ens per nostrum cogitandi modum , nego maj. & concessa minori , distinguo eodem modo consequens , juxta etiam expresse dicta in ipsa hac propositionis parte (§. 46.). Inferius ostendam ipsas rerum negationes , quatenus concipiuntur a nobis per modum entium habere posse rationem boni , quod quidem non est reale , quatenus sit ante rationem illam entis , qua ipsæ quodammodo a nobis induuntur , sed est tamen reale , quatenus non opus est nova cogitatione intellectus ad rationem hujus bonitatis , semel quod illa præextiterit , per quam sunt Entia .

## S E C T I O   I I I .

*De Bono in se, & Bono alteri.*

## P R O P O S I T I O   I .

52. **B** Onum in se, & bonum alteri est divisio communis, & per membra, quæ non admittunt aliquid medium.

Propositio est contra Aloysium Vernejum, qui nullum bonum in se admitti posse statuit, sed quodvis, quod dicatur bonum, tale vult esse respectu alterius, (1) *Bonum*, inquit, *finis alicujus respectu vocari solet*: Et infra concludit, (2) *Judicare non possumus, an aliquid sit bonum, quin prius finem, ad quem dicitur bonum, constituamus*. Ante illum similem opinionem Locke sic expressit, (3) *Res non dicuntur bonæ aut malæ, nisi quatenus voluptatem aut dolorem in nobis procreant*. Bonum itaque appellamus quicquid aut voluptatem nobis creare, vel augere potest, aut dolorem auferre aut minuire.

53. Prima propositionis pars probatur, quia illa divisione utuntur omnes cum S. Augustino (4), & S. Thoma (5). Atque quoniam pulchrum, ut alibi ostendo, est bonum in se, quatenus cognoscibile ut tale, huc etiam facit illud ejusdem Augustini, (6) *Videt pulchri aptique distantiam, quisquis non negligit intueri*; *Pulchrum enim per seipsum consideratur, atque laudatur, aptum vero non ex semetipso, sed ex eo, cui connectitur, judicatur*. Quare quæ dicunt Adversarii præferunt non solum recessum a recepta significatione hujus nominis bonum, sed etiam abusum terminorum, dum Vernejus quidem bonum sumit pro apto: Locke autem pro causa delectationis. Quod est etiam reducere significationem boni ad infimam illam boni speciem denotandam,

F 2

quæ

(1) Vern. Metaph. lib. 4. cap. 9. pag. 175.

(2) Id. corol. 2. pag. 178.

(3) Lock. de Mente hum. ll. 2. ca. 20. §. 2.

(4) S. Aug. li. 8. de Trin. ca. 3.

(5) S. Thom. 1. 2. qu. 26. ar. 4. Id. in 2. dif. 27. qu. 1. ar. 2. Id. de Virt. qu. 1. ar. 2. ad 1.

(6) S. Aug. Ep. ad Marcellinum 138. alias 5. ca. 1. num. 5.

quæ est boni utilis, & quæ minus cæteris appellationem boni meretur, utpote quæ non habet rationem finis.

Secunda pars sic probatur cum Suarez (1). Bonum in se, & bonum alteri habent oppositionem contradictionis inter se, vel facile ad illam revocantur, si quoniam primum membrum dicitur bonum in se, bonum alteri dicatur bonum non in se, præcise quidem, non tamen exclusive; Nam nullum est bonum in se, ut infra patebit, quod non sit etiam bonum alteri: at est aliquid bonum alteri, quod non est ita bonum in se, ut possit habere rationem finis, cujusmodi est medica combustio: ergo.

### P R O P O S I T I O I I.

54. **O**Mne ens est bonum, tam in se, quam alteri: & omne bonum, tam in se, quam alteri est Ens, sive ut ajunt bonum genericè sumptum convertitur cum ente, quod sic etiam exprimitur, bonum genericè sumptum est terminus transcendentalis.

Prima pars, quod omne ens sit bonum in se, opponitur Manichæis, qui dixerunt esse quasdam creaturas in se malas, utpote productas a quodam ente a se summe malo, contra quos dico agens de malo.

55. Ea sic probatur. I. Deus est Ens sine controversia bonum in se, & omne ens extra Deum est in se bonum; Nam in Genesi de singulis Dei operibus dicitur, *Vidit Deus, quod esset bonum*: de omnibus autem simul sumptis subjungitur, *Vidit Deus cuncta quæ fecerat, & erant valde bona*. Rursus dicitur, (2) *cuncta fecit bona in tempore suo*. Et alibi (3) *Omnis creatura Dei bona est*: Ergo omne ens etiam extra Deum est bonum in se.

II. Id, quod constituit ens in suo esse, dicitur perfectio entis, quia constitui & perfici in suo esse idem sunt: Sed nullum ens potest intelligi, quin intelligatur constitutum in suo esse: ergo nullum ens potest intelligi, quin intelligatur

(1) Sua. Metaph. disp. 10. sec. 2. qu. 5.  
p. 213.

(2) Eccle. ca. 3. 11.

(3) ad Timothe. 1. ca. 4.



tur habens in se aliquam perfectionem : sed id , quod habet in se aliquam perfectionem , est in se bonum : ergo omne ens est in se bonum .

III. Ita se habet bonum ad Ens , sicut bonitas ad entitatem : sed bonitas non distinguitur realiter ab entitate (§.37.) : ergo neque bonum ab Ente .

IV. Probatur ab authoritate . Aristoteles dicit, (1) *Bonum totidem modis dicitur, quot illud quod est ; Nam & in substantia dicitur & in qualitate, & in eo, quod est ad aliquid, & in tempore, & in ubi, & alia hujusmodi* . Boetius dicit, (2) *quicquid est, in eo quod est, bonum est* . Augustinus, (3) *Omne, inquit, quod est, in quantum est, bonum est*, & alibi postquam dixit Deum esse, (4) *qui summe est ait, at cetera, quæ sunt, nisi ab illo esse non possunt, & in tantum bona sunt, in quantum acceperunt, ut sunt* . S. Thomæ concepta verba sunt, (5) *Bonum convertitur cum ente, sicut & unum* . Idem nuper advertunt etiam Chambers (6) & Galli Encyclopædix (7) .

Durandus longam contexuit disputationem de hoc, quod dicitur , bonum converti cum ente , non tam propositioni , quam loquutioni se opponens , cui inhærendo contendit (8) verius negandum esse quod ens , & bonum convertantur inter se . Ratio ipsius comprehendere potest hoc syllogismo , Illa convertuntur inter se , quæ per eandem notionem explicantur : Sed ens & bonum non explicantur per eandem notionem : ergo ens & bonum non convertuntur inter se . At respondeo , nego majorem ; Ad significationem enim hujus loquutionis unum convertitur cum alio, alienum prorsus est observare , quo illa modo definiantur , cum illius sensus sit, alterum ex illis, quodcunque sit, enunciari de altero , vel inferri posse ex altero .

56. Secunda pars , quod omne ens sit bonum alteri, postquam

(1) Arif. 1. Ethic. ca. 6. juxta Maurum num. 3. pag. 12.

(2) Boet. lib. de Hebdom. ca. 2.

(3) Aug. li. 1. de Doct. Chris. ca. 32.

(4) Id. li. 8. de Trin. ca. 8.

(5) S. Thom. 1. p. qu. 6. ar. 4. O. pag. 23.

(6) Cham. Dictionar. ar. Bene. pag. 63.

(7) Encyc. art. Bon. §. La Bonté d'être. pag. 263.

(8) Dur. in 2. sent. dist. 33. qu. 1. §. 11. pag. 138.

quam probata fuerit, apparebit ex ea factum esse, ut illi (§.52.), qui minus attenti sunt in subtilitatibus metaphysicis persequendis, cum observaverint omne, quod dicitur bonum, esse bonum alteri, statuerint nihil esse, aut dici bonum, nisi relative ad alterum. Igitur sic arguo. Imprimis Deus est Ens bonum respectu creaturarum omnium in genere causæ efficientis, & respectu rationalium, etiam in genere causæ finalis; Nam a Deo omnis creaturæ bonitas provenit, & continuo dependet, & in Dei consequutione, vel aliqua imitatione summa perfectio creaturæ rationalis consistit. Hinc Augustinus dixit, (1) *Deum esse bonum omnis boni*.

Fuerunt quidem aliqui, qui Deum esse bonum respectu creaturarum dixerunt etiam in genere formæ, quod si intelligant in genere formæ intrinsecæ est merus Spinosismus, qui est contra omnem rationem & Religionem; Nam Deus nequit esse forma inhærens creaturis, easque intrinsece componens. De aliquibus, qui olim sic senserint, testis est Suarez (2), quin tamen ullum nominet. Recentius Franciscus Lanovius in epistola ad Merfennum, quæ extat inter opera Gassendi, in qua brevi Philosophiam Roberti Fluddi perfumdat, quod operosius fecerat Gassendus (3), Fluddum hunc accusat, (4) *Quod tribueris Deo, ut ad modum formæ, quam vocamus informantem in compositionem cum materia veniat*. Sin autem intelligant, Deum esse bonum creaturæ in genere formæ extrinsecæ est contra superius (§.55.) dicta, ubi planum factum est creaturas esse bonas in se, adeoque non esse bonas solum per denominationem extrinsecam ab extrinseca ipsis bonitate.

57. Deinde proseguendo institutum argumentum, supposita in Deo Trinitate Personarum in Unitate Naturæ Divinæ cognita per revelationem, potest per rationem intelligi, quod vere una Persona Divina dicitur bonum alterius, non tantum ratione Naturæ, in qua illæ sunt unum, sed etiam ratione proprietatum personalium, in quibus distinguuntur; Nam etiam ratione hujusmodi proprietatum una

Per-

(1) S. Aug. li. 93. qu. qu. 24.

(3) Gass. Op. tom. 3. Examen Fluddi.

(2) Suar. Metaph. disp. 10. sec. 3. num. 8.  
pag. 221.

(4) Lanov. Operum Gassendi tomo 3.  
pag. 244.

Persona Divina est quid conveniens alteri , quia , ut inquit Suarez (1), convenit principium principiato , & terminus relationi , & existentia unius relativi alteri correlativo , & societas plurium Personarum singulis Personis .

Rursus Creaturæ sunt Ens bonum respectu Dei in genere operis consentanei Bonitati & Sapientiæ suæ , sicuti imago probe depicta est bona respectu pictoris . Et in hoc etiam sensu valet illud Geneseos , *Vidit Deus quod esset bonum* : scilicet convenienter dispositum , & fabricatum , prout sibi Artifici conveniebat .

Tandem singulæ creaturæ respectu aliarum sunt bonæ , vel quia aliæ ipsarum aliquo modo conferunt ad esse , vel ad commodum , vel ad perfectionem aliarum , vel saltem ad pulchritudinem & complementum Universi : ergo omne ens est bonum alteri .

58. I. Objicitur . Aurum argentum & gemmæ sunt entia bona alteri supra alia metalla & lapides , quin sint realiter bona in se supra alia metalla & lapides : ergo non omne ens est bonum in se , saltem quantum est bonum alteri . Antecedentis prima pars est evidens . Secunda probatur sic a Derhamo (2) . Aurum & argentum per se ipsa non præstant usum potiore cæteris metallis , & lapidibus ad usus vitæ humanæ ; neque enim meliores , aut plures pisces piscabatur Nero retibus auratis , quibus Suetonio teste (3) utebatur , quam faciant vulgares pisces cum suis ex lino rudibus retibus , neque velocius currebant equi armati ungues calceis aureis , uti idem Auctor tribuit Poppeæ Neronis uxori , quam ferreis , ut vulgo fit ; neque magis sapida evadunt condimenta cocta in vasibus argenteis , quod dicit Plinius (4) fecisse Calvum Oratorem , quam in terreis aut æneis , ut communis est mos . Lucretius addidit , quod primis temporibus (5)

*. . . Fuit in pretio magis æs , aurumque jacebat  
Propter inutilitatem :*

Quia

(1) Suar. Metaph. dis. 10. sec. 3. num. 7. pag. 221.

(2) Der. Physico-Theo. B. 5. cha. 9. pag. 310.

(3) Suet. in Neron. cap. 30.

(4) Plin. Hist. Nat. li. 33. ca. 11.

(5) Lucr. circa finem li. 5. pag. 711.

Quia scilicet aurum & argentum in tela, & instrumenta ad sciendum & dolandum compertum fuit conformari

*Nequicquam, quoniam cedebat vitæ potestas,*

*Nec poterat pariter durum sufferre laborem:*

Ergo argentum, & aurum non sunt bona in se supra alia metalla.

Pro gemmis autem similiter sic arguit. Gemmæ non sunt immediati usus neque ad victum, neque ad vestitum, quod commune habent cum cæteris lapidibus, sed ne ad habitationem quidem & tutelam nostram, in quo vincuntur a vulgaribus lapidibus. Nihilominus pretium illorum insigne est, ita ut duo illi Adamantes omnium celeberrimi, alter Imperatoris Mogolis ponderans siliquas 279, seu grana frumenti, ex quorum quatuor unius siliquæ pondus constat, 1076, alter magni olim Etruriæ Ducis ponderans siliquas 139, valeant supputante Tavernerio apud Hieronymum Christiani (1), primus quidem 1065 752 aureos Venetos: secundus vero 237 121. Quod si quis recurat ad certas proprietates, quæ de illis ab aliquibus narrantur, ut quod Adamas arceat venena & pestes, Chrysolitus mutet colorem ad præsentiam veneni, & similia: hæc compertum jam est esse fabulosa: ergo neque gemmæ sunt bonæ in se supra alios lapides.

Resp. conc. primam partem antecedent., & nego secundam. Ad ejus probationem concedo antecedentia, & nego consequentias. Etiam si enim aurum argentum & gemmæ non præsentent immediate per se ipsa usum potiozem ad vitam cæteris lapidibus & metallis, habent tamen in se proprietates quasdam ingenitas, cujusmodi sunt in auro firmitudo adversus ipsam ignis vim, & densitas ac ductilitas a nullo alio corpore nobis noto superatæ, & aliæ similes in argento: in gemmis vero vivi quidam colores, & eximia quædam aptitudo ad lucem reflectendam: in utrisque autem raritas & stabilitas singularis; ex quibus semel cognitis ab hominibus, natum necessario est commune judicium de illorum æstimabilitate majori supra omnia alia corpora. Quare quando

(1). Christ. Delle Misure. ca. 4. nu. 153. in notis pag. 101.

do historice , & non poetice Lucretius loquutus fuerit in objecto loco , ille probat solum primorum hominum ignorantiam , non vero rectum aliquod iudicium ; Nam , ut in eum locus dicit ipsius Commentator Dionysius Lambinus , *Aurum merito cæteris omnibus metallis antepositur* , propter ejus singulares proprietates ab ipso pariter observatas & enumeratas . Ex prædicto autem prælationis iudicio , quantum pertinet ad aurum , argentum , & quædam alia metalla , natus est & quidem processu temporis , ut in Digestis (1) exponitur , consensus ille hominum ea assumendi in mensuram expeditam , præsertim postquam forma publica percussa fuerunt , ad commutationes rerum inter diversos homines perendas cum ea æqualitate , quæ fundatur in indigentia , quæ potest esse major , aut minor pro diversis temporibus & locis , quemadmodum declarat Aristoteles (2) . Propter quam causam aurum & argentum præstant jam talem usum ad vitam , ut merito dicantur esse æquivalenter omnia , quæ ad ejus vel necessitatem vel oblectationem faciunt , quod luculenter exprimentur tum Lingua Latina , in qua dives & beatus , tamquam synonyma habentur : tum Lingua Græca , in qua χρῆματα significat tum pecuniam , tum utile . Et vero quid magis necessarium agricultura , & artibus vestiaria , textrina , sutrina , ferraria , aliisque multis ? Sed per aurum quisque est colonus , textor , faber , insignis & optimus , dum hoc illi comparat fructus omnium exquisitissimos , vestes pretiosas , omnem supellectilem . Quid magis utile ad bonam valetudinem vel conservandam vel reparandam , quam non dicam ipsomet auro epoto , ut aliqui olim docuerunt , sed opportunis optimorum ciborum vel medicamentorum subsidiis , & benevola aliorum vigilantia , quæ per aurum affluenter acquiruntur . Per aurum tandem , qui eo abundet , vitam illam potest vivere , quam Poetæ tribuunt hominibus illius sæculi , quod confinxerunt aureum , in quo flumina lac , arbores mella , tellus messes , & delicias omnes sponte sua illis largiebatur , quin scilicet

G

cet

(1) ff. De Contrahenda Empti. l. Origo. pag. 1724.

(2) Arist. Ethic. li. 5. cap. 5. ar. 2. juxta Maurum pag. 350.

cet ullo ad hæc obtinenda ipsis opus esset labore.

Ex eodem iudicio, accedente jam etiam cognitione utilitatis pecuniæ, factum est, ut ipse gemmæ tanti habeantur, utpote quæ indicant opulentiam in earum dominis conditionem; prout enim hæc minuitur, illæ quoque ad alios possessores distrahuntur.

59. II. Objicitur. Privatio & Negatio aliqua dicitur esse bonum vel in se, vel saltem alteri; Sic negatio curvitatæ in tibia reputatur bonum in se, & certe dicitur bonum tibix: sed privatio & negatio est non ens: ergo etiam non ens est bonum vel in se vel alteri.

Resp. dist. maj. Dicitur bonum, prout per modum nostrum concipiendi est aliquod ens, conc. maj., prout privatio est, nego maj., & distin. min., privatio est non ens in re, conc. min., est non ens secundum modum concipiendi nostrum, nego min. & distingo consequens. Non ens, prout concipitur per modum entis est bonum vel in se vel alteri, concedo, aliter nego consequentiam. Notum aliunde est propositiones, quæ sunt de negationibus, non aliter fieri, quamtribuendo per modum nostrum concipiendi realitatem ipsis negationibus.

60. III. Objicitur. Judicium erroneum, & appetitio perversa, seu contra rectam rationem sunt aliquod ens: sed illa non sunt bonum nec in se, nec alteri: ergo non omne ens est bonum in se aut alteri.

Resp. dist. maj. Judicium erroneum, & mala appetitio sunt ens, secundum quod iudicium & appetitio sunt, conc. maj., secundum quod privatio sunt rectitudinis, nego majorem. Et distingo primam partem minoris, illa non sunt bonum in se, secundum quod privatio sunt, concedo: secundum quod sunt ens, nego hanc partem. Quod vero pertinet ad secundam partem, illa absolute negari potest, prout universaliter asseritur. Dico itaque in iudicio erroneo, & mala appetitione distinguendas esse ipsas quasi entitates huiusmodi actuum ab ipsorum privationibus, propter quas iidem sortiuntur malignas illas appellationes. Entitates actuum illorum sunt quid conveniens suis potentiis, quas reddunt actu  
ope-

operantes, sicuti supra (§.48.) dictum est de errore, adeoque sunt earum bonum: privationes vero scilicet rectitudinis ipsis debita, sicut ipsum nomen indicat, non sunt quid illis conveniens, sed ne sunt quidem ens ullum in se. Et quando per nostrum modum concipiendi evadant ens aliquod, certe nequit universaliter asseri, quod error & mala inclinatio aliquando non sint bonum alteri. Sic error Jsaaci attulit Jacobo primogenituram, & Invidia Fratrum Josephi extulit illum ad Aegypti gubernationem.

61. IV. Objicitur Relationes seu Personalitates Divinae sunt Ens reale et si relativum: sed graves nec pauci Theologi propugnant Relationes Divinas non dicere perfectionem ullam: ergo non omne ens dicit perfectionem: ergo non omne ens est bonum.

Resp. concessis praemissis, distin. consequens: ergo non omne ens dicit perfectionem juxta praedictos Theologos, conc., aliter nego primam consequentiam, & alteram omitto, de qua illi viderint, qui eam sententiam circa Divinas Relationes tenent. Verius enim philosophantur, qui illam impugnant, & contrariam statuunt, ut videre est apud Suarez in libro tertio de Trinitate, & alibi (1).

62. V. Objicitur. Objecta Matheseos, ut lineae & superficies, non sunt ullo modo entia bona, sed solum vera: ergo non omne ens est bonum.

Resp. nego maj., cujus tota ratio est Aristoteles, propterea quod dixerit, (2) res mathematicas esse quidem veras, sed non esse bonas. Verum mens ipsius ibidem non est negare illis bonitatem in se, quae convertitur cum ipsarum essentia, sed solum significare, ut declarat cum S. Thoma Suarez (3), per scientiam mathematicam non considerari in quantitate, quae est objectum Matheseos, rationem boni, aut convenientis.

63. VI. Objicitur. Essentiae possibiles rerum nondum existentium sunt entia realia; nam non sunt ex hypothesi entia impossibilia: sed non sunt bona; nam quod caret exi-

G 2

sten-

(1) Suarez, Metaph. disp. 10. sec. 3. num. 11. pag. 221.

(2) Suarez, Metaph. disp. 10. sec. 3. nu. 19. pag. 223.

(3) Arist. 3. Metaph. tex. 4.

stentia, nullam habet perfectionem: ergo non omne ens est bonum.

Resp. dist. antecedens, sunt entia realia, sed solum possibilia, & non in actu, concedo, sunt entia in actu, nego maiorem: & dist. minorem, non sunt actubonæ, conc., non sunt in potentia bonæ, nego minorem & consequentiam. Quod est actu ens, est etiam actu bonum, & quod non est ens nisi in potentia, ne est quidem bonum nisi in potentia. Solum advertit Suarez (1), quod ex usu vocatur ens sine ullo addito etiam id, quod non existit, quando non repugnat ut possit existere, non vero solet vocari bonum simpliciter, nisi quod actu existit, quia nihil appetitur, nisi in ordine ad actualem existentiam, quam actu habeat, vel putatur habere, vel speratur fore, ut habeat.

64. VII. Objicitur. Bonum ex S. Augustino consistit (2) in modo specie & ordine: sed multa entia positiva carent modo, specie, & ordine naturæ suæ debito: ergo multa entia positiva non sunt bona: ergo non omne ens est bonum.

Resp. dist. maj., & ibi Augustinus loquitur de modo specie & ordine intrinseco & essentiali ipsi enti, quod dicitur bonum, ut explicat S. Thomas (3), conc. maj., de modo specie & ordine extrinseco & accidentali, nego maj., & dist. min., multa carent modo specie & ordine sibi extrinseco & accidentali, conc. min., intrinseco & essentiali, nego min., & dist. consequens: multa non sunt bona in omni sensu, qui importat omnem omnino perfectionem, conc. consequentiam: multa non sunt bona in sensu transcendentali, sive qui convertatur cum ente, nego consequentiam. Dico igitur omne ens positivum ea ratione, qua convertitur cum bono, eadem ratione converti etiam cum eo, quod habet illa tria, modum speciem & ordinem, sed intrinseca sibi & essentialia. Ita nullum est ens, quod non sit in aliquo genere, in quo consistit modus aliquis ipsius, & est vel substantia vel accidens: & non habeat aliquam entis speciem, ut vel spiritus vel corporis: & tandem non habeat aliquem ordi-

(1) Suar, Metaph. disp. 10. sec. 3. nu. 25. pag. 324.

(2) S. Aug. de Natura Boni. cap. 3. & 4.

(3) S. Thom. 1. p. qu. 5. ar. 5. pag. 20.



dinem ad aliquem scilicet finem . His tribus habitis , prout ad essentiam entis pertinent , non est dubium , eadem in alio sensu , qui non pertinet ad essentiam entis , non reperiri in omnibus , & in aliquibus perfectius , quam in aliis reperiri .

65. Tertia propositionis pars , omne bonum in se est ens , probatur , quia ex dictis (§. 54 ) bonum convertitur cum ente .

Quarta pars , omne bonum alteri est ens , probatur primo sic . Omne bonum alteri est aliqua alterius perfectio : sed quod in se perfectionem non habet , nequit esse alterius perfectio : ergo omne bonum alteri habet in se perfectionem : atqui quod habet in se perfectionem , est ens : ergo omne bonum alteri est ens .

Secundo . Privationes seu negationes , quæ reputantur convenientes alteri , reputantur etiam entia aliqua ex dictis (§. 59 .) : ergo omne bonum alteri , si sit aliquid nullo præsupposito modo nostro cogitandi , est similiter ens independentem ab omni modo cogitandi , si aliquid sit solum per modum cogitandi nostrum , erit pariter secundum illum ens : ergo omne quod est aliquo modo bonum alteri , est etiam aliquo modo ens . Ad maiorem antecedentis declarationem , dico privationem bonam alteri non esse alterius bonum reale , sed esse carentiam mali , quæ statim ac concipitur per modum entis jam induit rationem boni , & hanc præcipue , quod sit conditio necessaria ad hoc , ut alterum habeat suam bonitatem ac perfectionem , quod etiam in moralibus patet , in quibus non agere malum , prout est præcise non agere , non est agere bonum , sed illud ipsum non agere , quoties sit a voluntate non agendi , jam illud dicitur , & est bonum .

## P R O P O S I T I O   I I I .

66. **B**onum in se , quod tale est ante omnem modum cogitandi nostrum est semper bonum alteri ; atque illud quidem sive sit bonum in se increatum , sive creatum , est semper bonum alteri determinate sumpto , quod sit ens increatum : non vero alteri determinate sumpto , quod sit ens creatum ; at viceversa bonum alteri non est semper bona

num in se ante omnem modum cogitandi nostrum .

Probatur prima pars . Omne ens eo modo , quo est ens , est bonum tam in se , quam alteri ( §. 54. ) , scilicet si ens sit solum per nostrum modum cogitandi , erit bonum tam in se , quam alteri solum per nostrum modum cogitandi : sin autem ens sit ante omnem modum cogitandi nostrum , erit etiam bonum tam in se , quam alteri ante omnem modum cogitandi nostrum : ergo omne bonum in se , quod tale est ante omnem modum cogitandi est semper bonum alteri .

67. Secunda pars , nimirum bonum in se tam increatum , quam creatum , est semper bonum alteri determinate sumpto , quod sit ens increatum , probatur sic . In Divinis singulari Personæ Divinæ in se bonæ & perfectissimæ , sunt etiam semper , utpote immutabiliter , bonæ sibi invicem ex dictis ( §. 57. ) : ergo bonum in se increatum est semper bonum alteri determinate sumpto , quod sit ens increatum . Rursus quævis creatura , utique in se bona , est semper bona Deo Uni & Trino eo modo , quo illi esse potest bona , scilicet prout consentanea semper est ipsius perfectionibus ; Nam ipsi semper dat gloriam per suam essentiam , quovis modo hæc sit & existat , sive solum materialis , ut res inanimatæ : sive solum immaterialis , ut Angeli : sive composita ex re materiali , & re immateriali , ut homo : atque hæc sive sint in statu miseriæ etiam æternæ , ut Angeli mali , & alii reprobī , sive in statu beatitudinis , ut Angeli boni , & alii Beati : ergo etiam bonum in se creatum est semper bonum alteri determinate sumpto , quod sit ens increatum .

Quæ contra hanc partem objiciuntur , desumpta a semperpiterna reproborum damnatione , tamquam officientia Gloriæ Dei , & præsertim ipsius Bonitati , ubi agitur de Malo , dissolvuntur .

68. Tertia pars , nimirum bonum in se , sive illud sit increatum , sive creatum non est semper bonum alteri determinate sumpto , quod sit ens creatum , probatur . Deus ens increatum & summum bonum in se , est quidem bonus omnibus & singulis creaturis , cum dat illis ut sint ; at non est bonus illis , quæ damnantur ad æternos cruciatus , cum de his dici possit

possit, quod Christus dixit de Juda (1) *Bonum erat ei, si natus non fuisset*: ergo bonum in se increatum non est semper bonum alteri determinate sumpto. Rursus si percurramus singula rerum creaturarum genera, prout ab Aristotelicis distributa sunt in decem quasi cohortes, quas vocant Categorias, de singulis invenimus dici posse, quod non sint bonæ alteri in particulari creaturæ. Ita inter substantias quid utilius aqua & igni? Sed quid noxium magis illis, quos aquæ suffocant, & ignis devorat? Inter loca meliora sunt nobiliores Urbes, sed molesta iis, qui mallent in patria licet humili loco vivere. Inter situs commodum est jacere, sed quando fessum sumus, vel infirmi, non vero quando sani, vegeti, & vigiles. Inter habitus bona sunt Sauli bellatori lorica & galea, at non Davidi, qui hæc a se rejicit, tamquam pugnæ impedimenta. Et sic de aliis. Ergo bonum in se creatum non semper est bonum alteri enti creato determinate sumpto. Ex iis, quæ dicta sunt tum in hac, tum in superiori propositione, colligitur, quod sicut vere dici potest omne bonum in se esse bonum alteri, ita dici vere etiam potest omne bonum in se esse malum alteri, quandoquidem utrobique dicitur bonum vel malum alteri in determinate sumpto.

69. Quarta tandem pars propositionis, nimirum bonum alteri non est semper bonum in se ante omnem modum cogitandi nostrum, probatur; Potest aliqua negatio vel privatio, quatenus apprehenditur per modum entis esse bonum alteri. Ipsum non esse, vel non nasci, quatenus conveniens esse potest ad perpetua mala effugienda, bonum appellavit Christus Dominus de Juda loquens ex nuper dictis: & in moralibus omnis ommissio operationis vetitæ a lege, bonum aliquod censetur & conveniens homini: sed privatio vel negatio non est bonum in se ante omnem modum cogitandi: ergo bonum alteri non semper est bonum in se ante omnem modum cogitandi.

*De Bono honesto delectabili & utili.*

## P R O P O S I T I O I.

70. **D**ivisio boni in honestum, delectabile, & utile est optima divisio boni in genere.

Probatur. Illa est optima divisio, quæ est adæquata, hoc est complectitur omnes diversas partes alicujus totius, & non potest fieri per pauciores partes: sed talis est prædicta divisio: ergo. Probatur prima minoris pars, quia omne bonum vel est tale in se, vel est tale in ordine ad aliud, quæ est prima & remota divisio boni in genere per membra contradictoria (§.53.). Rursus prout aliquid est in se bonum, tale est, propterea quod vel est honestum, vel est delectabile, & nihil habetur tertium: prout vero aliquid est bonum alteri, tale est, vel propter honestatem, vel propter delectabilitatem, vel propter utilitatem, & non est excogitabilis alia ratio boni: ergo prædicta divisio est adæquata.

71. Prima iterum & secunda simul minoris pars suadentur percurrendo aliquas boni divisiones, quæ ab aliis, qui ab hac, quæ cæteroquin communis est apud Philosophos, & Theologos recesserunt, factæ sunt, quas patebit non esse opportunis.

I. Divisio illa boni in communi, cujus meminit Aristoteles (1) in bonum honorabile, & bonum laudabile, manca est. Nam non comprehendit bonum delectabile, quod suadetur. Laus differt ab honore, quatenus honor debetur naturæ rationali propter aliquam excellentiam absolutam, hoc est quam in se habet sine respectu ad alia extra se: laus vero debetur cuivis rei propter excellentiam in ordine ad aliquem finem; Atqui bonum delectabile, præcise ut bonum delectabile, neque est dignum honore; nam ad hoc requiritur, ut sit etiam honestum honestate propria naturæ rationali qualis, & tunc honorabile erit propter honestatem, non vero propter

(1) Arist. 1. Ethic. ca. 12. juxta Maurum pag. 32.

propter delectationem: neque est dignum laude; nam ad hoc requiritur, ut sit utile, & tunc erit laudabile propter utilitatem, non vero propter delectationem: ergo.

72. Hinc observari potest, argumentum illud Eudoxi, quo contendebat felicitatem consistere in voluptate, nullum esse, & perperam tamquam bonum laudari ab Aristotele citato loco; Illud enim sic habet. Bonum, quod non laudamus, est majus bonis laudabilibus, & vel est Deus, vel est summum bonum: sed voluptas est bonum, & illam non laudamus: ergo voluptas est bonum majus omnibus bonis, & ipsis virtutibus, & est summum bonum.

Respondetur enim, dist. maj. Bonum, quod non laudamus, sed honoramus, est majus omnibus bonis laudabilibus, transeat major: bonum quod non laudamus, neque honoramus, est majus omnibus bonis, nego majorem: & applicata simili distinctione ad minorem negatur consequentia. Aliter etiam mala ostenditur ea argumentatio, quia omnia majori, negari potest minor; Nam voluptas, quo nomine venit delectatio sensibilis, cum sit instituta propter operationes necessarias ad vitam conservandam, habet ordinationem ad aliquem finem: ergo habet id, quod pertinet ad rationem boni laudabilis.

73. II. Divisio boni in metaphysicum, physicum, & morale, quam proponit Leibnitius (1), & habet etiam Chambers (2), est divisio ex multiplici capite imperfecta. Quod ut intelligatur, dico illum nomine boni metaphysici significare perfectionem positivam rei cujuscunque: nomine vero boni physici, commodum substantiæ intellectualis: nomine tandem boni moralis, virtutem propriam voluntatis. Appellatio boni physici, ejusque notio importans commodum naturæ intellectualis, seu determinate magis loquendo, generis humani, non tamen quodcunque, sed illud dumtaxat, quo fruatur independenter a sua industria & electione, jam olim usitata fuit, quin immo communis apud Auctores, ut ait Pallavicinus (3), qui proinde statuunt bonum morale esse

H

sub

(1) Leib. Causa Dei ad finem Theodic. num. 29. pag. 22.

(2) Chamb. Dictionar. art. Bene. pag. 63.

(3) Pall. del Bene, li. 1. ca. 10. num. 2. pag. 24.

sub genere boni physici modo dicto explicati, & constitui in specie boni moralis ab electione libera, qua tale commodum procuratur, tamquam a differentia specifica. Hujusmodi interea divisio ostenditur imperfecta primo, quia non procedit per rationes diversas boni, de cujus generica ratione ne meminit quidem: sed procedit partim per subjecta diversa, quæ bonum aliquod habere possunt, ut sunt entia quævis positiva, & ens determinate intellectuale, partim vero per objecta, ut sunt virtutes morales: secundo, quia non datur locus distinctus bono utili, & bono delectabili, quæ duæ boni species maxime discrepant inter se, sed simul confunduntur sub expressione confusa boni physici explicati per hoc, quod sit commodum substantiæ intellectualis.

74. III. Divisio boni in illud, quod unice gratia sui amatur, ut gaudium & voluptas: & illud, quod amatur in gratiam eorum, quæ ab ipso fluunt, ut medicina & pecunia: & illud quod tum gratia sui, tum gratia eorum, quæ efficit, amatur, ut virtus: est divisio, quam habet Plato (1), cujus etiam sunt exempla allata. Rejicitur, quia de duplici diverso bono, honesto scilicet & delectabili, quæ gratia sui etiam unice amabilia sunt, non meminit. Quod si ideo de ista divisione non meminit, quia bonum honestum credat non posse habere rationem boni unice gratia sui amabilis, est falsum, ut in decursu dissertationis patebit. Dici etiam posset intentum Platonis esse, docere gaudium & voluptatem esse talia bona, quæ non possunt habere rationem medii ad aliud bonum: at bonum honestum, etsi sit bonum per se amabile, attamen naturæ ipsius non repugnare, quod habeat rationem medii ad gaudium & voluptatem. Verum respondetur ex ratione adducta satis patere, divisionem prædictam non esse opportunitam, neque dato illud, quod dicitur, fuisse intentum Platonis, sequitur illam reddi opportunam. Cæterum verum quidem est, illud gaudium & voluptatem illam, quæ sunt vel adjuncta vel effectus ipsius honestatis, non posse habere neque ex natura sua, neque ex intentione operantis rationem medii ad bonum honestum: at gaudium aliquod, quale reperitur in acqui-

(1) Plato lib. 2. de Rep. a principio. pag. 314.

acquisitione scientiæ, & voluptas aliqua, qualis est in sumendis cibis, ordinari utique possunt vel debent ad ulterius bonum honestum, vel naturaliter vel moraliter.

75. IV. Divisio boni in absolutum & utile: & divisio boni utilis in utile per se ipsum, & utile per aliquid a se distinctum: & tandem divisio boni utilis per se ipsum in bonum honestum & delectabile, est divisio boni tradita ab Yvone in Encyclopædia (1). Illa rejicitur, quia recepta notio hujus nominis *utile* est, illud dicere ordinem, ut medium ad aliquem finem: ergo ista loquutio *utile per se* in sensu excludente notionem medii ad finem est inaudita. Rursus qui audit *utile per se*, intelligit conducentiam proximam, vel necessariam rei alicujus ad finem, contraposite ad illam, quæ mediata est, vel accidentalis, non vero intelligit aliquid, quod congruat appetitui rationali, vel appetitui sensitivo, sicut vult Yvon. Multo autem magis absona est illa loquutio, *Utile per aliquid a se distinctum*, loco dicendi utile propter aliquid a se distinctum, in quo habetur sensus, quem ibi intendit Auctor, & qui clarus est, communis, & etiam unicus pro hoc nomine utile. Tandem etsi detur aliquid, quod simul sit honestum & delectabile & utile, nihilominus datur etiam aliquid, quod honestum tantummodo est, & nec delectabile nec utile, ut inferius distincte ostendam: Et similiter datur aliquid delectabile, quod nec honestum est nec utile, ut communiter dicitur de quavis intemperantia: ergo non sunt confundenda hæc nomina utile honestum & delectabile, nec pervertendæ notiones illorum receptæ.

76. Objicitur. Vacuitas doloris, & securitas seu tranquillitas animi sunt aliqua bona: sed hæc bona non reducuntur ad ullam ex tribus prædictis speciebus boni honesti delectabilis & utilis: Quod confirmatur, quia teste Tullio (2) pro vacuitate doloris tamquam summo bono Hieronymus antiquus Philosophus pugnavit, pro securitate autem Democritus: ergo divisio illa non est adæquata.

Resp. Conc. maj., & nego min., Vacuitas enim doloris,  
H 2 & se-

(1) Yvon. Encyclop. Art. Bon. §. Un Être.  
pag. 270.

(2) Tull. de Fin. li. 5. nu. 20. pag. 148.  
Id. Tusc. l. 5. nu. 84. pag. 165.

& securitas si appetantur, quia conveniunt naturæ, jam reducuntur ad bonum honestum naturaliter. Quod si non, tam negatio doloris & sollicitudinis appetatur, quam iucunditas, quæ est quid positivum, illas negationes secum necessario trahens saltem accedente reflexione, hæc jam ut patet reducuntur ad bonum delectabile. Quare suas sibi habeant opiniones Philosophi illi, qui aliter obijciuntur sensisse.

### PROPOSITIO II.

77. **D**ivisio boni in honestum delectabile & utile habet locum relate ad naturam cognoscitivam, dumtaxat: & quamvis non sit divisio in membra immediate descendencia, nihilominus est opportuna divisio.

Propositio, prout exclusiva est, opponitur Peripateticis, qui, cum materiæ ipsi informi appetitum formarum, & materiæ jam formatæ etiam si inanimi appetitum quarumdam qualitatum, & determinati alicujus loci tribuerent, consequenter extenderunt divisionem hanc triplicis boni ad naturam, quamcunque etiam brutam. Præter S. Thomam, qui systemate Peripatetico usus est, sic affirmantem (1), audiatur Suarez: (2) *Bonum, inquit, honestum naturale proprie invenitur in rebus etiam inanimatis; nam in omnibus reperitur perfectio aliqua, quæ per se terminat appetitum naturalem, ut est ipsum esse vel conservari, quod quælibet res appetit. In quælibet etiam re proprie inveniri potest bonum utile per habitudinem ad hoc bonum naturæ. Sic motus deorsum respectu lapidis comparatur ut bonum utile, quia per se non pertinet ad perfectionem ejus, sed solum ut in proprio loco constituitur. Solam ipse rationem boni delectabilis vere & proprie convenire rebus inanimatis negat, sed solum per metaphoram & analogiam, in quantum quietem habet unaquæque res in proprio bono consequuto, quæ expositio mihi videtur importare rationem delectationis, adeoque & boni delectabilis plusquam satis proprii, & non metaphorici etiam relate ad res inanimas, idque congruenter ad appetitum quemdam naturalem semel in ipsis adesse propugnatum, cui quoties non sit satisfactum,*

(1) S. Th. 1. par. qu. 5. ar. 6. O. pag. 21.

(2) Suar. Metaph. disp. 10. sec. 2. n. 26. pag. 217.



etum, dicuntur esse in statu violento.

78. Probatur jam prima propositionis pars. Divisio boni in honestum delectabile & utile habet locum relate ad illam naturam, quæ æstimare aliquo modo potest objectum sibi propositum, & de illo aliquo modo judicare esse honestum, aut esse delectabile, aut esse utile; Nam nomine appetitus venit principium quoddam intrinsecum enti, per quod illud tendit in objectum præcognitum. Nec quæ dicunt Peripatetici de appetitu materiæ, aut meri corporis, ut lapidis, circa determinatum aliquem locum, subsistunt cum attributo ipsis essentiali, nimirum inertia, quod alibi (1) demonstratur: Atqui natura, quæ potest aliquo modo æstimare objectum, & de illo judicare est solum natura cognoscitiva: Atque talis sine controversia est natura intellectiva inter cognoscitivas potissima, quæ abstractas etiam rationes triplicis prædicti boni sibi efformare potest, & in ipso bono honesto illud etiam discernere, quod præcipuum est, scilicet morale: De natura autem, quæ solum cognoscitiva sit, qualis admittitur communiter in brutis, & quidem objectorum dumtaxat sensibilibus, divisio subjacet eidem controversiæ ac illa, quam excitarunt Cartesiani contra Brutorum animam, in qua quidem causa contra illos est, tum Senatus ut ita dicam, nimirum cæteri omnes Philosophi, tum populus, ipsum scilicet vulgus. Certe S. Thomas tribuit Brutis sensum communem, ad quem dixit, (2) *pertinere discretionis judicium albi a dulci, quod non potest neque visus neque gustus*: & rursus Æstimativam, quia, inquit, *necessarium est animali, ut quærat aliqua vel fugiat, non solum quia sunt convenientia, vel non convenientia ad sentiendum, sed etiam propter aliquas alias commoditates, sive nocumenta. Sicut avis colligit paleam, non quia delectat sensum, sed quia est utilis ad nidificandum*. Et exemplum profecto appetitus circa bonum naturaliter honestum produunt Bruta, dum ea, quæ ad sui conservationem pertinent, sibi procurant. Aliud Tullius satis illustre observat in ipsis, dum (1) *pro suo partu ita propugnant, ut vulnera excipiant, nullos im petus, nullos ictus reformident*. Appetitus

(1). Diss. de Inertia.

(2). S. Thom. 1. par. qu. 78. ar. 4. in corp. pag. 258.

tus autem brutorum circa bonum delectabile, nescio an indigeat exemplo; talia enim argumenta produnt aliqua bruta delectationis in cibo sibi proposito, ut si possent eloqui, credō audiremus identidem exclamare, o dulces epulas! o rem suavem! De Cognitione tandem, & quadam quasi electione boni utilis, exemplum habetur in iis, quæ bruta faciunt, dum nidos sibi condunt, ab hostibus se defendunt, prædam quarunt, & in aliis sexcentis casibus: ergo divisio prædicta habet locum relate ad naturam cognoscitivam.

79. Secunda jam pars probatur. Membra immediate dividendia bonum alteri, quod est sola natura cognoscitiva, sunt bonum alteri per seipsum, & bonum alteri non per se ipsum, sed propter aliud, ad quod est medium: Atque hoc secundum membrum est bonum illud, quod dicitur utile. Primum autem dividitur in illud, quod est per se ipsum bonum illi naturæ propter delectationem, quam ea inde haurit, quod est bonum delectabile: & illud quod est per se ipsum bonum illi propter suammet perfectionem illi convenientem, atque hoc est bonum honestum: ergo bonum alteri non dividitur immediate in bonum honestum delectabile & utile.

80. Tertia tandem pars probatur, quia illa divisio est opportuna, quæ respondet fini, propter quem divisio introducta est, ne quid scilicet in re tractanda effugiat considerationem nostram, & ut habeatur claritas doctrinæ: sed utrique fini respondet allata divisio, etsi non descendens per membra immediata; Nam in ea habentur omnes species boni possibilis, nec claritas in ea divisione certe deest: ergo est opportuna.

#### PROPOSITIO III.

81. **U**na eademque res potest esse simul bonum honestum, delectabile, & utile.

Probatur. Quod potest habere rationem finis respectu naturæ rationaliter operantis, est bonum vel honestum vel delectabile: quod vero potest habere rationem medii ad finem, est bonum utile: Atqui una eademque res potest habere rationem finis & medii respectu naturæ rationalis, non solum prout est in diversis, sed etiam in uno eodemque subjecto: ergo

ergo una eademque res potest habere rationem boni honesti delectabilis & utilis. Minor suadetur aliqua inductione. Imprimis vis intelligendi & volendi non dubitantur esse bona honesta naturaliter, eaque longe præstantiora, quam sint purum esse & vivere; Nam etiam lapides sunt, & etiam bestię vivunt: At nec primę vivunt, nec secundę intelligunt, qui vero intelligit, non solum est & vivit, sed ulteriorem perfectionem honestissimam, & præclarissimam, vim scilicet intelligendi & volendi habet, quæ rursus sunt bona delectabilia. Delectat enim quod intelligimus, & cruciat quicquid sentimus non nisi obscure a nobis cognosci, ut proinde nequeamus cum securitate illud velle, aut recusare. Eadem tandem sunt bona etiam utilia; Nam illis utimur ad omnia, quæ cognoscimus & volumus, (1) *Omnia, sic S. Augustinus, quæ ad scientiam cognoscimus, ratione cognoscimus, & tamen etiam ipsa ratio inter illa numeratur, quæ ratione cognoscimus, & si cæteris per liberam voluntatem utimur, etiam ipsa libera voluntate per eam ipsam uti nos possumus.*

82. Rursus præmia illa, quæ olim Græcia proposuit in tot celeberrimis diversis generis ludis, & illa, quæ præclaris operibus ad aliquam vel scientiam vel artem pertinentibus hoc tempore proponuntur, relate ad illos, qui se exercent, ut illa consequantur, habent rationem alicujus finis, adeoque boni, naturaliter saltem honesti & delectabilis, & utpote conducentia ad eorundem honorem, etiam boni utilis: quæ utilitatis ratio splendidius etiam apparet relate ad Respublicas vel Principes, qui ea constituerunt conferre ad facilius impetrandum ab hominibus exercitium illud, quod ad scientiarum & artium incrementum expetunt. Ubi observare est exercitium illud, quod est finis quidam relate ad Rempublicam, esse viceversa medium quoddam relate ad homines singulares. Præterea tolerare labores militiæ, & mortem ipsam in bello contra hostes Reipublicæ, honesta moraliter sunt militibus, & utilia pariter, tum sibi ad gloriam, tum Reipublicæ ad quietem, & quatenus hæc obversari illis animo assidue solent, jucunda etiam sunt. Hinc veluti axio-

ma

(1) S. Aug. de lib. arbi. li. 2. ca. 19. pag. 607.

ma quoddam habetur illud Horatii, (1) *Dulce & decorum est pro patria mori*. Ubi animadvertere possumus actiones illas, quæ redundant in communem generis humani utilitatem, generali & conitanti ejusdem consensione haberi ut honestas: Et rursus quamdam agnoscere etiam naturalem inclinationem ad illas exercendas, ut ad liberalitatem, justitiam, fidem, misericordiam, uno verbo amorem proximi: & quando ad Reipublicæ felicitatem tuendam opus sit aggredi aliquid difficile, allicimur etiam ab honoribus, laudibus, gloria, quæ videmus aut novimus hac via aliquando tandem comparari: Et viceversa, quæ ejus quietem & securitatem turbarent, vel aliud detrimentum afferrent, simili generali hominum cujuscunque temporis consensu habentur pro turpibus: nosque proinde ab illis, ut ab avaritia, injustitia, perfidia, crudelitate, impudentia, sola pariter impellente natura abhorremus.

82. Tandem non solum certum est, actum aliquem moraliter honestum esse etiam in se delectabilem, ut patet in delectatione, quam quis de suis bene & præclare gestis suscipiat, quæ non acquirit, esse delectabile bonum per aliquam ipsi supervenientem delectationem, sed per se ipsa tale bonum est: nec negari potest esse simul honestam moraliter, sed affirmare fortasse generaliter possumus cum Pallavicino fuisse id propugnante (2), omne id, quod sine controversia est bonum moraliter honestum, ut quævis Virtutes propriæ vel intellectus vel voluntatis, ceu scientia & pietas, esse etiam bonum delectabile illa delectationis specie, quæ rationalis est, quemadmodum docet experientia illos, qui his student, & vulgus ipsum confirmat adprobans, ut sapienter excogitatam a Prodico fabulam illam, quam ex parte refert Xenophon (3), de Hercule, qui in bivio constitutus aggreditur iter per viam ab omni sensibili delectatione vacuum, & oppositam illi, ad quam Voluptas pelliciebat, sed eam tamen, in qua posset latari de præclare gestis, & cum hominibus honestis versari, & ad latissimam beatitatem perveni-

re.

(1) Hor. li. 3. Carm. ode 2. pag. 61.

(3) Xenoph. de rebus memorab. Socratis

(2) Pall. del Ben. lib. 1. cap. 9. &amp; seqq. li. 1. ca. 2. num. 21. &amp; seq. pag. 73.

re. Evidentius communis hæc existimatio se manifestat in his, qui alicujus vitam ad normam virtutis directam contemplant, illum aut invident, aut laudant sero agnoscetes, & fatentes etiam Sardanapali, & Heliogabali adesse delectationem intellectualem potiore sensili, cujus gratia, cum hanc viderent abesse ab exercitio quarundam virtutum, ut misericordiæ, temperantiæ, & fortitudinis, has imprudentes contempserunt, aut neglexerunt. Quod autem bonum honestum sit simul etiam utile, non solum quisque jam lumine Fidei illustratus fatetur, agnoscens in sola honestate conductam ad bonitatem, tum naturalem tum supernaturalem, sed ipsi etiam Ethnici Philosophi palam docuerunt. Sic Pannætius apud Tullium, qui eum sequitur, (1) *sæpe testatus est nihil esse utile, quod non idem honestum, nihil honestum, quod non idem utile sit, negavitque ullam pestem majorem in vitam hominum invasisse, quam eorum opinionem, qui ista distraxerint.*

Quare confirmo cum Suarez (2), quod supra (§. 26.) observavi, notiones triplicis bonitatis esse potius per abstractionem, quæ præscindit unam ab alia, quam quæ neget unam de alia, fundatam in eo, quod etiam si re ipsa daretur aliquid, quod solum deceret naturam rationalem, adhuc haberet sufficientem convenientiam ad ipsam, propter quam moveret appetitum ad illius prosecutionem.

84. Objicitur. Præmia terrena proposita aliquid præclarum operantibus reducuntur in Gloriam humanam; Sed hæc vel non est bonum, vel certe non est bonum moraliter honestum: ergo probatio inde petita nulla est. Minor probatur, & primo quod gloria humana non sit bonum sic suadet. Aliorum hominum laus, in quo consistit Gloria, est quid nobis prorsus extrinsecum, nec nos intrinsece perficiens: ergo cui bono Gloriam terrenam appetere? Verum quod non sit bonum moraliter honestum plane demonstratur, quia operari ex fine acquirendi gloriam est culpa, quam Christus Dominus vehementer reprehendit (3), & ipsi Philoso-

I

phi

(1) Tull. de Offic. li. 3. nu. 7. pag. 379. pag. 213.

(2) Suar. Metaph. dis. 10, sec. 2. num. 5. (3) Matt. 6.

phi contemnunt. Sic Tullius narrans Demosthenem testatum fuisse experiri se delectationem quamdam ex susurro mulierculæ in aurem alteri dicentis, hic est ille Demosthenes, illum leviculum appellat, & acriter mordet dicens (1), *apud alios loqui videlicet didicerat, non multum ipse secum.*

Resp. concedo vel permitto majorem: & nego minorem. Ad cujus primam probationem distinguo antecedens; Gloria est quid nobis extrinsecum, secundum quod dicit de laude aliorum, conc. antecedens; secundum quod dicit de possessione hujus laudis per ejus cognitionem, & inde proveniente delectationem, nego antecedens, & consequentiam. Igitur Gloria humana considerari potest, tum prout bonum a nobis nondum possessum, & hoc modo est quid nobis extrinsecum, quemadmodum sunt pleraque præmia: tum prout a nobis jam acquisitum, & hoc modo est quid nos magnopere delectans, atque intrinsece proinde periciens. Illam itaque quemadmodum cætera bona externa jure appetimus, quia rationem habet boni delectabilis. Atque si bene omnia pensemus, hujusmodi Gloriam primum dicemus esse ex bonis externis, a Deo auctore naturæ hominibus propositis, & ad incitamentum virtutis ordinatis. Alia profecto externa bona longe minus rationem præmii bonarum actionum habent, quam gloria. Illa enim inveniuntur possideri etiam ab immeritis: at hæc solos dignos sedula inquirat, & comitatur. Illa pro sua paucitate non nisi paucis distribui possunt; & semel quod uni concedantur, alteri adimuntur: hæc inexhaustam habet ubertatem ad omnes ditandos. Illa e re communi generis humani non erat haberi a plurimis: hæc quo plures afficit, eo beatiorum reddit humanam Rempulicam.

85. Gloria igitur est bonum in se, quod habet rationem finis, cujus cum proprium sit, ut appetatur propter se, & non propter aliud, inepte quæritur de illa, cui bono, ut fufius declarat Pallavicinus (2), causam gloriæ egregie contra hujusmodi objectionem propugnans. Ad secundam vero probationem dico in prosecutione gloriæ humanæ non tamquam

(1) Tull. Tusc. 5. nu. 103. pag. 267.

(2) Pall. del Bene li. 1. ca. 24. pag. 79.

quam sine aliquo, sed tamquam sine ultimo, seu non ordinato ad Deum, consistit vitium operationis humanæ, quæ materialiter etiam bona sit: quemadmodum propria vita, & ipsa etiam cœlestis beatitudo, quæ honesta sunt sine controversia, minori cum honestate amantur; etsi sine peccato, ut Bajani confutati a Viva (1) male docuerunt, quando ex motivo nostri dumtaxat commodi amentur, excludendo illud, quod Deum respiciat, cujusmodi est motivum obsequendi Deo auctori naturæ, dum quæ naturæ conveniunt, studemus vel consequi, vel conservare. Profecto sine hoc motivo ea honeste non amari clarum est ex pueris, qui vitam amant, non tamen cum morali honestate, quandoquidem hanc nondum cognoscunt. De iis igitur, quæ sunt unice propter gloriam terrenam adipiscendam est illa Evangelica redargutio hypocritarum; in qua tamen contra illos, qui a ratione boni excludunt gloriam humanam, notandum est illam ibi affirmari esse bonum; Nam vocatur merces operum, quæ ex eo sine facta fuerunt, etsi merces unica, quam scilicet non consequetur ulterior merces *apud Patrem, qui in Cælis est*, quia ad illum ordinata non fuerunt. Et hinc Sancti Patres, & alii Perfectionis Magistri, quorum aliquos profert Cornelius a Lapide in citatum locum Matthæi, fugiendam esse docent humanam gloriam, tamquam vanam, hoc est non conducentem ad æternam felicitatem, & etiam perniciosam, si inducat ad actus invidiæ, aliorumque vitiorum.

36. Ceterum hanc ipsam gloriam esse bonum delectabile suadet sollicitudo communis hominum omnium gentium, & ætatum illam acquirendi vel conservandi, inter quos non ultimus est Tullius, cujus extat Epistola ad L. Luceium (2), historiarum scriptorem, in qua ardens cupiditate gloriæ, ut ipse ait, incredibili petit, ut in suis gestis vehementius etiam ornandis, quam sentiat, leges ipsas historiæ negligat: quæ quidem petitio iniqua est, non vero confessio illa Demosthenis, utpote ingenua declaratio suæ cujusdam affectio-

(1) Viv. ad propof. 10. ab Alex. VIII. damnatam pag. 395.

(2) Tull. Famil. lib. 5. epist. 12. pag. 142.

nis necessariæ. Suscet rursus singularis admiratio, qua illos suspicimus, qui eam ex motivis supernaturalibus aufugiunt; & methodus Ecclesiæ Catholicæ decernendi publicos etiam in terris honores iis, qui beatitudine cœlesti jam potiuntur; tandem promissio illa Divina publicæ laudis in universali iudicio, ubi manifestatis omnibus etiam consiliis cordium (1), *Laus erit unicuique a Deo*.

## S E C T I O V.

*De Bono honesto naturali, & de illo naturali,  
quod est objective honestum per se.*

## P R O P O S I T I O I.

37. **S**ola bonitas honestatis naturalis idem est ac bonitas transcendentalis.

Probatur. Bonitas transcendentalis (§. 7.) est bonitas intrinseca omni enti, & præscindens a respectu ad naturam cognoscentem: atqui bonitas tam honestatis moralis, quam delectabilitatis non habet locum, nisi respectu naturæ cognoscentis, quæ sola prædita est appetitu, quem illud honestum vel delectabile respiciunt tamquam ipsius finem: bonitas vero utilitatis non est intrinseca ulli enti, sed ex intrinseca bonitate finis fit, ut quid bonum hoc modo dicatur: ergo neque bonitas delectabilitatis, neque bonitas utilitatis sunt bonitas transcendentalis. Atqui his exclusis nulla alia restat bonitas (§. 80.), nisi honestatis naturalis: ergo sola hæc est bonitas transcendentalis.

38. Aliter idem argumentum sic magis declaratur. Bonitas transcendentalis dicitur illa, quæ convenit omni omnino enti: sed bonitas honestatis naturalis; nec alia bonitas convenit omni omnino enti: ergo. Probatur prima minoris pars. Bonitas honestatis naturalis significat convenientiam illam, quam habet cum ente aliqua perfectio, distincta ab illo per nostrum modum cogitandi, si sermo sit de bonitate, per

(1) Corinth. I. cap. 4. v. 5.



per quam ens est bonum in se : sin vero sermo sit de bonitate , per quam ens est bonum alteri , significat convenientiam illam , quam unum ens habet naturaliter cum alio , quemadmodum habet caussa cum effectu , vel effectus cum caussa , & pars cum toto , vel totum cum parte : sed utraque prædicta convenientia convenit omni omnino enti ; nam omne ens est bonum tam in se , quam alteri (§.54.) : ergo bonitas honestatis naturalis convenit omni omnino enti , Probatur secunda minoris pars . Bonitas honestatis moralis dicit respectum tantummodo ad ens rationale (§.8.) : sed non omne ens est rationale : ergo bonitas honestatis moralis non convenit omni enti . Rursus bonitas delectabilitatis dicitur solum de Ente , quod aptum est ad producendam delectationem : sed non omne ens est sic aptum : ergo bonitas delectabilitatis non convenit omni enti . Tandem bonitas utilitatis est bonitas mediæ ad finem : ergo est bonitas per denominationem a bono sibi extrinseco , honesto scilicet vel delectabili , ad quod assequendum detur in aliquo ratio mediæ : ergo quod non habet rationem mediæ apti ad bonum vel honestum vel delectabile , tamquam finem , non habet bonitatem utilitatis : sed sunt , quæ non habent rationem mediæ ad aliquem finem , quem sibi proponat natura cognoscens : ergo sunt , quæ non habent bonitatem utilitatis : ergo bonitas utilitatis non convenit omni enti .

## P R O P O S I T I O I I .

89. **D**atur bonitas moralis , quæ talis est per se , hoc est non dependens a Lege ulla , ne Divina quidem , nec ab humanis opinionibus .

Hæc propositio est illa , quæ planum faciet , cur definitio bonitatis moralis objectivæ supra (§.11.) tradita sit bona . Illa in ipsa sui expositione præfert partes distinctas suadendas duas , quia dari bonitatem hanc moralem , quæ talis sit per se , & similiter malitiam moralem talem per se , dux Adversariorum classes negant contra communem Theologorum doctrinam duce S. Thomæ , quos citat Suarez

rez (1). Altera eorum, qui dicunt bonitatem omnem moralem dependere a Lege Divina: altera eorum, qui dicunt dependere ab humanis opinionibus. Ex Adversariis primi generis, qui dicebant, ut ait Suarez (2), omnem malitiam pendere ex prohibitione extrinseca saltem Divina, multos ipse idem, & Vasquez (3) citant & impugnant. Quibus visus est accedere Pallavicinus, quippe omnia illa sua definitioe honesti moralis supra (§.20.) jam relata, ille aperte docet (4), *formam honestatis vel turpitudinis morum esse Divinae Voluntatis approbationem vel averfationem*. Quare sicuti hæc propositio, *Id Deo maxime placet, quod illi maxime placet*, semper vera est, quia identica est, ita etiam dicit necessario veram esse hanc, *semper Deo perplacet, quod est honestissimum*, quia quod est honestissimum, & quod perplacet Deo sunt propositiones identicæ. Verum cum idem immediate ante affirmet, esse aliqua *jure naturæ inhonesta*, & *ideo verita, quia mala*, & *alia esse inhonesta jure positivo seu arbitrario*, & *ideo mala, quia verita*, quæri potest, quonam modo hæc inter se non repugnent. Variis illi viis contendunt ostendere illorum concordiam. Referam unam, quam Viva (5) ad propositionem de peccato Philosophico damnatam ab Alexandro VIII. narrat ab aliquibus proferri, inter quos invenio esse ipsum Pallavicinum in sua de Actibus humanis tractatu (6), ubi quod olim in libris de Bono in hac re docuit, apertius exponit. Hi igitur dicunt; *actus naturæ rationali disconvenientes, ut mendacium, de se esse fundamentaliter & radicaliter inhonestos*, ac proinde vetandos a Divina Voluntate, a qua suam formaliter hauriunt inhonestatem: *actus vero naturæ rationali conformes esse de se radicaliter honestos, quatenus exigunt præcipi, aut suaderi a Divina Voluntate, red-dente illos formaliter honestos*, in quibus verbis seu doctrina non alium sensum invenio, nisi hunc, quod anteccedenter ad om-

(1) Suar. in 1. 2. tr. 3. disp. 2. sec. 1. nu. 2. pag. 210.

(2) Id. Ibid. disp. 7. sec. 1. nu. 2. pag. 269.

(3) Vasq. in 1. 2. disp. 97. cap. 1. & 2. pag. 453.

(4) Pall. del Bene li. 2. cap. 53. num. 2.

pag. 306.

(5) Viv. Thef. Dam. par. 3. num. 20.

pag. 354.

(6) Pall. de Act. lib. 1. cap. 14. num. 177. pag. 217.

omnem voluntatem Dei actus naturæ rationalis ipsi vel convenit vel disconvenit : sed quoniam definitio hujus nominis *Bonitas moralis objectiva* ab ipsis stabilita dicit, bonitatem hanc significare conformitatem actus naturæ rationalis cum Voluntate Divina, & contra definitio hujus nominis *malitia moralis objectiva* dicit illam esse difformitatem actus naturæ rationalis a Voluntate Divina, nondum intellecta hac voluntate, non debet dici inesse actui formaliter bonitatem moralem objectivam, sed solum fundamentaliter. Quo posito, si agnoscant hi suam definitionem esse nominalem, adeoque mutabilem, eamque velint mutare in illam a nobis cum aliis positam, jam nobiscum sentient. Opportune autem illam mutare possunt in nostram ad effugiendam inutilem distinctionem bonitatis moralis objectivæ in fundamentalem & formalem, quæ secunda nihil aliud tandem significat, quam bonitatem moralem objectivam respondentem definitioni cuiusdam nominali arbitrario positæ, non jam de Cœlo delapsæ.

Recentius Antonius Genuensis opinionem, quam impugnamus, amplexus est dicens (1) : *Bonum morale est convenientia actionis liberæ cum lege; malum vero morale est discrepantia actionis liberæ a lege. Ex quo patet, nec bonum ullum morale, nec malum sine respectu ad legem intelligi posse. Sunt interea quidam Theologi, qui proverbium illud passim jactant, quedam esse mala, quia prohibita, alia ideo prohibita, quia mala, & hæc intrinsecam habere malitiam docent. Qui nisi malorum intrinsecorum nomine ea significant, quæ legi naturæ adversantur, quæ lex civilibus antiquior est, ii sunt perridiculi & inepti.*

90. Dicam primo contra primos Adversarios, & sic primam propositionis partem primo probō. Si loqui vera, stare promissis, & similia non essent bonum aliquod morale ante omnem voluntatem hæc jubentem, & contraria prohibentem, Deus absolute posset velle menti ri, & nolle stare promissis : sed hoc dici non potest : ergo neque, quod loqui vera & stare promissis & similia non sint bonum aliquod morale ante omnem voluntatem hæc jubentem.

Simi-

(1), Genu. Elem. Metaph. p. 1. in definit. n. 76. pag. 62.

Similiter si omne malum morale tale est per relationem ad Legem, jam nullum erit peccatum in desideriis de quovis opere, quod post Legem Decalogi non controvertitur esse malum, quoties ea habeant conditionem, quod quis hoc vel illud faceret, si lex illa non adesset. Ita nullum esset peccatum in hoc desiderio conditionato, Vellem furari, ni Deus prohiberet; Nam sicuti nemo agnoscit peccatum in hoc desiderio, comederem carnes die Veneris, si Ecclesia non vetuisset, quia comestio induit rationem peccati unice ex Lege, ita si etiam furari ideo est peccatum, quia est contra Legem, jam cum illa conditione non esset peccatum: Atqui hoc falsum esse plane demonstratur a Theologis, ut Antoine (1): ergo non omne malum morale tale est per relationem ad Legem.

91. II. Communis sententia, quam probant Theologi, ut citatus Antoine (2), quod lex naturalis sit immutabilis, & ne Deus quidem directe & proprie dispensare ab illa possit, quemadmodum statuit S. Thomas (3), in eo fundatur, quod actus respondentes ipsius præceptis negativis sint intrinsece mali. Ita nequit fieri, ut illicitum unquam sit amare Deum, ipsum colere, veritatem fateri, & similia, quia hi actus sunt intrinsece boni: & contra fieri nequit, ut licitum unquam sit odium Dei, Idololatria, Perjurium. quia hi actus sunt intrinsece mali. Similiter S. Thomas docet, (4) quod *quædam actiones humanæ habent deformitatem inseparabiliter adnexam, ut fornicatio, adulterium, quæ nullo modo fieri possunt*: & S. Augustinus rogans Evodium, (5) *cur adulterium male fieri putet, an quia id facere lex vetat*? approbat hanc ipsius responsione in: *Non sane ideo malum est, quia vetatur lege, sed ideo vetatur lege, quia malum est*: ergo communis sententia est, dari ante omnem legem actus intrinsece bonos, & actus intrinsece malos: ergo aliquod bonum morale, & aliquod malum morale non dependent a Lege, primum per convenientiam cum illa, secundum per disconvenientiam ab illa.

Ex

(1) Ant. Theol. Mor. de Pecc. c. 6. q. 3. pag. 86.

O. pag. 219.

(2) Id. Ibid. de Legib. sec. 2. qu. 4. & 5. pag. 19.

(4) Id. Quod lib. 9. ar. 15. O. pag. 132.

(3) S. Thom. 1. 2. quæst. 100. ar. 8.

(5) S. Aug. de lib. arbi. li. 1. c. 3. n. 6. pag. 571.

Ex hac argumentatione , quæ concludit assertam propositionem ex eo , quod extra potentiam Dei sit facere , ut aliquis actus liber non sit bonum morale in se , & contra ut aliquis actus liber non sit in se malum morale , infertur haberi in hoc aliquam contradictionem ; Nam Deo impossibile non est , nisi id , quod involvit contradictionem . Hæc autem contradictio in eo sita est , quod cognita vel creata a Deo natura rationali , repugnet , perseverante ista natura , illi tollere ea , quæ sunt necessaria consequentiæ illius constitutionis , cuiusmodi est ipsius actus convenire , vel non convenire suæ naturæ rationali . In qua proinde convenientia actionis liberæ cum ipsamet natura consistit bonum morale , & in opposita disconvenientia malum morale .

92. III. Ad hominem contra Adversarios . Dato , quod bonum morale bene definiatur convenientia actionis liberæ cum lege , tantum abest , ut sequatur bonum morale intelligi non posse sine respectu ad legem , ut potius sequatur intelligi debere esse bonum morale ante omnem legem : ergo illegitima & mala est illorum illatio . Antecedens probatur , quia de ratione omnis legis est , quod sit iusta , adeoque quod sit relate ad Legislatorem actus moraliter bonus : ergo ante omnem Legem datur actus moraliter bonus .

IV. Datur bonitas moralis in omnibus actibus , qui per rationem nostram distinguuntur in Voluntate Dei : Sed hæc bonitas dici non potest dependere a Lege Divina ; Nam nemo sui ipsius subditus , & superior esse potest , (1) *neque imperare sibi , nec se prohibere quisquam potest* . Rursus ipsa hæc lex Divina , quæ aliquo modo fingeretur ad propugnandam bonitatem actuum Voluntatis Divinæ consistere in convenientia ipsorum cum lege , ipsa , inquam , hæc lex est aliquis actus Divinus moraliter bonus independenter a Lege Divina , nisi procedamus in infinitum in fictione Legum divinarum : ergo datur aliqua Bonitas moralis , quæ talis est independenter a Lege Divina .

93. V. Actum esse convenientem , melius dicas conformem Legi Divinæ , est esse actum conformem præcepto Dei

K

mora-

(1) ff. De receptis arbitris . L. 51. pag. 66a.

moraliter bono; Nam de notione Legis est esse præceptum honestum ex dictis supra (§ 21.), quod idem est, ac esse moraliter bonum: sed præceptum Dei dici non potest habere bonitatem moralem per convenientiam sui cum præcepto aliquo, cui Deus subiectus sit; Nam hoc repugnat dicere de Deo ente independente, & rursus nisi aperiatur processus in infinitum præceptorum, sistendum est in aliquo præcepto moraliter bono per se: ergo dici non potest omnem bonitatem moralem consistere in convenientia cum Lege Divina,

94. VI. Nomine Legis Divinæ, cum qua, quando conveniunt actiones liberæ, dicuntur per Adversarios bonæ moraliter, vel intelligunt ipsi illam, quæ dicitur lex æterna, vel illam, quæ dicitur lex naturalis, vel illam, quæ dicitur lex positiva: Atqui non potest dici, quod omnes actiones liberæ sint, seu constituentur moraliter bonæ per convenientiam cum lege æterna; Nam vel nomine legis æternæ intelligitur juxta iteratam S. Augustini definitionem, (1) *Ratio Divina, vel Voluntas Dei ordinem naturalem conservari jubens, perturbari vetans*, jamque antecederet ad ipsam hanc voluntatem datur ordo naturalis, objectum hujus voluntatis, qui potest per actiones liberas conservari aut perturbari, quatenus scilicet non ideo hæ actiones liberæ spectant ad ordinem naturalem, seu moraliter bonæ sunt, illæ vero sunt contra ordinem, seu moraliter malæ, quia Deus voluit, seu sancivit has esse bonas, & illas malas: sed contrario modo ideo sancivit has esse bonas, & illas malas, quia hæ in se, seu intrinsece bonæ sunt, & illæ malæ: ergo antecederet ad Legem æternam ex actionibus liberis aliæ sunt in se moraliter bonæ, & aliæ moraliter malæ. Simile argumentum adhibuit jam olim Suarez (2) non semel.

Vel nomine legis æternæ intelligitur cum aliis, ut Polmano, (3) *Intellectus Divini distamen indicans aliquid esse conveniens, vel disconveniens naturæ intellectuæ, qua talis*, jamque sicuti affirmare aliquid ita esse, præsupponit rem ita esse, non facit; ideo enim affirmatur aliquid tali modo esse,

quia

(1) S. Aug. contra Faustum li. 22. c. 27. p. 372. & c. 30. & c. 61. & c. 73. p. 404

Id. Ibid. disp. 3. sec. 3. nu. 5. pag. 225.

(2) Suarez l. 2. tr. 3. disp. 2. n. 4. pag. 212. pag. 158.

(3) Polm. Brevi. Theol. par. 1.2. n. 314.

quia ante omnem affirmationem tali modo est, & non vice-versa, ideo aliquid hoc modo est, uti affirmatur, quia affirmatur: Ita pariter dictare & indicare aliquid esse conveniens vel disconveniens naturæ præsupponit, non facit, illud esse sic conveniens, vel disconveniens.

Neque dici potest, quod omnes actiones liberæ sint moraliter bonæ per convenientiam cum Lege Naturali; Nam cum lex naturalis definiatur a Theologis, ut Antoine (1). Lex Divina impressa creaturæ rationali, præcipiens quicquid est conveniens naturæ rationali qua tali, & prohibens quicquid est eidem inconveniens, jamque, omisso, quod eodem modo; ac dictum est de Lege æterna, concluditur, antecedenter ad legem naturalem dari aliquid conveniens naturæ rationali qua tali, aut disconveniens, hoc, inquam, omisso, sequeretur non esse bona moraliter opera consilii, & actiones etiam heroicas virtutum; Hæc enim lex naturalis certe non præcipit: & contra sequeretur esse bonum moraliter, habere ignorantiam voluntariam multarum rerum; Nam lex naturalis hanc non prohibet, quæ omnia dictu ridicula sunt & absurda.

Neque tandem dici potest, quod omnes actiones liberæ sint moraliter bonæ per convenientiam cum lege positiva, quæ sic vocatur illa, quæ lata, & aliter nobis indicta est, quam per lumen naturale, videlicet aliquo signo externo, ut voce vel scripto. Nam tunc pariter sequeretur opera consilii non esse bona moraliter, cum circa illa non sit lex positiva, seu præceptum: & rursus sequeretur ante legem scriptam nullum hominum peccasse, quod est contra illud Apostoli, (2) *Quicumque sine lege peccaverunt, sine lege peribunt*: ergo non potest dici omne bonum morale esse convenientiam, & oppositum malum discrepantiam actionis liberæ a lege.

95. I. Objicit Pallavicinus (3). *Nemo male agit, nisi faciat contra id, quod debet: sed nemo debet, nisi superiori prohibenti oppositum*: Ergo nemo male agit, nisi faciat contra superiorem, sive legem prohibentem.

Resp. dist. majorem: nemo male agit, nisi faciat contra

K 2

id

(1) Ant. Theol. Mor. de Legi. sec. 2. qu. 2. pag. 18.

(2) Ad Rom. ca. 2. v. 12.

(3) Pall. de Act. hum. lib. 1. num. 160. pag. 210.

id quod debet, hoc est decet ipsum, vel quia rationalis est, vel quia alteri subiectus est, conc. maiorem; solum quia alteri subiectus est, nego maiorem. Et distinguo minorem, nemo debet nisi superiori, si sumatur *debet* dumtaxat pro esse subiectum alteri, conc. min., si sumatur *debet*, pro decet, nego min., & consequentiam:

96. II. Objicitur. (1) *Communius*, inquit Viva, cum *Angelico Theologi docent primam ac formalem regulam honestatis obiectivæ esse Divinam Voluntatem*: ergo nulla est bonitas moralis obiectiva independenter a Lege Divina.

Resp. permitto añs, & nego consequentiam, quæ non potest sic absolute inferri, sed solum disjunctive, scilicet, ergo vel nulla est bonitas moralis obiectiva independenter a Lege Divina, vel etiam si sit, ea detegitur communiter per comparationem cum Lege Divina: cujus consequentiæ secunda dumtaxat pars accipitur; Nam certum est posita a Deo creatione naturæ rationalis, poni etiam Voluntatem Dei circa omnes illius actus, quorum illos, qui ipsi convenient, præcipit vel suadet, illos vero, qui eidem disconveniunt, prohibet. Quare non potest quivis actus creaturæ rationalis non habere aut conformitatem, aut difformitatem a Voluntate Dei. Theologi autem volentes tribuere regulam facilem, atque communem pro omnibus hominibus dignoscendi bonitatem moralem eorum, quæ sibi proponant facienda vel non facienda, provocant ad Voluntatem Divinam, quæ per dictamen conscientiæ clarius resonat auribus etiam rudium, quam illa remotior, quæ nititur in convenientia vel disconvenientia actus cum natura rationali, quæ sunt voces cognitiæ solis fortasse Philosophis. Neque ex eo, quod Voluntatem Divinam vocent aliqui, non vero communius, ut dicit obiectio, regulam formalem honestatis, inferri potest ab illis credi per Voluntatem Dei tamquam per formam constitui aliquid in ratione honesti; Præter enim illa, quæ supra (§. 89.) adverti de mente Theologorum, & S. Thomæ huic interpretationi repugnantia, ipsum nomen regulæ, quæ est quid extrinsecum illi, cui aptatur, satis est ad intelligendum illos alienos esse ab huius-

(1) Viv. Thef. Damn. par. 3. n. 20. pag. 334.



hujusmodi opinione. Regulæ igitur formalis nomine intelligunt methodum obviam facilem infallibilem & adæquatam agnoscendi, sit nec ne aliquid honestum, & nihil aliud.

97. III. Objicitur. Peccatum juxta celebrem S. Augustini definitionem est, (1) *Dictum factum concupitum contra Legem æternam*: quam quanto jure Theologi post S. Thomam; qui illam integro articulo propugnavit (2), magno applausu acceperint, exponit Bellarminus (3); ergo nullum malum morale, neque illi oppositum bonum intelligitur sine respectu ad Legem Dei.

Resp. I. conc. antecedens, & dist. consequens: Neque bonum, neque malum morale objectivum intelligitur sine respectu ad Legem Dei universaliter loquendo, nego consequentiam: neque bonum neque malum morale actuale intelligitur sine respectu ad Legem Dei, subdistinguo, quatenus hæc semper re ipsa adest circa actus quoscumque creaturæ rationalis pro quavis differentia temporis existentis, & est facilior regula illud dignoscendi, concedo consequentiam: non intelligitur sine respectu ad Legem Dei, quatenus antecederet ad Legem Dei in sensu supra (§. 95) exposito aliqui actus creaturæ rationalis non sint neque boni, neque mali moraliter, nego consequentiam. S. Augustinus ibi loquitur de peccato, seu malo morali actualem, sive ut advertit citato loco S. Thomas, prout contingit in actibus humanis; propter quam causam dicit opportunissimam esse illam definitionem, cum de omni peccato actualem affirmari revera possit, quod sit malum etiam quia prohibitum; Necessario enim repugnat Legi Dei illud vetantis, & quidem cognitæ ab operante; Nam dari peccatum pure Philosophicum, scilicet includens solam cognitionem disconvenientiæ actus cum natura rationali, & excludens cognitionem de præcepto Dei illud vetantis repugnat, ut ostendit Viva ad propositionem, quæ contrarium de hoc peccato asserit, damnatam ab Alexandro VIII (4), ut erroneam. Non loquitur igitur S. Doctor de peccato objective dumtaxat considerato, sive in statu meræ

possi-

(1) S. Aug. contra Faustum li. 22.

(4) Viv. Theol. Damn. par. 3. num. 2.

(2) S. Thom. 1. 2. qu. 71. art. 6. pag. 220 pag. 339.

(3) Bell. de Amiff. Gratiz li. 1. c. 1. pag. 74.

possibilitatis, quæ præcindit vel excludit omnem ipsius pro aliqua differentia temporis existentiam. Hoc profecto intelligitur esse malum morale per hoc solum, quod sit disconveniens naturæ rationali; neque enim pro statu-objecti mere possibilis datur lex, seu voluntas aliqua absoluta Dei.

Resp. II. conc. antecedens, & distingo alio modo consequens. Malum morale non intelligitur sine respectu ad Legem Dei, stando illi definitioni ex S. Augustino prolata, conc. consequentiam, sequendo aliam definitionem, nego consequentiam. Augustinus, qui dat ibi illam definitionem peccati, alibi centies habet aliam illam, quæ explicat peccatum per privationem boni, seu perfectionis debitæ actui naturæ rationalis, quæ definitio non meminit de Lege Dei.

98. Instant. Ipsa contra naturam flagitia hominum sunt ex S. Augustino contra Legem æternam: (1) *Flagitia*, inquit, *quæ sunt contra naturam, ubique ac semper detestanda atque punienda sunt, qualia Sodomitarum fuerunt. Quæ si omnes Gentes facerent, eodem criminis reatu Divina Lege tenerentur*: ergo nullum malum morale, & a pari nullum bonum morale intelligi potest sine respectu ad Legem Divinam.

Resp. conc. antecedens, & distingo consequens: nullum malum morale hominum intelligi potest sine respectu ad Legem Divinam, quatenus in Hypothesi mali, quod ab illis fit, illa semper adest juxta nuper dicta, conc. consequentiam; quatenus præcindendo a Lege nullum sit aut intelligi possit malum morale, nego consequens.

99. IV. Objicitur. Deus jussit Abrahamum occidere filium suum innocentem. Christus Dominus jubet odisse Patrem etiam & Matrem: atqui si in re, seu independentem a Voluntate Dei esset malum occidere hominem innocentem, & odisse Parentes, non potuisset Deus hæc jubere: ergo.

Resp. conc. maj., & dist. min. Si independentem a Voluntate Dei esset malum, quod homo etiam ex mandato Dei rerum omnium Domino occidat hominem: & si independentem a Voluntate Dei esset malum odisse Patrem & Matrem in

(1) S. Aug. Conf. lib. 3. cap. 8. p. 13. 91.

in sensu, quo hoc jussit Christus, nimirum non posthabendum Deum, & ipsius legem amoris parentum, non potuissent hæc a Deo juberi, conc. minorem, vel potius permitto, nam involuit quamdam terminorum repugnantiam in prima sui parte. Si independenter a Voluntate Dei esset malum, quod homo propria auctoritate occidat hominem, & quod filius oderit patrem & matrem in alio sensu, ac quo usus est Christus, & qui est sensus obvius in eo loco, non potuissent hæc a Deo juberi, nego suppositum; Deus enim nunquam hæc jussit, & nego consequentiam. Distinctio clara est, & quod pertinet ad jussionem de Sacrificio Abraham, patet Deum omnium rerum Dominum potuisse vitam, quam dedit Isaac repetere vel per se vel per patrem, vel quovis modo illi libitum fuerit. Quare Abraham, inquit S. Thomas (1), *Non erat homicida, sicut nec Deus*. Adde quod ex facto constat illam jussionem fuisse experimentum obedientiæ & fidei Abrahami. Quod vero pertinet ad odium parentum indictum a Christo, habet in ipso contextu Evangelii claram expositionem sensus jam in distinctione propositi.

100. Venio ad illos, qui nobis contradicunt affirmantes bonitatem omnem moralem dependere ab humanis opinionibus. Quod neminem dicturum esse contra factum ipsum supposuit Ægidius Eltrix, qui postquam dixit, (2) *Honestas aut inhonestas objectiva, seu ipsarum in se actionum non dependet ab humanis opinionibus de honestate aut inhonestate objectiva*, addit, *non existimo huic veritati, honorem axiomatis a quopiam controversandum*. Verum sine controversia hoc solum est, esse aliquos, qui non modo dubitant de hujusmodi veritate, sed contrarium etiam statuunt. Atque ex his alii dixerunt, bonum morale, sicut etiam oppositum malum dependere ab humanis opinionibus, quæ evaserint communes vel propter consuetudinem, vel propter leges proprias singulis regionibus. Ab his dicunt boni & mali morales mensuram & rationem repetendam esse, iisque sublatis nullum aliud bonum, aut malum haberi in rerum natura nisi phy-

(1) S. Thom. 1. 2. q. 100. ar. 8. O.  
pag. 219.

(2) Eltri. Logist. probabil. post def. 7.  
pag. 206.

physicum. Protagoras, qui ut habetur apud Platonem (1), & Aristotelem (2) fuisse illum impugnantes, assererat *omne quod opinamur, & nobis apparet, verum esse*, non male citatur pro hac stultitia. Verum alii sunt, qui directe magis illam ausi sunt propugnare, de quibus idem Plato narrat, quod (3) *dicunt iuxta naturam minime esse. . . Quæ nuper homines statuerunt, quatenus illis sic placet, eatenus esse iuxta, non natura quidem, sed arte & legibus constituta*. Tullius etiam de his meminit, illorum impugnationem aggrediens dicendo, (4) *Honestæ & turpia in opinione existimare, non in natura posita, dementis est*. Ex istis fuit Pyrrho Scepticorum Coriphæus, qui referente Laertio aperte (5) *negabat quicquam turpe esse aut honestum, iustum vel iniustum. . . Lege atque consuetudine cuncta homines facere*. Et magnus ille Pyrrhonis fautor Sextus Empiricus similiter in hac re dicit, (6) *Nihil natura tale est vel tale, sed omnia opinione tenus*. Sed integra sic opinantium cohors habetur in Epicureis, qui jam Increduli appellantur, quos fuisse nuper coarguit Michael Angelus Marin (7). Hi in veris bonis solam ponentes sensuum voluptatem, & in veris malis solum dolorem, cætera dicunt esse solum bona vel mala pro cuiusque opinione. Certe, inquit, omnes nemine excepto, qui siti vel fame vexantur, intelligunt malum esse sitire & esurire, & bonum esse bibere & manducare, nec opus habent ulla Philosophia aut ratione, quæ id illis suadeat: at in aliis rebus, ut in secundis vel tristibus eventibus, in hoc vel illo agendi modo, observamus, hos summa, illos exigua, alios nulla sive lætitia, sive mæstitia tentari, pro ea scilicet opinione, quæ illorum animis insedit. Illud addebant Epicurei, quod, cum huiusmodi opiniones satis ipsæ essent ad inferendum in animos cruciatum, opus esset scientia, quæ ab illis nos liberet, illa scilicet, quæ concluderet nullam esse Divinam Providentiam, & nullam animæ immortalitatem, quam

pro-

(1) Plat. Theæt. pag. 79.

(2) Arist. Metaph. li. 4. ca. 3. pag. 74.

(3) Plat. de Legi. li. 10. longe ante medium. pag. 591.

(4) Tull. de Leg. li. 1. num. 16. pag. 173.

(5) Laert. Pyrrh. vita. pag. 200.

(6) Sext. Pyrrh. Hypoth. li. 3. circa finem ca. 24. pag. 187.

(7) Marin. Republic. des Incred. li. 5. a pag. 7.

proinde suam scientiam dicebant esse bonum quoddam appetendum, non tamen tamquam finem, sed tamquam medium.

101. His omissis alii sunt, qui dicunt bonum morale consistere in eo, quod existimatur esse vel posse esse utile sibi, vel saltem Reipublicæ. Horum opinionem Glauco apud Platonem (1) fusa oratione exponit, vehementissime urgens illud istorum argumentum, quod nemo justus esset, nisi in conspectu præmia haberet, quæ ab hominibus, Deoque tribuuntur; ex quo infert justitiam, quæ, cum proprie sumitur, est species quædam bonitatis moralis, generice vero sumpta est omnis moralis bonitas, non esse quicquam in se bonum, & expetibile tamquam finem, sed esse tantummodo bonum ad aliud, & amabile tamquam medium. Pallavicinus eandem doctrinam tribuit Aristoteli in Ethica, & Tullio de Legibus: hi, inquit, (2) *honestum docent nihil tandem esse, nisi humanæ universitatis bonum, populique salutem*. Verum credo equidem hos ibi non definire, in quo consistat honestas moralis, sed vel tradere tantummodo methodum quamdam dignoscendi, an aliquid sit nec ne honestum: cujusmodi certe est advertere, an illud bono sit Universitati hominum: vel significare bonitatem moralem, prout nobis exercenda proponitur, esse ex illo bonorum genere, quæ, ut ait Plato citato nuper loco, & *ipsorummet gratia, & eorum, quæ ab eo fluunt, amamus*: vel docere bonum hujus Universitatis, seu ut generalius dicitur bonum physicum, esse in re prius bono morali, & hoc in eo fundari. Quod concedi utique debet; Prius enim sine controversia est in rerum natura bonum physicum, quam morale, cum hoc utpote situm in operatione entis rationalis præsupponat hujus existentiam. Hos interea confutant Picetus (3), & Chambers, qui tamen falso dicit (4) *plerosque esse, qui statuunt ab utilitate propria, seu amore sui habere originem ideas boni moralis, & e contrario ideas mali moralis*, quando hoc modo loquendi velit denotare illos, contra quorum opinionem dicit. Pauci enim sunt, qui ita desipiant, saltem comparative ad eos, qui his

L

ad-

(1) Plat. li. 2. de Rep. pag. 314.

(2) Pall. de Bon. li. 1. ca. 18. pag. 31.

(3) Pic. contr. l'Indiffer. ch. 9. pag. 110.

(4) Chamb. Diction. art. mal. pag. 221.

adversantur. Quod si velit dicere, ascendere nos quodammodo ad ideam abstractam, & universalem boni & mali moralis ex experimentalibus cognitionibus eorum, quæ nobis commoda vel incommoda accidunt ab aliis, fortasse consentient illi, quotquot affirmant omnes nostras ideas originem ducere a sensibus vel mediate, vel immediate, & nullas admittunt ideas in sensu Cartesianorum innatas.

102. In numero eorum, contra quos hic dicimus, est Thomas Hobbes, qui Malmesburi in Anglia natus an. 1588, obiit Harvici in Anglia pariter anno 1679, invisus multis, etiam dum viveret, propter insignem suam impietatem, ut habetur apud Morerium (1). Illius doctrina fuit hominem spectata ipsius natura eam dumtaxat legem habere, quæ respicit conservationem, & utilitatem suam. Huic cum pareat, nunquam male operaturum. Quod si sponte vel coacte subiectus sit alteri vel Regi, vel Magistratui, tunc male operaturum, quando aliter faciat, ac leges ab his indictæ velint. Quamobrem duplex quoddam honestatis moralis genus ab ipso distinguitur, alterum, quod dicam Monasticum, alterum Politicum. Primum quod brutis æque convenit, quæ nihil curant, nisi vitam suam: alterum quod præsupponit fieri posse, ut ipsa iniustitia sit honestas moralis. Si enim sine ulla limitatione honeste, seu juste agit, qui cuivis imperanti paret, cum fieri possit, ut iniusta imperentur, jam hæc dicenda erunt iusta, quandoquidem ab his tamquam a radice derivatur honestas parendi. Jamque ex hac parte incidit Hobbes in illam Trasymachi opinionem, quam Plato (2) execratur, qui iustum definiebat esse, quod est potentioribus utile, & subditos iuste tunc agere, cum illis parent legibus, quæ sunt ad utilitatem constitutæ. Hæc testante Bruckero (3) habet Hobbes in suis de Libertate disputationibus habitis cum Bramhallo, & alibi. Quibus imbutus doctrinis, eodem Bruckero referente, (4) Daniel quidam Scargius, Cantabrigienſis Academia socius ausus fuit publi-

ce

(1) Morer. Diction. art. Hobbes.

ca. 6. §. 8. pag. 155. Id. Ibid. §. 14. pag. 167.

(2) Plat. lib. 1. de Rep. ante medium.

(4) Idem ibidem. par. 2. li. 1. ca. 16.

pag. 179.

§. 21. pag. 161.

(3) Bruc. Hist. Philo. tom 4. par. 2. li. 1.

ce exponere & propugnare hanc theſim, *juſtitiam moralem dependere a civilibus inſtitutis: ſupremi magiſtratus juſſis & Legibus Divinis, quæ de moribus latæ ſunt, contrariis, obtemperandum eſſe*, qua ſibi expulſionem ex Academia, & alias infamiæ notas comparavit. Pro eadem ſtultitia Auctor anonymus libri de Diſtinctione Boni & Mali apud Trevoltianos (1), & Jo: Chriſtophorum Wolfium (2), citat Michaellem Montagnem, & ejus amicum Petrum Charronum, quos impugnat. Perverſi hujusmodi homines in ſuæ aſſertionis præſidium quoddam vocant veteres illos Philoſophos, Academicos dictos, quorum dogma cum eſſet, de omnibus dubitandum, conſequenter nihil affirmabant eſſe in ſe vel bonum vel malum in nulla linea, nec phyſica nec morali. Sed ſi illi hoc non affirmabant, hi qui hoc audent affirmare, pejores jam illis ſunt. Quare ſi illorum doctrina, quæ quantum pertinet ad mores, eo tandem deveniebat, ut dicerent, quicquid eſſet appetibile, illud æqua cum laude amplecti poſſe, dummodo nulla interveniret aſſenſio circa apparentem ipſius vel honeſtatem vel inhoneſtatem; tam ſtulta & execrabilis viſa fuit S. Auguſtino, ut de illis iterum iterumque, & quidem ex profeſſo (3) agens, dicat ſe putare nunquam homines illos, quos vocat, *doctiſſimos & acutiſſimos* tenuiſſe reipſa, nihil nobis eſſe certum: quidnam dicendum eſt de hiſ, qui ſtatuentes certum eſſe, quod nihil ſit in ſe bonum vel malum morale, via omnium breviffima ad omne flagitium contendunt? Quam horrenda in iſta ſuppoſitione dicant, & inferant, execratur referens Hooke (4), & Guyonus in ſuo anonymo libro contra Voltaiſrem ſcripto, cujus titulus, *L'Oracle des nouveaux Philoſophes*, ibidem accuſas Rouſſeaum (5), quod Hobbſii veſtigia ſequutus ſit in libro, *Origo & fundamenta de inæqualitate inter homines*. Sed quoniam ille profitetur, ſe in hac ſua diſſertatione loqui de homine, qui nec homo ſit nec bellua, qui naturaliter careat reflexione, na-

L 2

tu-

(1) Mem. de Trev. an. 1704. art. 48. pag. 539.

(2) Volf. Manichæiſm. ſec. 3. num. 10. pag. 342.

(3) S. Aug. li. 3. cont. Acad. a c. 17. uſque

ad finem libri, pag. 291. Id. Epiſt. olim 213. per totum, nunc 1. pag. 1.

(4) Hook. Princ. Religi. tom. 1. ſec. 17. propoſ. 2. pag. 15.

(5) Guy. Conver. 2. pag. 45. & 66.

turaliter (1) *erret per sylvas sine industria, sine loquela, sine domicilio, sine litibus, sine mutua communicatione, sine indigentia alterius ex sua specie, sine desiderio &c.*, manifestum est illum, velit nolit, loqui de homine chimærico. Ecquis igitur patienter legat, vel aliquo in pretio habeat dissertationem de subjecto, ut ajunt, non supponente?

103. Imprimis igitur contra illos, qui generatim dicunt bonum & malum morale dependere ab humanis opinionibus sic arguo. Ad operandum bene moraliter requiritur dictamen conscientię, hoc est actus intellectus judicantis aliquid hic & nunc licite agi posse vel debere, tamquam in se seu materialiter honestum, vel licite agi non posse, utpote non sic honestum. Ita enim dictamen conscientię passim definitur a Theologis Moralibus agentibus de Conscientia: ergo in priori ad nostras cogitationes datur bonitas moralis in re, vel contraria malitia.

104. II. Si non daretur convenientia inter naturam rationalem, & aliquos actus ab ipsa exercitos, nec daretur ejus oppositum disconvenientia ante omnem nostram cogitationem, nulla darentur communia omnibus gentibus principia operandi, ut illud universalissimum, (2) *Omnia quæcumque vultis, ut faciant vobis homines, & vos facite illis*, sæpe usurpatum a S. Augustino (3), & eloquenter declaratum a Chrysostomo (4), in quo continetur præceptum affirmativum, quod includit charitas in proximum, per legem deinde & Prophetas omnibus aperte indicta; & aliud similiter universale, *quod tibi non vis, alteri ne feceris*, sive ut legitur apud Tobiam (5) *Quod ab alio oderis fieri tibi, vide ne tu aliquando alteri feceris*, quod continet præceptum negativum, inclusum pariter in eadem charitate: aliaque magis particularia, ut Deum esse honorandum, seipsum & parentes diligendos, miserendum miseris, & similia: Atqui dantur hujusmodi principia operandi, communia omnibus gentibus

(1) Rous. Ouvres tom. 1. de l'ingalité. par. 1. circa finem. §. Conclusiōs. pag. 392.

(2) Matt. 7. 12.

(3) S. Aug. ser. 25. in Pral. 113. Id. in Psal. 57. Id. lib. 2. de Sermon. Domini. cap. 9.

Id. lib. 2. Confess. cap. 4.

(4) Chrys. hom. 13. ad populum circa medium. pag. 171.

(5) Tob. 4. 16.



bus omnium temporum : ergo datur hujusmodi convenientia , aut opposita disconvenientia ante omnem nostram cogitationem . Major facile intelligitur vera esse , quia uniformitas in judiciis humanis non reperitur , nisi circa ea objecta , quæ evidenter talia sunt in se , qualia judicantur , & ad quæ cognoscenda natura rationalis est ex seipsa intrinsece determinata ; in iis enim quæ minus clarum est , qualia sint , tot inveniuntur hominum sententiæ , quot capita .

105. Minor autem probatur primo , quia quorumcunque temporum scriptores advertunt inesse homini judicem quemdam de iis , quæ agat , qui ipsum protinus laudat vel vituperat , absolvit vel condemnat . Certe Plutarchus quærens , (1) *An Vitiōfitas ad infelicitatem sufficiat* , ita esse respondet , & multis suadet : quibus addi potest auditos aliquando esse homines nequissimos , qui filios suos propriis manibus se jugulatuos professi sunt , si sibi similes futuros præscirent . Bene Juvenalis dixit (2) ,

... *Prima hæc est ultio , quod se  
Judice , nemo nocens absolvitur .*

Et melius S. Augustinus (3) , *Jussisti Domine , & sic est , ut  
pæna sua sibi sit omnis inordinatus animus* . Quod Poetæ altius animo imprimere conati sunt , fingendo Titios in perpetuo cruciatu jecuris a Vulture devorati , & ad continuum cruciatum renascentis , & Historici referendo scelestorum anxietatem & gemitus ab illis quantumvis invitis per solas conscientiaæ objurgationes frequenter expressos . Sic Tacitus (4) describit nobis Neronem post interfectam a semetrem , mentis inopem , huc illuc vagantem , insomnem , pavidum , & de die noctem , de nocte diem timentem . Secundo quia apud omnes gentes omni tempore inveniuntur aliqua erga Deum Religio , & horror in vitia læsiva honoris vel vitæ alterius , neque ullibi reperitur , qui aut dicat , aut credat blasphemos , parricidas , proditores nihil proprie mali facere , rebus ipsis secundum se spectatis , & æquali loco habendos in re esse , qui Deum blasphemant , & Parentes jugulaverint ,

ac

(1) Plutarch. Opusc. an Vitiōfitas. p. 201.

(2) Juven. Sat. 13.

(3) S. Aug. Conf. li. 1. c. 12. pag. 77.

(4) Tac. Annal. lib. 4. c. 10.

ac illi, qui Deum colant, & Parentes revereantur. Tertio quia occulta quadam vi natura humana rapitur in laudem & admirationem eorum, quæ quis juxta prædicta prima principia gesserit, vel contra in odium & averfationem eorum, quæ contra illa facta sint, ut luculenter ostendunt tot illi Græci, Romani, vel alterius gentis homines etiam barbari, quorum nomina immortalitatem vel honoris vel ignominia consequuta sunt apud Historicos cujuscvis ætatis, & Authores illos non ita paucos, qui Valerii Maximi exemplum sequuti eorum hujusmodi facinora in breviores commentarios collegerunt. Hoc argumento utitur etiam Michael Marin (1).

106. I. Obicitur. Principia operandi apud varias gentes ita varia sunt, ut etiam sint inter se prorsus opposita; Nam quæ alicubi habentur tamquam scelera gravissima, alibi reputantur non solum honesta vel licita, sed etiam sacra & religiosa. Ita sunt aliquæ gentes, quæ licitum sibi credunt disponere de vita filiorum, illosque sibi etiam manducare, illos sepelire vivos cum Matre, quando hæc in partu perierit, derelinquere infirmos, quorum nulla est spes valetudinis sine cibo, & sine ulla ope, parentes ipsos, cum jam senuerint, occidere. Pro his & similibus moribus longa consuetudine confirmatis testis est Sextus Empiricus (2), & in ejus suffragium citari possunt Alexander Sardus Ferrariensis libro præsertim primo, *de moribus ac ritibus Gentium*, & S. Hieronymus, qui post illorum aliquam enumerationem sic concludit, (3) *Pervides igitur, quod non solum in esu, sed & in sepulturis, & in connubiis, & in omni conversatione unaquæque gens suo ritu, & proprietatibus vitet, & hoc eam naturæ legem putare, quod didicit. Quod vero pertinet ad illud, quod majus est, habita esse inter sacros cultus illa, quæ communius habentur inter summa flagitia, testes sunt Veterum historiæ, ubi agunt de cultu attributo Veneri ab Ethnicis nec jam stolidis, aut incultis, sed in Respublicas politiores congregatis, quales jam fuerunt*  
Co-

(1) Marin. Repub. des Incred. li. 5. p. 8.

(2) S. Hier. adver. Jovini. li. 2. cap. 6.

(3) Sex. Pyrr. hyp. li. 3. ca. 24 & 25. p. 177.

Corinthii, qui illi Idolo tale templum consecrarunt, quale communis Fornix appellatur: ergo falsum est dari operandi principia communia omnibus gentibus: ergo illa illatio bonitatis moralis, quæ detur in re ante omnem nostram cogitationem, innitens suppositioni principiorum operandi communium omnibus gentibus, nulla est.

Resp. dist. antecedens. Principia operandi, sed non primaria apud varias gentes sunt varia, concedo antecedens: principia operandi primaria sunt varia apud varias gentes, nego antecedens, & cadunt reliqua. Principia supra (§. 104.) allata sunt ex primariis. Hæc generaliter dici possunt distinguui ab aliis, quæ consequenter secundaria principia operandi dicuntur, ex testimonio intimæ conscientiæ, quod qui ex hominibus neget se audire, mentitur. Nam hæc esse eadem apud omnes gentes omnium temporum, fuscè declarat Nicolaus Ghezzi (1), & pressius statuunt communiter, ut dicit Viva (2), Patres & Theologi cum S. Thoma (3), qui in hac re utitur autoritate S. Augustini dicentis, (4) *Lex tua scripta in cordibus hominum, quam ne ipsa quidem delet iniquitas*. Quare bene appellari etiam solent Principia Juris naturæ.

107. Venio ad exempla objecta, quibus primo quidem univèrsim respondeo cum Picteto (5), & Marino, quod illis etiam datis, non sequitur aliquam esse gentem, quæ nihil omnino credat in re esse bonum aut malum, justum aut injustum, nec conveniat cum aliis hominibus in ullo principio operandi, sed sequitur solum posse homines non solum turpiter errare in linea scientiæ & veri, sed etiam in linea morum & boni, & quidem ita, ut bestiarum ipsarum furorem & inhumanitatem superent, quæ omnia ultro conceduntur. Nonne enim male infertur, nihil in se esse verum vel falsum ex eo, quod aliqui extiterint, etiam Philosophi, qui dubitarunt de ipsis primis principiis scientificis, ut quodlibet est vel non est, de existentia eorum quæ videbant, & suimet corporis, uno verbo de omnibus. Simili igitur modo male

(1) Ghez. Moral. Filos. li. 1. p. 1. Dial. 3. nu. 11. & seq. pag. 74.

(2) Viv. Thef. damn. ad propo. 2. Alcoran. VIII. pag. 161.

(3) S. Tho. 1. 2. q. 94. ar. 6. pag. 205.

(4) S. Aug. 2. Conf. ca. 4. pag. 30.

(5) Pic. cont. l' Indiff. cha. 9. pag. 110. Mar. Repu. des Incréd. li. 5. pag. 25.

le infertur, nihil in se esse bonum vel malum morale ex eo, quod revera extiterint, qui aliquid, quod nos malum & execrabile dicimus juxta communem cogitandi & loquendi modum, illi tamquam licitum, honestum, & etiam sanctum habuerint, vel vocaverint.

Deinde vero in particulari respondeo ex objectis illis apud aliquas gentes moribus, aliquos quidem non probari de iis populis, qui in Rempublicam coaluerint, alios vero non probari fuisse satis diuturnos. Atque hoc modo intelligi potest citatus Sardu, qui, cum inter populos nullis institutis matrimonii, bestiarum instar crescentes, Indos capite primo nominaverit, eosdem deinde capite secundo numerat inter illas gentes, quæ *habebant in matrimonio matres & sorores*: scilicet prima illa barbaries contingere fortasse potuit, dum describuntur (1) *ferarum more passim vagantes*; secunda vero licentia, dum nondum illorum Respublica sufficienter fuerat stabilita. De illis tandem moribus, qui dictu magis horribiles sunt, utpote qui foedissima vitia dicuntur consecrasse, nego illos ipsos populos, apud quos hæc aliquo tempore contigerunt, existimasse non esse reipsa infanda scelera; Nam ea certo quodam dumtaxat tempore & loco non jam jubebantur, sed tolerabantur: extra vero illud ipsorum templum ac tempus, tamquam quid omnino monstruosum turpe & indignum natura rationali, prohibitum erat gravissimis legibus, & nullo modo toleratum. Quare planum est, ne tunc quidem cum nominabantur actus Religionis hujusmodi turpitudines, credebantur tales esse, sed quæ causæ reputatæ fuerunt sufficientes ad illorum permissionem, qualis fortasse fuit ad impediendum majus malum, eadem potuerunt persuadere abusum etiam illius appellationis, & ea præterea, quæ magis facit contra objectionem, & verior videtur, ne vulgo scilicet nota esset tanta stultitia, vel nequitia.

108. II. Objicitur. Si darentur aliqua principia operandi communia, maxime essent illa, quæ dicuntur præcepta legis naturalis: Sed hæc non sunt principia communia; Nam admittitur a Theologis dari posse ignorantiam invincibilem etiam circa legem naturalem: ergo.

Resp.

(1) Sardi. li. 1. ca. 1. pag. 1.

Resp. dist. maj. Principia communia essent præcepta legis naturalis, illa scilicet, quæ nullo indigent ratiocinio ad sui cognitionem, conc. maj., illa quæ hoc indigent ratiocinio, utpote inferenda ex primis illis cuiusvis obviis, nego maj., & cum eadem distinctione excepta minori negatur consequentia. Quod pertinet ad probationem, dico Theologos, ut Antoinem (1), admittere ignorantiam invincibilem dari posse circa legem naturalem, non quantum ad præcepta præcipua & fundamentalia, quæ prima morum principia appellantur, neque circa illa, quæ facile ex his colliguntur; quælia sunt præcepta Decalogi, sed solum quantum ad illa, quæ sunt satis abstrusæ conclusiones priorum. De his S. Thomas dicit (2), *quædam sunt, ad quorum iudicium requiritur multa consideratio diversarum circumstantiarum, quas considerare diligenter, non est cujuslibet, sicut considerare particulares conclusiones scientiarum, non pertinet ad omnes*. Hoc modo S. Augustinus conscius utique legis naturalis atque Divinæ dubitat de nonnullis in Lege Dei contentis, ut an uxor dimissa a suo marito committat adulterium, si alteri illo vivente copuletur; Nam inquit, (3) *mæchatur quidem, qui eam duxerit secundum Domini sententiam, sed utrum & ipsa tali crimine teneatur, incertum est*, aliasque tum ibi, tum alibi (4), similes dubitationes promovens, se nihil habere, quod de illis statuatur, profitetur.

109. Contra illos jam, qui bonitatem moralem constituunt in existimatione communi fulcita legibus, concomitantibus determinatis temporis circumstantiis sic arguo. Existimatio communis, & leges illæ sunt quid consequens ipsam bonitatem moralem objective talem per se, non sunt quid ad illam pertinens de formali; Nam ideo adest ea existimatio, & adsunt illæ leges circa aliquid agendum, vel non agendum, quia illud in se, seu materialiter est, vel non est moraliter honestum, & non viceversa. Circumstantiæ autem temporum sunt quid pertinens ad ipsum subjectum talis bonitatis,

M

sci-

(1) Ant. Theo. Mor. tr. de Peccatis ca. 4. qu. 6. pag. 82.

(2) S. Thom. 1. 2. quæst. 100, art. 1. O. pag. 216.

(3) S. Aug. de Sermone Dom. li. 1. c. 16. nu. 4.º. pag. 186.

(4) Id. Epist. ad Paulinum 80. alias 65. pag. 187.

scilicet actum, non sunt quid pertinens ad hanc bonitatem. Nam ab hac illæ præsupponuntur, quandoquidem quævis forma præsupponit conveniens sibi subjectum, quod constatur ex omnibus sibi intrinsicis attributis, nec præscindit a conditionibus ad sui existentiam necessariis.

Rursus sic arguitur. Ex intima experientia conscii sumus determinari nos ad amandos illos, quos novimus mires, fideles, gratos, & contra ad averfandos crudeles, infidos, ingratos, sicuti ex intima experientia conscii sumus necessario delectari nos ab aspectu operis bene dispositi, aut ab artificioso concentu, & contra molestia quadam necessaria affici videntes resincompositas, aut audientes voces inconditas: ergo sicuti delectatio illa vel molestia sensuum dependet a solis rebus objective delectabilibus vel ingratis, sive congruentibus naturæ animalis, vel illi non congruentibus, quin ulla intercedat existimatio vel communis vel privata, aut lex aliqua, quæ illa prius reddiderit sic delectabilia vel ingrata, ita illa affectio voluntatis prosequitiva alicujus actionis, & averfiva aliarum dependet a solis rebus objective honestis vel non honestis, sive congruentibus naturæ rationali, vel non congruentibus antecederet ad omnem existimationem vel legem. Exemplum est legitimum & urgens, quia utrobique habentur affectiones ita necessariae, ut in contrarium commutari non possint per quasvis leges, & quacunque proposita vel poena vel mercede.

110. Contra illos, qui non discernunt bonum in se moraliter honestum ab utili aut delectabili vel sibi ipsis, vel saltem Reipublicæ rationali, seu toti generi humano, I. sic arguam. Data tantummodo intrinseca convenientia inter actum, qui a natura rationali peragatur, & ipsam naturam, jam in actu illo habetur aliqua bonitas; Nam habetur aliquid proportionatum ipsi huic naturæ, & ab ipsa proinde appetibile: sed illa bonitas sub ea ratione præcisiva, neque est bonitas delectabilitatis, neque bonitas utilitatis, nihil enim horum illa importat, & etiamsi nec delectabilitas nec utilitas adesset, adhuc ex sua prædicta convenientiæ ratione esset quid appetibile. Ita nonne sublevare miseriam pauperis, resti-

restituere alienum, parere superiori, & similia objecta sunt bona moraliter, etiamsi nullam illis, qui hæc faciant, afferant nec utilitatem nec voluptatem, seu delectationem distinctam ab illa, quæ semper habetur in satisfaciendo exigentiæ naturæ rationalis? Et quod illustrius exemplum est, nonne honestissimum, & Deo dignum bonum dicimus, ita nostri generis misertum esse, ut Verbum Caro factum fuerit, ex ea profecto ratione, quod id per se decet Divinam magnitudinem? Neque tandem dici potest bonitas solius honestatis naturalis; nam agimus de convenientia actus cum natura non utcumque sed rationali: ergo est bonitas particularis sita in prædicta convenientia, quæ dicitur bonitas moralis. Etsi ex hoc argumento satis appareat, assumptum illud Glauconis (§. 101.), quod omnes sectentur justitiam unice propter spem præmiorum externorum, quæ illam consequantur, falsum esse, & injuriosum iis, qui se Philosophos sine mendacio appellant: nihilominus ex eo etiam deprehenditur falsum, quod longe jucundius accidat præmium homini, cum se illo dignum putat, quam cum conscius sibi est eodem se esse indignum: ergo est præter præmium virtutis, aliquid in ipsamet natura virtutis, propter quod est ipsa per se amabilis.

III. II. Amare Deum unice, quia est in se bonus, est actus moraliter bonus, & maximus inter hujusmodi actus: Sed hic actus non dicit respectum ad propriam utilitatem: ergo datur actus bonus moraliter sine respectu ad propriam utilitatem. Major videtur evidens, & quando opus sit, suadet, quia amare summum bonum ex solo motivo suæmet bonitatis, est actus maxime conveniens naturæ rationali, in quo stat notio actus moraliter boni. Nec minor controversi debet, quia est communis Doctorum sententia, satis etiam expressa ab illo Scripturæ, (1) *Charitas non querit, quæ sua sunt.* Fuerunt quidem olim aliqui, quos refellit Scotus (2) *dicentes Deum, in quantum est objectum beatificum, esse objectum charitatis*, idemque recentius dixit Bossuetus junior Episcopus Trecentis, tribuens Charitati, quod ipsius objectum formale sit Deus non solum, quia in se bonus, sed etiam

M 2

quia

(1) 1. Corinth. 13. 5.

(2) Sco. in 3<sup>a</sup> dist. 27. quæst. 1. §. Tertia ratio pag. 104.

quia bonus nobis, ut habet Languetus in ea hujus doctrinæ impugnatione, quam cum esset Archiepiscopus Senonensis ad eundem Bossuetum direxit per epistolam datam an. 1753. Verum hi omnes confundunt actum excitantem ad actum charitatis cum hoc ipso actu; Objectum enim actus, quod sit Deus bonus nobis, est, ut ibidem (1) observavit Scotus, actus excitans ad amorem Dei, non vero est amor ille Dei, qui vulgo dicitur actus Charitatis; Nam hæc virtus, ut verbis utar ejusdem Doctoris, (2) *distincta est a Fide, quia actus ejus non est credere: similiter a spe, quia actus ejus non est concupiscere commodum amantis: sed tendere in objectum secundum se, etiamsi per impossibile circumscriberetur ab eo commoditas ejus ad amantem.*

112. III. Necessario quodammodo laudamus, & amamus homines præclaris virtutibus præditos, qui in regionibus a nobis remotis, aut anteactis longe temporibus vixerint: sed hujusmodi laus & amor nequit provenire ex eo, quod utiles nobis sint, aut esse possint illorum actiones: ergo provenit ex eo, quod illæ sint in se, & de se moraliter honestæ.

IV. Si omne bonum morale objectivum repetendum esset ab utilitate propria vel publica, sequeretur, quod multi amare parentes, & se ipsos non deberent, quando nihil a parentibus, quia senibus & infirmis, vel a seipsis, quia ineptis sperare possent commodi, nec sibi nec Reipublicæ: quod nulli recipiendi vel retinendi in nosocomiis, quorum clamata valetudo est, qui Reipublicæ non profunt, & sibi certe utiles non sunt: quod privari dominio suorum bonorum deberent prodigi & avari, primi quia illis abutuntur, secundi quia illis non utuntur: quod malum non sit, immo bonum mentiri, interveniente magna aliorum utilitate, & bonum pariter sit non malum, privata authoritate occidere hominem noxium Reipublicæ suis in aliena bona continuis insidiis. Rursus sequeretur, quod actus indifferentes exerceat, qui procul ab omnium oculis Deum vel Idolum colat, & qui voluntarie immoratur in cogitationibus eorum omnium, quæ iniquitates vocantur; Nam hæc in nullius commodum vel incommodum,

(1) Sco. ibi. §. Quæcum ad ipsum. p. 204. (2) Id. ibi. §. Confirmatur, quia. pag. 103.



dum, quod sensibilibus appareat, redundant: contra vero, quod bene operentur tam illi, qui invicem conveniunt ad fruendum inhonesta voluptate, nam serviunt mutuo commodo, quam illi, qui ad consulendum de Republica, vel ad Psalterium recitandum congregantur: Sed hæc omnia absurda sunt dictu & auditu, & ut præclare Tullius dixit, (1) *Si emolumentis virtus expenditur, una erit virtus, quæ malitia relictissime dicetur*; Ut enim quisque maxime ad suum commodum refert, quæcunque agit, ita minime est vir bonus: ergo.

113. V. Dato omne bonum morale objectivum dependere dumtaxat a propria vel publica, suæ scilicet speciei utilitate, jam etiam ad Bruta ipsa vilissima, ut Insecta, pertinet bonum in se morale, eaque paria in hoc dicenda sunt hominibus; Nam singula quærunt suum commodum, & illa quæ in speciem ordinatæ Reipublicæ, ut apes & formicæ, vivunt, quærunt etiam cum sui incommodo utilitatem suæ speciei: sed hæc stulte dicuntur: ergo & illud, unde hæc sequuntur.

114. Contra Hobbelium determinate sic arguo. Juxta ipsum nihil est natura sua justum vel injustum, nihil per se honestum vel inhonestum, seu bonum aut malum morale, sed omnis actionum humanarum moralitas dependet ex conventionibus, & voluntate summi præsertim magistratus: ergo, cum prius sit saltem prioritate naturæ esse hominem, quam esse subditum magistratui, homo attentæ suæ naturæ habet jus omne in omnia, & respectu ipsius lex naturalis, quæ quid jubet præter conservationem suæ vitæ, est nomen sine sensu: ergo quivis hominum, postquam sponte aut vi subiectus sit alterius potestati, poterit pleno jure, quoties ipsi detur occasio, recuperare quovis modo jus plenæ libertatis, & excutere jugum magistratus, a quo illud sibi sublatum est. Itaque inter heroes numerandi erunt illi, qui Catilinæ ad hæserunt in tentando patriæ parricidio, in quo perperam proinde S. Augustinus dixit, (2) *contineri omnia scelera*; Nam in hoc ipsi facinus impulsæ sunt a propolita sibi per Catilinam ex lege libertate; Ille enim, ut habet Sallustius, postquam odium

(1) Tull. de Leg. li. 1, n. 13. pag. 175.

(2) S. Aug. li. 3. contr. Amand. cap. 5.

odium in leges Romanæ Reipublicæ concitavit, (1) *Quin igitur, inquit, expurgiscimini? En illa, quam sæpe optastis libertas. Præterea divitiæ, decus, gloria in oculis sita est: Fortuna ea omnia victoribus præmia ponit... Polliceor tabulas novas, proscriptionem locupletum, magistratus, sacerdotia, rapinas, aliæque omnia, quæ bellum atque victorum libido fert: Atqui hæc omnia sunt dogmata impietatis & horroris plena: ergo. Porro qui contra Hobbelium apud Bruckerum (2) hoc modo arguunt, ostendunt ipsum in suis libris revera concessisse omnia, quæ dicuntur sequi ex eo, quod nihil in re sit bonum & malum: & si quando ea negavit, ostendunt talibus id ipsum verbis fecisse, quæ indicant hominem non solum subdolum, sed etiam sibi contradicentem.*

115. Objicitur. Vita nostra instituta est a natura socialis, Nam illa non subsistit sine aliorum ope saltem commode & diu: Rursus internæ affectiones, notæ nobis continua experientia, nos ad alios factos alte clamant: extrinseca etiam dona, inter quæ usus loquelæ idem ostendit: Ergo bonum est illud tantummodo, quod ad vitam socialem confert: ergo quod nobis & Reipublicæ utile est.

Resp. conc. anteced., & nego consequentiam. Ea enim, quæ adducuntur, probant solum rationem boni in se moraliter honesti conjungi plerunque cum ratione boni etiam utilis & delectabilis, quod optime constitutum est ab Authore naturæ, ut facilius bonum ipsum objectivum morale, quod a sola natura rationali cognosci & acquiri potest, prosequeremur: sed non probant, ideo dari rationem boni moralis in his vel illis actionibus, quia datur ratio commodi alicujus.

S E-

(1) Sall. Catili. conjuratio. pag. 14.

cap. 6. §. 14. pag. 167.

(2) Bruc. Hist. Phil. tom. 4. par. 2. lib. 1.

*De Bono morali objectivo per accidens .*

PROPOSITIO.

116. **D**atur illa bonitas moralis per accidens, quæ actibus humanis supervenit ex Lege Dei positiva aliquid præcipiente vel vetante .

Ut sensus propositionis planus sit & apertus, dico nomine Legis Dei positivæ juxta communem Theologorum acceptionem venire legem a Deo latam per solam sui liberam voluntatem , & promulgatam per Scripturam Sacram & Sacras Traditiones . Propositio autem est contra illos , qui respuunt omnem Religionem revelatam , & solam admittunt Religionem naturalem . Hi utpote nullam agnoscunt bonitatem aut malitiam moralem, dependentem ab hujusmodi Lege Dei, quam negant haberi, opponuntur illis, contra quos egimus in superiori propositione, qui ex adverso nec bonum nec malum morale dicebant intelligi posse sine respectu ad Legem . Tales sunt , qui communiter vocantur Indifferentes & Tolerantes , & communius Deistæ , quia docent Deum quidem , cujus existentiam ratio naturalis demonstrat , colendum esse , & tamquam totidem ipsius leges habenda esse , quæcunque lumen rationis indicit nobis facienda , quia intrinsece bona sunt , vel cavenda esse, quia intrinsece mala , sed cætera, quæ divinitus revelata creduntur a Catholicis, ut determinatus modus illum colendi , & præcipuæ quædam virtutes , quæ ad Consilia Evangelica reducuntur , omnia ipsi respuunt tamquam res fictas , vel saltem incertas .

117. Rhetorius quidam , referente S. Augustino (1) , sic olim deliravit dicens , *Deo placere quarumcunque sectarum Religionem , quomodo diversis cibis delectantur homines , adeoque liberum cuique pro libito Fidem eam amplecti , quæ magis arridet .* Recentius Libertini narrante Ræmundo (2) sc-

(1) S. Aug. hæres 72. pag. 23.

num. 5. pag. 286.

(2) Ræm. de Ortù hæres. lib. 2. cap. 16.

sequuti Sartorem natione Picardum, anno 1525 dogmatizantem in Brabantia, nomine Quintinum, ex quo etiam Quintinistæ audiunt, idem iisdem verbis, ac Rhetorius, dicebant. Ex istis fuit execrabilis Auctor libri, *De Tribus Impossoribus*, cujus citato nuper loco Ræmundus meminit, tum quia ante se Hosius, & Genebrardus de illo meminerant, tum quia ætate sua infrequens non erat in Germania, in quo æquali modo Judaica, Christiana, & Mahumetana Religio irridentur. Huic accessit Eduardus Herbertus citatus a Piæto (1), qui librum omni Religioni faventem scripsit. Hi omnes proinde sentiunt Deum daturum cœlestem Beatitatem omnibus illis, qui Deum quidem cognoscant, & aliquo modo colant, sed modo, qui singulis videatur opportunior, adeoque Paradisum aperiunt quibusvis hæreticis, Judæis, Turcis, & etiam Idololâtris.

118. Indifferentismum, sive Adiaphoriam cum limitatione ad Christianam Religionem multo plures ausi sunt promovere, sequuti hæreticos Donatistas. (2) *quorum aliqui*, dicit S. Augustinus, *nihil interesse credebant, in qua quisque parte Christianus esset*. Aliquos ex his nominat, & ex professo impugnât Michael de Elizalde (3). Illis acceperunt Joannes Tolandus in suo libro, *Christianismus Mysteriorum expers*, in quo homo cæteroquin tam credulus, ut referente & impugnante Thoma Innes (4), propugnaverit ineptissimas fabulas de antiquitate plusquam remota Gentis Hibernæ, e qua ille erat, ausus est professionem apertam facere incredulitatis circa Revelationem: & Joannes de Witt, celebris Politicus Hollandus ab ipsomet populo Hagæ Comitum publica in via trucidatus anno 1672, qui Tolerantiam Religionum conatus est suadere, non solum conferre ad felicitatem Reipublicæ, sed conformem etiam esse præceptis Evangelii (5), excerpens ex illo aliqua loca, quæ sejunctim ab aliis illi favent, juxta eorum morem, qui per ipsam literam occidi

(1) Piæto. contr. l'Indiferenc. cha. 20. pag. 362.

(2) S. Aug. Epist. 48. ad Vincen.

(3) Elizalde. Forma vera Religionis a num. 632. pag. 428.

(4) Inn. A critical essay. sec. 2. cha. 1. ar. 2. pag. 420.

(5) Witt. The Interest of Holland. par. 1. cha. 14. pag. 53.

cidi se volunt : Et Tindalus Anglus homo mortuus an. 1733. ex Hæretico Catholicus, & iterum ex Catholico factus ut prius hæreticus, qui librum scripsit, cujus titulus, *Christianismus tam antiquus, quam Mundus*, & alter Anglus cognomento Chubb, qui de eadem re, ac Leibnitius in sua Theodicea librum edidit, in quo non solum insanum, sed etiam furiosum se declaravit, ut dicunt Trevoltiani (1) ad annum 1734. Iidemque alibi in quibusdam, quæ ex Locke referunt, non injuria illum (2) Indifferentismi reum suspicantur. Idem ostendit potius, quam suspicatur dici posse de Jo: Clerico, Frainus in impugnatione hujus erroris inserta in Actis Trevoltianis (3). Leibnitius etiam Adiophoriæ patrociniū ausus fuit suscipere, in quo, vel potius in quadam professione incredulitatis obisse narrat Auctor ipsius vitæ, qui in prima editione anni 1734. latuit sub nomine Neuwillæi, sed in secunda se prodidit sub vero nomine Jaucourtii apud eosdem Trevoltianos (4). Recentissime magnus Indifferentismi promotor Voltaire in pluribus ab eo scriptis libellis, nobis a Guyono (5) repræsentatur.

119. Probatur jam propositio. Datur Bonitas moralis in illis actionibus humanis, quæ intrinsece indifferentes apparent, & ab Adversariis ut tales habentur, ut in susceptione Baptismi, in Confessione Sacramentali, in adoratione & usu Eucharistiæ, & aliis omnibus, per quas Catholici Romani distinguuntur a quibusvis Sectariis, si revera datur Lex Dei positiva, has actiones nobis præcipiens, & sit moraliter bonum obsequi huic legi, & contra moraliter malum illi non obsequi : atqui ita est : ergo. Ex duabus minoris partibus ; prima solum, scilicet dari hujusmodi legem Dei positivam opus est probare, quandoquidem hanc solum Adversarii negant, profitentes, semel quod constaret de hac lege, bonas moraliter fore sine controversia actiones illi conformes, & malas contra, quæ ab illa discreparent quantumvis intrinsece indifferentes, cum obedire legibus Regum etiam & Magistratuum hujus terræ bonum dicant, illisque obistere

N

ma-

(1) Memoi. de Trev. an. 1734. ar. 92.

(2) Ibid. ann. 1701. Jan. pag. 127.

(3) Ibid. ann. 1702. Avril. pag. 117.

(4) Ibid. ann. 1737. ar. 1. & ann. 1761. ar. 49.

(5) Guyon. L'Oracle des nouve. Phila,

malum . Ea igitur sic probatur . Habemus evidentia argumenta, suadentia dari revera legem Dei positivam circa omnes actiones distinguentes Catholicos a non Catholicis : ergo revera datur hujusmodi lex . Antecedens videri potest passim demonstratum a Theologis Polemicis , ubi agunt de signis credibilitatis Catholicæ Religionis . Thomas Bozius in suo opere, *De Signis Ecclesiæ Dei*, centum exponit de hujusmodi signis . Recentius Alphonsus Liguorius eâ ad sex reducit in suo opusculo, *Verità della Fede*. Bene ad hæc quatuor capita revocantur . Primum est, proprietates Catholicæ Fidei , scilicet ipsius Sanctitas , Unitas , Universalitas , Visibilitas , Indefectibilitas , & Veritas negative sumpta , hoc est, quod in ea nihil sit rectæ rationi oppositum . Secundum est qualitas eorum , qui Fidem fundarunt , & modus quo id perfecerunt , scilicet Jesus Christus, Dei Filius, homo factus, ipsiusque Apostoli , qui sine vi , & aliis extrinsecis humanis subsidiis illam constituerunt . Tertium sunt ipsius testimonia , scilicet Prophetiæ in Sacris Scripturis extantes , earumque jam ex parte impletio : maxima Martyrum multitudo , qui effuso sanguine Fidem hanc attestati sunt : innumerabilis Sanctorum numerus , qui in hac Fide admirabili vitæ Sanctitate floruerunt : affluentissima series miraculorum , quæ pro eadem contigerunt : observatio tandem internæurbationis , certe diuturnæ , & fortasse etiam perpæturæ eorum , qui a Fide Catholica desciscant , ut de Luthero ex suamet confessione compertum est : & contra tranquillitatis & gaudii eorum , qui ad hanc Fidem accesserint . Quartum sunt Vilitas & Incredibleitas omnium aliarum sectarum , quæ Ecclesiæ Catholicæ opponuntur .

Hinc Tolerantissimum nunquam in Ecclesia admissum fuisse copiose demonstrat Thomassinus in suo tractatu Dogmatico, de mediis semper adhibitis ad conservationem Ecclesiæ Unitatis, cujus synopsis tradunt Trevoltiani ad annum 1704. (1), eundemque intolerabilem prorsus esse demonstrant, qui de hac re ex professo agunt, inter quos Trevoltiani (2) laudant

(1) Memoir. de Trev. an. 1703. art. 30.  
§6. & 82.

(2) Ibid. ann. 1722. art. 61. pag. 13641

dant Pellisonium, nec contemni prorsus potest Benedictus Pictetus, qui tractatum contra Indifferentiam Religionum anno primum 1692. edidit sine suo nomine, quod in alia, deinde editione apponitur, in quo habetur etiam brevis, & sufficiens plerumque solutio eorum, quæ Indifferentiæ præcipue objiciunt (1), ut Sacræ Scripturæ auctoritatem elevent. Tractatum hunc Antonius Horneck Anglice redditum anno 1698. opposuit incredulis illis supra citatis, qui ibidem eruperunt.

120. I. Objicitur. Deus oblectatur in diversis Religionibus, sicuti nos oblectamur in diversarum creaturarum usu, in Animalibus, Plantis, Fossilibus diversis, in variis ciborum condimentis, in disparibus officiis, & gradibus hominum in Republica, in multi generis armaturis in exercitu, & similibus. Nam aliter Deus Omnipotens omnium Creator dedisset hominibus sicut unam naturam, ita eandem determinationem ad unum sui cultus exercitium: ergo nulla est Lex Divina, perquam reddatur bonus moraliter, determinatus aliquis cultus ipsi conformis, & malus contra, qui illi sit difformis. Hæc objectio tribuitur a Picteto (2) Regi cuidam Siamensi, & Themistio. Illa certe est Libertinorum ex dictis supra (§. 117.)

Resp. nego antecedens, quod Imprimis repugnat ipsi rationi, quæ intelligit Deum esse sibi sufficientissimum, & ex se solo beatissimum. Quare de ipsismet actibus veræ Religionis dicebat jam olim S. Augustinus, (3) *Falluntur, qui existimant hæc Deum jubere causa suæ utilitatis vel voluptatis. Nihil Deus jubet, quod sibi profit, sed illi cui jubet. Rerum divinitus impertitarum, vel imbuendo virtutibus animo, vel salutis æternæ adipiscendæ quadam signa sunt, quorum functione non Deo, sed nobis utilia pietatis officia exercentur.* Rursus, semel quod ex dictis evidenter credibilis sit revelatio determinatæ cujusdam Religionis, & Cultus Divini, jam sine controversia est Divina aversio ab omni alia. Probatio pariter continet manifestum errorem. Deus enim

N 2

cum

(1) Pict. cont. l'Indiffe. a chap. 15. p. 202.

(3) S. Aug. Ep. ad Marcell. 138. alias 6.

(2) Id. Ibid. chap. 3. pag. 33. &amp; chap. 27. cap. 1. num. 6. pag. 412. pag. 419.

cum dederit naturam rationalem hominibus præditam libertate a necessitate, hæc excludit illam, quam Adversarii postulunt determinationem ad exercitium sui cultus. Præterea hanc Deus libertatem dedit maxime, ut per ejus usum acquireremus beatitatem sempiternam, tamquam mercedem vel præmium, quæ nova est ratio, ut ingentis nulli essent determinata inclinationes.

121. Quod si quis instaret, cum determinatione omnium hominum ad eandem sententiam circa existentiam Dei, stat ipsorum libertas: ergo etiam cum determinatione ad Deum certo modo colendum stare potest hominis libertas.

Respondetur, conc. antecedens, & nego consequentiam. Ingens & apertum est discrimen inter determinationem, quam habeat intellectus, & illam, quam habeat voluntas. Prima utique componitur cum libertate, quæ est proprietas voluntatis, non intellectus: secus vero secunda propter contrariam rationem. Semel igitur, quod homo fingatur determinatus non solum ad cognoscendum hunc & non alium esse cultum, quem Deus vult, sed etiam determinatus ad exercitium talis cultus, jam actum est de modo ipsi libero colendi Deum.

Tota objectio potest etiam in Adversarios retorqueri. Etenim si ideo Deus oblectatur diversis Religionibus, quia non indidit singulis easdem inclinationes in unam eandemque Religionem, dicendum erit æque delectari piis ac impiis, bonis ac sceleratis, morigeris ac effroenis, quia cum posset, non indidit singulis easdem propensiones in virtutem: ex quo sequitur, quod Adversarii volunt, nihil esse non solum extrinsece malum moraliter, sed ne intrinsece quidem; Nam quis malum vocet exequi, quod Deo placet? Stet igitur Deum, postquam hominem liberæ naturæ creavit, eique aperte revelavit modum, quo vult ab eo coli, relinquere illum in manu consilii sui usque ad tempus præfinitum ad probationem suæ fidelitatis.

Quæ de varietate creaturarum, ciborum, exercitiorum, & similium prolata sunt, tamquam de rebus, quæ nos afficiant voluptate per ipsarum suam varietatem, nihil simile habent cum modo, quo Deus coli debeat. Hic revelatus est,



est, hic per rationis etiam lumen directus, hic post revelationem unicus est, quem Deus vult: Illa tum ex revelatione, tum ex ratione explicant dumtaxat indifferentiam ad sui usum,

122. II. Objicitur ab Herberto. Actus moraliter boni ad salutem sufficientes, sunt credere existentiam Dei, per bonos mores illum colere, dolere de peccatis, & pro certo habere æterno præmio aut supplicio pro suis operibus post hanc vitam se afficiendum: Sed etiam Ethnicus credit existere Deum, quippe illum mediate saltem colit in suis Idolis, idemque potest bonos mores habere, & si quando peccet dolere, & credere pro vita futura poenas aut præmia: ergo & Ethnicus facere potest actus sufficientes ad salutem.

Resp. nego majorem. Nam cum de Revelatione constet eorum omnium, quæ Deus a nobis jure positivo exigit ad salutem, non licet modo ab illa diverso determinare, quid satis sit ad salutem consequendam. Quare illa, quæ proponuntur, sunt profecto requisita, sed non sufficientia, quandoquidem in illis non fit mentio, ne de iis quidem, quæ Theologi determinant necessaria esse ad salutem necessitate medii. Sed non solum salutas, verum stultitia etiam facti argumenti planius elucet ex minori. Imprimis enim Idola adorare non est credere Deum, & illum aliquo modo colere. Numquid, inquit contra illum Pictetus, Rex colitur a subdito, qui coronam illi eripit, eamque ipsius famulis vel equis imponit? Deinde nomine morum, quos bonos invenit Adversarius in Ethnico, si intelligat actum aliquem in particulari intrinsece bonum saltem materialiter, vel non malum moraliter, esse utique hi possunt etiam in Infideli, sed aliunde notum est nullum ex hujusmodi actibus, non solum satis esse ad salutem, sed ne conducentem quidem ad illam: sin vero nomine morum intelligat tenorem vitæ, dico, quod sicuti hi termini pia impietas, & sana insania implicant contradictionem, ita etiam isti alii, boni mores conjuncti cum Idololatria. Cæterum boni mores conducentes ad salutem sunt illi, qui conformes sunt toti Legi Divinæ non solum naturali, ad quos solos Adversarius male respicit,

sed

sed etiam positivæ. Quod doleat de peccatis, qui actu impie se gerit, & totus versatur in peccatis oppositis ipsi lumini rationis, quæ docet Idola non esse Deum, est nova objicientis contradictio: nisi forte intendat ipse doloris nomine tristitiam illam animi, quam homo post male facta naturaliter experitur, quam sufficere ad illorum expiationem non venit in mentem hominum ullius ætatis, aliter tot sacrificia, & omnis generis satisfactiones non instituisent. Quod tandem Ethnicus credat esse præmia pro bonis, & poenas pro malis est naturalis quædam cogitatio ex ipsa natura rationali necessario exurgens, in quam proinde non cadit attributum neque boni neque mali moralis.

123. III. Objicitur. Ad salutem satis sunt hæc duo, primum est credere Deum juxta notionem ejus consonam rationi, & revelationi, quæ excludit Idololatriam, & importat Fidem mysteriorum Christianæ Religionis, unius scilicet Naturæ Divinæ in tribus Personis, & Incarnationis Filii Dei; Nam scriptum est, (1) *Qui credit in eum non judicatur, qui autem non credit, jam judicatus est, quia non credit in nomine Unigeniti Filii Dei.* Alterum est, servare præcepta Decalogi, quæ non continent nisi actus intrinsece bonos; Nam scriptum est, (2) *Deum time, & mandata ejus observa, hoc est enim omnis homo:* ergo nihil curandum de iis, quæ propria sunt Religionis Catholicæ.

Resp. nego antecedens, pro quo non sunt loca ex Scriptura adducta, nisi perperam limitentur ad solam revelationem mysteriorum, & ad sola mandata Decalogi. Numquid alia loca, in quibus aliæ veritates revelantur; non sunt genuina Dei revelatio? Et quoniam jure a nobis fieri, ut susceptionem Baptismi, & alia multa, de quibus nulla est mentio in Decalogo, & par certitudo de illorum revelatione, quibus qui non obsequatur, profecto non est ex ovibus Christi, quæ (3) *illum sequuntur, quia sciunt vocem ejus, alienum autem non sequuntur, sed fugiunt ab eo:* & proinde ex iis  
sine

(1) JoAn. 3. v. 18.

(2) Eccle. 12. v. 13.

(3) JoAn. 10. v. 4.

sine dubio sunt, de quibus scriptum est, (1) *Si dixerimus, quoniam societatem habemus cum eo, & in tenebris ambulamus, mentimur.*

124. IV. Objicitur. Apostolus dicit illos ad Deum habere accessum, cum quo certe conjuncta est salus, qui (2) *credunt quia est, & inquirentibus se remunerator est.*

Resp. Sistere in quavis cognitione Dei, aut Fide in Deum, non est Deum inquirere: nec per qualemcumque cognitionem ad ipsum accedere, est ad ipsum pervenire. Fides igitur in Deum ut existentem, & ut remuneratorem, est aliquis motus in Deum, sed cum hoc componitur etiam sempiterna infelicitas, ut patet in omnibus damnatis.

125. V. Objicitur. (3) *Speramus*, inquit Apostolus, *in Deum vivum, qui est Salvator omnium hominum, maxime Fidelium*: ergo etiam illorum, qui dicuntur Infideles, quicunque, & quocunque modo Infideles sint.

Resp. Nego consequentiam. Nam duplex est objectæ Scripturæ sensus juxta Patres citatos a Cornelio a Lapide in eum locum. Alter est, Deum esse conservatorem corporis & animæ cujuscunque hominis in hac vita, sed maxime fidelium, quos etiam amat, & ad vitam æternam conservat. Alter vero est, Deum esse omnium Salvatorem, quantum est ex parte sua, quia omnibus media ad salutem sufficientiæ tribuit, maxime vero fidelium Salvator est, quibus dat etiam media efficaciam. Simili modo intelligenda sunt illa alia: (4) *Deus omnes homines vult salvos fieri. Posuit* (5) *in eo* (hoc est Christo) *iniquitatem omnium nostrum. Pro nobis* (6) *omnibus tradidit illum*. Interpretationes istæ confirmantur, quia non minus Verbum Dei sunt, quæ Adversarii proferunt, quam hæc alia. iisdem apparetur opposita. Illi in quacunque cognitione Dei inveniunt sufficientiam ad salutem. At scriptum est, (7) *Perdam eos, qui adorant, & jurant in Domino, & jurant in Melchom. Ego* (8) *Dominus gloriam meam alteri non dabo, & lau-*

(1) 1. Joan. c. 1. v. 6.

(2) Ad Hebr. 11.

(3) 1. Ad Timoth. 4. 10.

(4) Id. ibid. 3. v. 4.

(5) Isai. 53. 6.

(6) Ad Rom. 8. 32.

(7) Soph. ca. 1. 5.

(8) Isai. ca. 42. 8.

*Glaudem meam sculptilibus. Quæ (1) immolant Gentes, Dæmoniis immolant, non Deo. Tandem (2) Nolite jugum ducere cum Infidelibus, quæ exim participatio justitiæ cum iniquitate? aut quæ societas luci ad tenebras, aut quæ pars Fidei cum Infideli? Hæc satis sunt, ut intelligamus inanem omnino esse atque perverſam A catholicorum curam ſcrutandi Sacras Scripturas, non ut ex Verbo Dei veram Religionem addiſcant, ſed ut illud ad Religionem a ſe arbitrario hætam detorqueant.*

## S E C T I O VII.

*De Bono morali. formaliter tali.*

## P R O P O S I T I O.

126. **B**onitas formalis in linea morum præſupponit actum intellectus, quo nihil hæſitans judicat vel cum veritate, vel cum errore invincibili, operationem illam habere bonitatem objectivam moralem, vel certam, vel ſaltem probabilem: nec bonitas hæc formalis ſtare poteſt cum prævio judicio vincibiliter erroneo circa objectivam bonitatem: Stat autem ſine actuali Charitate, ſeu Amore Dei ſupernaturali, & etiam ſine actuali Fide ſupernaturali.

Hæc propoſitio eſt illa, quæ planum faciet definitionem ſupra (§. 18.) allatam bonitatis formalis in linea morum eſſe legitimam.

Probatur prima pars. Actus qui non fiat prælucente ratione, eſt actus ſtolide factus, nec dicitur actus humanus: actus vero, qui fiat contra prævium lumen rationis, eſt actus formaliter malus in linea morum: actus tandem qui fiat juxta prævium lumen rationis, quod oſtendat illum certo habere bonitatem objectivam moralem, non eſt actus in multis caſibus, pro conditione humana imperfecta in cognoscendo, poſſibilis, ut eſt extra controverſiam poſt damnatam ab Alexandro VIII. hanc propoſitionem, *Non licet ſequi opinionem, vel inter probabiles probabiliffimam.* Ergo ut actus ſit humanus

(1) 1. Ad Corinth, cap. 10. 20.

(2) 2. Ad Corinth, ca. 6. 14.

nus, & formaliter bonus in linea morum requiritur, ut fiat juxta prævium lumen rationis, quale concessum est homini, quod scilicet ostendat, vel cum certitudine, vel saltem cum probabilitate bonitatem moralem objectivam ipsiusmet actus: Sed actum in linea morum esse juxta prævium hoc lumen rationis nostræ, idem est, ac esse juxta actum intellectus judicantis vel cum veritate, vel cum errore invincibili illum habere bonitatem objectivam moralem, vel certam vel saltem probabilem: ergo bonitas formalis in linea morum præsupponit judicium, vel verum vel invincibiliter erroneum de bonitate objectiva morali, vel certa vel saltem probabili.

127. Secundo sic arguitur. Operatio facta sine judicio certo de licitate ipsius est operatio peccaminosa, quemadmodum communiter statuitur a Philosophis cum Aristotele, qui juxta interpretationem Sylvestri Mauri sic docet, (1) *qui juxta agit, primo debet operari eligens opus bonum, quia bonum est*: Idemque late ostenditur a Theologis, ut Antoine (2): Atqui judicium certum de licitate operationis nequit haberi, quin præluceat persuasio certa de bonitate ipsius objectiva, quæ nobis representetur vel certa vel saltem probabilis, sive quia in re talis est, sive quia per errorem invincibilem talis reputatur: ergo operatio facta, quin præluceat persuasio certa de bonitate ipsius, vel certâ vel probabili, est operatio peccaminosa: ergo ut non sit peccaminosa, sed habeat bonitatem formalem in linea morum, prærequirit judicium de bonitate ipsius objectiva vel certa vel probabili.

128. Quoniam fuerunt aliqui, quos confutat S. Thomas (3), qui visi sunt negare adesse bonitatem formalem in eo actu, in quo quis censuerit esse bonitatem materiale, quæ in illo non est, etiamsi error iste fuerit ipsi invincibilis, contra istos sic specialiter arguitur. I. Objectum voluntatis non est Bonum secundum se dumtaxat, sed secundum quod ipsi proponitur a ratione, seu ut verbis utar S. Thomæ, (4) *Ad hoc, quod voluntas in aliquid tendat, non requiritur, quod sit bonum in rei veritate, sed quod apprehen-*

O

datur

(1) Arist. Ethic. li. 2. ca. 4. nu. 3. pag. 45.

(2) Anto. Theo. Mor. de Conf. c. 2. qu. 1.

(3) S. Tho. 1. 2. q. 19. ar. 5. in corp. p. 464.

(4) Id. Ibid. qu. 8. art. 1. in corp. p. 22.

*datur in ratione boni*: ergo voluntas tunc bene moraliter agit, quando se exercet circa id, quod ipsi proponitur, ut in se moraliter bonum: ergo si objectum etiam in se malum morale, per errorem invincibilem ratio humana censeat esse in se bonum morale, voluntas illud volens agit actum formaliter bonum.

II. Voluntas tendens in objectum in se moraliter bonum, sed apprehensum per errorem sub ratione mali in se moralis, est moraliter mala malitiâ formali, ut docet ex professo S. Thomas (1), & adductis exemplis cum eodem illustrent Theologi communiter, agentes de Conscientia erronea. (2) *Hinc, inquit Antoine, peccat contra temperantiam, qui falso putant tali die esse jejunium, non jejunat; contra justitiam, qui non restituit id, quod falso putat non esse suum; contra charitatem, qui falso judicans se debere mentiri ad servandam vitam proximi, non mentitur.* Ergo a pari voluntas tendens in objectum in se moraliter malum, sed apprehensum per errorem sub ratione boni in se moralis, est moraliter bona bonitate formali, & quidem in ea specie bonitatis, quam quis ex errore judicat inesse actioni suæ.

129. Secunda propositionis pars est communis apud Theologos, ubi agunt de Ignorantia invincibili. Eadem probatur cum Picteto (3) sic. Si bona formaliter in linea morum esset operatio ex eo, quod conformaretur dictamini conscientie etiam vincibiliter erroneæ, dicendum bene formaliter in linea morum operasse, qui sacrificabant Idolis etiam proprios filios, qui Christum Dominum blasphemarunt, eumque morti tradiderunt, suosque ministros Apostolos; cum ex testimonio Christi (4) putarent hi obsequium se præstare Deo: dicendum generaliter falsum esse illud Sacre Scripturæ, (5) *Est via, quæ videtur homini recta, & novissima ejus ducunt ad mortem*: Sed hæc sunt falsa & absurda usque ad horrorem: ergo.

130. Tertia pars probatur. Inter articulos Joannis Hus damna-

(1) S. Tho. 1.2. qu. 19. ar. 5. O. pag. 47.

(2) Antoine. Theol. Moral. de Consc. ca. 1. qu. 2. resp. 2. pag. 2.

(3) Pict. cont. l'Indifferen. cha. 12. p. 157.

(4) Joan. 16. v. 25.

(5) Prov. 16. v. 25.

damnatos in Concilio Constantiensi est ille decimus sextus, (1) *Si homo est vitiosus, & agit quicquam, tunc agit vitiose, quia vitium, quod crimen dicitur, seu mortale peccatum inficit actus hominis vitiosi.* Inter damnatas a S. Pio V. Gregorio XIII. & Urbano VIII. in Bajo propositiones est illa 38. *Omnis amor creaturæ rationalis aut vitiosa est cupiditas, qua Mundus diligitur, quæ a Joanne prohibetur, aut laudabilis illa charitas, qua per Spiritum Sanctum in corde diffusa Deus amatur:* sub qua, tamquam sub quodam genere, revocari possunt etiam ejusdem propositiones 25. 27. 28. 29. 30. 34. 35. 36. 37. & 40. Et inter damnatas ab Alexandro VIII. propositiones est hæc 7. *Omnis humana actio deliberata est Dei dilectio vel Mundi, si Dei, charitas Patris est: si Mundi, concupiscentia carnis, hoc est mala est,* cui affines sunt 8. 9. & 11. Et inter damnatas a Clemente XI. in Paschasio Quesnel est illa 45. *Amore Dei in corde peccatorum non amplius regnante, necesse est ut in eo carnalis regnet cupiditas, omnesque ejus actiones corrumpat,* in quem errorem conspirant etiam 1. 38. 39. 40. 41. 42. 44. 45. 46. 47. 48. 49. ergo etiam sine actuali charitate stat in actibus humanis bonitas moralis formaliter talis.

131. Quarta pars, quam ex professo propugnat S. Thomas (2), sic suadetur. Inter damnatas in Bajo propositiones est hæc 25. *Omnia opera Infidelium sunt peccata, & virtutes Philosophorum sunt vitia.* Et inter damnatas ab Alexan. VIII. est illa 8. *Necesse est Infidelem in omni opere peccare:* & illa 11. *Omne, quod non est ex Fide Christiana supernaturali, quæ per dilectionem operatur, peccatum est.* Et inter damnatas a Clemente XI. est hæc 48. *Quid aliud esse possumus nisi tenebræ, nisi aberratio, & nisi peccatum sine Fidei lumine, sine Christo, & sine Charitate:* ergo etiam sine actuali Fide supernaturali stat in actibus humanis bonitas moralis formaliter talis.

Cum duas istas postremas partes probaverim ex damnatione propositionum, quæ ipsis opponuntur, apud Auctores,

O 2

qui

(1) Constan. sess. 45. pag. 186.

(2) S. Tho. 2. 2. art. 4. O. pag. 26.

qui de his agunt, ut apud Suarez (1), ubi errorem Joannis Hus impugnatur: & apud Ripaldam, qui contra Bajum scripsit (2): & apud Vivam (3), qui propositiones ab Alexan. VIII., & a Clemente XI. damnatas exposuit: & apud Franciscum Van-Ranst, celebrem etiam per suam cum Quesnello dimicationem, qui brevi de omnibus (4) egit: & passim apud Theologos, ubi agunt de Gratia, invenietur, contra quos hæreticos illæ sint, & quibus aliis, ac quam multis certissimis argumentis eadem demonstrentur, & quo tandem modo Adversariorum objectionibus occurratur, ex quibus unam tantummodo subjiciam.

132. Objicitur. Ex S. Augustino (5) *Sine Fide & cultu Dei non possunt haberi actus virtutis*: & ex eodem (6) *Regnat carnalis cupiditas, ubi non est charitas*: ergo juxta S. Augustinum sine Fide & Charitate nullum habetur opus bonum morale.

Resp. conc. antecedens, & nego consequentiam, quæ involvit duas falsas suppositiones; alteram, quod ibi S. Doctor loquatur de bono morali in genere, alteram, quod loquatur de Charitate Theologica, hoc est amore Dei super omnia dilecti. Utrumque certe est falsum. Quod enim pertinet ad primum locum de Fide, manifestum est ex ipso libro 5. de Civitate, ibi S. Augustinum requirere Fidem, non ad bonum morale in genere, sed ad illud, quod sit meritum vitæ æternæ; Nam querens causam diuturni Romanorum imperii, illam reducit in præmium virtutum illorum naturalium. (7) *Quibus, inquit, non erat Deus daturus vitam æternam, si neque hanc eis terrenam gloriam excellentissimi imperii concederet, non redderetur merces bonis actibus eorum, id est virtutibus*. Quod vero pertinet ad alium locum de charitate, ibi ejus nomine intelligit amorem boni, sive voluntatem recte agendi, quia rectum est quod agitur, & nomine cupiditatis

(1) Suarez in 4. tra. 3. disp. 3. seci. 1. pag. 222.

(2) Ripal. de Ente supernaturali.

(3) Viv. Theol. Damna. par. 3. ap. 383.

Id. Theol. Quesnellianæ.

(4) Van-Ran. Veritas in medio. Propos. Bati. 6. de Operibus sine Gratia pag. 27.

Id. ibi. Propos. ab Alex. VIII. 6. de Operibus Infidelium pag. 185.

Id. ibi. Propos. Quesn. 6. Opera sine Gratia. pag. 249.

(5) S. Aug. li. 5. de Civit. ca. 12.

(6) Id. Enchir. ca. 118. pag. 240.

(7) S. Aug. de Civit. li. 5. ca. 15.



tatis intelligit malam illam concupiscentiam, de qua scriptum est, (1) *Concupiscentia, cum conceperit, parit peccatum*. Ipsemet Augustinus frequentissime hoc modo charitatem explicavit. En aliqua ejusdem testimonia. *Aliud* (2), inquit, *est charitas, radix omnium bonorum, aliud cupiditas radix omnium malorum, tantumque inter se differunt, quantum virtus & vitium*. *Quid* (3) *est dilectio vel charitas, quam tantopere Scriptura laudat & predicat, quam amor boni?* *Quid* (4) *boni cupiditas, nisi charitas?* *Quasi* (5) *aliud sit bona voluntas, quam charitas*. Mala igitur fide li, quibus volupe est errare, usurpant ex Augustino objectas propositiones, ut adhuc tueantur illas jam damnatas: quarum sensus non solum diversus est ab illo S. Augustini, sed etiam alienus ab ipsius doctrina, qui sexcentis in locis agnovit, & distinguit omnes alias virtutes, quæ communiter admitti solent præter Fidem & Charitatem, sumens illarum inter se discrimen a particulari singulis motivo, non ab uno illo, quod est proprium Charitatis. (6) *Noveritis, sic ille, non officiis, sed finibus a vitiis discernendas esse virtutes. Officium est autem, quod faciendum est, finis vero, propter quod faciendum est*. Addi potest id, quod demonstratur a Viva (7) in expositione propositionis 30. damnatæ ab Alexandro VIII., scilicet *Ubi quis inveneris doctrinam in Augustino clare fundatam, illam absolute potest tenere & docere, non respiciendo ad ullam Pontificis Bullam, nefas omnino esse pertrahere verba Sanctorum ad contradicendum determinationibus Summi Pontificis, contra cujus auctoritatem, ut S. Thomas dixit* (8), *nec Hieronymus, nec Augustinus, nec aliquis Sanctorum Patrum suam sententiam defendit*.

## S E C T I O

(1) Jaco. i. 15.

(2) S. Aug. li. 83. qu. 36.

(3) Id. li. 8. de Trin. ca. 10.

(4) Id. li. 2. contra duas Epist. Pelag. ca. 9.

(5) Id. li. de Gratia Chrift. ca. 2.

(6) Id. con. Julian. l. 4. n. 21. pag. 596.

(7) Viv. Thef. Damna. pag. 473.

(8) S. Thom. 2. 2. qu. 111. art. 2. ad 3.

*De Regula cognoscendi bonum morale formaliter tale.*

## PROPOSITIO.

133. **R**egula universalis pro cognoscenda bonitate morali actionis humanæ seorsim ab ejus exercitio consideratæ, est Voluntas Divina nobis manifestata vel per lumen rationis, vel per Revelationem Divinam, vel per Ecclesiam, scilicet per Concilia, per Summos Pontifices, per Patres, & alios proprios Præceptores. Regula vero pro cognoscenda bonitate morali actionis humanæ, quam quis actu exercet, est conscientia operantis recte formata, judicium scilicet, quo operans, remoto omni errore voluntario, & culpabili, certus est Deum velle, ut actionem illam faciat, vel præcipiendo, vel consulendo, vel illam non vetando.

Sunt ut Suarez (2), & Alphonsus de Sarasa, qui nomen regulæ remotæ, & nobis extrinsecæ tribuunt Voluntati Dei, nomen vero regulæ proximæ & nobis intrinsecæ tribuunt conscientiæ. Alii, ut Dominicus Viva (3) & Joannes Gisbertus, Voluntatem Dei vocant regulam objectivam, quia se habet per modum objecti, cui si actio conformis sit, bona moraliter dicitur, sin difformis mala: conscientiam vero in sensu definitionis modo positæ, quæ est receptissima, quam citatus Sarasa luculenter declarat, & vindicat, etsi in aliis diversis significationibus nomen conscientiæ usurpatum inveniat, ut videre est apud Suarez (4), conscientiam inquam, dicunt regulam formalem, non quia se habeat per modum formæ constituentis actionem bonam; hæc enim forma

ex

(1) Viv. Theol. Dam. pag. 473.

(2) Suar. in 1. 2. tr. 3. disp. 11. p. 310.  
Sarasa. Ars gaudendi par. 2. tr. 2. nu. 4.

Toph. nu. 22. pag. 354.

Gisb. Antiprobabilismus, par. 2. coroll.

(4) Suar. in 1. 2. tract. 3. disp. 12. sec. 2.  
num. 7. pag. 319.

pag. 25.

(3) Viv. The. Dam. de Peccato Philo-

ex dictis ( §. 18. ) est convenientia actus cum natura rationali, sed quia formaliter seu immediate nos dirigit in agendo . Melius diceretur regula subjectiva .

Propositionis prima pars est primo contra Deistas , qui aliam regulam objectivam actionum humanarum non admittunt , nisi lumen rationis . Secundo est contra illos , qui Voluntatem quidem Divinam accipiunt pro hac actionum regula , sed prout nobis innotescit vel per solam Scripturam , vel per hanc simul cum antiquis traditionibus , & canonibus veterum Conciliorum , aliis posteriorum temporum neglectis , vel per solos Sanctos Patres , rejectis prorsus aliis Doctoribus , & determinate Theologis moralibus . Utrosque distinctim confutat Joannes Gisbert (1): contra secundos in particulari arguit Viva (2) .

134. Prima jam pars probatur . Illa est regula universalis pro cognoscenda bonitate morali actionis humanæ seorsim ab ejus exercitio considerata , quæ opportuna est pro cognoscenda utraque specie bonitatis moralis , intrinsece scilicet & extrinsece talis , omnino ex dictis . ( §. 89. 116. ) admittendis . Atqui regula opportuna pro cognoscenda utraque specie bonitatis moralis est sola Voluntas Divina ; Nam per hanc solum , actio secundum se indifferens transit in speciem moraliter bonæ : neque hæc deesse potest respectu etiam actionis intrinsece bonæ , eaque tunc effulget , quando lumen rationis offusum sit tenebris vel naturalibus vel pœnalibus ex peccatorum colluvie exurgentibus juxta illud Petri Apostoli , (3) *Habemus firmiorem propheticum sermonem* ( per quem Voluntas Dei nobis manifestatur ) *cui bene facitis attendentes quasi lucernæ lucenti in caliginoso loco* : ergo hujusmodi regula universalis est sola Voluntas Divina .

135. Quod autem Voluntas Divina sumenda sit , prout manifestata vel per lumen rationis , vel alio ex modis enumeratis , nullum ex illis excludendo probatur , quia illa manifestatur quidem per lumen rationis , respectu majoris partis actuum intrinsece bonorum , ostendens illorum convenientiam

(1). Gisb. Antiprobabi. par. 2. coroll. 2. num. 16. & seq. pag. 370. pag. 367.

(3) 2. Petr. ca. 1. v. 19.

(2). Viv. The. Dam. ad prop. 3. Alex. VIII.

tiam vel disconvenientiam cum natura rationali; Nam rogantibus, (1) *Quis ostendet nobis bona*, responsum est. *Signatum est super nos lumen vultus tui Domine*, & (2) *Gentes*, dicit Apostolus, *quæ legem non habent, naturaliter ea, quæ legibus sunt, faciunt*: sed per hoc lumen nullo modo manifestatur, respectu actuum bonorum extrinsece talium; implicat enim actum, qui per lumen rationis cognoscitur esse indifferens, posse per illud cognosci bonus vel malus moraliter: neque pariter per lumen rationis illa satis manifestatur respectu aliquorum actuum, qui etiam intrinsece boni sint (3), Certe, inquit Gisbertus, *in illo lumine non satis evidenter apparet omnibus malitia usuræ, quam tamen certum est esse illicitam: non satis apparet, cur non liceat mentiri officiose propter magnum aliquod Reipublicæ bonum, cur sterilitas non sit ratio sufficiens matrimonii dissolvendi. Hæc & alia id genus multa, solius rationis arbitrio vix decidi possunt*: Neque per idem lumen manifestatur respectu illorum, qui ingenio sunt vel tardo, vel rudi: ergo Voluntas Divina relate ad omnes actus extrinsece bonos, & ad multos etiam actus intrinsece bonos, saltem pro minus intelligenti multitudine aliter manifestatur, quam per lumen rationis.

136. Dato jam per aliquid aliud eam manifestari occurrat quidem primo Revelatio Divina, quæ continetur tum in Sacra Scriptura, tum in Traditionibus a Christo immediate venientibus. Hoc modo, qua ratione Deus honoretur per usum Sacramentorum, & aliis modis nobis innotescit.

Occurrit secundo Ecclesia, quæ vel per Concilia, maxime generalia ab Universa Ecclesia recepta, quæ aliter dicuntur Œcumenica, vel per suum visibile caput, Romanum Pontificem declarat honestatem aut turpitudinem aliquarum actionum, de quibus ratio humana silet, & Verbum Dei vel scriptum vel traditum dubium est. Ex quo refutantur illi, qui ad morales actiones dirigendas solam S. Scripturam consulendam prædicant, quasi ea vel omnia & singula completatur, vel in omnibus & singulis ita sit clara, ut nullum sit peri-

(1) Psal. 4.  
(2) ad Rom. 1.

(3) Gisb. Antiprob. part. 2. eoroll. 2.  
§. Dico 2. pag. 367.

periculum malæ interpretationis, qualis revera habita fuit ab illis, qui ex eo, quod scriptum est (1) *qui odit animam suam in hoc mundo, in vitam æternam custodit eam*, seiplos occidebant, ut refert S. Augustinus (2). Illi etiam, qui attendi in moribus volunt solas antiquas traditiones, Apostolicas scilicet & Ecclesiasticas, & solos Canones veterum Conciliorum, ex sola notione Ecclesiæ & Concilii reiiciuntur, quæ non præsert authoritatem docendi alligatam uni temporis potius quam alteri, sed parem pro quovis tempore. Quare quæ olim vigeant, aliquæ ex huiusmodi traditionibus abrogatæ deinde fuerunt, ut traditio de conviviis in Ecclesia fieri solitis, de abstinencia a sanguine, & ab animalibus præfocatis, & aliis similibus: & pari jure processu temporis sublatis fuerunt quidam veterum Conciliorum circa disciplinam canones, utpote qui minus opportuni evaserant mutatis temporum circumstantiis.

137. Occurrit tandem Authoritas eorum, quos vel ipsa Ecclesia habet pro Magistris credendi & vivendi, cujusmodi sunt Sancti Patres, vel pro suis ad docendum alios mediatis vel immediatis ministris adhibet. Ac immediatos quidem ejus ministros in hac re esse singulares Pastores, aut Præceptores dubitari non potest, cum ad hos communiter extendatur illud Christi, (3) *Qui vos audit, me audit*. Mediatum autem ejusdem Ministri sunt Theologi Morales, qui in ordinem redegerunt, quæ ad moralium actionum cognitionem pertinent, & quæstiones resolvunt non jam ex sensu suo tamquam homines e Coelo delapsi, sed ex iis, quæ accurata consideratione videntur, vel necessario inferri ex natura rationali, vel confirmari aut doceri a Revelatione aut ab Ecclesia. Quare qui de his Theologis universim cum contemptu, & etiam execratione loquuntur tamquam de morum corruptoribus, videant ne apertam faciant vel ignorantiam suam cum temeritate conjunctam, dum Auctores sibi ignotos accusant, vel odium quoddam omnis boni moralis, dum ab hominum manibus huiusmodi Auctores excutientes

P

CO-

(1) Joan. 12. v. 25.

(2) S. Aug. tract. 51. in 7. Jan.

(3) Luc. 10. v. 16.

cogunt suo quemque arbitrio vivere. Quod enim ajunt Sanctos Patres loco ipsorum legendos, proponunt rem physice impossibilem respectu multitudinis, quæ nequit sibi tantam librorum vim comparare, nec eam aut legere aut intelligere.

138. Secunda propositionis pars, nimirum conscientiam recte formatam juxta ipsius jam datam notionem, esse regulam pro cognoscenda bonitate morali actionis humanæ, quam quis actu exercet, sic probatur. Posito judicio rite instituto, quo quis certus sibi est licitam sibi esse actionem, quam exercet, jam illa est formaliter bona in linea morali, præscindendo autem ab hoc judicio non est formaliter bona: sed tale judicium est ex dictis conscientia recte formata: ergo hæc est regula proxima boni moralis. Major suadetur primo, quia non intellecto eo judicio, non intelligitur actio facta modo humano: ergo quando sit conformis Voluntati Divinæ erit solum materialiter bona. Quod si loco illius judicii adsit judicium aliquo modo oppositum, vel quia certo non creditur licere sibi hic & nunc illam actionem, vel quia judicatur illicita, jam actio etiam materialiter bona evadit formaliter mala. Suadetur secundo, quia extat illud Apostoli, (1) *Omne quod non est ex Fide, peccatum est*, ubi manifestum est ex toto contextu nomine fidei venire ibi credulitatem, seu conscientiam operantis: Quod confirmatur ex eo, quod hoc modo accipitur a Gratiano (2), Innocentio III (3), & omnibus tum Græcis, tum Latinis Interpretibus; etsi enim S. Augustinus, alique interdum illud exponant de Fide infusa, attamen non excludunt priorem expositionem, ut notat Suarez (4). Suadetur tertio, quia ad non peccandum requiri judicium certum de eo, quod actus ille liceat, communis est Theologorum Doctrina, ut (5) *forte nullus quoad rem dissentiat*, dicit Antoine, illius veritatem pluribus demonstrans.

139. I. Objicitur. S. Thomas dicit, (6) *Qui facit contra Le-*

(1) ad Rom. 14.

(2) Grat. c. Omnes. §. ex his. 28. qu. 1. pag. 1012. Id. c. Quærat. §. Illud. de penit. dist. 3. pag. 1175.

(3) Innoc. c. Literas. De Restit. Spoliis. pag. 387. Id. c. Quoniam. De Prescrip.

pag. 525.

(4) Suar. in 1. 2. II. 3. disp. 12. sec. 4. num. 1. pag. 320.

(5) Antoi. Theo. Mor. ca. 2. qu. 1. pag. 3.

(6) S. Thom. Quodlib. 8. art. 13. p. 115.

*Legem Dei, non excusatur a peccato, quamvis non faciat contra conscientiam*: ergo S.Thomas non admittit conscientiam esse ullam regulam boni moralis.

Resp. conc. antecedens, & dist. consequens: non admittit conscientiam esse regulam boni moralis materialiter talis, concedo: formaliter talis, nego consequentiam. Cum igitur S.Thomas dicit in objecto loco illum, qui facit contra Legem Dei, etsi non faciat contra conscientiam, non excusari a peccato, certe intelligit non excusari a peccato materiali; Nam paulo infra in eodem articulo docet, quod ille, qui dum eligit unam ex duabus oppositis opinionibus, *in nullam dubitationem adducitur, non peccat*, scilicet peccato formali, & ipsi imputabili: & in alio ejusdem quodlibeti articulo, (1) *Error*, inquit, *conscientiæ habet vim absolventi, sine excusandi, quando procedit ex ignorantia ejus, quod quis scire non potest, vel scire non tenetur*; eamdemque doctrinam alibi in suis operibus repetit frequentissime. Alii, quos citat, & sequitur Thyrsus Gonzalez (2) fusè differens de variis hujusmodi loquutionibus, quas adhibet S.Thomas in objecto articulo, dicunt verba objecta debere intelligi, quod non excusetur a peccato formali, qui facit contra Legem Dei ex conscientia culpabiliter erronea. Utraque solutio est legitima & bona, sed prima opportunior, utpote deducta ex ipsomet articulo.

140. II. Obijcitur. Conscientia erronea etiam per errorem invicibilem nequit dici conscientia recta, seu recte formata: ergo non est dicendum conscientiam rectam excludere solum errorem culpabilem. Antecedens probatur, quia implicat conscientiam erroneam esse conscientiam rectam.

Resp. nego antecedens, cujus probationem distingo, implicat conscientiam erroneam esse conscientiam speculative seu logice rectam, conc., practice seu ethice rectam, nego. Logice rectum dicitur judicium illud practicum, in quo consistit conscientia, quod habet conformitatem cum obje-

P 2

cto

(1) S. Thom. Quodlib. 8. art. 15. pag. 116.

(2) Gonzal. Fundam. Theol. Diss. 9. num. 16. & seq. pag. 191.

cto suo, secundum quod est in se realiter. Ethice vero rectum dicitur illud, quod habet conformitatem cum objecto suo, secundum quod apprehenditur. Quando conscientia est tum Logice tum Ethice recta, opus secundum illam factum est adæquate bonum moraliter, scilicet tum materialiter, tum formaliter, cum vero est Ethice dumtaxat recta, opus secundum illam factum erit formaliter dumtaxat bonum. Responsio est legitima, in cuius confirmationem addo hæc S. Thomæ verba: (1) *quod a ratione proponitur ut malum, Voluntas, dum in illud fertur, accipit rationem mali. Hoc autem contingit non solum in indifferentibus, sed etiam in per se bonis vel malis; Non solum enim id, quod est indifferens potest suscipere rationem boni vel mali per accidens, sed etiam id quod est bonum, potest accipere rationem mali, vel id quod est malum, rationem boni propter apprehensionem rationis.* Quando hæc S. Doctoris verba habuerit præ oculis Daniel Concina, cuius est (2) hæc objectio, confutata jam a Carpáno (3) in suo *de opinione probabilis* opusculo anonymo, illam credo omisisset, & multo magis eam, quæ dicit contra doctrinam ejus solutionis fundatam in distinctione boni per se, & per accidens, quam in Theologis quos citat, male reprehendit.

141. Instabis. Si conscientia erronea per errorem etiam invincibilem, qualis esset in eo, qui crederet sibi licitum, aut præscriptum mendacium ad tuendam vitam sui genitoris, posset dici aliquo modo recta, dicendum esset, Deum hic & nunc præcipere illi, qui habet hanc conscientiam erroneam, actum intrinsece malum, cujusmodi est mendacium: Sed non potest dici, Deum præcipere actum intrinsece malum: ergo conscientia erronea per errorem etiam invincibilem nullo modo potest dici recta.

Resp. dist. maj., dicendum esset Deum per accidens præcipere actum intrinsece malum, quatenus scilicet præcipit conformari dictamini conscientia saltem Ethice rectæ, conc. maj.; præcipere per se actum intrinsece malum, quatenus hunc

(1) S. Thom. 1. 2. qu. 19. ar. 5.

(3) Carp. de opin. probab. diss. 3. cap. 2.

(2) Conc. Storia del probabilismo, diss. 3. p. 6. pag. 135.  
ca. 5. § 8. num. 3. pag. 97.



hunc directe velit , scilicet ante omne etiam dictamen conscientię creaturę , quę sit saltem practice recta , nego majorem . Et simili distinctione excepta minori , nego consequentiam . Hinc intelligitur , quam provide constituta nobis sit a Deo conscientia nostra pro regula proxima actus formaliter boni in linea morali , quia si sola Voluntas ipsius esset hæc regula , jam in omnibus illis casibus , in quibus certo a nobis illa non cognosceretur , vel quia honestas objectiva actus non excederet respectu nostri limites probabilitatis , vel quia Lex Divina circa illum sileret , vel non esset nobis sufficienter proposita , jam opus esset abstinere ab omni operatione , aliter volentes incurreremus periculum peccandi , quod non licet .

## S E C T I O I X.

*De Bono Delectabili .*

## P R O P O S I T I O I .

142. **B**onitas delectationis vel sumi potest formaliter , scilicet pro delectatione ipsa , & hoc modo distinguitur a bonitate honestatis tum naturalis tum moralis : vel sumi potest objective scilicet pro ratione illa objecti , propter quam ipsum delectat , & hoc modo non distinguitur realiter a bonitate honestatis naturalis : sed distinguitur per modum cogitandi nostrum , quatenus bonitas delectationis etiam objectivę exprimit suavitatem ex illa manantem , tamquam rationem motivam ad illius appetitionem , quam bonitas honestatis non exprimit .

Probatnr prima pars primo . Bonitas delectationis , formaliter sumptę dicit convenientiam , seu conformitatem cum natura cognoscente , quę consistit in suavitatem , & quadam quasi vitali quiete appetitus in bono , quod possidetur ( §. 23. ) : Atqui hæc convenientia est diversa ab illa , quam dicit honestas vel naturalis vel moralis ( §. 7. ) : ergo bonitas delectationis formaliter sumptę distinguitur a bonitate honestatis tum naturalis tum moralis .

Se-

Secundo. Bonitas delectationis aliquando est disconveniens naturæ & rationi, quia aliquando est contra commodum naturæ, saltem in ejus destructionem tendit, & contra rationem: ergo distinguitur a bonitate honestatis tum naturalis tum moralis.

143. Probatur secunda pars cum Suarez (1) primo. Bonitas delectationis objective sumptæ est convenientia, quæ objectum habet cum natura vel spirituali, si delectatio sit spiritualis, vel corporea, si sit sensibilis; Delectatio enim objectiva est ratio, propter quam objectum formaliter delectat, & est quasi causa illius suavitatis seu quietis, in qua consistit delectatio formalis: sed convenientia objecti cum natura est honestas naturalis (§.7): ergo bonitas delectationis objective sumptæ non distinguitur realiter ab honestate naturali.

Secundo. Actus amoris & desiderii directe ferri possunt in aliquid, præcise quia illud conveniens est naturæ amantis & desiderantis, seclusa omni delectatione: ergo etiam delectatio formalis, quæ est delectatio actualis, ferri directe potest in aliquid præcise propter rationem convenientiæ cum sua natura: sed si delectatio actualis directe fertur in aliquid præcise propter rationem convenientiæ cum sua natura, jam ipsius objectum, hoc est bonitas delectationis objective sumptæ non distinguitur realiter ab honestate naturali: ergo illa objective sumpta non distinguitur realiter ab honestate naturali. Probatur prima consequentia. Tam delectatio formalis, seu actualis, quam actus amoris & desiderii tendunt in idem bonum, & solum differunt in eo, quod delectatio illa tendit in illud ut jam præsens, & adeptum, non item amor & desiderium: ergo si actus amoris & desiderii ferri directe possunt in aliquid, præcise quia conveniens est, etiam delectatio formalis sic directe ferri potest.

144. Objicitur. S. Thomas dicit, (2) *Dicuntur illa proprie delectabilia, quæ nullam aliam habent rationem appetibilitatis, nisi delectationis, cum aliquando sint noxia & inho-*

(1) Suar. Metaph. disp. 10. sec. 2. num. 19. pag. 215.

(2) S. Thom. 1. p. qu. 5. art. 6. ad 2. pag. 21.

*inhonestæ* : ergo potest aliquod objectum non habere rationem ullius honestatis ne naturalis quidem, propter quam expetatur.

Resp. conc. antecedens, & dist. consequens. Potest objectum non habere rationem honestatis, propter quam actu expetatur, conc. consequentiam : propter quam absolute & simpliciter possit expeti, nego consequ. Distinctio est juxta interpretationem, quam Suarez adhibet objectæ authoritati. Ibi, inquit, S. Doctor (1) *non intendit excludere ab hujusmodi re omnem rationem convenientiæ delectatione priorem, in qua delectatio fundetur, sed indicare voluit, interdum contingere hanc convenientiam talem esse, ut seclusa delectatione non faciat rem simpliciter appetibilem, quia est noxia vel inhonestæ.*

145. Probatur tertia pars I. Expressio delectationis tamquam rationis motivæ ad sui appetitionem habetur clarissime in objecto apprehenso ut delectabili, non vero in eo apprehenso ut honesto : ergo bonitas delectabilitatis distinguitur per modum cogitandi nostrum a bonitate honestatis.

II. Intima experientia docet ardentius appeti bonum, quod apprehendatur non solum ut honestum, sed etiam ut delectabile. Hinc nemo non approbat illud Aristotelis, (2) *Volutatem esse per se expetibilem, facereque quodvis bonum, magis expetibile, si illi addatur* : ergo rationes honestatis, & delectabilitatis habent propriam sibi vim movendi, & possunt per modum cogitandi nostrum dividi inter se.

146. Objicitur. Qui delectatur de recuperata valetudine, non aliam rationem habet suæ delectationis, nisi convenientiam, quam habet valetudo cum sua natura : ergo valetudo, ut est objectum delectationis, non habet aliam bonitatem, nisi quæ sita est in naturali convenientia illius cum natura, quæ est bonitas honestatis naturalis. Similiter Beatus, qui delectatur de Visione Dei intuitiva, ex eo delectatur, quod hæc Visio sit maxime proportionata & conveniens naturæ suæ : ergo universum bonitas delectationis objectivæ, quæ præsupponi-

(1) Sua. Metaph. disp. 10. sec. 2. nu. 20.  
pag. 216.

(2) Arist. 10. Ethic. ca. 2.

ponitur ad delectationem formalem, non distinguitur ne per rationem quidem a bonitate honestatis naturalis.

Resp. nego antecedens; Nam unusquisque illorum ulterius transit ad apprehensionem illius convenientiæ, quam habet Valetudo, & Beatitudo, tamquam quies quædam naturæ suæ in illius possessione.

## PROPOSITIO II.

147. **B**onum delectabile sive formale sive objectivum constituit speciem boni particularis, & jure utrumque bonum conjunctim venire potest sub nomine, boni delectabilis.

Prima propositionis pars probatur primo. Bonum delectabile, sive formale sive objectivum est species particularis boni, si illud nequeat confundi nec cum bono honesto, nec cum bono utili: atqui ita est: ergo. Minor probatur, ac primo, quod non possit confundi cum bono honesto: quia accidit, ut detur bonum honestum, quin illud sit bonum delectabile, nec formale nec objectivum. Ita coercere pravorum animi motus, temperare impetus iræ & similia, utique honesta sunt & etiam utilia, at sensibiliter saltem delectabilia non sunt, sed potius formaliter molesta. Rursus pro bono delectabili formali habetur notio prorsus diversa ab illa boni honesti: & etsi bonum delectabile objectivum includat notionem boni aliquo modo honesti, scilicet naturaliter (§. 145.), attamen notio boni naturaliter honesti non includit viceversa illam boni delectabilis.

148. Pro secunda vero parte, quod bonum delectabile non possit confundi cum bono utili, sed sit species ab illo distincta, sic arguitur. In tantum bonum delectabile objectivum non distingueretur a bono utili, in quantum ratio boni in objecto delectabili esset quidem aliquid reale, sed derivatum in ipsum a delectatione formali, vel potius esset mera denominatio desumpta a delectatione formali, quemadmodum bonum utile dicitur bonum per appellationem ipsi participatam a bonitate finis, qui intenditur: Atqui dici non potest pri-

primum, quia delectatio formalis est quidam actus animæ, actus autem animæ non afficiunt intrinsece objectum suum, nec illud ullo modo constituunt, aut immutant, sed præsupponunt in suo esse, quodcumque sit, in eoque relinquunt: neque secundum dici potest, quia ut ait Suarez, (1) *objectum delectationis non est bonum & conveniens, quia est delectationis objectum: sed quia bonum est & conveniens, ideo delectationis objectum esse potest*: ergo bonum delectabile objectivum distinguitur a bono utili.

149. Objicitur. Bonitas delectationis objectivæ, sive bonum delectabile dicitur de re, quæ est apta ad delectationem formalem producendam in subjecto a re ipsa distincto: sic cibus sic potus dicuntur delectabilia; atqui aptitudo ad delectationem formalem producendam, ratione cujus aliquid est appetibile, reducitur in bonitatem utilitatis: ergo bonum delectabile objectivum reducitur in bonum utile.

Resp. dist. maj. Bonum delectabile ita dicitur de re, quæ est apta ad delectationem formalem producendam, ut insit in ipsa re antecedenter ad intelligentiam delectationis formalis, vel præcisive ab ipsa, ratio quædam boni per se appetibilis, conc. majorem: ita ut hæc ratio boni non insit in re antecedenter ad intelligentiam delectationis formalis, nego majorem, & minorem. Falsum igitur est, ut argumentum ad hanc objectionem excludendam directe propositum ostendit, reduci in bonum utile aptitudinem ad delectationem formalem producendam, quæ inest rei etiam præscindendo ab ipsa delectatione formali: & falsum rursus est, quod talis aptitudo sit appetibilis dumtaxat ratione delectationis formalis, cum sit ipsa etiam per se appetibilis, sive sit per se bonum quoddam reale, quod a delectatione solum nomen ex usu communi recipit, quo illud distinguitur ab alia specie boni quacunque. Atque hinc patet latum discrimen a re utili, quæ a bono, ad quod tamquam ad finem dirigitur & ordinatur, ita recipit nomen boni, ut in solo nomine si fiat bonitas, quæ de ipsa dicitur.

150. Secunda propositionis pars sic probatur. Bonum delectabile

(1) Sua, Metaph. dist. 10. sec. 2. num. 16. pag. 215.

delectabile alterutro modo vel objective vel formaliter sumptum constituit ex dictis speciem boni particularis, quod in se tale est, & non per extrinsecam denominationem, quæ nascitur ex eo, quod nos unum appetamus propter aliud: ergo bonum delectabile utroque etiam modo conjunctim sumptum est species boni particularis: ergo jure utrumque bonum conjunctim venire potest boni delectabilis nomine: Quemadmodum observante Suarez, (1) *Beatitudo interdum sumitur pro objectiva, interdum pro formali, interdum pro tota Beatitudine, quæ per modum unius utramque completitur.*

## PROPOSITIO III.

151. **N**atura capax solius delectationis intellectualis felicior est ea, quæ capax est etiam sensibilis delectationis.

Propositio est cum Platone & Aristotele infra citandis, & cæteris Philosophis, qui hos sequuntur. Ea sic probatur. Illa natura, in quam cadit dumtaxat ea delectatio, quæ nunquam potest evadere turpis, nec est remedium alicujus suæ molestiæ, felicior est illâ, in quam cadit etiam delectatio, quæ vel tenuissima est, vel nulla, si concipiatur sejuncta a delectatione intellectuali, vel si quid alicujus momenti est etiam eò modo sejuncta, potest esse turpis, & semper est remedium alicujus molestiæ: Sed natura capax solius delectationis intellectualis est natura, in quam cadit dumtaxat delectatio, quæ nunquam potest evadere turpis, nec est remedium alicujus suæ molestiæ: natura vero capax delectationis etiam sensibilis, est natura, in quam cadit delectatio, quæ vel tenuissima est, vel nulla, si sejuncta concipiatur a delectatione intellectuali, vel si etiam eò modo sejuncta aliquid sit alicujus momenti, potest esse turpis, & semper est remedium alicujus suæ molestiæ: ergo felicior est prima natura, quam secunda. Major probatur, quia natura capax delectationis, quæ evadere potest turpis est natura capax quidem alicujus boni,

(1) Suar. Metaph. disp. 10. sec. 2. num. 16. pag. 215.

boni, sed quod illam potest privare bono ordinis superioris scilicet bono honesto, & honesta delectatione inde proveniente, in eamque propterea inducere oppositum tristitiæ malum. Rursus natura, quæ capax est delectationis, quæ in se sit alicujus momenti, sed talis ut sit levamen molestiæ alicujus sive ex dolore, quo affligitur, sive ex indigentia alicujus rei ad perfectionem sibi convenientem necessariam, est natura, quæ subjecta est dolori: Sed felicior est natura capax talis boni, quod illam non potest privare potiore bono, nec præsupponit in ipsa dolorem, aut indigentiam rei necessariam ad perfectionem sibi debitam: ergo.

152. Minor autem factæ argumentationis probatur sic. Delectatio intellectualis, quæ sequitur operationem naturæ habentis perfectionem aliquam sibi convenientem, qualis est in cognitione veritatis, & in conscientia bonarum operationum, quo est major, & intensior, eo est melior atque perfectior: ergo delectatio hujusmodi incapax est excessus, per quem evadat turpis: at delectatio sensibilis, si loquamur de illa, quæ est propria odoratus tenuissima est, ut S. Augustinus dixerit, (1) *Odores cum absunt non requiro, paratus etiam eis semper carere*: sin de illa, quæ est propria auditus & visus, hæc pariter vel tenuissima est, vel fortasse nulla, nisi addit vis intelligendi, ut Bruta ex dictis supra (§.25.) docent, & confirmant Ethici, qui cum Aristotele (2) negant circa voluptates olfactus, visus, & auditus versari virtutem temperantiæ: sin tandem de illa, quæ est propria gustus & tactus, incidit in turpitudinem majorem vel minorem, statim ac sit in ea excessus aliquis, qui potest esse major vel minor, ut cum quis nimis indulget cibo vel potui: ergo delectatio sensibilis potest evadere turpis. Rursus delectatio gustus & tactus semper est *effugium doloris*, ut ait Plato (3), vel *medela indigentis*, ut loquitur Aristoteles (4) & si loquamur de delectationibus sordidioribus eæ præterea sunt, ut

Q 2

ita-

(1) S. August. Conf. lib. 10. cap. 32. pag. 287.

(2) Arist. Ethic. li. 3. ca. 10. juxta Maurum num. 1. pag. 90.

(3) Plat. in Philebo post medium. p. 57. Id. in Phædro post duas tertias partes p. 263.

(4) Arist. Ethic. li. 7. ca. 14. juxta Maurum num. 7. pag. 239.

statuit Medicæ artis princeps Hippocrates apud Gellium, (1) *pars quædam morbi comitalis*: Omnes certe levamentum sunt molesta alicujus sensationis, ejus acrimoniam illæ extinguunt vel mitigant. Ideo enim homo post diurnam vigiliam amat somnum, quia est defatigatus: & accedit ad focos, vel ab illis angue pejus & cane recedit, quia gelu vel aestu adurit: & quærit cibum, & potum, quia mordetur a fame & siti: & qui magis hujusmodi molestis sensationibus subjacent, ut pueri, juvenes, & qui atra bile abundant, majori hujusmodi voluptatum seu medicamentorum copia indigent. Atque hoc quidem modo verum est, quod Socrates apud Platonem admiratur, voluptatem & dolorem, etsi sint inter se opposita, nihilominus (2) *quasi ex eodem vertice esse ambo connexa*; Qui enim prosequitur voluptatem, jam fatetur dolore aliquo se teneri. Rationem istam remedii doloris alicujus inesse in singulis sensilibus delectationibus gustus & tactus minus advertimus, partim quia assuevimus a nativitate, partim quia hujusmodi dolorum principis datum est facile obitare. Quod quando nobis casu aliquo non liceat, tunc enim vero illorum acerbiter sentimus, ut nisi Esau ex gula illius rufi pulmenti, quod coxerat Jacob, & ex contemptu suæ primogenituræ, sed ex veritate potuisset dicere, (3) *En morior, quid mihi proderunt primogenita?* non adeo reprehensus fuisset, quod illa pro lentis edulio vendidisset.

153. I. Objicitur. Voluptas gustus non est medela ullius molestæ sensationis; Nam experimur saccharum delectare palatum, etiamsi nec amaritie nec fame laboremus: ergo falsum est omnem delectationem sensilem esse remedium alicujus præviæ molestiæ.

Resp. distin. antecedens. Voluptas gustus non est medela directa molestæ sensationis, conc. antecedens, non est medela indirecta, nego antecedens, & eadem distinctione expicio consequens. Sic autem distinctionem declaro, Gustus est

(1) Gell. Noc. Attili. 19. ca. 2. pag. 585. pag. 284.

(2) Plato in Phædone circa principium. (3) Genes. 25. 32.



est nomen, quod significat speciem tactus limitati ad solum os animalis, per quem tactum anima conjuncta corpori excitatur ad ideam illam sibi efformandam, quam nomine saporis explicamus. Hujusmodi sensum hominibus concessum esse non jam propter voluptatem, qua immediate & directe ex eo afficimur, sed propter illam, quæ medetur stomacho languenti propter esuriem, suadetur, quia voluptas propria gultus tum maxime quaritur, quando accedat fames & sitis. Has tolle, jamque quivis belluo pavonem rhombum, & quivis potator Setinum Falernumque saltidient. Hinc saturi coqui dapes, & cellarii vina libant tantummodo, non ingerunt stomacho, & fortasse nec possunt, siquidem vel nulla in his circumstantiis voluptas est ne in gultu quidem, vel certe brevissima, quia eam illico stomachus abhorret.

154. II. Objicitur. Non desunt, qui famem & sitim aliasque sensationes molestas amant, & studiose procurant, ut iis fruantur voluptatibus, quæ dicuntur esse talium affectionum medicamenta: ergo optabilius est saltem per aliquos habere simul hujusmodi molestias, & oppositas illis voluptates, quam utrisque carere: ergo falsum universaliter est naturam, quæ non est capax delectationis sensibilis, feliciorē esse illa, quæ hujusmodi delectationis capax est, et si aliunde capax sit delectationis intellectualis.

Resp. cum Pallavicino (1) distinguo antecedens. Non desunt, qui famem aliasque similes molestias amant & procurant, vel ratione signi de bona sua valetudine, vel ratione alicujus gravioris animi cruciatus, quem patiuntur, concedo antecedens: Non desunt, qui eas ament, & procurent ratione sui, nego antecedens; & distin. consequens. Optabilius est pati sensationes illas, & simul frui oppositis voluptatibus, quam utrisque carere, & simul subjici graviori alicui animi dolori, concedo, aliter nego tum hanc, tum ulteriorem consequentiam. Si bene igitur inspiciamus rationem directam, quare molestias illas sensationes quis vel appetat, vel sibi gratuletur, inveniemus in horum alterutro positam esse, vel quia intelligit, illas utpote necessarias ad vitam esse argumentum bo-

na

(1) Pallav. del Bene li. 4. ca. 26. pag. 384.

næ corporis habitudinis, vel quia vim interni alicujus doloris expertus est per abundantem cibum & potum retundi, quatenus mentis vis per crapulam & ebrietatem ita opprimitur, ut ad mali cujusvis conscientiam impotens omnino reddatur. His rationibus deficientibus abhorret quisque tamquam a morbo, a furenti hydropicorum siti, & insaturabili Eristionis fame, de quo est Ovidii (1) fabula.

155. III. Objicitur. Voluptates visus & auditus sunt voluptates sensiles, eæque vehementissimæ, nec ullius molestiæ medicamentum; ergo hæ saltem voluptates postponi non possunt omni delectationi intellectuali, ex eo quod tenues sint, & doloris medicamentum.

Resp. distinguo primam antecedentis partem. Voluptates visus & auditus sunt voluptates sensiles, quatenus ex his sensibus natura animata, quæ simul sit intelligens, haurit voluptatem, concedo hanc partem; quatenus ex his sensibus natura animata, quæ sit solum cognoscens, non vero intelligens haurit voluptatem, nego suppositum, & omissis reliquis partibus, nego consequentiam. Dico igitur juxta superius etiam (§.25.) dicta, voluptatem visus & auditus omnem esse intelligentis facultatis, & in acquisitione novæ alicujus cognitionis sitam esse; Fac enim objecta horum sensuum nullam excitare in anima novam scientiam, aut illam non renovare quodammodo, quæ minus vivida propter diuturnitatem temporis evaserit, jam cessat omnis voluptas, quin immo accedet etiam gravissima molestia. Dulcis certe est musicus concentus, & bis etiam repetitus placet, sed si sæpius, jam ingratus etiam esse potest. Jucundissima est percultratio pinacothecæ, non tamen illi, qui eam jam sæpius observavit, & si in ea claudatur, molesta etiam erit, non secus ac carcer. Quid plura? In cognitione, quæ acquiritur per oculos & aures sitam esse voluptatem visus & auditus, luculenter suadet Sanctus Augustinus rogans, (2) *Quid voluptatis habet videre in laniato cadavere, quod exhorreat, & tamen sicubi jaceat, concurrunt . . . ad noscendi scilicet libidinem.* Quæ pariter inter-

(1) Ovid. 8. Metam.

(2) S. Aug. Confess. li. 10. cap. 35. nu. 55. pag. 189.

interrogatio cadere potest in simili concursu illuc, unde tristes veniant ululatus, & inconditi clamores.

156. Omissum autem fuit, quod voluptates visus & auditus asseruntur esse vehementissimæ, quia si voluptates sunt, sensiles non sunt, cum ad intelligentiam pertineant, nec comparandæ cum sensilibus, utpote diversi generis ad colligendam unius supra alteram vehementiam. Omissum etiam fuit, quod voluptates visus & auditus, quatenus dici aliquo modo possunt sensiles, non sint molestæ alicujus affectionis remedium; nam in homine, qui jam adultus, a potentia videndi & audiendi transit cum dolore ad cæcitatem & surditatem, esset magnum hujus molestiæ medicamentum posse saltem, per intervalla aliquid videre, aut audire: in iis vero, qui vel a nativitate vel a pueritia cæci sunt, deficit credo hujusmodi tristitia de privatione hujusmodi facultatis: certe non raro observavi hujusmodi homines plenos constanti hilaritate, quod confirmat voluptatem visus propriam esse, mentis, qua facile patitur cæcus a nativitate, se carere, non secus ac homines vulgares non moleste habent suam in omnī literarum genere perfectam ignorantiam.

## S E C T I O X.

*De Bono Utili.*

## P R O P O S I T I O.

157. **B**onitas utilitatis præsupponit quidem in re utili bonitatem transcendentalem, vel honestatis naturalis: constituitur tamen in ratione bonitatis, quæ dicitur utilitatis, a bonitate finis sibi extrinseca.

Prima pars probatur. Bonitas utilitatis dicit convenientiam, seu aptitudinem unius rei ad obtinendum aliquem finem (§.28.): ergo bonitas utilitatis præsupponit rem habere in se & intrinsece perfectionem aliquam suæ naturæ convenientem, per quam habet illam aptitudinem ad obtinendum aliquem finem: sed rem habere in se & intrinsece perfectio-

nem

nem aliquam suæ naturæ convenientem, est rem habere bonitatem transcendentalem, vel honestatis naturalis (§.7.): ergo si bonitas utilitatis præsupponit rem habere in se & intrinsece perfectionem aliquam suæ naturæ convenientem, præsupponit bonitatem transcendentalem, vel honestatis naturalis.

158. Secunda pars probatur sic I. Bonitas utilitatis dicit convenientiam rei ad finem: sed convenientia rei ad finem dicit bonitatem finis, qui certe est quid rei extrinsecum, esse veluti formam quamdam, quæ facit, ut res dicatur habere bonitatem utilitatis: ergo bonitas utilitatis dicit bonitatem finis ipsi rei extrinsecam, esse veluti formam quamdam bonitatis utilitatis: ergo bonitas utilitatis constituitur in ratione talis bonitatis a bonitate finis sibi extrinseca, Hinc quam ægrotus utilem dicit medicinam, quæ habet in se vim expellendi pravos humores, eamque sollicite quærit: inutilem, quin immo noxiam sibi dicit sanus, qui non indiget hac purgatione.

II. Appetitus tendit in bonum utile, non ut in illo sistat, sed ut per illud, aliud quid assequatur tamquam finem, quod aliter dicitur, voluntatem appetere utile non propter se, seu ut finem, sed propter aliud, seu ut medium: ergo utile accipit rationem boni a bonitate finis sibi extrinseca. Confirmatur ex autoritate. S. Augustinus dicit, (1) *proprie honestum dicitur, quod propter se ipsum expetendum est; utile autem quod ad aliud referendum est*. Et S. Thomas, (2) *Utilia, inquit, dicuntur, quæ non habent in se, unde desiderantur, sed desiderantur solum, ut sunt ducentia in alterum*. Bonum igitur utile differt quam maxime a bono honesto, & bono delectabili, quia illud non habet ex se, & in se convenientiam respectu appetentis, ratione cuius sit bonum quoddam, sicuti in se habent tam bonum honestum, quam delectabile, sed habet a fine tamquam a forma & ratione, ob quam est diligibile.

159. Objicitur. Bonum aliquod utile habet in se propriam convenientiam vel cum natura vel cum ratione, pro-

(1) S. Aug. li. 83, qu. qu. 30 pag. 8.

(2) S. Thom. 1. p. qu. 5. ar. 6. ad 2.

pter quam convenientiam est bonum : ergo non omne bonum utile accipit ab extrinseco suam bonitatem.

Resp. distinguo antecedens. Bonum aliquod utile habet in se convenientiam, propter quam est bonum vel honestum vel delectabile, concedo antecedens, propter quam est bonum utile, nego antecedens, & consequentiam. Bene Suarez hic dicit, (1) *quod inter bona utilia quædam esse possit honesta, alia vero delectabilia, solum materialiter contingit, in quantum hæ rationes boni in eadem re conjungi possunt, immo & se invicem denominare; nam & honestas & delectatio utilis esse potest ad salutem vel animæ vel corporis, & utilitas ipsa honesta esse potest.*

## S E C T I O X I.

*De Bono honesto delectabili & utili inter se comparatis.*

## P R O P O S I T I O

160. **B**onum proprie dicitur, tam de bono honesto moraliter, quam de delectabili: sed primario de honesto moraliter, secundario de delectabili, de utili vero dicitur solum per Analogiam.

Propositionis duarum primæ partes sunt primo contra Epicureos, qui ita primario bonum dici de bono delectabili volunt, ut in delectatione, & quidem illa, quæ appetitui sensitivo respondet, & voluptas proprie dicitur, constituent summum hominis bonum, & ipsius felicitatem, quando tamen conjuncta illi sit carentia omnis animi perturbationis, quæ cum vehemens erumpat in animam ex timore Dei, hunc excutiunt negata Providentia Divina, & animæ immortalitate. Qui ita sentiunt, Epicurei se dicunt, quia sequi se profitentur Epicuri celebris Philosophi doctrinam, nihil curantes quicquid contra ipsum alii quovis tempore scripserint, inter quos est Plutarchus (2). Verum non desunt, qui Epicuro per

R

CA-

(1) Suar. Metaph. disp. 10, sec. 2. nn. 24. vi. pag. 191.

pag. 217.

(2) Plut. Opusc. Non posse suaviter vi-

Id. Contra Colotem pag. 462.

calumniam appingi hujusmodi morum corruptelam exclamant. Inter istos sunt L. Torquatus apud Tullium, qui postquam vehementer famam hujus Philosophi propugnavit (1), ejus in hac re doctrinam intelligens de delectatione illa, quæ nunquam sejuncta est ab honestate, concludit, (2) *Clamat Epicurus non posse jucunde vivi, nisi sapienter honeste jussèque vivatur*. Et Seneca, cujus est illud, (3) *Sancta Epicurus, & recta præcipit... non dico illius sectam flagitiorum magistram esse, sed illud dico, male audit, infamis est, & immerito*. Et Laertius (4), & alii veterum, quos sequuntur Pallavicinus (5), Marchettus (6), Mascardus (7) & omnium maxime Gassendus (8). Quin immo ipsemet Epicurus visus est planè demonstrare habenda esse pro calumniis, quæ ad ejus infamiam dicuntur; Nam morti proximus epistolam ad Hermachum misit, in qua, ut refert Tullius, fatebatur, quod (9) *tanti morbi aderant vesica & viscerum, ut nihil ad eorum magnitudinem posset accedere. Compensabatur tamen cum his omnibus animi letitia, quam capiebat memoria rationum inventorumque suorum*.

161. Secundo sunt contra illos, qui delectationem quidem, non tamen quamcunque, & multo minus Epicuream, sed illam, quæ conveniat naturæ rationali, & tamquam ex radice exurgat ex operationibus moraliter honestis, constituunt pro præcipuo fine hujusmodi naturæ. Plato citari inter veteres potest pro hac opinione, ubi loquens de bonis, quæ unice propter se eliguntur, affert exemplum (10) *gaudii & voluptatum, quæ sine nocumento sunt, & quæ in posterum nihil præter gaudium allaturæ sint eas habenti*. Inter recentiores est Pallavicinus, qui in Philosophia quidem morali universaliter statuit bonum primario dici de gaudio, in quo sitam esse voluit felicitatem. At in Theologia rem divisit pro duplici statu, in quo considerari natura rationalis creata potest,

(1) Tull. li. 1. de Fin. nu. 9. & seq. p. 112.

pag. 10.

(2) Id. ibi. nu. 18. pag. 122.

(7) Masca. Tavola di Cebete. part. 3.

(3) Sen. de Beata Vita. ca. 13. pag. 375.

disc. 7. pag. 401.

(4) Laert. de Vit. Philos. li. 10.

(8) Gass. de Vita Epic. li. 7. pag. 186.

(5) Pallav. del Bene li. 4. c. 23. p. 574.

(9) Tull. de Fin. li. 2. nu. 30. pag. 187.

(6) March. Terrena Beati. li. 1. cap. 1.

(10) Pla. de Rep. li. 2. in principi. pag. 314.

test, vel naturalis vel supernaturalis felicitatis: Atque pro primo statu excludit a ratione boni primarii delectationem ex eo, quod (1) *Non potest felicitas naturalis sita esse in delectatione, nam hæc supponit ante se possessionem boni, de quo delectamur. Quare non est felicitas, sed quies in felicitate*, proindeque concludit, bonum primario dici de honesto, & determinate de Scientia. Pro secundo vero hominis statu, felicitatis scilicet supernaturalis, statuens illam consistere ex æquo in visione Dei, & ejus amore, qui simul est gaudium amantis, jam æquales partes in ratione boni dedit bono honesto & delectabili. Ratio, quæ illum movit ad hujusmodi ex hac parte conclusionem est, quia antequam intelligatur creatura rationalis transformasse se affective in Deum bonum infinitum, intelligi non potest possidere bonum aptum ad felicitatem supernaturalem, quod requirit, ut ipsi sit redditum proprium. At quandoquidem ista quasi transformatio creaturæ in Deum competit potius intellectui clare illum intuenti, de quo dicitur, quod intelligendo fit omnia, non est in hac ipsius ratione sufficiens vis ad infirmandum illud ab ipso prius propositum argumentum, quo delectationi abstulit rationem primariam boni.

Sed redeo ad ejusdem doctrinam circa diversos quasi gradus boni, quam in Philosophia proposuit & propugnavit. Ibi ad examen revocans singula, quæ vulgo dicuntur bona respectu naturæ rationalis, excludit omnia a ratione boni in se præter hæc sex, (2) *esse, cognitionem, & gaudium*, tamquam bona phylica ipsi intrinseca, & *amari, & honorari*, tamquam bona eidem extrinseca, & tandem *honeste agere*, quod est bonum diversæ generis, scilicet morale, reliqua omnia, dicit habere dumtaxat rationem boni utilis, seu medii ad sex prædicta. Porro ex his gaudium vult esse primum bonum in se, quia gaudium est id, in quo omnis appetitus terminatur: deinde cognitionem seu scientiam, non quia hæc per se revera expetatur præcisa omni spe gaudii, sed quia nunquam accidit, ut gaudium scientiam non comitetur, quod idem sen-

R 2

tit

(1) Pall. de A&D. hum. li. 1. num. 39. pag. 412.

pag. 54.

(2) Id. del Bene, li. 3. cap. 36. & seq.

Id. Ibid. li. 2. ca. 4. pag. 489.

tit (1) de honestis operationibus, & de amore ac honore. Ultimatum tandem locum inter bona in se dat huic, quod est esse, non quia hoc ipsum per se solum sit expetibile, cum aliquando sit melius non esse, quam esse, sed quia sine eo non subsistit expetibilitas gaudii, quod in tantum est expetibile, in quantum est in nobis, non extra nos.

162. Probatur jam prima propositionis pars. Bonum proprie dicitur illud, quod habet rationem finis, quod scilicet natura cognoscitiva potest vel solet appetere, ut in illo acquiescat: sed natura cognoscitiva potest vel solet appetere tam bonum honestum moraliter, quam bonum delectabile, ut in illis acquiescat: ergo. Minorem, quod pertinet ad bonum honestum, declarat communis non solum doctrina, sed etiam experientia hominum, qui in solo virtutum exercitio, seu benefactis norunt se tandem acquiescere, ita ut extiterint Stoici, qui in earum acquisitione beatitudinem hominis collocarent, & Persius illos sequutus tamquam maximam poenam imprecetur malis (2),

*Virtutem videant, intabescantque relictæ.*

Quod enim vero plus nimio falsum est, quemadmodum platum fecit S. Augustinus, Stoicos reprehendens (3), quod eo modo tollerent ab actibus virtutum illam, quæ aliunde illis inerat saltem virtualis tendentia in Deum atque relatio, eoque proinde redderent materialiter tantum bonos, malos vero formaliter (§. 17.): Quod vero pertinet ad bonum delectabile illam probant, primo ii, qui ita abutuntur ratione, ut finem unicum sibi constituent in illis delectationibus, quas natura quidem animalis, non vero rationalis potest sic unice intendere propter seipsas, cuiusmodi est voluptas in cibo & potu: multo autem magis illi, qui in huiusmodi delectationibus capiendis immoderati sunt, quasi ratio in illis sit ad excogitandos modos, quibus se ipsos infra bestiarum conditionem deprimant, quæ solum ad sufficientiam solent comedere: contra quos fufius agunt Theologi morales, agentes de Gu-  
la,

(1) Pall. del Bene li. 1. ca. 11. & seq. pag. 28.

(3) S. Aug. li. 19. de Civ. ca. 25.

(2) Peti. Sary. 3. pag. 102.



la, vitio inter capitalia numero, quia est veluti radix, ex qua variae peccatorum species quodammodo pullulant. Ex quo apparere potest quanto jure damnata fuerit ab Innocentio XI. propositio illa octava, *Comedere & bibere usque ad satietatem ob solam voluptatem non est peccatum, modo non ob sit valetudini: quia licite potest appetitus naturalis suis actibus frui.*

Secundo eandem probant ii, qui ita appetunt bona humanæ vitæ, ut etsi pro insipientibus habeant illos, qui dicunt, (1) *beatum populum cui hæc sunt*, non tamen illa respuunt, quin immo eadem quærunt & amant, putantes nihil naturæ suæ etiam ut rationali dedecens fieri ex illis opportunis rationibus, quas exponit Pallavicinus (2), arguens contra illos, qui vel vitium in horum prosecutione declamant contineri, vel saltem honestatem desiderant dignam nobilitate naturæ humanæ, quando hæc tenuis momenti sint, ut florem contemplari, aut olfacere, aquam gelidam sorbere & similia, quam opinionem vehementer propugnat Seneca statuens, (3) *Multa quidem naturæ consentire, sed tam pusilla esse, ut non conveniat illis boni nomen.* Prætermisiss Pallavicini rationibus contra istos, esto hæc una pro cunctis, quod teste Apostolo illa (4) *Deus ipse præstet abunde ad fruendum*, scilicet *in Domino*, ut alibi dicit idem Apostolus (5), quod, sæpius observante S. Augustino (6), est ita frui delectatione terrena, ut ea referatur ad finem ultimum, veram vitam, beatitudinem æternam, quæ eodem definiente S. Doctore est bonum illud hominis, (7) *quo non est aliquid melius, quo pervenire homo possit, & quod non amittis invitus.* De alterutra vel de utraque bonitate, honesta scilicet vel delectabili intelligendus est S. Thomas, (8) ubi dicit, bonum importare habitudinem causæ finalis.

163. Obji-

(1) Psal. 143.

(2) Pall. del Bene li. 1. ca. 20. pag. 61.

Id. ibi. li. 1. ca. 34. &amp; seq. pag. 105.

(3) Senec. Epi. 128. pag. 303.

(4) 1. Ad Timoth. ca. 6. v. 17.

(5) Ad Philem. ver. 20.

(6) S. Aug. ad Honoratum epist. 140. alias 120, cap. 10, nu. 27. pag. 432.

Id. de Doct. Christi. li. 1. ca. 33. nu. 17.

pag. 16.

(7) Id. de Morib. Eccl. cap. 3. num. 5.

pag. 689.

Id. Serm. 72. n. 7. pag. 406.

(8) S. Th. 1. p. qu. 5. ar. 2. ad 3.

Id. li. 1. conc. Gent. ca. 38. ar. 3.

163. Objicitur. S. Ambrosius dicit bonum non esse, sed potius incommodum, quod (1) *ad delectationem præsentis* pertinet, bonumque statuit *nihil omnino esse, nisi quod deceat, & honestum sit*: ergo bonum non dicitur proprie de bono delectabili saltem præsentis vitæ.

Resp. conc. antecedens, & dist. consequens: bonum non dicitur proprie de bono delectabili præsentis vitæ in sensu mystico S. Ambrosii, qui est & aliorum Sanctorum, concedo, aliter nego consequentiam. Sensum mysticum apertissime sequitur ibi S. Doctor, cum dicat se rem istam definire *futurorum magis quam præsentium formula*, & quatenus *ad vitam æternam proficit gratiam*.

164. Secunda propositionis pars, pro qua est S. Thomas affirmans, (2) *bonum per prius prædicatur de honesto, & secundo de delectabili*, sic probatur. Bonum primario dicitur de illo bono, quod potest esse ultimus terminus appetitus naturæ rationalis, quæ juxta rectam rationem moveatur, secundo vero dicitur de illo bono, quod non potest esse ultimus terminus appetitus naturæ, quæ juxta rectam rationem moveatur. Sed bonum honestum moraliter potest esse ultimus terminus appetitus naturæ, quæ juxta rectam rationem moveatur, non vero bonum delectabile: ergo bonum primario dicitur de bono honesto moraliter, secundo vero de bono delectabili.

Minoris secunda pars probatur primo contra Epicureos sic. Illud bonum potest esse ultimus terminus appetitus naturæ, quæ juxta rationem moveatur, quod non est bonum prius eam bono illo, cujus sola natura rationalis capax est, & cujus prosecutione distinguitur ipsius appetitus ab appetitu brutorum: sed solum bonum honestum moraliter est bonum, cujus sola natura rationalis capax est, & cujus prosecutione distinguitur ipsius appetitus ab appetitu brutorum: ergo. Declaratur magis argumentum hoc pacto. Appetere aliquid propter delectationem vel sensibilem, vel quæ ad sensibilem reducatur, est appetere more Brutorum, deficiendo ab usu rectæ rationis, quæ sibi procuret bonum rationalis operationis, quæ

(1) S. Amb. de Offic. ca. 9. pag. 40

(2) S. Tho. 1. p. qu. 5. ar. 6. ad 3. p. 21.

quæ est bonum moraliter honestum; (1) *propter operationes enim institutor naturæ delectationes* (sensiles) *apposuit*, ut observat S. Thomas, & non contra instituit operationes propter sensilem delectationem, quod etiam fieri non potuisse suadet S. Doctor, quia inquit (2) *Delectatio consistit in quadam quietatione voluntatis: quod autem voluntas in aliquo quietetur, non est nisi propter bonitatem ejus, in quo quietatur*: ergo bonum delectabile non solum in sensu Epicureorum, sed in nullo sensu potest esse ultimus terminus appetitus rationalis. Confirmatur argumentum ex S. Augustino, qui enumeratis variis bonis in genere boni delectabilis dicit, (3) *peccatum admittitur, dum immoderata in ista inclinatione, cum extrema bona sint, meliora & summa bona deseruntur, tu Domine Deus noster, & Veritas tua, & Lex tua.* Quare alibi inculcat, (4) *Homo rerum mortalium & fluentium nihil diligat, nihil per se appetendum putet, sed ad vitam hujus atque officiorum necessitatem, quantum sat est, usurpet utentis modestia, non amantis affectu.*

165. Eadem minoris pars probanda secundo est contra illos, qui Gaudium, quod est delectationis species volunt esse præcipuum finem naturæ rationalis. Hos jam redarguit allata nuper S. Thomæ ratio, quod, cum ideo aliquid naturæ rationali afferat gaudium, quia ipsi bonum est, non viceversa ideo bonum sit, quia affert gaudium, nequit gaudium esse præcipuus illius finis. Cujus rationis vis sic magis exponitur. Illud bonum potest esse ultimus terminus naturæ rationalis, ad quod acquirendum urget appetitus rationalis: Atqui gaudium non est actus appetitus rationalis urgens ad acquirendum ullum bonum, sed est actus, qui significat bonum jam acquisitum: ergo gaudium nequit esse ultimus terminus appetitus rationalis.

Rursus sic arguitur. Illud bonum potest esse ultimus terminus naturæ rationalis, quod convenit illi ipsius quodammodo parti, per quam est formaliter rationalis: sed per intel-

(1) S. Th. 1. 2. qu. 4. ar. 2. ad 2. pag. 12. pag. 85.

(2) Id. Ibid. in corp.

(4) Id. de Mori. Eccl. cap. 21. num. 39.

(3) S. Aug. Conf. li. 2. ca. 5. num. 10. pag. 702.

intellectum natura rationalis est formaliter rationalis, non vero per appetitum, qui ut intelligatur rationalis, intelligi debet directus a ratione, a qua proinde per quamdam quasi denominationem dicitur rationalis: ergo illud bonum potest esse ultimus terminus naturæ rationalis, quod convenit intellectui, non quod convenit appetitui: Atqui intellectui pro ut distinguitur a natura, & ab ipsius appetitu non convenit delectatio: hæc enim significat quietem appetitus: ergo.

166. I. Obijcitur. Non est universaliter verum, ideo naturam rationalem de aliquo delectari, quia illud est bonum: ergo hoc modo non suadetur delectationem non esse bonum majus omni alio bono. Probatur antecedens. Si illud esset universaliter verum, jam dicendum esset famem & vulnera esse hominibus bona; Nam delectamur sentientes fame nos pungi, & contra tristamur, si itatis temporibus hæc a nobis non sentiatur. Similiter sicuti qui tactu etiam vehementi ferri & ignis in brachio vel crure, animadvertit se non affici, luget tamquam de emortuis membris, ita contrario modo, qui illis commovetur, se habet: sed ridiculum est dicere famem & vulnera esse homini bona: ergo illud non est universaliter verum.

Resp. nego antecedens. Ad probationem nego majorem, quam ratio allata non suadet, quandoquidem delectatio illa, quam experimur ex fame & vulnere in objectis circumstantiis, non habet pro suo objecto famem, sed persuasionem ex illis utique molestis sensationibus quasi erumpentem de bono corporis habitu, in quo versamur.

167. II. Obijcitur. Illud est bonum primum, quod est bonum, quo possessio natura rationalis quiescit: Sed bonum quo possessio natura rationalis quiescit, est gaudium: ergo gaudium est bonum primum.

Resp. conc. maj. & nego minorem; Nam imprimis hi termini bonum, quo possessio natura rationalis quiescit, est gaudium, videntur continere quamdam contradictionem; Gaudium enim nequit intelligi, nisi affectus quidam circa bonum possessum: ergo ante gaudium intelligitur jam possessio boni: ergo gaudium nequit esse ejus possessio, sive ut ajunt, finis quo.

Præ-

Præterea natura rationalis appetit, quod sibi magis convenit: magis autem sibi convenit operatio moraliter honesta respondens intellectui, quam gaudium, quod pertinet ad voluntatem, sive ad suum appetitum rationalem; Nam per operationem propriam intellectus, ut per claram boni objectivi cognitionem, intellectus seipsum similem illi vitaliter & intentionaliter reddens, se & totam naturam, cujus est potentia, in ipsum expetitur bonum quodammodo transformatur: gaudium vero, quod non est nisi inclinatio quædam naturæ in bonum, non acquirit hujusmodi cum bono similitudinem, & quasi in illud transformationem: ergo natura rationalis magis appetit operationem moraliter honestam, quam gaudium. Hinc doctrina illa profluit, quam non semel statuit Aristoteles ad felicitatem pertinere contemplatricem sapientiam, seu illas cognitiones, quæ non ordinantur ad bonum a se diversum, cujusmodi sunt in disciplinis actuosis seu practicis, sed illas, quæ sibi satis sunt, cujusmodi sunt in disciplinis mere speculativis.

168. III. Objicitur. Semoto gaudio, & concessa scientia quantumvis recondita, naturam rationalem non posse esse beatam, suadent damnati Dæmones, quibus quævis fortasse Philosophiæ mysteria aperta sunt: ergo gaudium est bonum unicum primum, & cæterorum finis.

Resp. dist. antecedens. Concessa est Damnatis scientia, quam expetunt vehementer, illa scilicet sita in visione intuitiva Dei, nego antecedens: alia, scilicet naturalis, conc. antecedens, vel omitto, & nego consequentiam. Infelicitas naturæ rationalis habetur necessario, deficiente possessione boni illius, quod appetit, sicut accidit in Damnatis.

169. IV. Objicitur. Ita se habet bonum respectu felicitatis, sicuti se habet malum respectu infelicitatis: sed respectu infelicitatis, *malum quo*, est solus dolor; Hic enim est ipsa possessio malis: cætera autem mala, ut paupertas, ignorantia, morbi, sunt *malum quod*, cum infelicitatem non inferant, nisi dolor accedat, ergo respectu etiam felicitatis, *bonum quo*, scilicet possessio quis est felix, est sola delectatio.

S

Resp.

Resp. conc. maj., & nego minorem, quam affirmat quidem Pallavicinus (1) consequenter ad stabilitum in delectatione finem, sive bonum quo, & in reliquis omnibus bonum quod. Verum cum etiam dolor, sive animi cruciatus sit effectus, necessario consequens possessionem mali, non vero ipsa possessio mali, sicuti simili modo probari potest, ac factum est de delectatione, seu gaudio, reformatur obiectio in confirmationem nostræ assertionis. Nec probatio adducta in argumento, quod illa, quæ apprehenduntur, tamquam *malum quod*, non inferant infelicitatem, nisi eadem sequatur dolor, evincit propositum; siquidem quando accidat, ut dolor non sequatur illa mala, quæ actu afficiant illum, qui ab eis abhorrebat, idem etiam fatebitur falso se putasse illa abhorrenda esse: sed perseverante iudicio, quod ea sibi essent mala, semel quod in se inciderent, necesse est sit infelix, dum in illis actu versatur, & ex hoc jam possesso malo tamquam causa, necesse est dolorem tamquam illius effectum experiatur.

170. Instat (2). Idem est dicere a natura rationali appetitur res illa, ac dicere natura rationalis gauderet de re illa: sed dicere, natura rationalis gauderet de re illa, significat naturam rationalem ordinare rem illam ad gaudium: ergo etiam dicere a natura rationali appetitur res illa, significat naturam rationalem ordinare rem illam ad gaudium: ergo quicquid appetitur a natura rationali appetitur in ordine ad gaudium: ergo gaudium est primum bonum, seu finis omnium bonorum. Argumentum confirmat, quia inquit, (3) *potiri & frui, quorum alteram possessionem, alterum vero gaudium significat, synonyma sunt*.

Resp. conc. maj., & nego min. Nam natura rationalis appetit etiam bonum intellectus: intellectus autem non habet tamquam actum sibi proprium gaudere, sed intelligere. Melius itaque, si generaliter loqui velimus, dicetur, quicquid appetitur a natura rationali, appetitur in ordine ad sui perfectionem, quæ perfectio, cum relate ad ipsum appetitum sit gau-

(1) Pall. de Bene. li. 2, ca. 52. num. 2.  
pag. 302.

(2) Id. ibi. li. 3, ca. 40. pag. 424.

(3) Id. ibi. li. 4, in fine ca. 21.

gaudium, appeti potest etiam gaudium, sed relate ad alias potentias appeti debent, quæ singulis convenient. Quod pertinet ad confirmationem, potiri & frui proprie synonyma non sunt; dicitur enim etiam potiri morte, in qua voluptas non habet locum; synonyma tamen fieri posse, non est negandum nisi ab iis, qui tropos, & determinate metonymiam, quæ hic intercedit, vellent ab oratione eliminare.

Instat iterum. Gaudium pertinet ad naturæ rationalis felicitatem, tamquam ipsius pars essentialis; neque enim ipsius felicitas concipi potest sejuncta a gaudio: ergo gaudium saltem est bonum æquali loco habendum, ac aliud quodvis bonum.

Resp. nego antecedens, cujus probatio non est ad rem; Quod enim felicitas non possit concipi sine gaudio, hoc non provenit ex eo, quod gaudium constituat essentiam felicitatis, sed ex eo, quod hoc pone semper sequatur felicitatem jam constitutam. Id suadent illi, qui cum S. Thoma propugnant essentiam coelestis Beatitudinis consistere in sola Visione Dei, inter quos videri potest Sylvestr Maurus (1), apud quem invenio expeditam etiam solutionem eorum, quæ ex eodem Pallavicino ulterius possent objici.

171. Determinate contra Epicureos sic arguit Plutarchus in Commentario illo, cujus titulus, (2) *Ne suavisier quidem vivi posse secundum Epicuri decreta*. Si Voluptas est summum hominis bonum, tunc quando nullo Dei timore animus perturbetur, jam Voluptas vel nequit esse summum hominis bonum, vel longe minus bonum erit homini, quam brutis; Nam homo, vel nullo modo potest se liberare a timore Divinæ vindictæ pro tempore tum præsentis tum futuro, vel certe non potest ita se ab eo liberare, ut bruta non sint semper magis libera, ac ipse est: ergo stulta est Epicureorum opinio.

Secundo contra eosdem idem Plutarchus. Delectationem appetitus sensitivi esse majus bonum homini, quam delectationem appetitus rationalis falsum evincit intima homi-

S 2

mi-

(1) Maur. quæst. Theol. tr. de Beatitu.  
qu. 5. pag. 59.

(2) Plut. pag. 191.

minum conscientia, quæ non raro manifesta sit externa moestitia aut exultatione, & aliis modis. Nonne qui cum Tobia cæcitatem incurrant, per quam impeditur illis honesta delectatio acquirendi novas cognitiones, quarum instrumentum præcipuum sunt oculi, dolent cum illo sublatum sibi esse gaudium quasi ex integro, (1) *Quale gaudium mihi erit, qui in tenebris sedeo, & lumen Cæli non video?* Nunquid similis lamentatio audita unquam est ab iis, qui modico & vili cibo coguntur vivere? Compertum est referente Tacquito (2) cum multis, Pythagoram victimas Diis obtulisse ob inventum præclarum illud Theorema de ratione, quam habet quadratum lateris majoris in triangulo rectangulo ad quadrata reliquorum laterum, quo universa Mathematicis utitur frequentissime, non tamen novimus simile quid factum ab ullo, qui potitus fuerit quacunque voluptate. Novimus Eudoxum solitum dicere, dum sibi daretur Soli propius accedere ad illius figuram, speciem, & magnitudinem cognoscendam, quemadmodum de Phaetonte narrant fabulæ, non recusaturum parem cum illo deinde mortem ex fulmine. At quis unquam certam mortem pactus fuit pro quocunque convivio, aut alia voluptate? Memoria proditum est Philippum II. Hispaniarum Regem, accepto per intempestam noctem nuncio de Antuerpia a suis tandem expugnata, tanta affectum lætitia, ut severitatis suæ plusquam Philosophicæ oblitus e cubili suo prosluerit, & ad filiæ Isabellæ cubiculum accurrens, ejusque ad ostium pulsans exclamaverit, *Antuerpiam tenemus*. Quæ nam ad hujusmodi nuncium delectatio sensuum? Frequentiora sunt exempla eorum, quæ ad Theatra convolant, ubi cæteroquin norunt jam ex repetita experientia, pati opus esse situm incommodum, sudorem continuum, ipsum etiam aliquando luctum violentem expressum a ficto aliquo Bellisario post triumphos emendicante, & similibus Tragœdiarum personis. Nonne hi plane demonstrant præferre se molestiæ sensibili oblectationem, quam superior pars animæ experitur, vel ex cognitione, quam acquirit, aut renovat tot tantarumque rerum, quæ vivida

ibi

(1) Tob. ca. 2.

(2) Tacq. Elem. Eucl., li. 1. prop. 47. pag. 437



ibi imitatione proponuntur, ut verius dicitur, vel ut credidit Castelvetrius in sua Poëtica ex animadversione probitatis nostræ, quam deprehendimus in honestissima commiseratione erga eorum, quos in heroum numero habemus, calamitates. Multo fortasse frequentius idem ostendunt illi, qui ex literis cujuscunque generis, etiam infimis, ut ex lectione historiarum, & etiam fabularum tantam hauriunt suavitatem, ut pigeat ab illis vacare ad reficiendas vires, & ad ipsum cibum capiendum quandoque urgendi etiam sint.

172. Tercio. Illa delectatio est majus hominis bonum, quæ convenit potiori parti hominis: sed potior pars hominis est animus, non vero corpus: ergo delectatio intellectualis, quæ convenit animo, est majus hominis bonum, quam delectatio sensilis, quæ convenit corpori. Hoc argumentum utpote petatum a parte, per quam homo, ut ait Aristoteles, (1) *maxime homo est*, luculentius, declarat stultitiam Epicureorum, qui tamen eo fortasse minus commovebuntur, nisi prius e luto materiæ, in quo fortasse sunt immersi, sinant se extrahi iis argumentis, quibus materiam non posse cognoscere alibi demonstratur.

Quarto. Voluptas utpote ex dictis (§. 151.) medicina malorum, quibus corpora animata naturaliter subjacent, non retinet nec continuo, nec constanter rationem boni: retinet vero delectatio intellectualis, qualis præfertim cum animi cultura, & scientiæ acquisitione conjungitur: eaque non solum nec exilio, nec carcere, nec furum violentia, nec tyrannorum inhumanitate separari a nobis penitus potest, sed tunc maxime opportune accurrit ad minuendas externas quasvis calamitates: ergo delectatio intellectualis potior est voluptate.

Quinto. Si Voluptas est potius bonum honesto, dicendum est insanire tum illos, qui pericula, labores, dolorem etiam pro patria & pro suis suscipiant, ut non modo nullam capient, sed etiam prætereant omnes voluptates, dolores denique quosvis suscipere malint, quam deserere ullam officii partem: tum illos, qui hos laudent; Sed hoc opponitur

(1) Arist. Ethic. lib. 10, cap. 7. num. juxta Mayrum 11. pag. 325.

tur iudicio non solum cæterorum hominum omnium temporum, sed ipsorummet Epicureorum, qui sibi maxime nocerent, si contrarium dicerent: ergo Voluptas non est potius bonum honesto.

173. Probatur tandem tertia propositionis pars. Illud dicitur bonum dumtaxat per analogiam, quod dicitur bonum dumtaxat per denominationem a sibi extrinseca bonitate derivatam: sed bonum utile dicitur bonum dumtaxat per denominationem ab extrinseca sibi bonitate derivatam; Nam dicitur bonum a fine, scilicet bono vel honesto vel delectabili, ad quem tamquam medium ordinatur. Sic Viator negat bonum sibi esse currum, qui aliqua sui parte necessaria ad usum expers sit, & Bellator projicit a se bombardam tamquam incommodum pondus, quantumvis accurate perfectum, quoties materia tormentaria exhausta jam est, nec alia amplius speratur: ergo.

Hinc cum homo utpote naturæ non sensibilis solum, sed etiam rationalis licite non possit habere pro fine ultimo delectationem sensibilem, vel aliud quid, quod non referat ad summum bonum, negat S. Augustinus bona terrena esse bona illi, qui malus sit in ipso usu talium bonorum, (1) *Aurum*, inquit, *argentum bonum est: sed si bene usus fueris; bene autem non uteris, si malus fueris. Ac per hoc aurum & argentum malis malum est, bonis bonum est, non quia eos bonos facit, sed quia bonos invenit, in bonum usum convertitur*. Idem ante ipsum falsus est Plutarchus, & præclare in hunc modum declaravit (2), *Prudentia est id, quod potest recte uti his, auro, argento, gloria, valetudine, divitiis, robore, pulchritudine: ac singula horum jucunda facit, laudabilia, utilia, cum sine hac inutilia, sterilia, damnosaque sint, & molestiam ac dedecus possidendi ea afferant*.

## SECTIO

(1) S. Aug. serm. 72. nu. 2. pag. 405.

(2) Plut. de Fortunâ, pag. 64.

## S E C T I O X I I .

*De naturali Felicitate hominum dum vivunt .*

## P R O P O S I T I O I .

174. **A**D naturalem felicitatem hominis singularis dum vivit , omnino requiruntur ex bonis ipsi intrinsecis hæc quatuor , intelligere , bene valere , tranquillum esse , & honeste agere : ex bonis autem extrinsecis , hæc duo amari & honorari .

Propositionis sensus ex iis , quæ supra in notione hujus felicitatis (§.34.) dicta sunt , apertus est . Illa suadetur primo quod pertinet ad intelligentiam , quo nomine utor in sensu omnium amplissimo , qui non est determinatus ad illam , quæ est de facultatibus , de quibus agitur in Academiis : sed complectitur quamcunque cognitionem , quæ homini conveniat pro diversa status sui conditione , quæ illi contigerit ; Impetus enim ille in felicitatem , de qua hic agimus , reperitur in quibusvis hominibus sive nobili , sive humili loco natis , adeoque sive ii possint in sublimioribus disciplinis excoli , sive debeant in vilioribus artibus versari . Sic itaque arguitur . Exclusa intelligentia illa , quæ est ; ut ajunt , in actu primo & quidem proximo , ne habetur quidem subjectum capax felicitatis illius , quam inquirimus , quæ scilicet potuerit ab eo , qui eam possideat , cognosci & intendi , sed habetur vel stupidus , vel insanus , vel brutum , vel lapis : Exclusa autem illa , quæ est in actu secundo non habetur in homine , nisi frustratio naturalis appetitus sciendi ipsi ingentis , quam necesse est sequatur ægritudo animi , quæ non componitur cum felicitate .

Res tota luculentius fortasse declaratur ex errore , qui est malum intelligentiæ oppositum . Error certe naturam rationalem hominis ita deturpat , ut quodammodo e sede ac dignitate sua illum deturbet . Quare si ipsa errorem suum agnoscat , jam pudet , eoque affigitur : ergo felix non est : Sin  
vero

vero non agnoscat, sed possit olim agnoscere, jam poterit etiam affligi: ergo non possidet felicitatem, quæ est status in possessione suorum bonorum permanens & diuturnus: Si tandem non cognoscat, nec propter stoliditatem suam unquam potis sit cognoscere, non est hæc subiectum felicitatis, de qua quærimus; neque enim hic de alia agimus, nisi de ea, quæ conveniat homini, qui talis sit non in actu dumtaxat primo, sed in actu secundo: ergo intelligentia pertinet ad singularis hominis in hac vita felicitatem.

175. Qui objiciant, viros doctissimos in continuis querelis & gemitibus viventes palam facere abundantem doctrinæ apparatus nihil conferre ad felicitatem, videant, unde nam hujusmodi lamentationes oriantur. Si ab eo, quod imparati sint a divitiis aut dignitatibus, quas optarent, credentes in iis contineri bonum majus, quam re ipsa est, vel ex eo, quod sibi persuasum sit, plura se scire aut promereri, quam revera noverint, aut promereantur, jam cum multiplici scientia conjunctas habent hujusmodi falsas existimationes; ex quibus proinde, non vero ex sua doctrina hauriunt volentes suam miseriam. Sin autem causa horum gemitus sit nimia tenuitas eorum bonorum, quæ ad vitam necessaria sunt, aut aliæ calamitates in consanguineis, vel aliis sibi sive prudenter sive imprudenter caris, hoc jam viam aperit ad alia duo, quæ ad constituendam felicitatem diximus requiri. comprehensa sub nomine bonæ valetudinis, & tranquillitatis, & quæ per opposita sibi mala, dolorem & tristitiam jam declaro.

176. Igitur cum dolor corporis pars sit infelicitatis, necesse est bona valetudo, quæ diuturnitatem vitæ, & aliorum bonorum nobis pollicetur, & a doloribus nos eximit, pars sit felicitatis. Eademque est consequentia circa tranquillitatem animi ex ejus opposita ægritudine, per quam solam aliquando etiam summam calamitatem designamus. Nec audiendi sunt Stoici, qui ponentes totam hominis felicitatem sitam esse in sola virtute sive voluntatis sive intellectus, quæ sapientia proprie dicitur, neque enim illi satis unam ab altera distinguebant, consequenter asseriebant sapientem fore bea-

beatum etiam in equuleo . Effatum hoc gloriosissimum ne dicam , an ineptissimum , nunquam certe habuit apud illos , ne unum quidem exemplum , quo illius veritas comprobaretur , nili forte aliquod adducant ex iis , qui in gravissimis etiam calamitatibus invictam animi constantiam præseferabant . At hæc aliquando visa est etiam in tortura sceleratorum , quos tamen ipsi iidem negantes esse beatos , agnoscere debent male ab ipsis confundi constantiam , seu perviciaciam , seu insaniam cum beatitate , quæ semper conjuncta est cum sincera & invidenda lætitia , qualis nunquam se protulit in cruciatibus beatorum juxta veteris cujusvis Philosophiæ placita . Sola Christiana Religio exhibere potest exempla eorum , qui in exilio , carceribus , summa rerum omnium inopia , suppliciis ipsis immanissimis hilaritatem præsetulerunt admirabilem . Sed Divinâ hæc , non naturali virtute acciderunt .

177. Sequitur , ut honestatem in operando ostendam esse partem ejus felicitatis , quæ humanitus obtineri potest . Quod sic conficio . Honestas in operando sumi potest , vel pro qualitate ipsius actus humani , vel pro habitu , qui ex pluribus repetitis actibus coalescit , & aliter dicitur virtus moralis . Jam vero si sumatur pro qualitate actus , certe exclusa honestate ab actu humano infertur , illum opposita infici qualitate , per quam actus ille jam est vera culpa : Sed hæc per se ipsa ita dedecet naturam rationalem ; ut in illam non incidat , nisi per errorem omnium maximum , juxta illud , *Omnis peccans est ignorans* , quem quidem brevi omnino advertet , cum deserbuerit tumultus malarum perturbationum , quibus mens quodammodo obcæcata in malum istud sub specie boni imprudens se conjecit : Jamque actum est de omni ejus tranquillitate . Sin autem honestas in operando sumatur pro virtute , hujus necessitas ad humanam felicitatem ostenditur , tum quia sine illa triumphant in homine mali appetitus , quibus ceu navis a procelloso mari misere in omnem partem jactatur , & fortasse etiam discerpitur , quo in statu ne umbra quidem felicitatis habetur , sed cumulus calamitatum : tum quia ita comparati sumus , ut si a nobis absit

T

vir-

virtus, jam vitium nos occupet, quod est per se summum hominis malum, & teterrima malorum omnium origo, ut luculenter declarat Plutarchus in suo illo supra etiam (§. 105.) citato, eleganti & disertio opusculo et si imperfecto, *Au viciositas ad infelicitatem sufficiat*. Ex quibus a vitio profluentibus malis, quando cætera in hac vita deficiant, non deficit certe continuus ille conscientiae latratus mentem perpetuo obtundens, ejusque attentionem a quibuscunque deliciis avertens, & in Divina ultionis terrore, vel saltem suspitione licet reluctantem infigens; (1) *Etenim*, ut inquit Plato, *quæ de Inferis dicuntur, quemadmodum eos, qui iniuste egerunt, penas illis dare oporteat, movent animum, ne forte vera sint, suspicantem*. . . Et ex ipso somno tamquam pueri frequenter excitus, extimescit, & persona in spe vivit. Sed apertius Sacra Litera affirmant, (2) *Homini bona dedit Deus lætitiā, peccatori autem afflictionem*, & alibi (3) *Non est pax impiis, dicit Dominus*. Impii (4) *quasi mare fervens, quod quiescere non potest*: Ergo honestas in operando necessaria est ad humanam felicitatem.

178. Restant jam bona extrinseca amor, & honor, quorum ambo pertinere ad hanc felicitatem, sic conficio. Appetitus utriusque boni ingenitus est cuique homini, nec quisquam esse potest, qui tandem non fateatur verissime scriptum esse, (5) *Melius est nomen bonum, quam divitiarum multitudo: super argentum & aurum gratia bona*. Ergo qui utrumque bonum amoris & honoris aliquo modo non possidet, felix nequit esse. Antecedens planum fieri potest ex eo, quod quisque cujusvis conditionis conscius est, non solum ab injuriis inferendis, & vitlis se abterreri a timore, ne aliorum in se odium & execrationem, quæ semper conjuncta est cum animi molestissima tristitia: sed ad beneficia etiam impertienda, virtutemque se impelli a spe amoris, honorisque sibi conciliandi, quæ voluptatem in intimas usque medullas infundunt. Qui in privata & occulta fortuna vivunt, non habent fortasse, unde hos animi sui involuntarios etiam impetus

(1) Plato. 1. de Repub. circa principiū.  
pag. 307.

(2) Eccle. 26.

(3) Isai. 48. 22.

(4) Isai. 57. 20.

(5) Prov. 22. 1.

petus deprehendant , nisi paucos illos vel domesticos vel socios , quibuscum necesse est vivant , sed qui paulo altius sublati sunt , & ii multo magis , qui aliis dominantur , hoc luculentius intelligunt . Soluti magna ex parte , vel ex toto ab humanis legibus , hanc tamen sentiunt sibi impositam , ut aliorum judicia , & publicam exultationem de iis , quæ agant vel dicant , revereantur . Norunt enim bonis actionibus respondere amorem & approbationem , & malis contra maledicta & vituperium commune . Hinc magnum a flagitiis frenum , & vehemens ad virtutem incitamentum , & necessaria compensatio ad plurima , quibus dominantium conditio subjicitur incommoda , propter perpetuam sollicitudinem in consulendo justitiæ administrationi , annonæ commodis , munerum distributioni , commercii incremento , reddituum indemnitati , invasionum securitati , aliisque hujusmodi .

179. Hanc ipsam partem felicitatis juvat ulterius declarare ex odio & infamia , malis amoris & honori oppositis . Hæc cum plerumque sequantur velut umbra vitium , & improbitatem , jam planum est ex dictis de malo culpæ , nunquam posse esse ne humanitus quidem felicem , qui propterea odio habeatur , aut nota infamiæ inuratur . Et quoniam , qui calliditate aliqua aliis hominibus sua vitia celans , hæc mala , prout ab illis proveniunt , possit evitare , eadem nequit effugere , prout sunt a Deo , quem existere , omnia penitus intelligere , & odio habere omnem iniquitatem , nemo hominum , ne ii quidem , qui atheos se profitentur , ignorat , siquidem hi quoque velint nolint , eum revera esse saltem suspicantur : Proinde necesse est , quisque fateatur eum vitio conjunctam semper esse etiam in hac vita infelicitatem , quemadmodum innumerî Auctores integris libris contendunt , & sacri identidem Oratores pro corcione exponunt .

Aliquando tamen accidit pro hominum perversitate , aut furore , ut eadem mala comites sint insignis alicujus virtutis & probitatis . Ita Aristides ille , qui apud Athenienses Justitiam agnomen habebat , propter hanc ipsam justitiam suam expulsus in exilium fuit per Ostracismum , hoc est per inf-

fragia descripta in testa a singulis corruptæ jam Athenarum Reipublicæ civibus. Certe narrante Plutarcho (1) ille, qui literarum rudis, & ne de facie quidem ipsum noscens, eidem tradidit testulam, in qua damnationem suam scriberet, respondit ab eodem rogatus, non alia de causa hominem damnare, nisi quia, *molestum*, inquit, *mibi est Justî cognitum*. Sed exemplum admirationem omnium vincens veneramus in Christo Domino omnis Sanctitatis fonte, qui propterea odium hominum, & omnis generis ignominias passus fuit in terris, idemque eventurum prædixit iis, qui illum conentur imitari, quia *non est*, inquit, *discipulus supra magistrum*. Quoties autem mala hujusmodi superveniant virtuti, minor quidem est inde orta tristitia: attamen adhuc ingens, & aliquando tanta, ut tædeat jam vivere, & mors loco beneficii a Deo exposcatur, sicuti alibi (2) dico factum esse a Moyse, Elia, & Tobia: ergo felicitas in hac vita nequit esse cum odio & infamia, quin immo omnino requirit amorem & honorem.

180. I. Objicitur. Christi Domini sunt hæc verba, (3) *Beati qui lugent. Beati qui persecutionem patiuntur*: Sed hæc verba declarant posse in hac vita haberi felicitatem, etiam sine aliorum amore & honore, immo cum odio, & infamia apud alios: ergo ad felicitatem hujus vitæ non pertinent amor & honor.

Resp. conc. maj., & distin. min. Ea verba sunt de felicitate supernaturalis ordinis, & quidem quatenus disponit ad felicitatem æternam, concedo minorem: ea verba sunt de felicitate ordinis naturalis, de qua hic loquimur, nego minorem & consequentiam. Dico igitur per illas celebres beatitudines, de quibus Christus loquitur, significari actus bonos per gratiam supernaturalem factos, ut ex professo ostendit Suarez (4), in quibus Christus posuit beatitudinem, quia per illos cœlestis Beatitudo comparatur: proinde, *causaliter & dispositive Beatitudines nominantur*, ut idem Autor advertit.

181. II.

(1) Plot. Apophtheg. pag. 100.

(2) Diff. de malo. num. 42.

(3) Matt. 5. & Luc. 6.

(4) Suar. de necessit. Grati, li. 3. cap. 229 pag. 474.



181. II. Objicitur . Deus est beatissimus , etiamsi odio habeatur a Damnatis , & timeatur unice , non vero ametur ab improbis , a neutris vero colatur : ergo amor & honor creaturarum non sunt pars ulla felicitatis Divinæ : ergo neque felicitatis humanæ .

Resp. conc. antecedens , & dist. consequens : Amor & honor creaturarum non sunt pars ulla essentialis & intrinsecæ felicitatis Divinæ , conc. consequ. , non sunt pars ulla felicitatis Divinæ accidentalis & extrariæ , nego tum hanc , tum ulteriorem consequentiam . Accedit Deo gloria extrinseca ex actibus amoris & honoris , qui a bonis hic , & a Beatis in Cœlo ipsi tribuuntur , de qua Deus sibi complacet . Stilla tamen hæc est respectu illius Oceani ineffabilis Beatitudinis & infinitæ , quæ ipsi intrinseca est , & multo minus quam Stilla , ea quæ ipsi negatur a malis & damnatis . Quare etiamsi hæc deficiat , adhuc remanet infinita illius felicitas . Adde , quod sicuti cum Omnipotentia infinita , aliisque Divinis attributis componi non potest existentia creaturarum omnium possibilem , ita neque componi potest , felicitatem Deo extrinsecam ex amore & honore creaturarum provenientem esse tantam , quanta absolute possibilis est ; Hoc enim postulare , ut existerent omnes creaturæ possibiles , & simul ut Deus non haberet potentiam creandi creaturas liberas a necessitate illum amandi & colendi . Quod autem pertinet ad ulteriorem consequentiam , illa etiam negatur , quia nulla est similitudo inter felicitatem Dei , & felicitatem humanam propriam hujus vitæ . Illa intelligitur ex ipsa infinita Dei perfectione esse infinita : hæc contra intelligitur non solum finita , sed etiam quodammodo nulla , nisi coalescat ex prædictis bonis tam intrinsecis , quam extrinsecis ipsi homini .

## C O R O L L A R I A .

182. **P**rimum esto . Nulla intelligens creatura potest naturaliter pervenire ad naturalem felicitatem , nisi post longum temporis intervallum , & sustinendo interea mala physica bene multa laboris & tristitiæ . In hoc comprobando versatur quæ-

quædam Sulzeri Dissertatio, *De felicitate entium intelligentium*, inserta in Historia Academiae Scientiarum Berolinensis ad annum 1754 (1). Brevi illius veritas deducitur ex eo, quod Scientia naturaliter acquisita, tanta felicitatis naturalis pars, consistit in bene disposita serie cognitionum, quæ comparari nequit sine applicatione mentis non mediocri, conjuncta cum ardenti illius consequendæ appetitu, molesta anxietate eventus, & frustraneo per longum aliquando tempus conatu. Rursus cum bene moraliter saltem cum constantia non operetur, qui eorum, quæ sibi ad hunc finem necessaria sunt, scientiam negligit, etiam hujusmodi bene operandi habitus, aliud felicitatis elementum, est fructus successive ad convenientem maturitatem perveniens, & exigens præter labores proprios acquisitionis scientiæ, alios etiam sibi particulares. Sine scientia tandem, & habitu honestatis moralis cum nulli liceat sperare sincerum aliorum amorem, & laudem, quæ utriusque acquirendi incommodum non sustinuit, his etiam, sine quibus non est hujusmodi felicitas, careat necesse est.

183. Secundum. Neque pueritia, neque adolescentia capaces sunt felicitatis humanæ. Hoc independenter etiam a primo, ex quo sponte sua quodammodo fluit, suadetur, quia in pueritia quidem potest haberi bona valetudo, & amor & honor etiam aliquis: sed deficientibus cæteris, & horum etiam cognitione, ea parum dissimilia sunt ab illis, quæ possunt convenire, aut dici de Brutis, Statuis, & Imaginibus. In Adolescentia autem exceptis quibusdam quasi miraculis naturæ, impetus plerunque est ad acquirendam sapientiam, & præclara facinora, nondum tamen est aliquis utriusque boni apparatus sufficiens ad rationem felicitatis ex sua parte; honores proinde adhuc ab ea absunt, & æstus vehemens affectuum necessario impedit animi tranquillitatem.

184. Tertium. Juventus, Virilitas, & Senectus sunt solæ hominis ætates capaces felicitatis. Inquirendo autem quamnam ex his diversis felicitatibus pro diversitate hujusmodi ætatum præstantior sit, assentiar Pallavicino (2), qui statu-

(1) Sulz. Essai sur le bonheur, pag. 399.

(2) Pall. del Bene. li. 4. ca. 13. pag. 513.

tuit omnibus postponendam esse illam propriam senectutis, contradicens Tullio, qui in eloquenti suo Commentario de Senectute sub persona Catonis, pro ea visus est stare, sed iis argumentis, quæ suadent componi cum senectute posse felicitatem, non vero quæ evincant illam cæteris esse anteponendam; Nam sit in sene magna jam abundantia sapientiæ, sed vis intelligendi est minor; dirigat ad normam virtutis dicta factaque omnia, at non carebit in multis hæsitantia quadam, & cunctatione propter debilitatam ingenii aciem, & aliqua ex suis operationibus erunt potius consequentiæ necessariae ex defectu materiæ, quam actus virtutis, aut victoriæ de malis in oppositum propensionibus: fruatur tandem valetudine quantumvis bona, at hæc nunquam præscindet ab adjuncto senectutis. Conferendo autem felicitatem juventutis cum ea virilitatis, equidem majorem dicam secundam, quam primam. Sicuti enim meliores sunt fructus, qui suam jam maturitatem obtinent, quam illi, qui eam nondum penitus attigerunt, Ita potior videtur felicitas, quæ accidit virilitati, in qua vigor animi & corporis, & cætera bona videntur esse in statu quodam summo.

185. Quartum. Major felicitatis humanæ copia cadit in viros, quam in mulieres. Hi enim sunt tum corpore tum mente valentiores, illæ ex utraque parte imbecilliores. Hi a consuetudine ipsa fundata in naturæ constitutione instituuntur ad literas, illæ vix ad eas delibandas admittuntur. Hi ad primos honores per ipsas literas, vel per arma, quæ sunt præcipuæ artes illorum conciliatrices, aditum habent amplissimum, illæ ab utrisque exclusæ, ab illis etiam excluduntur. Hi sicuti literis vel armis honores sibi conciliauit, ita etiam aliorum cognitionem & amorem & opportunitatem ad omnia hæc stabilienda & amplificanda, illæ intra domesticos parietes, si sapiunt, latentes horum omnium sunt incapaces.

186. Quintum. Epicurei, sive ii, qui voluptatibus dediti sunt, longe absunt a felicitate. Ex iis enim, quæ necessaria ostendimus ad illam, nescio an ulla in iisdem habeat locum. Imprimis enim quis quærat in his intelligentiam, postquam

quam assimilati sunt non solum a Scriptura, (1) *equis & mulis, quibus non est intellectus*, & (2) *cani reverso ad suum vomitum, & sui lotæ in volutabro luti*: sed etiam ab ipsis Philosophis & Poetis, qui in celebri fabula de Ulixis fociis in porcos commutatis post haustam veneficam potionem a Circe ipsis propositam, agnoscuut homines in soliditatem brutorum abeuntes, semel quod voluptati se dedant. Quis affrmet illos frui bonæ valetudinis constanti dispositione, cum evidens sit effectum illud Architæ Tarentini laudatum a Tullio: (3) *Nullam capitaliorem pestem, quam voluptatem corporis, hominibus datam*. Quis non videt animi perturbationes continuas, quibus Epicureorum vita subiecta est? Dolent ipsi traditos se, ut ait Apostolus (4) *in immunditiam, & in passionem ignominie*: execrantur, velint nolint, depressionem naturæ suæ rationalis ad conditionem irrationalium, sibi quæ nunquam non timent ab Iustitia saltem Divina vindictam suorum scelerum. Nulla igitur est in illis tranquillitas. De amore tandem & honore ultimis felicitatis partibus ne meminisse quidem possumus horum respectu, quos vidimus jam Deo, & sibi ipsis invisos, & odio cuiusvis hominis expositos, cum nemo sit, qui quicquam officii sperare ab his possit, nisi quod in eorum commodum redundet, & timere semper debeat omnia illos contra se facturos, quæ conferant ad hanc ipsorum perversitatem, semel quod præpotentes sint, vel occulte credant posse a se fieri.

187. Sextum. Macchiavellius, qui ad felicitatem Principis pertinere dixit timeri potius, quam amari, (5) *nihil melior fuit Philosophus, quam Christianus*, ut de illo in hac re dixit jam Pallavicinus. Instituens enim ille Reipublicæ moderatores ad quærendum primo loco timorem, jam ab illis removet tantam felicitatis partem, aliorum quibuscum vivunt amorem. Timori, qui utilis sit, nec officiat ullius felicitati, suus locus est in sanciendo & exequendo legibus, quibus iustitia conservetur, & quæ commercium pertur-

(1) Psal. 31. 9.

(2) 2. Pet. 2. 22.

(3) Tull. de Senectæ

(4) Ad Rom. 1. 24. &amp; 26.

(5) Pall. del Bene. li. 4. ca. 34. pag. 608.

bant, scelestorum facinora impediuntur: Ulterior autem timor directus ad dominandum in animos, actusque multitudinis pro libito, & necessitate temporum opportune regendos, idem est ac aqua adhibita ad excitandum ignem, aut compedes impositi ad expediendum cursum. Certe quidem ad huiusmodi fines obtinendos longe potentiorum esse amorem, qui historias Regnorum consulat, planissime intelliget.

188. Septimum. Illi melius comparati sunt ad humanam felicitatem possidendam, qui claritatem generis cum aurea, saltem mediocritate fortunarum sortiuntur, quam ii, qui infra hanc conditionem nascuntur; Nam quid dicendum sit de illis, qui supra hanc sunt, alii viderint. Ea certe, quam diximus qualitas generis, plerumque cum ingenii alacritate conjungitur, venerationem quamdam conciliat, commodum ad honestam institutionem largitur, instrumenta ad sapientiam suppetit; stimulos ad virtutem subicit, & viam ad honores & amorem parat, quæ sunt felicitatis jam stabilitæ totidem quasi stamina, seu semina.

Qui nobis objiciant plures Auctores, in contraria pauperum & rusticorum conditione invenientes veram vel saltem potiorum felicitatem, animadvertant hos esse vel Poetas, vel Sophistas, quorum fabulis, & captiosis argumentis imperitum dumtaxat vulgus adduci potest in dubitationem de rebus aliunde certissimis. Huic soli imponere possunt ii, qui cum Luciano inducant (1) Timonem aliquem; qui dum secum haberet Opulentiam, Fastum etiam, Intemperantiam, Assentationem, Odium, Mala demum, & Vitia omnia, tamquam ejus assecras alere coactus fuit: dum vero ea pro rerum humanarum vicissitudine, & sua imprudentia a se discesserit, & Paupertas supervenerit, confestim domum suam subire observavit Fortitudinem, Sapientiam, multarumque Virtutum chorum præstantissimum. Quæ enim est hæc argumentatio a singulari ad universale, aut ab aliquibus, aut ad multitudinem? Timoni isti in prædiviti opulentia sceleroso opponuntur veteres & recentiores Mecænates, Luculli, & Macrones Alexandri, quorum ingentes opes copiosum præclaris

V

ris

(1) Luci; Timon. a num. 31. juxta Hemsterhusium. pag. 144.

ris ingeniis alimentum, amplissimum bonis artibus incrementum, duraturum Reipublicæ universæ ornamentum, ipsi autem gloriam pepererunt immortalem. Interea vero qui observat pauperum aut rusticorum vitam perpetuis obnoxiam laboribus, a Scientiæ, Honorum, Amicitia, aliisque humanæ vitæ commodis remotam, ad commiserationem erga illam, non ad invidiam experitur se excitari. At saltem, inquit virtus moralis, quæ tanta est humanæ felicitatis pars, cum pauperibus & rusticis plerunque habitat. Vrum ex hoc, quando permittatur, sequitur solum, sperare illos posse majorem felicitatis æternæ cumulum, non vero sequitur, illos potiri jam felicitate terrena, quemadmodum sanctissimos illos viros, qui vitam in cruciatibus acerbissimis post diuturnum carcerem, & rerum omnium indigentiam pro Fide Catholica amiserunt, nemo dicit fuisse humanitus felices. Permittitur autem, non vero conceditur, eorum, qui obijciuntur, vitam conjunctam plerunque esse cum virtute morali, habendo præsertim præ oculis ethnicos pauperes, & ipsorum laudatores. Virtus hujusmodi fructus est Christianæ Religionis, quæ non solum vera Ethices dogmata docet, sed per Gratiam Redemptoris alte in omnium mentibus imprimit, & facilitatem ad illorum observantiam impertitur. Hac deficiente expositi sunt pauperes quicunque ad posthabendam veritatem, fidem, honestatem omnem cuiusvis vel tenui lucro, vel brutali voluptati.

## PROPOSITIO II.

189. **A**D felicitatem propriam integræ gentis necessaria sunt mentis vigor, corporis robor, & bonarum artium, quæ propriæ pacis sunt, pretium.

Propositio, quæ dum ea affirmat requiri, præscindit ab eo, quod eadem sufficiant necne ad felicitatem, sic ostenditur. Imprimis animi vigor requiritur, quia sicuti per hunc homo dominatur Equis, Tauris, Elephantis, Brutis omnibus longe se robustioribus, nec timet sibi a quibusvis feris immanioribus, ita quæ gens majori polleat mentis perspicacia,

cia, felicitatem suam contra alienum impetum, & vices ut ita dicam Fortunæ facilius tuetur, & latius amplificat. Testes sunt inter veteres Græci & Romani, qui cum alios populos superarent, non jam proceritate corporis, sed ingenii acumine per omnes disciplinas & artes sedulo exercitato, imperium rerum obtinuerunt. Robur etiam corporis ad nationis felicitatem pertinere suadetur ex eo, quod integra gens secura esse nequit in possessione bonorum suorum ad modum hominis privati per robur aliquod sibi extrinsecum legum & Magistratum; Gens proinde imbellis subiacet periculo serviendi alteri robustiori. Hinc novimus debellatam Europam & Asiam diversis temporibus a populis Borealibus sub nive & gelu ad virium firmitatem robustissimam obduratis: nec ignoramus eversa imperia Assyrium, Persicum, Græcum, & Romanum, statim ac luxus hujusmodi populos enervavit. Tandem pars est felicitatis nationis, quod bonæ artes apud illam colantur & foveantur, non vero sola militia in pretio sit. Bonæ enim artes habentur inter fructus pacis, ad quos proinde bellica tamquam medium ordinatur. Illæ certe præter delectationem, qua mentes potissimam hominum partem imbuunt, permittunt cæteris etiam vitæ commodis abunde frui, & veram hominum Rempublicam constare. At his sublati, & sola militia relicta, videor mihi videre tempore quidem pacis multitudinem barbarorum seu ferarum otiantium, tempore autem belli exemplar publicæ infelicitatis, siquidem quis neget militarem vitam per se esse asperam, rudem, improbo labore plenam, assidue periculis obnoxiam, & felicitati prorsus contrariam.

L A U S D E O.







# DE MALO

## DISSERTATIO

### PRÆFATIO.

**D**um malum est plusquam notum ex propria  
 cujusque experientia, continuis aliorum  
 querelis, & ipsiusmet Dei autoritate,  
 qui docuit nos orare in hæc verba (1) *Li-  
 bera nos a malo*, quod si nullum esset, fru-  
 stra juberemur illud a nobis deprecari.  
 Disputatur autem de Mali causa tum effi-  
 cienti, tum formali, tum finali. De quibus habetur qui-  
 dem vera sententia apud antiquiores Philosophos & Theolo-  
 gos, ut Suarez (2), inhærentes doctrinæ Sanctorum, maxi-  
 me S. Augustini, & S. Thomæ: sed non item apud quosdam  
 ultimorum temporum Scriptores, qui etsi copiose, & in-  
 tegrè etiam libris de hac re egerint, ut Leibnitius in sua  
*Theodicea*, Kingius in libro *de Origine Mali*, Jo. Christo-  
 phorus Wolfius in *Manichæismo ante Manichæos*, Jaquelo-  
 tius in libro *de Conformitate Fidei cum ratione*, Ludovicus  
 Barbieri in suo *Novo specimine Metaphysica*, aliique, quos  
 citat Israel Canzius (3): attamen omnes rei partes non con-  
 fide-

(1) Matt. 6.

(2) Suar. Metaph. disp. 21. a pag. 224.

(3) Canz. Phil. Leibnitian. cap. 6. nota

385. pag. 483.

siderarunt, vel male de aliquibus statuerunt, & dum cuperent vitare unius erroris Charybdim, in alterius Scyllam im-  
pegerunt. Quare ex illorum scriptis dissipari sufficienter non  
possunt tenebrae illae, quas quaestioni de Malo, & ejus ori-  
gine superinduxerunt densissimas illi, qui eam modo tam im-  
plicato pertractarunt, ut non temere suspicatum fuerit il-  
lorum propositum esse, quemadmodum advertunt Trevol-  
tiani (1), retundere aciem intellectus humani, ut tandem prin-  
cipia ipsa Religionis amplius non discernat. Hos, quis  
non videat pertinere ad genus illud hominum, qui perversi  
proprie appellantur, quia notiones omnes boni, & mali ita  
pervertunt, ut unum pro altero promiscue tandem acci-  
pian, contra quos est illa plena terroris comminatio, (2)  
*Vae qui dicitis malum bonum, & bonum malum.* Ut igitur  
tota quaestio dilucide persolvatur, de definitionibus & di-  
visionibus mali dicere aggredior.

## SECTIO I.

### *Definitiones & Divisiones Mali.*

#### ARTICULUS I.

##### *De Malo in genere.*

2. **M**alum significat id, quod caret perfectione.  
Definitionem hanc bonam esse, suo loco pa-  
tebit. Quae hic posset subire cogitatio ad illam statim repu-  
diandam, scilicet non dici esse mala quaelibet entia creata,  
quemadmodum dicenda essent posita hac definitione ( Nam  
quodlibet ens creatum caret aliqua perfectione ) compesci  
illico potest ab illo, qui meminerit, dici revera sic posse,  
postquam Christus Dominus dixit, *Nemo bonus, nisi solus  
Deus.* Sed ex sequentibus planum erit, quomodo possint  
etiam dici bona, quandoquidem scriptum etiam est, (3)  
*Vidit*

(1) Memoir. de Trev. ann. 1749. art. 55.  
pag. 1030.

(2) Isai. 5. 20-  
(3) Genes. 1.

*Vidit Deus cuncta, quæ fecerat; & erant valde bona.*

Malitia nomen abstractum a malo, quod est concretum, significat carentiam perfectionis. Ea definitur per carentiam, quia ut infra constabit, nulla est malitia, quæ sit forma aliqua positiva. Quod si quis velit malitiæ definitionem, quæ præscindat ab eo, quod sit vel non sit carentia aliqua, definiri potest esse id, quod per modum causæ formalis reddit malum subjectum, quemadmodum bonitas, abstractum nomen a bono, sæpe dicitur a S. Thoma (1) id, quod bene afficitur subjectum.

3. Definitiones mali & malitiæ datæ sunt inhærendo ipsi nominibus, quorum alterum est concretum; alterum abstractum. Caterum non solum usus, sed ratio ipsa facit, ut malum pro malitia, & vicissim usurpentur. Quod ipsa malitia possit rite vocari malum, ratio est, quia carentia perfectionis (2) *eo modo*, inquit Suarez, *quo concipitur per modum entis, concipitur etiam, & denominatur malum quoddam, quamvis non concipiatur ut ens in se malum, sed ut malum ejus, cujus est privatio*. Quod vero ipsum etiam malum vocetur malitia, habemus hæc exempla ex Augustino: alterum, in quo malum quoddam morale, scilicet amorem nocendi vocat malitiam, (3) *quid est*, inquit, *malitia nisi nocendi amor*? quibus similia habet alibi (4). Alterum vero, ubi malum poenæ, & aliud etiam quodcunque malum naturale vocat (5) malitiam, citans illud ex Versione Septuaginta, (6) *Propitiatus est Dominus de malitia, quam dixit facere populo*, quod Vulgata legit, *Placatusque est Dominus, ne faceret malum, quod loquutus fuerat*, & illud, (7) *Aestimata est malitia exitus illorum*, ubi Vulgata pro malitia habet afflictio.

## ARTI-

(1) S. Tho. 1. p. qu. 5. ar. 5. ad 2.

Id. 1. 2. qu. 51. ar. 4. ad 2.

Id. 3. p. qu. 11. ar. 5. ad 2.

(2) Suar. Metaph. disp. 11. sec. 4. nu. 3. pag. 235.

(3) S. Aug. Hom. 20. olim, nunc serm.

853. pag. 1373.

(4) Id. in Psal. 34. ser. 1. nu. 11. p. 234.

(5) Id. Quæst. super Exod. qu. 143. p. 464.

(6) Exod. 32. 14.

(7) Sap. 3. 2.

## ARTICULUS II.

*De malo simpliciter & secundum quid.*

4- **M**alum in genere dividitur in malum simpliciter, sive absolutum, & malum secundum quid. Malum absolutum significat id, quod caret omni perfectione. Quare malitia absoluta est carentia omnis perfectionis. Ex quo jam intelligitur malum absolutum esse ipsummet totale, ut ita dicam, nihilum; quod distincte infra ostendam. Malum secundum quid significat id, quod caret aliqua perfectione, & consequenter malitia secundum quid significat carentiam alicujus perfectionis.

Malum secundum quid dividitur in malum in se, & malum alteri, quod etiam dicitur malum respectivum, & significat id, quod alteri non convenit. Confirmat S. Augustinus prædictam divisionem, ejusque declarationem dicens, (1) *Mala ideo dicuntur, quia minora sunt, quam esse debuerunt, aut quia non his rebus accomodantur, quibus accomodanda sunt.* Polmanus utramque notionem mali in se, & mali respectivi conjungens dixit, (2) *Malum est ens sibi, ut terive disconveniens.* Atque hoc modo dedit definitionem per terminos oppositos illis, quibus bonum malo oppositum bene ex dictis alibi definitur (3) per convenientiam. Quod jam olim fecit Durandus dicens, (4) *formalem rationem mali esse privationem convenientie rei ad rem:* & ante ipsum, S. Augustinus dixit, (5) *Malum esse inconvenientiam*, quæ maxime relucet in malo alteri, ut in veneno Scorpionis, quod corpori humano inconveniens est, dum illi Belliæ ita conveniens est, ut si ei penitus aliquo pacto detrahatur, penitus interiret.

## ARTI-

(1) S. Aug. de Nat. Boni. ca. 23. p. 506.

(4) Dur. in 2. sent. dist. 33. qu. 2. nu. 4.

(2) Polm. Brev. Theo. pa. 1. 2. §. 235.

pag. 189.

pag. 148.

(5) S. Aug. de Mori. Manich. ca. 8. n. 11.

(3) Diss. de Bono. §. 39.

pag. 720.

ARTICULUS III.

De Malo metaphysico.

5. **M**alum in se secundum quid, dividitur in malum improprie tale, & proprie tale. Malum improprie tale, quod aliter dicitur metaphysicum, significat carentiam perfectionis illius, quæ non est debita naturæ entis. (1) *Acceptio ista mali impropriissima est*, inquit Suarez, eodemque teste (2) malum istud non considerarunt Patres & Philosophi usque ad ipsius tempora, quia observarunt in communi usu loquendi non appellari malam rem aliquam per hoc dumtaxat, quod careat perfectione aliqua; Hæc enim est conditio naturæ cujuscunque creatæ: sed per hoc quod careat perfectione sibi debita. Quis, inquit S. Thomas dicat (3) *rem aliquam esse malam, quia non habet bonum alterius rei, ut hominem esse malum, quia non habet fortitudinem Leonis?*

Hæc veterum circa malum metaphysicum sententia, ignota fuit Moshemio, aliter non dixisset, (4) *Mala imperfectionis recte & prudenter, qui recentius de his philosophati sunt, mala ea proprie vocari posse negarunt*. Interea tamen Recentiores sunt illi, qui inquirentes in originem mali passim mentionem faciunt de malo isto improprie tali: & aliqui, ut Jo. Christophorus Wolfius (5) fuisse contendunt, ex illo nihil posse inferri contra Bonitatem Dei. Leibnitius hujusmodi malum vocavit malum metaphysicum (6), quem sequuti sunt Antonius Genuensis (7), & Wolfius. Kingius vero (8) præter citatum Moshemium, illud vocavit malum

X

im-

(1) Suar. Met. disp. 11. sec. 4. num. 3. pag. 235.

(2) Id. Ibid. sec. 1. num. 3. pag. 225.

(3) S. Th. 1. p. qu. 48. ar. 3. O. pag. 167.

(4) Mosh. in notis ad Cudworth. ca. 4. §. 13. pag. 242.

(5) Vvol. Manichæ. sec. 3. nu. 16. p. 379.

(6) Leib. Essai de Theod. par. 1. nu. 21. pag. 112.

Id. Causa Dei, ad finem Theod. n. 29.

pag. 22.

(7) Gen. Elem. Metaph. par. 3. cap. 4. prop. 25. pag. 133.

Id. Ibid. in Append. ad ca. 4. §. 9. p. 192.

Id. Ibid. co. 4. de Principio Legis ca. 3.

§. 2. pag. 19. & alibi.

(8) Kin. de Orig. mali cap. 2. num. 2. pag. 16.

imperfectiois, Hooke (1) malum defectus, & alii tandem imperfectioem negativam.

#### ARTICULUS IV.

##### *De Malo naturali, & Morali.*

6. **M**alum proprie tale significat ens carens perfectione sibi debita, quam notionem iisdem fere verbis dat etiam Suarez (2). Idem formaliter sumptum, hoc est malitia significat carentiam perfectionis enti debitæ. Carentia autem perfectionis enti debitæ uno verbo communissime dicitur privatio. S. Augustinus (3) illam vocat etiam *corruptionem*, & S. Ambrosius ab eodem (4) citatus, *boni indigentiam*, & alii imperfectioem privativam. Secundum quem modum cum Polmano dicam, (5) *Malum est ens privatum perfectione: malitia est privatio perfectionis in esse.*

7. Malum proprie tale dividitur in physicum seu naturale, & morale seu culpæ. Malum autem naturale dividitur cum Suárez (6) in malum pure naturale, & non pure naturale. Quam distinctionem exhibet etiam S. Augustinus, qui rerum terrenarum corruptibilitatem vocat (7) *vitia rerum non voluntaria, neque pœnalia*, adeoque pure naturalia.

Rursus malum pure naturale dividitur in malum naturæ solum corporeæ, quod dici potest malum puræ privationis, & malum naturæ animatæ, quod dici potest malum sensibile, non supponens culpam.

Tandem malum morale dividitur in Objectivum & Actuale. Notiones mali naturalis & moralis sunt, ut sequitur.

Malum naturale sumptum formaliter, sive pro malitia naturali, significat privationem perfectionis enti debitæ  
in

(1) Hoo. Princ. relig. to. 1. sec. 3. ar. 2. pag. 320.

(2) Suæ. Meta. disp. 11. sec. 1. num. 21. pag. 228.

(3) Aug. cont. Epif. Fundam. cap. 35. num. 39. pag. 176.

(4) Id. cont. Julian. li. 1. ca. 9. num. 44.

pag. 514.

(5) Pol. Brev. Theo. par. 1. 2. nu. 235.

pag. 148.

(6) Suæ. Met. disp. 11. sec. 2. num. 5.

pag. 229.

(7) Aug. de Civi. li. 1. 2. ca. 4. pag. 303.

in genere naturæ. Malum vero morale, privationem perfectionis enti debitæ in genere moris. Et quandoquidem nomine moris communiter intelligitur actus exercitus a natura rationali, malum morale aliter definiri potest, privatio perfectionis debitæ actui exercito a natura rationali.

## A R T I C U L U S V.

*De Malo pure naturali.*

8. **M**alum pure naturale significat privationem perfectionis non inflictam propter culpam. Atque illud, quod est naturæ solum spiritualis, significat privationem illius perfectionis propriæ spiritus, quæ solet explicari per quietem, aut per gaudium: qua deficiente perfectione intelligitur natura spiritualis affecta imperfectione contraria inquietudinis, aut afflictionis. Ita quoties advertimus ad ignorantiam eorum, quæ experientiâ cognoscimus nos assequi non posse, dum alios novimus probe assequutos, aut ad oblivionem eorum, quæ olim noscebamus, toties molestiam sentimus.

Malum autem pure naturale, quod est malum naturæ solum corporeæ significat privationem perfectionis alicujus, quæ convenit naturæ dumtaxat corporeæ, adeoque non conjungitur cum ulla illius sensibilitate. Convenire autem dicitur illi naturæ ea perfectio, vel quia illam cum antea haberet, jam amplius non habet, vel quia alia in eadem specie entia novimus illam habere. Tale malum est satis proximum malo metaphyfico (§. 5.); sicuti enim in communi usu loquendi non dicitur res mala, quæ non habet perfectionem sibi non debitam, ita pariter non solet dici, inferri malum, nisi dum loquimur de malo sensibili, quod cadere proinde non potest in res inanimatas. Puer ille, qui ab Areopago capitis damnatus perhibetur, eo quod in eruendis avium oculis deprehensus mirifice se delectari, creditus fuit immanis indolis, quæ aliquando in Reipublicæ perniciem redundaret (neque enim Senatus ille ex sapientissimis Græcorum compos-

tus, suspicatus fuerat posse controverti, an bruta sint animata) nullius reprehensionem incurrisset, si in lauris aut juniperis exurendis sese occupasset, ut aures crepitu, vel nares odore titillaret.

9. Malum tandem pure naturale rei animatæ significat privationem perfectionis propriæ corporis animati, quæ potest explicari per quietem animæ, & indivisionem corporis conjunctim, sine ulla ejus culpa; quæ deficiente perfectione intelligitur corpus animatum affectum molesta sensatione.

Quemadmodum autem inter bona naturalia propria hominis, alia sunt ipsi intrinseca, alia extrinseca, similiter de oppositis malis dicendum. Ad mala intrinseca, quæ talia absolute sint, & non relative, Pallavicinus (1) pertinere vult hæc duo dumtaxat, errorem & displicentiam. Quare juxta ipsum debilitas virium, deformitas corporis, ingenii tarditas, aliæque non sunt intrinseca hominis mala, nisi quatenus illum affligant. Fortasse vulgus ipsum idem sentit, quod homines simplices, ignorantes, & ad res gerendas inhabiles non solum non vocat malos, sed potius bonos appellat, quod veteres etiam Latini faciebant: Sic Tullius dixit, (2) *Consules duos bonos quidem, sed tantum bonos amisimus*. Inter mala autem homini extrinseca in simili sensu absolute mala idem statuit hæc duo tantummodo, odium & infamiam. Et revera Ethnici ipsi Philosophi, qui vitam pauperem adamarunt præ opulenta, planum faciunt multa, quæ vulgo tamquam mala extrinseca habentur, non esse in se mala, sed solum quatenus aliquod ex prædictis malis sive intrinsecis, sive extrinsecis quodammodo pariunt. Sed de hujusmodi opinione alii viderint.

#### ARTICULUS VI.

##### *De Malo non pure naturali.*

10. **M**alum non pure naturale, quod vulgò appellatur malum poenæ, significat privationem perfectionis inflictam propter culpam. Hoc utpote supponens subiectum

(1) Pall. del Bene. li. 4. ca. 4. pag. 489.

(2) Tull. ad Brutum.



jectum intellectivum, bene quidem Leibnitius (1) dixit consistere in perpeffione, & melius alibi (2) in displicentia, quod congruit S. Anselmo, qui tale malum non semel vocavit (3) *malum incommoditatis*, & distinxit in illud, quod nihil est, ut cæcitas, & quod est aliquid, ut dolor. Ex quo intelligitur minus bene illud ab Antonio Genuensi explicari (4) per dolorem: cujus ulterior ratio est, quod hoc nomen *dolor* absolute prolatum non excitat in communi acceptione ideam displicentia in genere, sed illam determinate, quæ nascitur ex læsione corporis, cui anima conjuncta est. Dolor, inquit Pallavicinus (5) presse vocatur tristis illa affectio, quæ opponitur sensibili voluptati. Quare non comprehendit spiritus ægritudinem, quæ appellari quidem potest etiam dolor, sed animi, cui subijci potest tum purus spiritus, tum ille qui unitur corpori, vel quia moleste habet, corpus cui unitur, carere sua integritate, etsi sine ullo dolore, ut accidit in cæcitate: vel quia sano, & integro ceteroquin corpore alia de causa affligitur.

11 Illud quidem verum est dolores corporis in hac vita acerbiores esse illis animi, ut citatus Pallavicinus (6) evincit. Hi enim tam efficaciter lapsu temporis leniuntur, ut mater, quæ mortuo filio primos in luctu dies, noctesque transegit, tandem uti solebat exhilaretur, & rideat. At illos corporis tempus non solum non mitigat, sed magis etiam magisque exasperat, ut plane intolerabiles reddat, & animam ipsam cogat se separare ab eo corpore, quicum tam amice conjungebatur. Hinc Leges in tortura, qua rei sollicitantur ad delicti confessionem, certum definiunt tempus, quod nolunt transgredi, ne ea soli tribuatur cruciamento, cujus vis sit diuturnitate vehementior, & par etiam ad mortem ipsam inferendam, vel eligendam. Contrario autem modo, quando anima & corpus cujusvis hominis Divina virtute ad pristinam sui unionem in æternum duraturam revocata fuerint

(1) Leib. Ess. de Theod. pag. 1. nu. 21.  
pag. 132.

(2) Id. Ibid. pa. 3. nu. 251. pag. 432.

(3) S. Anf. li. de Casu Diaboli ca. 26.  
Id. Opus. de Præsci. ca. 1.

Id. de Conceptu Virgin. ca. 4.

(4) Genu. Elem. Metaph. par. 3. App. ad  
ca. 4. §. 9. pag. 192.

(5) Pallav. del Bene. li. 3. ca. 25. pag. 389.

(6) Id. Ibid. li. 4. ca. 8. pag. 502.

rint, dolor animi, quo Damnati cruciabuntur, longe vehementior erit dolore corporis; siquidem poena damni, quæ consistit in tristitia propter carentiam visionis Dei, acerbior erit poena sensus. Cujus discriminis ratio videtur esse, quod post resurrectionem non habent locum eæ, quas in hac vita experimur vicissitudines vigiliæ & somni, nec tot illæ tam variæ impressiones objectorum sensibilium, ex quibus anima ad alias successive sensationes vel reflexiones determinatur: quæ duo necesse est dolorem animi mitigent, aut interrumpant, remotis ab illius apprehensione objectis illis, horum dolorum quasi causis. Quare cum in vita immortalis præsens animæ perpetuo, & constanti modo futurum sit objectum sui doloris, amissio scilicet visionis Dei, in quem toto illa impetu sentiet se impelli, opus erit continuo crucietur dolore, qui tantum superabit dolores corporis, seu poenam sensus, quanto anima potior est corpore, & quodvis subjectum vehementius affligitur malo suo, quam malo alterius.

12. Malum proprie tale respectu creaturarum rationalium, in quarum numero nos homines sumus, aliter dividitur in malum culpæ, & malum poenæ, quam divisionem sub nomine mali injustitiæ, & incommoditatis adhibuit citatis nuper locis S. Anselmus, eandemque approbat S. Thomas dicens, (1) *Omne malum in rebus voluntariis est poena vel culpa*. Et ratio est, quia in his scimus ex Divina revelatione nullo esse malum pure naturale, ut infra distinctius dicam. Hinc S. Augustinus loquens de malis, quæ nos tangunt, dixit (2) *duobus modis appellare solemus malum, uno, cum male quemque fecisse dicimus, alio, cum mali aliquid esse perpessum*. Idemque propter eandem causam dixit, (3) *constare diligenter ratione discussa, malum non exortum, nisi ex libero voluntatis arbitrio*: quia scilicet constat ex hoc unice esse malum culpæ, quod secum quodammodo trahit malum poenæ.

13. Divisio ista in malum culpæ & poenæ respondet partitioni boni, respectu habito pariter ad ens rationale, in bonum honestum & delectabile. Nam malum culpæ est aliquid non honestum,

(1) S. The. 1. p. qu. 48. ar. 5. O pag. 168. pag. 369.

(2) S. Aug. de lib. arbit. l. 1. cap. 1. nu 1.

(3) S. Aug. Retrac. li. 1. ca. 9. pag. 5.

nestum, quod solet dici turpe: malum autem poenæ est aliquid non delectabile, utpote contristans. Alteri vulgari membro boni, quod est bonum utile, dici potest opponi malum, seu medium inutile, & declarari per hoc, quod sit id, quod cum ex natura, vel institutione sua aptum esse debeat ad finem aliquem acquirendum, ex aliquo accidenti redditum est impropportionatum, ut ait Suarez (1). In hoc sensu dicunt Theologi Mystici divitias, & honores, & similia non esse connumeranda in bonis, sed potius in malis, quatenus scilicet per horum facilem abusum redduntur inutilia ad coelestem beatitudinem acquirendam. Hoc modo Genuensis etiam, etsi Philosophum agat, cujus est non uti sermone, qui vulgares, & receptas nominum, & rerum notiones perturbet, dixit (2) *plurima quæ bona habemus, & dicimus, mala esse reperiuntur*. Advertit tamen citato loco Suarez partitionem istam, mali trimembrem non esse usitatam, quia cum de ratione mali proprie talis sit, esse privationem, non vero negationem, in malo inutili non invenitur nisi ratio negationis; Nam quod est inutile ad aliquem finem; vel ex natura sua caret proprietate seu perfectione illa, quæ necessaria est ad talem finem, jamque hujusmodi carentia non est privatio, sed tantummodo negatio. Sic currus sine rotis inutilis est ad cursum, & bombardæ sine nitrario pulvere inutilis est ad bellum: vel ex accidenti tantum, non vero ex natura sua caret perfectione illa, jamque ea carentia est quidem privatio respectu rei, prout in se consideratur, non tamen prout habet rationem medii, sub qua ratione respectiva ad finem est solum quædam negatio. Sic debilitas in rotis currus habet respectu illarum, rationem privationis illius firmitatis, quæ debita est rotis, sed respectu finis, scilicet facilis cursus, habet rationem negationis; Nam currus rotis infirmis munitus negatur esse medium ad cursum.

(1) Sua. Met. dif. 11. sec. 2. nu. 7. pag. 230.

(2) Gen. Elem. Met. pa. 3. app. ad ca. 4. §. 8. pag. 192.

## ARTICULUS VII.

*De Malo Morali obiectiva.*

14. **M**alum morale, uniformiter ad bonum morale ip-  
si oppositum, dividitur in obiectivum & actua-  
le. Malum morale obiectivum significat actum, quem natu-  
ra rationalis operari potest, qui expers est perfectionis sibi  
debitæ. Quomodo actui malo, non quidem qui exercetur,  
sed qui possit exerceri conveniat esse malum obiectivum,  
eadem est ratio ac illa, quæ data est explicando bonum mo-  
rale obiectivum (1). Nec curandi sunt Stoici, qui sicuti bo-  
ni nomen uni bono morali actuali proprium fecerunt, ita  
malum noluerunt appellare, nisi actum turpem: horum autem  
objecta, & alia, quæ mala vulgo audiunt, dixerunt *ἀνο-  
ζωνύμενα*, hoc est postposita, & reiicienda. Bono morali  
objectivo respondens malitia significat privationem perfe-  
ctionis in actu, quem natura rationalis operari potest.

15. Malum morale obiectivum dividitur cum S. Tho-  
ma (2) in malum morale per se, quod scilicet tale est ante-  
cedenter ad omnem nostram cogitationem: & malum mora-  
le per accidens, quod potest esse tale, vel propter legem po-  
sitivam, vel propter ordinationem agentis, vel propter ejus-  
dem errorem. Notiones malitiæ pro singulis membris hujus  
divisionis insistendo terminis, quibus opposita singulis bo-  
nitas alibi definita est, sunt huiusmodi.

Malitia moralis obiectiva per se significat disconvenien-  
tiam, quam actus, quem natura rationalis operari potest, habet  
cum illa independenter ab omni cuiusvis cogitatione. Talis  
malitia est in omnibus per Decalogum prohibitis. Malitia mor-  
alis obiectiva per accidens in genere, significat disconvenien-  
tiam, quam actus, quem naturâ rationalis operari potest, ha-  
bet cum illa non independenter ab omni cuiusvis cogitatio-  
ne. Simili modo Suarez dicit, quod (3) *Sicuti bonitas ob-  
iectiva*

(1) Diff. de Bono §. 10.

(3) Suar. in 1. 2. tr. 7. disp. 2. sec. 2. nu.

(2) S. Thom. 1. 2. qu. 19. ar. 5. pag. 46. 20. pag. 215.

*Etiva fundatur in re convenienti naturæ rationali ut sic, ita malitia consistit in disconvenientia.*

16. Malitia illa, quæ est per accidens ex Lege positiva, significat disconvenientiam, quam actus, quem natura rationalis operari potest, & qui præscindendo a Lege est objective indifferens, habet cum ipsa natura, consequenter ad positionem legis illum actum vetantis. Talis malitia est in omnibus per Ecclesiam prohibitis.

Malitia illa, quæ est per accidens ex ordinatione agentis significat disconvenientiam, quam actus objective non-malus, quem natura rationalis operari potest, habet cum ipsa natura, dum fiat ex motivo per se moraliter malo. Talis malitia est in bonis hypocritarum operationibus.

Malitia illa, quæ est per accidens ex errore agentis, significat disconvenientiam, quam actus objective per se moraliter bonus, quem natura rationalis operari potest, habet cum ipsa, consequenter ad creditam per errorem ejus malitiam. Talis malitia est in eo qui verum dicat, ubi putat per errorem invincibilem teneri se ex charitate ad mentiendum.

## A R T I C U L U S V I I I.

*De Malo Morali actuati.*

17. **M**alum morale actuale significat actum a natura rationali peractum, qui ipsi non convenit, utpote carens perfectione sibi debita. Quare respondens malitia significat disconvenientiam, quam actus a natura rationali peractus habet cum ipsa, utpote carens perfectione sibi debita. Porro nomine actus naturæ rationalis venit non solum actus positivus, sed etiam negativus, qui vulgo dicitur omissio, idque non solum ex consensu Theologorum, ut videre est apud Antoinem (1), sed etiam secundum communem estimationem; Laudatur enim communiter, vel vituperatur homo non solum propter illa, quæ faciat, sed etiam quæ omittat facere.

Y

Ma-

(1) Anto. Theol. Mor. tr. de Pecc. ca 1. qu. 1. pag. 61.

Malum morale actuale dividitur licet oppositum bonum in materiale & formale. Quod materiale est, significat actum a natura rationali peractum, qui ipsi non convenit objective tantummodo consideratum, hoc est non habita ratione ad finem, propter quem fiat, qui potest esse objective bonus, nec ad modum, quo fiat, qui potest esse sine libertate a necessitate. Exempla hujusmodi mali materialis innumera-bilia sunt in humana Republica; sunt enim qui adeunt, & retinent hereditatem eorum, quos credunt suos genitores, cum non sint, cum damno eorum, qui legitimi heredes sunt: & qui ineunt contractus etiam matrimoniales in gradibus iure positivo, & forte etiam naturali prohibitis, sed invincibiliter ignoratis: & qui militarem vitam ducentes ex pari ignorantia de iniustitia belli, occidunt, vastant, & dominia a veris dominis ad alienos transferunt: & sic de aliis sexcentis casibus.

Malum morale actuale formaliter tale significat actum a natura rationali peractum, qui ipsi non convenit subjective consideratus, hoc est habita ratione tum ad finem propter quem fiat, qui non est objective bonus, tum ad modum quo fiat. qui est cum libertate a necessitate, & præceditur a iudicio vel vero, vel invincibiliter erroneo, quod actus ille sit vel certo, vel saltem probabiliter objective malus moraliter.

18. Notio actus moralis materialiter mali præscindit tum a fine, propter quem fiat, tum a modo quo fiat. Utrumque vero postulat notio actus formaliter mali. Atque actus quidem, qui reipsa non habeat nisi malitiam objectivam, vel quia fit sine libertate a necessitate, cujusmodi sunt illi actus hominis, qui essent & dicerentur peccata formalia, si voluntarii essent, ut illi, de quibus queritur Apostolus dicens (1), *quod nolo malum, hoc ago*: vel quia fit ex fine objective bono, ut sententia prolata ex amore iustitiæ contra vitam innocentis, vel contra bona veri possessoris, ex vi testimonii aut instrumentorum, quorum falsitas ab Iudice humanitas deprehendi non potuit, esset actus moralis, malus dumtaxat

(1) Ad Rom. 7. 19.

materialiter . Actus vero , qui reipsa habeat non solum obiectivam malitiam , vel realem vel aliquo modo creditam , sed etiam subjectivam , quæ ex dictis dependet tum ex fine obiective malo , tum ex modo agendi illum libero a necessitate , cuiusmodi est quodvis peccatum formale , hic erit actus moralis tum materialiter , tum formaliter malus .

19. Malitia igitur moralis materialiter talis significat disconvenientiam , quam cum ipsa habet actus a natura rationali peractus obiective tantummodo consideratus . Antoinès definitio sic habet : (1) *Moralis malitia materialis consistit in disconvenientia actus cum natura rationali , & Lege Divina* , quem modum loquendi passim adhibet in suo tractatu de Peccatis . Quod ille exprimat in sua definitione etiam disconvenientiam cum Lege , ex eo , ut opinor , est , quia vult longius quam potest , distare ab illa opinione damnata ab Alexandro VIII. , quæ admittebat dari peccatum Philosophicum , quod in proscripta ab illo propositione definitur , *actus humanus disconveniens naturæ rationali , & rectæ rationi* . At semel quod Pontifex præter alias censuras opinionem illam declaret esse erroneam , hoc est oppositam conclusioni Theologicæ erutæ ex præmissis omnino certis , ut latius exponit Viva (2) , qui etiam proponit argumenta , quibus præscindendo a censura Pontificia suadetur , metaphysice impossibile esse actum cognosci , ut dissonum naturæ rationali , quin cognoscatur ut repugnans Divinæ Legi , quia hoc secundum includitur in illo primo , jam satis est ad notionem talis malitiæ dicere illam consistere in disconvenientia cum natura rationali .

Malitia formaliter talis significat disconvenientiam , quam vel per se vel per accidens cum ipsa habet actus a natura rationali peractus cum libertate a necessitate . Per se enim illam disconvenientiam habet actus ille , si prævium iudicium de ejus obiectiva malitia , quod pertinet ad notionem mali hujus moralis , non sit erroneum : Talis est in mendacio prolato cum cognitione de illius obiectiva malitia . Per ac-

Y 2

cidens

(1) Ant. Theol. Mor. tr. de Pecc. ca. 4. qu. 5. in nota pag. 81.

(2) Viv. Theol. dam. de peccato Philos. num. 1. pag. 148.

cidens vero illam disconvenientiam habet, si iudicium illud prævium sit invincibiliter erroneum. Talis est in loquutione facta juxta mentem cum prævio iudicio invincibiliter erroneo, quod in iis circumstantiis teneretur quis mentiri. Aliter malitia moralis formaliter talis definiri potest privatio perfectionis debitæ actui a natura rationali peracto cum libertate indifferentiæ, quæ includit præviā cognitionem de illius malitia morali objectiva. Antoine loco nuper citato malitiam hanc formalem definit per hoc, quod sit, *materialis malitiæ imputabilitas ad vituperium & penam*, quæ quidem est definitio, per ipsius effectum quemdam necessarium declarans hanc malitiam, non vero per id, quod est talis imputabilitatis quasi causa, quæ consistit in iis, quæ proposita a nobis definitio exponit. Hanc autem non solum esse malitiæ hujus formalis definitionem nominalem, sed etiam realem, probant, quæ alibi dicta sunt (1) ad suadendum realem esse definitionem oppositæ bonitatis formalis in linea morum: eandem esse communem, & veram propugnat Suarez (2).

## ARTICULUS IX.

### *De Malo Morali Originali.*

20. **M**alum morale originale, seu ut vulgo dicitur Peccatum Originale est privatio charitatis & gratiæ, quæ hominem convertunt ad Deum ut finem supernaturalem, orta in omnibus posteris Adami, statim ac naturaliter ab eo propagantur ex eo, quod in ipso peccaverunt. Peccatum originale esse in genere mali morali non dubitatur, quod etsi respectu nostri dicatur Originale, respectu tamen primorum parentum sine controversia fuit actuale.

Ulterior mali morali divisio habetur apud Theologos Morales, ut Antoinem (3). Sed quæ huc usque perducta est, sufficiens est ad intelligendum dari in re malum morale eo modo, quo dari in re possunt privationes, cujusmodi est hoc

(1) Diff. de Bono §. 89.

(3) Anto. Theol. Moral. tract. de Pecc.

(2) Suar. in 1. 2. tract. 3. disp. 7. sect. 3. ca. 1. qu. 4. pag. 62.  
num. 12. pag. 282.



malum: & hinc obſtendum illis, qui ſicuti omne bonum morale, ita & huic oppoſitum malum perperam dicunt, vel non poſſe intelligi ſine Lege, vel conſiſtere in arbitraria hominum opinione, contra quos alibi (1) jam dixi.

## S E C T I O II.

*De Natura Mali proprie talis.*

## P R O P O S I T I O.

21. **D**efinitio mali proprie talis, quod ſit privatio perfectionis, eſt recepta definitio nominis, & legitima definitio rei.

Secunda propoſitionis pars habet Adverſarios, I. Manichæos, de quibus infra fuſius dicam. Horum celebris eſt ſententia de duabus rerum primis cauſſis efficientibus, quæ a ſe exiſtant, alterâ ſumme bonâ, quam Deum dicunt, alterâ vero ſumme malâ, quam ſexcentis nominibus plerunque metaphoricis nuncupant. II. Florianos a Florianis quodam ſic dictos, qui non quidem dicebant dari naturas malas a ſe, & ab æterno exiſtentes, ſed referente S. Auguſtino, (2) dicebant Deum creâſſe malas naturas, atque ſubſtantias, inquantum ſunt naturæ atque ſubſtantia. III. Lutherum, Matthiam Flacium Illyricum, alioſque, qui apud Bellarminum (3) docuerunt peccatum originale eſſe malam quamdam ſubſtantiam. IV. Petrum Lombardum, alioſque paucos impugnatos ab eodem Bellarmino (4), qui determinate peccatum originale docuerunt eſſe qualitatem in ſenſu Peripatetico, hoc eſt entitatem quamdam animæ inhærentem, quam morbidam vocant, prava deſideria perpetuo excitantem. V. Cajetanum & paucos illius aſſecclas, qui locis a Suarez (5) citatis malum dumtaxat naturale (§. 7.) docuit conſiſtere in privatione, non vero malum morale, quod voluit eſſe entitatem

(1) Diſſ. de Bono. §. 90. &amp; ſequ.

(4) Id. ibid. ca. 15. pag. 323.

(2) S. Aug. de Hæreſ. num. 59. pag. 30.

(5) Suar. in 1. 2. traſt. 3. diſt. 7. ſect. 1.

(3) Bellar. de Amiſſ. Grat. &amp; Nat. poſt.

num. 3. pag. 275.

§. 1. ca. 1. &amp; ſeq.

Id. Met. diſp. 12. ſect. 1. nu. 3. pag. 225.

tatem quamdam positivam de genere qualitatis juxta systema Peripateticum, quæ inhærens actui facit ejus differentiam ab actu bono. Hujusmodi tamen entitatem, ut advertit Vasquez, non dixit esse in se ipsa malam, quin immo (1), *esse in ipsa bonum quoddam, & homini dumtaxat malam*.

22. Prima jam pars probatur. Sancti Patres tum Græci tum Latini, & Theologi ac Philosophi communiter definiunt malum proprie tale per privationem perfectionis: ergo. Antecedens probatur a (2) Suarez, quod pertinet ad Patres Græcos, citando SS. Dionysium, Basilium, Gregorium Nyssenum, Damascenum, Athanasium, Nanzianzenum, Epiphanium, Chrysostomum, & Justinum, quorum testimonia copiosius retulit Vasquez (3). Ex Patribus Latinis citat SS. Ambrosium, Hieronymum, Gregorium, Fulgentium, Anselmum, Bernardum, & imprimis Augustinum in duodecim diversis locis, quibus addam alios quatuor: (4) *Omnino natura nulla est malum, nomenque hoc non est nisi privationis boni. Malum (5) non secundum essentiam, sed secundum privationem verissime dicitur. Nulla (6) natura, vel si melius ita dicitur, nulla substantia, sive essentia malum est. In quantum (7) mali sumus, in tantum minus sumus. Nec omittendus est S. Leo I., cujus sunt hæc. (8) *Prorsus nulla est substantia mala, nec ipsius mali est ulla natura. Et alibi (9) Fides vera confitetur, mali nullam esse naturam.**

Quod spectat ad Theologos, horum principem S. Thomam sic docentem in novem distinctis locis citat ibidem Suarez, quibus hunc addam non citatum, (10) *Nullum ens dicitur malum, in quantum est ens, sed in quantum caret quodam esse.* S. Doctori consentire omnes Theologos idem Suarez dicit, & confirmat Vasquez (11) plures ex antiquis citando; Nam Cajetanus, & pauci cum illo sentientes, qui in entitate qua-

(1) Vas. in 1. 2. disp. 95. ca. 1. pag. 440.

(2) Suar. Met. disp. 11. sec. 2. num. 3. pag. 225.

(3) Vas. in 1. 2. disp. 95. cap. 4. pag. 443.

(4) Aug. de Civi. li. 11. ca. 22. pag. 258.

(5) Id. de mor. Manich. li. 2. ca. 4. nu. 6. pag. 718.

(6) Id. de Ver. Relic. ca. 23. n. 4. pag. 762.

(7) Aug. de Doct. Chris. lib. 1. cap. 32. num. 35. pag. 16.

(8) Leo. Serm. 4. de Quadrag. circa medium. pag. 89.

(9) Id. Ep. 93. ad Turbium. ca. 6 p. 132.

(10) S. Th. 1. p. qu. 5. ar. 3. ad 2. pag. 19.

(11) Vas. in 1. 2. disp. 95. ca. 4. pag. 442.

dam reali dicunt consistere malitiam moralem, recedunt solum ex hac parte, & propter suam paucitatem non tollunt universalitatem moralem. Quod tandem pertinet ad Philosophos, hi pariter definiunt ex unanimi consensu malum per privationem boni. Inferius erit locus nominandi multos ex his, qui post exortos Manichæos ex professo illos impugnantes, hujusmodi definitionem statuunt, tum alios defendendi, qui injuria Manichæismo dicti sunt præluisse vel adhæsisse. Et quamvis pauci quidam auctores temporibus præsertim nobis proximioribus extiterint, qui argumenta Manichæorum plus justo extulerunt, attamen, quoniam advertunt, neminem propterea debere constituere malum in positivo, jam stabilitæ mali definitioni etiam ipsi consentiunt.

Qui dicerent malum melius definiri dicendo esse id, quod averfationem sui iniicit, refellerentur simili modo ac illi, qui malum definire bonum per appetibilitatem ex dictis alibi (1).

23. Secunda pars probatur I. cum Suarez sic (2). Nulla entitas seu natura positiva est mala. propterea quod habeat essentiam suam, quæ scilicet consistit in aggregato attributorum sibi consentientium; Nam hoc esset commutare rerum nomina, cum bonum dicatur & non malum, quod habet perfectiones aliquas, quæ eo ipso quod hæc existunt, jam possunt existere, sive nullam contradictionem in se involvunt invicem associatæ, & bene inter se conveniunt: ergo in tantum natura aliqua positiva est mala, in quantum non habet aliquam perfectionem sibi debitam: ergo malum in re est privatio perfectionis. Confirmatur argumentum verbis S. Thomæ, (3) *Forma, per quam aliquid est actu, bonum quoddam est. Et similiter omne ens in potentia, in quantum est hujusmodi, bonum quoddam est, scilicet in potentia.*

II. Nullum ens positivum, quod sit a se, potest in intrinseca sua natura esse malum; Nam ens a se est etiam ens infi-

(1) Diss. de Bono. f. 40.

(2) S. Thom. 1. p. quæst. 49. ar. 3. O.

(3) Suar. Metaph. disp. 11. sec. 1. num. 2. pag. 167.

pag. 225.

infinite perfectum, ut alibi (1) ostenditur: neque ullum ens positivum, quod sit ab alio, potest esse in intrinseca sua natura malum propter argumentum nuper factum. Quamobrem jure scriptum est, (2) *Opera Domini universa bona valde*: ergo malum non est ens in se positivum. Hoc ipsum argumentum late persequitur S. Augustinus in pluribus, quæ scripsit contra Manichæos, præsertim libro de Natura boni (3), & Auctor libri de Fide contra Manichæos inter opera S. Augustini, & S. Thomas (4).

24. Probatur determinate malum naturale, sive pure naturale sit, sive non pure naturale (§. 8.) esse privationem quamdam. Corpus inanime, ut statuam, habere partem sui a toto aliquo modo divisam, est malum quoddam pure naturale, & corpus animatum habere similiter vel vulnus aliquod, vel humores aliter dispositos ac convenit, est malum quoddam non pure naturale: Atqui utrumque malum non est quicquam positivi, sed privatio alicujus boni, ut collocationis aut modificationis cujusdam, convenientis toti machinæ; neque enim, cum hujusmodi mala tollere volumus, (5) *id agitur*, inquit Augustinus, *ut recedant hinc, & alibi sint, sed utique ut non sint*: ergo malum quodvis naturale non est nisi quædam privatio.

25. Probatur determinate malum morale esse privationem. I. Si Malum morale consisteret in aliqua entitate seu qualitate positiva, sequeretur, quod creatura posset efficere entitatem aliquam positivam; Nam Deus non facit malum morale: atqui impossibile est, ut creatura efficiat ullam entitatem, ut alibi (6) declaravi: ergo.

II. Intellecta dumtaxat in actu creaturæ privatione illius rectitudinis, quam ipsa poterat & debuerat illi tribuere, jam intelligitur esse in illo actu malum morale: ergo sola hujusmodi privatio facit malum morale.

III. Patres statuentes malum consistere in privatione; præcipue loquuti sunt de malo morali; multorum concepta ver-

(1) Diff. de Exist. Dei.

(2) Eccli. ca. 39. v. 21.

(3) S. Aug. ca. 40. & 41.

(4) S. Th. 1. p. q. 49. ar. 2. & alibi sæpe.

(5) S. Aug. Enchir. ca. 11. nu. 3. pag. 199.

(6) Diff. de Caus. Effic. nu. 234. p. 32.

verba recitat Suarez (1). Sic inter alios S. Augustinus loquens de peccato ait, (2) *esse primum creaturæ rationalis malum, idest primam privationem boni*, & alibi (3) expresse dicit peccatum esse nihil, & non esse a Deo, quod alibi (4) repetens quodam modo confirmat ex illo Joannis, (5) *Sine ipso factum est nihil*: ergo sententia Cajetani, aliorumque (§.20.) statuentium malum morale in entitate positiva est contra SS. Patres.

26. Probatur determinate Peccatum Originale esse privationem sic cum Suarez (6) & Bellarmino. Peccatum Originale non potest dici consistere in ulla entitate positiva, quia non potest dici a Deo productam illam esse, qui nullius peccati Author esse potest: neque potest dici esse illam productam a Creatura, quia Creatura nullius entitatis causa efficiens est: ergo dicendum etiam illud consistere in quadam privatione.

Confirmatur quia, ut cum communi Theologorum probat Suarez (7), peccatum originale est privatio charitatis & gratiæ, quæ hominem convertunt ad ultimum finem supernaturalem, scilicet Deum, quam privationem habent animæ omnes posterorum Adami, statim ac naturaliter ab eo propagentur. Qui dicunt hujusmodi peccatum consistere in privatione Justitiæ Originalis, quam explicant per Gratiam sanctificantem, quæ non solum animam Deo subiceret, idest illam in ipsum, ut finem supernaturalem converteret, sed etiam subderet rationem inferiorem superiori, appetitum sensitivum voluntati, & corpus animæ, hi sumunt peccatum originale pro culpa, & aliqua ipsius poena conjunctim, seu pro eo, quod pertinet ad formale hujus peccati, & simul ad ejus effectus: Nam certum est ex Concilio Tridentino peccatum originale (8) *totum tolli* per Baptismum: sed per Baptismum non tollitur rebellio partis inferioris in superiorem:

Z

(1) Suar. in 1.2. tra.3. disp.7. sec.3. n.6. pag. 275.

(2) S. Aug. Enchir. ca. 24.

(3) Id. li.2. de lib. arbit. ca.20. num.54. pag. 608.

(4) Id. trac. 1. in Joan. nu.13. pag.234.

(5) Joan. Evang. ca. 1. v. 3.

(6) Suar. in 1.2. tr.5. disp.9. sec.2. n.15. pag. 436.

Bell. de Amiff. Grat. li.5. ca.15. p.326.

(7) Suar. in 1.2. tr.5. disp.9. num.19. pag. 437.

(8) Triden. sess.5. pag.12.

rem: ergo hæc non pertinet ad formale peccati originalis. Similiter dicendum est sumi a S. Thoma peccatum originale pro complexo culpæ & pœnæ, ubi de illo dicit, quod (1) *non est privatio pura, sed est quidam habitus corruptus*: Ipse idem inferius quodammodo se explicat dicens, (2) *privatio originalis iustitiæ, per quam Voluntas subdebatur Deo, est formale in peccato originali, omnis autem alia inordinatio se habet, sicut quiddam materiale*.

27. Determinate contra Cajetanum sic arguitur. S. Thomas non solum sæpe ex dictis (§. 22.), sed in iis ipsis locis, quæ pro sua opinione citat Cajetanus, aperte docet contrarium; Citat enim illum in 1. partem qu. 48. art. 1., & in librum 3. contra Gentes ca. 19., in quorum primo dicit: *Bonum & malum specificant actus morales, tamen bonum per se, malum autem est remotio finis*: in secundo vero dicit, *Malum in moralibus non est aliquid, quod in se malum sit, sed in quantum privat ordine rationis, qui est hominis bonum*: ergo ejus sententia est etiam contra S. Thomam, in iis ipsis locis, quibus credit sibi suffragari. Alia contra ipsum argumenta habentur apud Vasquez. (3)

28. I. Objicitur. Si Malum non esset ens positivum non posset dici, malum esse in bono tamquam in subjecto, quemadmodum cum S. Augustino, (4) & S. Thoma (5) communiter dicitur; Nam ens negativum, seu privativum, cum sit merum nihil, nulli subjecto inest: ergo malum proprie tale est ens positivum.

Resp. nego antecedens, vel claritatis gratia sic distinguo. Malum non potest esse in subjecto, tamquam ponens aliquid in ipso, concedo antecedens: tamquam removens aliquid ab ipso. sive per modum privationis, nego antecedens. Et simili modo ad probationem dico, ens quidem pure negativum non indiget ullo subjecto, sed ens privativum illo indiget, quatenus non intelligitur privatio, nisi intellecto eo, quod afficitur privatione. S. Augustinus, & Theologi in

(1) S. Thom. 1. 2. qu. 82. ar. 1. ad 1.  
pag. 179.

(2) Id. Ibid. ar. 3. Q. pag. 180.

(3) Vas. in 1. 2. dis. 195. ca. 2. pag. 442.

(4) S. Aug. Enchir. ca. 13. & 14.

(5) S. Thom. 1. p. qu. 48. ar. 1.

in prædicto sensu dixerunt malum esse in bono, scilicet per modum privationis illius perfectionis, quæ rei alicui conveniens erat.

29. II. Objicitur. Error est malum intellectus, & dolor est malum corporis animati: Sed utrumque est aliquid positivum; Nam aliter error non distingueretur a nescientia, quæ intelligitur esse privatio, nec dolor a carentia voluptatis: ergo. Confirmatur ex S. Anselmi relata supra. (§. 10.) distinctione mali pœnalis in illud, quod nihil est, ut cæcitas, & illud, quod aliquid est, ut dolor.

Resp. conc. majorem, & nego minorem, cujus etiam probationem nego; Nam nescientia est privatio actus cognitionis, adeoque ejus subjectum proximum & immediatum est mens: at error est privatio rectitudinis in actu cognitionis, cujus proinde subjectum immediatum est actus ipse. In quo patet unius ab altero discrimen, & distinctio. Quod vero pertinet ad dolorem, ille potest considerari, vel prout est sensatio quædam, & hoc modo est quid bonum, & non malum: vel prout est sensatio, cum qua conjungitur carentia tranquillitatis animi orta ex læsione corporis, in qua carentia consistit quasi forma doloris, jamque ipse dolor formaliter sumptus consistit in privatione scilicet hujusmodi tranquillitatis. Igitur cum carentia voluptatis sit quædam privatio, cujus subjectum immediatum est potentia sentiendi distinguitur a dolore, qui prout formaliter sumitur, seu eo modo, quo est malum habet pro suo subjecto actum sentiendi. S. Anselmus qui dolorem dixit esse aliquid, sumpsit illum in concreto, non vero in abstracto.

30. III. Objicitur. Mors est malum naturale juxta communem sensum, & horrorem naturæ, & leges divinas & humanas minitantes, & infligentes mortem tamquam malum pœnæ. Nec enim audiendi sunt Epicurei, ac Stoici, qui terrificum mortis aspectum obvelare conati sunt, & in amabilem etiam commutare fucatis argumentis, quæ deinde Sophistarum declamationes, & Poetarum argutiæ in immensum auxerunt. Illa evanidos fructus esse non sinceræ eloquentiæ, sed illius, quæ tribuitur Mercurio furunculorum, &

defraudatorum Numini ostendit jam Pallavicinus (1) ea discutienti singillatim: Atqui mors non esset malum naturale, si esset ens privativum: ergo hoc saltem malum, mors non est ens privativum, sed positivum. Minor probatur. Semel mortuo animali non habetur amplius subjectum, cui tribui possit istud ens privativum. Nam subjectum illud est totum animal, quod si mortuum dicatur, jam non est: sed malum, quod non potest esse in aliquo subiecto, nihil est: ergo.

Resp. concedo maj., & nego min. Ad probationem nego majorem, & ejus probationem; Non enim est totum animal subjectum mortis, nisi prout hæc est in fieri per alterationes compositi: prout vero est in facto esse, subjectum ipsius est corpus simul & anima, ex quibus utrumque privatur unionem cum altero, quæ erat mutuum in ipsis bonum: utrumque autem persistit, si loquamur de morte hominis, persistit enim ipsius corpus, quantum ad materiam, quæ ipsum componit, & ipsius anima divisim: Si vero loquamur de morte bruti, saltem persistit ipsius corpus, quantum ad materiam, quæ ipsum componebat. Suarez (2) putans totum animal esse subjectum mortis, respondet argumento concedendo majorem, scilicet mortem esse malum naturale, si sermo sit de morte in fieri, illam vero negando, si sermo sit de morte in facto esse, quam negat esse aliquod malum. Sed mihi placet mea responsio; Cur enim negari debet duas illas substantias componentes animal non posse esse singulas subjectum privationis illius unionis mutue, in qua consistit vita?

31. IV. Obiicitur. Annihilatio est malum naturale; nam odio habetur: sed annihilatio non est ullum malum, si non est aliquid positivi; nam excludit omne subjectum, cui possit tribui istud malum: ergo.

Resp. nego mai. cum S. Thoma (3), & S. Augustino (4), ubi late probatur, destructa omnino natura non manere malum.

Quod

(1) Pall. del Bene. li. 4. cap. 6. & seq.

pag. 463.

(2) Sua. Metaph. disp. 12. sec. 3. num. 9.

pag. 212.

(3) S. Thom. de Potent. quest. 5. ar. 3.

ad 4.

(4) S. Aug. Enchir. ca. 12. & 13.



Quod pertinet ad probationem, dico illam, ut apprehenditur, esse objectum odii propter illam displicentiam, quam affert hæc cogitatio, nimirum totalis ablatio boni, quæ est privatio status quietis animæ. Quod si illa contrario modo esset ablatio malorum, quæ numero, & atrocitate majora essent bonis, jam amaretur, & optaretur: ac falsum proinde esset illam odio haberi, quemadmodum accidit damnatis in ignem æternum.

32. V. Obijcitur. Malum morale opponitur contrarie bono juxta Aristotelem (1), quæ oppositio importat, ut utrumque oppositum sit quid positivum. Sed si malum consisteret in privatione, non opponeretur contrarie, sed privative, quæ est oppositio illa, quæ datur inter aliquid positivum, & ejus privationem: ergo.

Resp. dist. mai. Malum sumptum in concreto pro actu malo opponitur contrarie bono, conc. mai. Sumptum in abstracto pro malitia, seu pro ratione formali, qua actus dicitur malus, nego majorem. Et simili distinctione applicata minori, nego consequentiam. Cum igitur dicitur bonum & malum, si intelligatur actus bonus & actus malus, hi certe ambo sunt quid positivum, & contrarie profecto opponuntur, quia sub eodem genere entis sunt, scilicet sub genere modi animæ, & maxime inter se distant, & eidem subiecto inesse possunt, quæ sunt notæ constantes juxta Dialecticos notionem contrariorum: At vero si intelligatur nomine boni ratio formalis, propter quam actus est bonus, & nomine mali illa, propter quam est malus, non jam amplius oppositio boni & mali est illa, quæ dicitur contraria, sed illa est, quæ dicitur privativa; Nam alterum dumtaxat ex duobus oppositis, scilicet ratio boni est quid positivum: at ratio mali est quid negativum, cum sit carentia bonitatis non quidem quæcunque, sed illa, quæ præsupponit subjectum capax habendi bonitatem, per quam suppositionem distinguitur oppositio privativa ab oppositione contradictoria; Hæc enim solam dicit negationem alterius ex duobus oppositis, ex quo, fit ut alterum contradictoriorum debeat necessario competere cui-  
libet

(1) Arist. ca. de Oppositis

Id. Ethic. 2, ca. 9. juxta Maurum pag. 55.

libet, siue sit ens, siue non ens. Ita chimæra est bona, vel non bona, lapis vel non lapis, & omnia vel non omnia; at oppositio privativa cum imbibat etiam suppositionem prædictam, impedit, quo minus alterum ex huiusmodi oppositis dici necessario debeat de quolibet tam ente, quam non ente: ita chimæra nec est bona, nec est mala.

33. VI. Obiicitur. Dantur aliqui actus positivi, qui semel quod fiant a creatura libera a necessitate & sine ulla ignorantia, nequeunt unquam existerè separati a malitia morali formaliter tali, ut odium Dei, & voluntas furandi: ergo saltem in his malitia moralis est aliquid positivi; Nam pertinent ad ipsorum constitutionem physicam.

Resp. conc. anteced., & nego consequentiam, ad cuius probationem dico, malitiam illam pertinere ad talium actum physicam constitutionem, non tamquam hujus partem positivam, sed solum negativam, quæ consistit in carentia talis determinatæ rectitudinis, quam voluntas tribuere debebat suo actui, eamque necesse est concipiat, qui ideam animo velit informare significationis huiusmodi nominum odium Dei, & similium. Quare objectio, cujus solutionem alii, ut Suarez (1), aliter expediunt, mihi quidem videtur non habere majorem difficultatem, quam illa, quæ ex eo, quod peccatum nequeat existerè separatum a malitia morali formaliter tali, contenderet hanc esse aliquid positivum; Differt enim una ab alia non aliter, ac differat peccatum in genere a peccato in tali specie. Palla vicinus tamen tantum in ea momenti credidit esse, ut eam vocet (2) *validissimum argumentum*, vi cuius abhorret a sententia quam defendimus, quod malitia moralis consistat in privatione rectitudinis, quin tamen propterea velit illam esse formam aliquam positivam; Nam aperte dicit, (3) *Habet peccatum bonitatem entisativam*. Sed quænam sit in hac re ejusdem opinio, mihi quidem non est facile dictu.

34. Instat. (4) *Videtur lumine naturæ notum, plus malitiæ*

(1) Suæ. in 1. 2. tr. 3. disp. 7. sec. 4. nu. 10. pag. 276.

pag. 270.

(3) Id. Ibid. nu. 212. pag. 284.

(2) Pallav. de Act. hum. li. 1. nu. 201.

(4) Id. Ibi. nu. 202. pag. 277.

*litia inesse in odio Dei, quam in carentia cujuscunque rectitudinis positivæ: ergo odium Dei habet aliquam malitiam supra omnem carentiam rectitudinis debitæ.*

Resp. disti. antecedens, plus malitiæ inest odio Dei, quatenus privatio constituens ipsius malitiam est magis disconveniens naturæ rationali, quam privatio, quæ constituit malitiam alterius cujuscvis actus, conc. antecedens, quatenus aliquid positivum constituat malitiam odii Dei, nego antecedens, & simili distinctione excipio consequens.

Instant alii. Si actus humani essent mali propter carentiam debitæ rectitudinis, nulla esset distinctio specifica in actibus malis moraliter; Nam eadem esset in illis malitia: neque actus, qui in una specie est malus, in ea augeretur, aut minueretur a quibuscvis circumstantiis, Nam in carentia totali non datur magis & minus. Sed hæc dici non possunt: ergo. Vasquez tanti fecit tum hanc instantiam, tum totam objectionem, ut ex his motus fuerit ad suam quamdam in hac re opinionem propugnandam, quæ statuit malitiam moralem consistere in quadam relatione rationis extrinseca ipsi actui, quam nominat (1) relationem disconvenientiæ, de qua alii viderint.

Resp. nego assumptum. Nec prima probatio urget. Nam carentia debitæ rectitudinis est quidem multiplicis speciei, quemadmodum multiplex specie est debita rectitudo, eaque dignoscitur vel ab oppositione, quam actus ille præferet cum aliqua virtute, vel potius a modo tendendi contra determinatam virtutem, quandoquidem una eademque virtus plerumque est in medio duorum vitiorum. Quod vero pertinet ad secundam, dico jure dici malitiam actus augeri, aut minui a circumstantiis, quia, ut ex S. Thoma dicit Suarez (2), licet privatio integra in se non recipiat magis aut minus, recipit tamen in causa aut in fundamento; ex quo fit, ut actus magis vel minus remotus sit a debita sibi rectitudine.

35. VII. Objicitur. Saltem aliquod malum est, aut esse potest natura positiva: ego non omne malum est ens privativum

(1) Vasq. in 1. 2. disp. 95. ca. 6. 7. & 8. pag. 444.

(2) Suæ. in 1. 2. tr. 3. disp. 2. sec. 3. nu. 15. pag. 219.

vum. Antecedens probatur. Id quod non convenit alteri, est aut esse potest positiva natura: Sed id quod non convenit alteri, est aut esse potest malum, ut sextus digitus est quid positivum non conveniens manui, & intrinsecum ejus malum: ergo aliquod malum est, aut esse potest positiva natura.

Resp. nego antecedens. Ad ejus probationem concedo maj. & distin. min. Est malum ratione disconvenientiæ, quæ est defectus proportionis, seu aptitudinis ad convenientem compositionem, concedo minorem: ratione suæ entitatis nego min. & consequentiam. Distinctionis æquitas confirmatur autoritate S. Dionysii, vel auctoris librorum de Divinis Nominibus (1), qui loquens de monstrositate, quam affert sextus digitus in manu, illam dicit consistere in privatione; nam eam vocat, *defectum proportionis debitæ juxta naturæ institutionem*.

### SECTIO III.

*In quibus sit vel non sit malum proprie tale.*

#### PROPOSITIO I.

36. **D**antur Creaturæ sine ullo malo propriæ tali. Probatur. Dantur Creaturæ irrationales & inanimatæ in suo genere naturaliter perfectæ, ut perfectus equus, perfectus adamas, perfectum aurum, quæ aliunde non sunt capaces mali moralis. Antiquiores Philosophi, ut Suarez (2) inter creaturas inanimatas ab omni malo naturali liberas numerarunt cœlestia corpora, *quatenus dicebant, incorruptibilia sunt, & a peregrinis impressionibus libera*, quod tamen extra controversiam jam est falsum. Inter creaturas vero rationales capaces mali naturalis & moralis dantur Beati Angeli, qui nullo unquam malo, neque naturali neque morali, subiecti fuerunt, nec futuri unquam sunt: ergo dantur creaturæ sine ullo malo propriæ tali.

Inter creaturas rationales præscindendo a Beatis Angelis, nullam aliam novimus, quæ malo propriæ tali subiecta, aliquan-

(1) S. Dion. cap. 4.

(2) Suar. Meta. disp. 11. sec. 4. nu. 3. pag. 235.

aliquando saltem non fuerit. Certe Christum ipsum Dominum credimus, & veneramur passum & crucifixum, ejusque Matrem Beatissimam, ut Reginam Martyrum invocamus: quicquid autem reliquorum hominum est, subjicitur malo tum culpæ tum poenæ.

PROPOSITIO II.

37. **O**Mne malum proprie tale respectu creaturæ rationalis est malum vel culpæ vel poenæ: numerus tamen malorum respectu hominum in hac vita non est major illo bonorum, quæ iisdem concessa sunt: nec ea mala sunt semper poena culpæ illorum alicujus actualis.

Probatur prima pars. Omne malum proprie tale respectu creaturæ rationalis est malum vel culpæ vel non culpæ, quod est vel malum pure naturale, vel malum poenæ: sed malum pure naturale (§.4.) nullum est in creaturis rationalibus: ergo malum omne proprie tale respectu creaturæ rationalis est malum vel culpæ vel poenæ. Probatur minor. Si qua mala pure naturalia essent in creaturis rationalibus, essent vel in Angelis vel in hominibus, hæc enim sunt duo creaturarum rationalium genera unice nobis nota: Sed quæ in Angelis malis sunt mala, novimus universa esse mala poenæ: in Angelis vero bonis nulla sunt mala proprie talia (§.6.): in hominibus tandem, si qua essent mala pure naturalia essent ex parte quidem animi ignorantia in intellectu, difficultas ad bonum in voluntate, & continua molestia ex rebellione illa corporis in animam, quæ vulgo dicitur concupiscentia: ex parte vero corporis, infirmitas suæ conditionis, quæ perpetuo etiam augetur ab iis, quæ extra ipsum sunt creaturis tum animatis tum inanimatis, quæ cedunt in ipsius nocumentum, & ipsam tandem ejusdem mortem: Atqui hæc mala scimus a Sacra Scriptura esse in hominibus mala poenæ (1), *Ignis, grando, fames, & mors, omnia hæc ad vindictam creatasunt, bestiarum dentes, & scorpium, & serpentes, & rompha vindicans in exterminium impiorum;* & Apostolus loquens

A 2

deter-

(1). Eccli. 39. 15.

determinate de morte hominum, non aliter illam eis esse necessariam, quam per positivum Dei decretum, quo illis fustulit donum immortalitatis primo homini & omnium patri sub conditione obedientiae concessum, satis insinuat per illa verba, (1) *statutum est hominibus semel mori*, ut observat Paulus Segneri (2). Nam Deus creavit hominem omnino expertem ab his malis illum in paradiso collocans, (3) *in quo*, inquit Augustinus, *vivebat sicut volebat, quandiu hoc volebat, quod Deus jufferat: vivebat fruens Deo, ex quo bono erat bonus: vivebat sine ulla egestate, ita semper vivere habens in potestate. Cibus aderat, ne esuriret, potus ne sitiret, lignum vitae, ne illum senectus dissolveret. Nullus intrinsecus morbus, nullus ictus metuebatur extrinsecus. Summa in carne sanitas, in anima tota tranquillitas. Nihil omnino triste, nihil erat inaniter latum, gaudium verum perpetuabatur ex Deo, in quem flagrabat charitas ex corde puro, & conscientia bona: ergo nullum est malum pure naturale in creaturis rationalibus.*

38. Essent fortasse aliqui, qui sub eadem majori facti syllogismi subsumerent etiam hoc modo: Atqui ratio naturalis dicat hæc mala esse in hominibus mala poenæ; Nam dicit S. Augustinus. (4) *Hujus evidentia miseriæ (scilicet humanæ) Gentium Philosophos, nihil de peccato primi hominis sive scientes, sive credentes compulit dicere, ob aliqua scelera suscepta in vita superiore pœnarum luendarum causa nos esse natos, & animos nostros corruptibilibus corporibus eo supplicio, quo Hetrusci, prædones captos affligere consueverunt, tamquam vivos cum mortuis esse conjunctos.* Et Bellarminus reputat, (5) *Omnino verisimile esse, non fuisse Deum Optimum, & nostri generis amantiſſimum, conditurum hominem tam miserum quam nunc est, nisi peccati nostri magnitudo tale supplicium meruisset: ergo.* Verum hoc argumento non utar, quia cum Augustinus ipse dubitet, an veteres illi eo modo dixerint per quamdam notitiam haultam ex traditione circa peccatum

(1) Ad Hebr. 9. 27.

(2) Segn. Mann. del. animæ. 13. Maggio pag. 247.

(3) S. Aug. de Civit. li. 14. ca. 26. p. 176.

(4) Id. li. 4. contr. Julian. ca. 16. n. 83.

(5) Bell. de Amiff. Græc. li. 2. ca. 15.

tum primi hominis, & cum Bellarminus ipse paulo ante citata verba dixerit, *non posse cetero statui corruptionem humanam, panam esse peccati*, deficit robur requiritum ad argumentum, quod rem suadeat, quæ certissima est ex Revelatione Divina.

39. Objicitur. Si mors corporis inflicta esset homini in poenam culpæ originalis; non morerentur illi, quibus ea remittitur per Sacramentum Baptismi: Atqui hoc est evidenter falsum: ergo.

Resp. nego maj. cum S. Augustino, qui cum sapius de hac Pelagianorum objectione contra Peccatum Originale loquutus sit, constanter docet, quod omnia hujus sæculi mala, & (1) *temporalis mors corporis etiam in his, qui morte Christi redimuntur, relinquitur interim ad exercitationem fidei, & agonem presentis luctationis*; Sicuti enim si quis quærat, cur David subierit poenas sui peccati, quas per Prophetam Deus illi comminatus fuerat, etiamsi illius remissionem certissime obtinuerit, (2) *rectissime, inquit, respondebitur remissionem illam peccati fuisse, ne homo a percipienda vita impediretur aeterna, subsequens vero illius comminationis effectum, ut pietas hominis in illa humilitate exerceretur, atque probaretur: sic & mortem corporis propter peccatum Deus homini inflixit, & post peccatorum remissionem propter exercendam justitiam non ademisset*. His similia habet alibi (3).

40. Secunda pars propositionis est contra aliquos, vel Divinæ Bonitatis inimicos, vel ad instar Terentiani Heautontimorumeni suimet tortores, certe quidem malos ratiocinantes, qui dicunt mala vitæ longe plura esse bonis, & voluptatibus ipsis contrariis. Citant hi pro se Homerum, qui dixit (4)

Οὐδὲν ἀκρόντερον γὰρ τρέφει ἀνδράποιοι:

seu ut habet Cosmas Paccius in sua versione Maximi Tyrii, qui hoc versu utitur in illa, quam ipse Tyrius concinnavit, eloquenti miseriæ humanæ hypotyposi (5)

A a 2

Nil

(1) Aug. Epist. ad Hilarium 167. nu 19. pag. 551. alias 1 pist. 89.

(2) Id. de peccat. merit. & remiss. l. 2. cap. 14. num. 50. pag. 69.

(3) Id. de Civit. D. 13. ca. 1. pag. 328.

Id. de Trin. l. 13. ca. 16. nu. 20. p. 941.

(4) Odiss. 1. 28.

(5) 1 yz. Ierem. 23. pag. 199.

*Nil homine tellus alit infelicius ipso.*

Rursus citant Tullium, qui referente S. Augustino (1) asseruit libro tertio de Republica, *hominem non ut a matre, sed ut a noverca natura editum in vitam*, quam sententiam etsi satis mollitam observant imitatum esse Plinium seniore, qui dubium vult esse, an natura (2) *parens melior homini, an tristior noverca fuerit*: & tandem Plutarchum, qui Apollonio suadet lugendum sibi diutius non esse in obitu filii, quia (3) *incertum est, bonisne an malis privati sint, qui moriuntur, cum multo plura sint mala, quam bona*. Horum querelas eleganter olim exposuit & contutavit Ciarletta Caracciolus (4), & recentius iisdem contradicunt Wolfius (5), & Leibnitiuss. (6) post alios ab his citatos, quibus addo Cœlium Rhodiginum (7), & Cardinalem Pallavicinum (8).

41. Probatur jam hæc pars I. sic. Qui vitam vivunt apparenter miserrimam multi sunt, qui vero ex his seipsos occidant, admodum rari: ergo in hominum vita est plus boni quam mali. Hoc argumento, quo Kingius usus fuit, Bayles ceteroquin nobiscum in hac re sentiens, pluribus in locis indicatis a Wolfio (9), elevavit apud eundem, & Trevoltianus (10), negans illius consequentiam, quia inquit, quod homines se ipsi non enecent, provenit a pusillanimitate, quod jam olim Stoici, & alii Philosophi censuerunt, ut docebit, qui sub nomine Agatopisti Cromaziani edidit Lucæ anno 1761. historiam, ut ajunt, *Suicidii*. Sed hæc responsio inepta est; Nam imprimis peccat falsa suppositione, quod opus sit magnanimitate aliqua ad se subtrahendum a malo, quod si superat bonum, omnem hujus quasi saporem retundit. Nonne necessario quivis animi quantumvis pusilli, & etiam stolidi, subtrahit se aut a gladio, qui actu illum pungat, aut ab igne, qui actu illum comburat? Simili igitur modo si mala, quæ actu in vita experimur, graviora essent bonis,

(1) S. Aug. li. 4. cont. Julian. ca. 12.

(2) Plin. nat. Histor. lib. 7. in proemio.

p. 25. 109.

(3) Plin. de Consol. ad Apoll. pag. 72.

(4) Car. d. Felicit. lib. 4. cap. 5. & seq.

p. 25. 114.

(5) VVol. Manich. sec. 3. n. 41. pag. 433.

(6) Leibn. Essai de Theod. p. 2. nu. 231.

p. 25. 433.

(7) Coel. Antiqu. li. 3. ca. 10. col. 123.

(8) Pall. del Bene. li. 2. ca. 51. n. 8. p. 259.

(9) VVol. Manich. sec. 3. nu. 41. p. 515.

(10) Mem. de Trev. ann. 1706. art. 57.

p. 25. 768.



nis, ne cogitantes quidem in nostram mortem rueremus. Rursus peccat falsa circa fortitudinem notione, quam cum infania, aut mollicie confundit. Doctrina sanæ Ethices, inquit Sylvester Maurus (1) est, fortis esse non fugere laboriosa & molesta, sed ea constanter perferre: ergo qui se occidunt ad hæc fugienda, non sunt fortes, sed timidi & molles. Hinc meliores veræ virtutis æstimatores sunt ipsi Poetæ Virgilius & Martialis, primus quidem, ubi describit mœstos vagari per Inferos (2)

. . . qui sibi lethum

*Infantes peperere manu, lucemque perosti*

*Projecere animas:*

Martialis vero, ubi Decianum laudat (3), quod Catonem qui se Uticæ interfecit, nolit unquam imitari; & Chæremone irridet (4), qui in afflictâ fortuna nomen fortis captabat laudando mortem juxta dogmata Stoicorum, nesciens, quod

*Rebus in angustiis facile est contemnere vitam.*

*Fortiter ille facit, qui miser esse potest.*

Quas ob causas optima apparet illatio Kingii.

42. Simile factò argumento est hoc aliud citati Pallavicini. Quoties bona vitæ superantur a malis, optatur mors: sed communiter homines mortem exhorrent; Nam quotidie constat observatio illa S. Augustini, quod (5) *diem mortis omnes, aut pene omnes differre conantur, etiam qui post mortem se beatius credunt esse victuros*. Quin immo S. Thomas inter causas doloris interioris Christi patientis numerat (6) *amissionem vitæ corporalis, quæ naturaliter est horribilis humana naturæ*. Atque in hoc naturali mortis horrore innituntur leges, quæ poenam mortis pro quibusdam sceleribus statuunt, tanquam freno omnium validissimum ad nequitiam hominum coercendam: ergo bona vitæ non superantur a malis. Majorem visus est accusare falsæ suppositionis Antonius Genuensis, qui ait, (7) *Vix hominem reperias*

(1) Mau. in 3. Eth. ca. 7 nu. 8. pag. 83.

(2) Virg. li. 6. Æn. pag. 203.

(3) Mar. li. 1. Epig. 9. juxta Juven. p. 35.

(4) Id. li. 11. Epig. 34. pag. 561.

(5) Aug. de Gratia novi Testam. ep. 140.

alias 120. ca. 6. num. 16. pag. 427.

(6) S. Tho. 3. par. art. 6. pag. 220.

(7) Gen. Elem. Met. par. 3 ca. 4. prop. 24. pag. 183.

*perias in maximis etiam animi corporisque cruciatibus consuetum, qui non malit esse potius qualiscunque, quam nullus, qui quidem posset se tueri autoritate S. Augultini, aliorumque, quos citat Cornelius a Lapide (1), quibus ex eo, quod melius sit esse, quam non esse videntur concludere, quod satius sit esse etiam in Inferno damnatum, quam non esse. Verum aliud est dicere, esse nude & simpliciter sumptum melius est, quam non esse, & hoc est verum, quia esse est bonum aliquod physicum, at non esse est nihil: aliud vero est dicere, esse conjunctum cum continuis cruciatibus sine ulla levamenti spe melius & eligibilius est, quam non esse, quod negatur cum citato a Lapide, & Suarez (2), quin immo cum omnibus, quandoquidem omnes in Carnifices fremunt, si casu aliquo videant ab iis reos occidi lentiori morte, quam illorum damnatio postulet, & Phalarismum vocant illis mortem quasi per exiguos haustus propinare: actum vero clementiæ eos statim interfici, qui ex legibus inter diuturniorem cruciatum deberent expirare. Sed idem extra controversiam esse debet, tum quia de impiis scriptum est, quod in fine Mundi propter plagas sibi superne inflictas, (3) *quaerens mortem, & non inveniens*, & de Juda, qui damnandus erat ad æternos cruciatus diserte Christus dixit, (4) *Bonum erat ei, si natus non fuisset*: tum quia idem expresse docent passim Patres, & Doctores, quorum aliquos citat Cornelius a Lapide, de hoc ex professo agens (5): tum quia exempla eorum, qui professi sint vitam sibi in summis miseriis, & doloribus constitutis adhuc caram esse, nulla novi, eorum autem qui dixerint malle se vivere etiam in cruce, quam sibi animo fingeant, sed non experiebantur, occurrit exemplum Mæcenatis apud Senecam (6), qui de hoc acriter illum reprehendit, & vituperat: at vero exempla eorum, qui desperato omni malorum, quibus cruciabantur levamento, mori maluerunt, multa occurrunt. Plinius junior de tribus suis*

(1) a Lap. in Eccle. ca. 4. v. 3. §. Contrarium. pag. 135.

(2) Sua. in 1. a. tr. 5. dis. 7. sec. 3. nu. 16. pag. 426.

(3) Apoc. 9. v. 6.

(4) Matt. 26. & Marc. 14.

(5) a Lap. in Eccle. cap. 4. v. 3. §. Secundum est. pag. 135.

(6) Sene. ep. 101. circa finem pag. 423.

suis amicis Corellio Rufo, Silio Italico, & Tito Aristone  
 hæc memoriæ prodidit (1). Corellius podagra a multis jam  
 annis laborans vitam finire aliquo modo decrevit, & quo-  
 niam alio non poterat, inedia passus est se enecari, suis &  
 amicis ad cibum sumendum hortantibus, tetrum κενύμα  
 respondens, hoc est decrevi scilicet mori: idemque mortis  
 voluntariæ genus propter natum insanabilem clavum (2) Si-  
 lius sibi intulit. Ariston tandem Plinium, paucosque alios  
 maxime familiares post multos gravis morbi dies ad se advo-  
 cans rogavit, (3) *ut Medicos consulerent de summa valetudinis,*  
*ut si esset insuperabilis, sponte exiret de vita.* Sed numero  
 pauci sunt illi, qui impediti adstantium cura cum physicam  
 non haberent potentiam se statim occidendi, inedia se ene-  
 carunt: alios, qui hac potentia quam habebant, usi sunt  
 quis numeret? Utrosque tamen omittamus, qui inter in-  
 sanos vel sceleratos numerari debent, utpote de vita, quæ  
 solius Divini juris est contra fas disponebant. Potiora sunt  
 exempla Sanctorum, qui probe intelligentes datam sibi non  
 esse potestatem moralem in suam vitam, quam gravissimis  
 malis oppressam jamdiu tolerabant, Deum enixe rogabant,  
 ut ille sibi eam eriperet. In mentem solum revoco Eliam, qui  
 fugiens per desertum ab Jezabelis furore (4) *petivit animæ*  
*sue ut moreretur, & ait: sufficit mihi Domine, tolle ani-*  
*am meam:* & Tobia, qui captivitate, cæcitate, & do-  
 mesticorum etiam increpationibus oppressus orat, (5) *præci-*  
*pe, in pace recipi spiritum meum:* & Moysis, qui sub one-  
 re gubernationis sibi impositæ totius populi Hebræi jam-  
 diu gemens, inquit ad Dominum, (6) *obsecro ut interfi-*  
*cias me.*

43. Probatur II. cum Genuensi (7) sic. Facta partitione  
 malorum, quæ sunt in vita hominum, alia reperiuntur ori-  
 ri a nostramet constitutione, seu natura in poenam peccati ori-  
 ginalis sibi quodammodo relicta, & spoliata donis illi a Deo  
 supe-

(1) Plin li. 1. epist. 18. pag. 16.

(2) Id. Ibid. li. 3. epist. 7. pag. 81.

(3) Id. Ibid. li. 1. epist. 22. pag. 33.

(4) 3. Reg. ca. 19. 4.

(5) Tob. 3. 6.

(6) Num. 11. 15.

 (7) Genu. Elem. Metaph. par. 3. cap. 4.  
 in Append. §. 20. pag. 201.

superadditis in prima ipsius creatione: alia vero ab abusu nostræ rationis, vel libertatis; Atqui mala primi generis non sunt plura oppositis bonis: mala vero secundi generis vel non debent computari, cum quæritur, in qua ratione sint cum bonis vitæ, vel non esse numerosiora bonis, satis suadet prima probatio: ergo mala vitæ hominum non sunt plura bonis.

Prima minoris pars suadetur sic. Inprimis bona opposita malis ortis ex nostra natura, alia sunt stabilia, ut usus rationis, libertatis, lucis, aeris, pluviz, fructuum, diversitatis temporum, salutis corporum, vitæ denique totius: alia, temporaria, ut divitiæ, honores, amici, & similia. Jam vero quis adeo malus computator erit, qui non videat longe majorem esse bonorum stabilium copiam, quam malorum illorum, cum plerunque ipsa etiam bona temporaria inveniantur esse malis illi abundantiora. Isti iidem siqui sunt, qui contrarium dicunt, credo equidem mentiri; saltem non dubito, eos fore inter illos, qui cum jam erunt morituri vitam libentissime repeterent sub conditione transeundi per eadem mala mixta bonis, & etiam graviora præsertim si diversæ speciei.

Deinde mala ex humana constitutione provenientia, quæ homo non sentit, non amplius respectu ipsius ut est vivens, mala sunt, sed æquivalent malis naturæ dumtaxat corporeæ (§. 8.): Atqui mala ex humana constitutione provenientia, quando in hac vita sunt gravissima, homo amplius non sentit; constat enim retundi omnem vim animi ad exercendas suas operationes & sensationes, siquid mali paulo intensioris superveniat homini, sive in ejus corpore, sive in ejus anima; Nam ita in utroque casu pervertuntur organa corporea, quibus indiget anima hominis in hac vita, ut ille vel tamquam Brutum expertus sit reflexionis, ex qua oritur potissima malorum sensatio, vel tamquam Planta, nulla prorsus mali experientia afficiatur, & e viventium numero aperte pronunciaretur abiisse, nisi intercederet aliquod indicium, vel etiam vitæ adhuc remanentis suspicio: ergo mala ex humana constitutione provenientia, cum in hac vita sunt gravissima, non sunt jam amplius mala respectu hominis, ut

est

est vivens: ergo neque opponuntur ejusdem hominis bonis, prout est vivens: ergo bona hæc restant adhuc plura oppositis malis.

44. Confirmari tota hæc probatio potest ex opinione Epicuri, qui tot bona in vita hominis, prout sibi contigit a naturali sua constitutione invenit, ut in ejus potestate statuerit positam esse felicitatem, quoties noverit illis frui, nec vel effroenatis cupiditatibus indulgendo brevem voluptatem cum magnis consequuturis doloribus commutaret, vel sollicitudine futuræ alicujus miseriæ, vel desiderio plurium bonorum, quam quæ natura sponte objicit, præsentem delectationem recusaret. Cum qua opinione optime intelligitur, quam bene cohæreat, quod aliqui volunt ex dictis alibi (1), nulla corruptelæ dogmata ab ipso Epicuro fuisse propolita, sed severissimas potius temperantiæ leges constitutas, cujusmodi sunt, ut homo vulgaribus cibis, vilissimis vestibus, incommodæ habitationi, fortunæ abjectissimæ, mendicitati ipsi assueceret, ne deditus deliciis per industriam conquisitis, si forte propter terrenarum rerum vicissitudines illis privaretur, vivendi naturalis voluptas foret impedita, aut, ut ex illo ait S. Hieronymus, (2) *quia exquisita minorem pœnam habent in inquirendo, quam voluptatem in abutendo*. Quæ fuerunt documenta aliorum etiam ante Epicurum Philosophorum; Nam ex Plutarcho habemus, quod (3) *laccerna, pera, quotidiana cibi emendicatio, beatitatis principia Diogeni, libertatis, gloriæque Cratesi fuerunt... Et Me-trocles hyeme inter oves, æstate in vestibulis templorum dormiens provocat ad certamen de felicitate Persurum regem, Babylone hyemantem, & æstivo tempore in Media degentem*. Et alibi meminit de columna quadam (4) *Thebis in templo positam, in qua diræ imprecationes inscriptæ fuerant in Minim regem, qui primus Egyptios a tenui, & opum pecuniæque non indigente victus ratione deduxisset*. Quam Philosophiam mihi videor videre continuo vigentem in tot erroneis

B b

bus,

(1) Diff. de Bono. f. 160.

(2) S. Hier. lib. 2. adv. Jovinianum. 21. juxta Vassarium. pag. 340.

(3) Plut. Opusc. An Vitiocitas ad infeli-

citatem sufficiat. pag. 148.

(4) Id. de Isid. &amp; Olibi. circa principium. pag. 167.

bus, quorum semper in frequentioribus. saltem civitatibus magna est copia.

45. Altera jam pars prædictæ (§.43.) minoris, quæ negat de malis vitæ humanæ, ortis ex malo vel rationis vel libertatis usu, haberi jure posse rationem, dum bona ipsius cum malis comparantur, innititur in eo, quod hujusmodi mala non redundant nisi in accusationem hominum, qui præstantissima rationis & libertatis dona in suam perniciem convertunt: eademque subductis rationibus inveniuntur numerosiora illis, quæ a natura proveniunt. Nonne enim, quod suspiria aliqui continuo emittant, somno careant, miseram denique vitam ducant, sibi solis imputare debent & utpote qui nullum, vel malum usum rationis faciunt, dum, inollent bella moveri, tempestates excitari, morbos ingruere, lites intentari, scelera ulla perpetrari, & omnia demum, quæ etiam in manu ipsorum non sunt, in melius, seu pro arbitratu suo vellent commutari, atque componi. Nonne finita essent horum tanta calamitas, semel quod adverterent se per voluntariam dementiam non absimiles, esse homini stulto, qui navigans, nollet somnum admittere, nisi vectores reliqui, nautæ omnes, undæ ipsæ, & ventî vel quiescerent, vel modo dumtaxat suo moverentur? Quod huic dicerent, desine vir bone de his cogitare, quæ nocitura tibi non sunt, nisi de iis cures, & in pace dormi ac requiesce, dicant sibi & exequantur, jamque optata potentur tranquillitate.

Venio ad mala orta ex abusu libertatis. Quis non videt plerosque morbos, dolores, misérias, mortem ipsam nasci frequentissime ex hominum negligentia, imprudentia, furore, effrocnata aliqua cupiditate, & malo etiam consilio, quo res ipsas largitione beneficentissima humano generi a Deo traditas ad sui commodiorem conservationem convertunt in suam destructionem. Ita ad occidendum constati sunt ex ferro enses, ex mineralibus coneretus est pulvis tormentarius, ex multis vegetabilibus extracta sunt venena, inter quæ nullum præsentius illo, quod ex quibusdam plantis extrahunt Lamenfes, & Ticunenses, populi circa Aequatorem

rorem in America positi, quo illinentes tenuis sagittas ex palma confectas dicto citius mortem inferunt quadrupedibus, avibus, & quibusvis viventibus, quæ illis fuerint vulnerata, ut constat experimentis recentius institutis, & expositis ab Herissantio in Transactionibus Philosophicis (1). Quare injuste agit citatus Plinius concludens suam contra naturam expostulationem, quod *homini plurima ex homine sunt mala*. Hoc enim idem est ac queri, quod Deus sive Natura dissimiles nos fecerit lapidibus, qui profecto nec sibi nec aliis nocere quidquam possunt.

46. Objicitur. Salomonis sunt hæc, (2) *Laudavi magis mortuos, quam viventes, & feliciter utroque judicavi, qui nec dum natus est, nec vidit mala, quæ sub Sole sunt*. Jeremiæ autem illa, (3) *Maledicta dies, in qua natus sum... Quare de vulva egressus sum, ut viderem laborem & dolorem, & consumerentur in confusione dies mei*. Similia in Job (4) habentur. Quibus consonant Philosophi illi, qui apud Plutarchum (5) *mortem vitam potius statuunt*: & quædam celebres veterum sententiæ ab eodem, & a Plinio loco jam citato aliisque, quos nominant, qui in Plinium commentaria scripserunt, commemoratæ, ut illa Sileni, *Non nasci omnium est optimum: mortuum autem esse, longe est melius quam vivere*: & Menandri, *Juvenis relinquit vitam, quem Dii diligunt*: & Euripidis, *Hæc vita nomine vita est, ipsa re labor*: ergo ex testimoniis omni exceptione majoribus vita hominis abundantior est malis, quam bonis.

Resp. conc. antecedens, & distingo consequens. Vita alicujus hominis abundantior est malis, quam bonis, consequentiam: Vita omnium vel plerorumque hominum talis est, nego consequentiam. Testimonia Scripturæ opportuna sunt ad suadendam partem, quam concedimus, ut docebit Cornelius a Lapide in ea loca cum aliis, quos citat: pro qua etiam faciunt aliqua ex illis, quæ ex Philosophis de-

B b 2 su-

(1) Transf. ann. 1750. nu. 12. pag. 75.

(2) Eccle. 4. v. 2. & 3.

(3) Jer. ca. 20. 14. & seq.

(4) Job. ca. 3.

(5) Plut. Consolatio ad Apoll. pag. 67.

sumuntur : aliqua vero cum loquantur de vita præfenti comparata ad vitam futuram, quæ beata sit, non sunt ad rem. Inter illos, autem, quos per melicet recensere inter miserriores, quam beatiore, sunt, qui ita impotenter se amant, ut bona quæcunque, quibus potiantur, minora esse censeant meritis, suæque naturæ dignitate, & infra suamet temeraria vota certe experiantur esse : & viceversa ex eodem sui præpostero amore gravissima mala reputant, quæ inter levissima etiam incommoda ab æquioribus & sanioribus vulgo numerantur.

47. Tertia propositionis pars, scilicet mala poenæ in hominibus non semper esse poenam culpæ illorum actualis, extra controversiam posita est, primo a testimonio Christi Domini, qui interrogatus, an quidam a nativitate cæcus talis esset propter peccatum suum vel parentum ; (1) *Respondit, neque is peccavit, neque parentes ejus, sed ut manifestentur opera Dei in illo.*

Secundo ab his damnatis propositionibus, Bali lxxiii. *Omnes omnino iustorum afflictiones sunt ultiones peccatorum ipsorum : Unde Job & Martyres, quæ passi sunt, propter sua peccata passi sunt, & Quæsnellii lxx. Nunquam Deus affligit innocentes, & afflictiones semper serviunt vel ad puniendum peccatum, vel ad purificandum peccatorem.* Cum in probationem hujus partis attulerim etiam damnationem prædictarum thesium, inveniuntur apud illos, qui de iis egerunt, ut Viva (2), abundanter alia argumenta illam demonstrantia. Communiter poenæ istæ, quæ involuntariæ simul sunt, nec inflicte propter culpam actualem vocantur post S. Thomam apud Suarez (3) medicinales, quia instar medicinæ, sunt hominibus ad vitam æternam ordinatis magis utiles, quam incommodæ.

## SECTIO

(1) Joan. 9. 3.

(2) Viv. Quæst. Theol. pag. 390.

(3) Suar. in 2. 2. tract. 5. dis. 7. sec. 2.

pag. 420.



*De Causa efficiente Mali Metaphysici .*

## P R O P O S I T I O

48. **D**eus est sola causa mali metaphysici : & talis est sine ulla sui imperfectione .

Probatur prima pars . Ille est sola causa mali metaphysici, nimirum hoc efficiens moraliter, non vero physice, cum non sit nisi mera negatio, qui solus est causa efficiens id, quod essentialiter habet malitiam metaphysicam : Sed Deus est sola causa efficiens omnem entitatem creatam, quæ essentialiter habet malitiam metaphysicam : ergo Deus est sola causa mali metaphysici . Minor probatur, quia repugnat creaturam esse creatorem, qualis esset, si infinite perfecta esset, seu sine ullo malo metaphysico . Bene S. Augustinus illis, qui quærent, quare non possint esse summe bona etiam illa, quæ sunt a summo bono, respondet summum bonum, quod de summo bono est (1) *meminerimus natum de illo esse, non ab eo factum de nihilo: videamusque injuste flagitari, ut tam summe bona sint, quæ fecit de nihilo, quam summe bonus est, quem de se genuit: quem nisi unum genuisset, non id, quod ipse est genuisset, quia ipse unus est* . Quare cum relatione ad hoc malum essentiali creaturis potest etiam iuxta Suarez (2) accipi illud Christi Domini (3) *Nemo bonus nisi solus Deus*, ut supra etiam (§.2.) dixi .

49. Probatur secunda pars . Deus est causa mali metaphysici sine ulla sui imperfectione, si malum metaphysicum arguat infinitam perfectionem Dei : sed ita est : ergo . Probatur minor, quia arguit imprimis Bonitatem & Potentiam infinitam ; Nam ipse sibi sufficientissimus ea, quæ nihil erant, facit ut sint cum aperta vel ad nostrum captum limitatione perfectionis, ut inferamus illum, qui dedit nobis hanc mentem capacem intelligendi esse possibles creaturas perfectio-

res

(1) S. Aug. cont. Epist. Fundam. ca. 36.  
num. 41. pag. 177.

(2) Suz. Metaph. 11, sec. 4. m. 3. pag. 235.  
(3) Luc. 18, 19.

res in infinitum, habere in se potentiam & omnes perfectiones infinitas, quod ipse Dei conceptus aliunde suadebat.

Arguit Libertatem Dei perfectissimam, non solum quia sine ulla omnino necessitate creat, quicquid creat, sed etiam quia pro sua libera voluntate determinavit, a quo gradu perfectionis inciperet rei cuiusvis creationem, & in quo gradu consisteret; Nam cum Infinitas suæ Bonitatis & Potentiæ importet posse creare entia in infinitum alia aliis perfectiora, hæc Divinæ perfectiones expectant, ut ita dicam, determinationem ad suum exercitium a Divina Libertate.

Arguit tandem Sapientiam infinitam, quia singulas creaturas fecit cum ea perfectione, quæ responderet fini ipsi attributo, qui respicit non solum res singulas, sed alias etiam, quas invicem connexas voluit, & a quibus exercitium proprii uniuscujusque muneris dependere voluit. Quare diversa quodammodo est portio mali metaphysici in singulis: (1) *que*, inquit S. Augustinus, *in Cælo & in Terra corpora, non solum illi a quo sunt condita, sed nec inter se oportebat esse æqualia, & ideo sunt omnia bona, quia sunt alia aliis meliora, & bonitas inferiorum additur laudibus meliorum, & in rerum bonarum inæqualitate ipsa est jucunda gradatio, ubi minorum comparatio est ampliorum commendatio.*

50. I. Objicitur. Singulæ creaturæ in ea partis ratione, quam habent ad totum, poterant habere minus mali metaphysici: ergo tantum in singulis creaturis hujusmodi mali non arguit infinitam perfectionem Dei.

Resp. nego ant. Bene singulas creaturas se habere cum perfectione, quam habent relate ad totum, cujus sunt partes, quicquid nobis aliter videatur, intelligi potest ex eo, quod intelligamus Deum esse tantæ Sapientiæ artificem, ut non solum integrum ipsius opus, sed ne ipsius quidem exiguum partem, quæ nos ipsos facit, comprehendamus, qualis comprehensio totius operis requireretur ad judicandum sine temeritate, an minus imperfectionis potuerit pars aliqua habere, quin noceret majori totius perfectioni. Bene Yvon

in

in Encyclopædia (1) homines, qui hæc objiciant, assimilant Acaro, qui de insignit aliqua Titiani tabula, supra quam spatatur, pronunciaret illam esse minus scitam, quia ipsius acies defixa quasi in puncto loci, nihil aliud videt nisi umbram, vel unum dumtaxat colorem. O dignam minimo ex insectis sententiam! Hoc non adverterunt illi reprehensam olim a Seneca, qui (2) *queruntur, quod non magnitudine corporis æquemus Elephantem, velocitate Cervos, levitate Aves, impetu Tauras: quod solidior sit cutis Belui, decentior Damis, densior Ursis, mollior Fibris: quod sagacitate nos narium Canes vincant, quod acie luminum Aquilæ, spatio ætatis Cervi, multa animalia nandi facilitate*. Querelam præcipue de oculis, qui homini dati non sunt cum majori prospiciendi facultate: Tullius (3) professus est audacter se Deo objicere. At juxta datam generalem responsionem dicendum, oculos datos esse proportionatos ad cujuscunque animalis conservationem pro loco sibi ad vivendum destinato, ut jam olim dixerunt Malebranche, & Locke citati a Vernejo (4); cui finis vel inutilis vel noxia esset alia acies, eique abunde satisfaciunt prospectus, quem habent. Iidem rursus sunt organa materialia, & a motu materiæ illis extrinsecæ, particularum scilicet lucis resilientium ex objectis dependet illorum exercitium, qui motus necesse est mille modis impediatur, nisi forte Tullius queratur etiam de conditione animalis terrestris, quæ sibi data est, potius quam aerei. Quod stulte facere illos, qui hoc faciunt, suadet Derhamus (5), ostendens eos invidere vitam ductam supra scopulos, ut sibi caveant ab insidiis malorum, adeoque destruere civitates, & societatem omnem humanam.

51. Si quis promoveret querelam Tullii ex eo, quod Deus non dederit oculis nostris eam aciem perfectionem, qua si microscopiis armentur, constat ditari posse, respondendum esset cum Christiano Wolfio (6), & Jo. Alberto Fabricio (7)

erra-

(1) Yvon. art. Boni s. Nous: hommes. pag. 269.

(2) Sen. de Benef. lib. 2. cap. 29.

(3) Tull. Acad. quæ. li. 4. nu. 80. pag. 76.

(4) Veru. Metaph. li. 3. ca. 6. pag. 93.

(5) Der. Physico-Theol. B. 5. ch. 1. p. 268.

(6) Vvol. Colmol. sec. 3. cap. 2. §. 543. pag. 265.

(7) Fab. Opuscul. Program. 7. de Deo ex oculo & pag. 496.

errare illos, qui utiliores nobis hujusmodi oculos reputarent, & perfectiores comparate ad fabricam totius hominis, & ipsius usum. Inutilis enim esset acies illa acutior ad eam vitam, quam obtinemus commode traducendam, quæ non est propter minimas partes terræ & terrestrium corporum perscrutandas, sed propter usum illarum, quæ nobis congruæ sunt. Noxia etiam esset: tum quia impeditus nobis esset ab aere sic viso tamquam a velo vel nebula quadam aspectus omnium objectorum: tum quia, ut notat Yvon (1), oculus minima videns exiguum admodum spatium comprehendit, ut constat inspicienti per Microscopia, & arguitur etiam ex insectis, quæ, quia ad minima hæc videnda aptos dumtaxat oculos habent, instructa etiam sunt. antennis quibusdam in capite, quarum usus suadet Derhamus (2) esse, ne dum moventur vel volant, prius impingant in ea, quæ ipsa lædant, quam illa videant, cum cæteroquin conversatio & melior conditio vitæ humanæ postulet, ut spatium satis amplum ante hominum oculos plerumque obversetur, & ad Cælos ipsos extendatur: tum quia turpissima & horrida viderentur nobis pleraque objecta, quæ ad vitæ societatem necesse fuit, ut sua etiam nos allicerent pulchritudine, quæ postulat certum aciei gradum, quemadmodum certam ab oculo distantiam postulant imagines ad regulas Perspectivæ delineatas. Alia incommoda contra illos, qui vellent oculos prospicientes naturaliter, quantum per Telescopia prospiciunt, & similiter desiderant perfectionem in singulis organis sensorii majorem illa, quæ communiter nobis concessa est, ob oculos brevi proponit Bernard in sua Synopsi (3) operis Niewentitii, qui fufius (4) hæc ipsa persequitur.

52. II. Obiicitur. Deus nequit sine sui imperfectione esse causa illius mali metaphysici in suis creaturis, quod est causa mali moralis: Sed malum metaphysicum libertatis indifferentiæ, quæ tradita a Deo est suis creaturis, est causa mali moralis: ergo.

Resp.

(1) Yvon. Enciclop. art. Bon. pag. 270.

ligious Phil. pag. 16.

(2) Derham. Physico-Theol. B. 8. cha. 3.

(4) Nievv. The. Relig. Phil. Contemp.

pag. 361.

14. loc. 13. pag. 285.

(3) Bern. A summary account of the Re-

Resp. diff. mai. nequit Deus esse illius causa, quod est causa necessario efficiens vel determinans ad malum morale, conc. majorem, aliter nego majorem: & diff. min. Malum metaphysicum libertatis creatæ est causa in sensu proprio mali moralis, nego minorem: est hujus causa in sensu improprio, hoc est occasio quædam mali moralis, subdistinguo, est occasio quædam mali moralis per modum conditionis, sine qua non est malum morale, conc. minorem, per modum conditionis, qua posita debeat necessario a creatura affecta hujusmodi libertate fieri malum morale, nego minorem, & consequentiam. Quod malum metaphysicum libertatis creatæ non sit causa in sensu proprio est evidens, quandoquidem tale malum est mera negatio ulterioris scilicet perfectionis in huiusmodi libertate: & mera negatio non sustinet rationem causæ proprie talis. Quid quod ne in sensu quidem metaphorico dici ea potest causa mali moralis, quatenus scilicet ex negatione hac ulterioris perfectionis, considerata per modum entis sequatur malitia moralis, altera scilicet negatio per modum entis a nobis concepta; Nam malitia moralis non sequitur necessario ex illo malo metaphysico. Quam enim verum est hoc argumentum, Creatura operatur malum morale: ergo necesse est habeat libertatem imperfectam; tam falsum est hoc aliud, creatura habet libertatem imperfectam: ergo necesse est ut operetur malum morale. Quod clarius fortasse exprimit allata distinctio, quæ agnoscit in malo metaphysico libertatis creatæ conditionem sine qua non mali moralis, non vero conditionem determinantem ad malum morale. Hujus interea objectionis frequens promotor fuit Bayle in suo Dictionario, articulo Manichæi, & articulo Origenes, & alibi, & multi alii, ut ex dicendis constabit.

§ 3. I. Instant Manichæi apud S. Augustinum (1), & Bayles tomo secundo Responsionum ad quæstiones hominis ex Provincia, & recentius Anglus quidam Anonymus, qui apud Trevoltianos (2) dogma de æternitate Inferni Damnatorum impugnat. Nequit sine imperfectione Dei esse in creaturis ea libertas, quæ plerisque ipsarum etsi ex sua culpa magis

C c

obest,

(1) Aug. de lib. arb. li. 2, ca. 1. pag. 584.

(2) Mem. de Trev. 2, 1749. 2. 55 p. 1028.

obest, quam prodest: sed libertas faciendi etiam malum morale plerisque creaturis, etsi ex sua culpa magis obest, quam prodest: ergo. Major assumitur tamquam evidens, minor vero probatur; quia libertas faciendi etiam malum morale obest iis omnibus creaturis, quæ male moraliter reipsa operantur: sed pleræquæ creaturæ male moraliter reipsa operantur: ergo.

Resp. I. nego maiorem. Semel enim, quod libertas a necessitate operandi vel non operandi noceat iis, qui ea donati sunt ex sola illorum culpa, illam largiri commendat bonitatem Largitoris, non imminuit. Est illa igitur bonum & quidem tale, ut S. Augustinus uno quidem in loco evidens credat hoc antecedens, (1) *Melior homo est, qui voluntate, quam qui necessitate bonus est*, ex quo statim infert, *voluntas igitur libera danda homini fuit*. Alibi vero illud sic efficaciter suadet (2): si bona pertinentia ad corpus hominis, ut manus pedes oculi, sine quibus ille vivere recte potest, hoc est cum laude & merito, sunt bona, ex quibus est laudandus Deus illorum largitor, etiamsi tot sint, qui illis male utantur, quanto majus bonum est ea libertas, sine qua nulla est recta vita.

Resp. II. transeat major, & nego minorem, ad cujus probationem distinguo majorem. Ea libertas obest creaturis male reipsa agentibus, vel damno præsentis & temporario, quod consistit in ipso malo, & merito poenæ æternæ, & perpeffione alicujus poenæ durationis finitæ, vel damno finali & sempiterno, quod consistit in sempiterna damnatione, conc. major, obest creaturis male reipsa agentibus damno semper finali & sempiterno, nego major. Nam ex Dei clementia, & gratia multi convenienter retractantes peccata sua misericordiam consequuntur. Et nego min. Nam sunt Angeli inter creaturas liberas conditas cum hac libertate, quorum major pars eâ bene semper usa est juxta sententiam S. Thomæ, qui ait (3) *Multo plures fuerunt Angeli remanentes, quam cadentes, & forte etiam plures, quam omnes dam-*

(1) Aug. ff. 83, qu. qu. 2. pag. 2.

pag. 606.

(2) Idem, de lib. arbi. ca. 18, nu. 48.

(3) S. Tho. in 1. sent. dif. 39, qu. 2, art. 2.

*damnandi Demones, & Homines*, quam sententiam vehementer approbat Suarez (1), & sequitur Bellarminus (2).

Huc etiam facit, quod non semel observat Leibniti-  
us (3) adversarios, qui post C. Cottam apud Tullium (4)  
similia obiiciunt, non meminisse totam hanc terram esse  
tamquam punctum respectu totius universi, quod potest ha-  
bere in tot suis partibus, ut in Planetis huic nostræ terræ  
analogis, suos incolas rationales destinatos ad æternam felici-  
tatem supernaturalem, qui bonum usum faciant similis liber-  
tatis. Ex quo conficitur, quod etiamsi major pars generis  
humani abutatur sua libertate ad male operandum, attamen  
si aliæ in aliis corporibus cœlestibus possibiles certe creatu-  
ræ rationales bene illa utantur, jam ejus abusus sistet in par-  
te minima totius Universi creati.

54. II. Instat Kingius (5). Saltem respectu generis no-  
stri humani, quod maxima ex parte abutitur data sibi liber-  
tate indifferentiæ, & proinde incurrit æternam damnatio-  
nem, ea libertas non est beneficium. Melius certe nobis con-  
sultum fuisset, si determinaremur ad volendum ab judicio de  
convenientia rerum ad nostram felicitatem, in quod statim  
naturaliter erumperemus. Hanc objectionem multis modis  
versat hic Auctor, eamque parum perspicue solutam queritur.

Resp. nego assumptum; Nam quod pertinet ad ejus pri-  
mam partem, ex eo quod majus futurum fuisset beneficium, si  
impeditus nobis fuisset omnis abusus libertatis, non sequitur  
hanc non sic impeditam non esse beneficium; Nam inquit  
S. Augustinus, (6) *Sicut ratio vera docet meliorem esse naturam,  
quam prorsus nihil delectat illicitum: ita ratio vera nihilo-  
minus docet, etiam illam esse bonam, quæ habet in potestate,  
illicitam delectationem, si extiteris, ita cohibere, ut non so-  
lum de cæteris licitis rebusque factis, verum etiam de ipsius  
prave delectationis cohibitione læsetur.* Ceterum non posse

C c 2

abuti

(1) Suæ. li. 2. de Angel. ca. 11. nu. 9.

(2) Bellar. de Grat. & lib. arb. li. 3. ca. 18.  
§. 27. absurdum pag. 522.

(3) Leib. Ed. de Theod. pa. 1. nu. 19.  
pag. 230.

Id. Ibid. pa. 2. a nu. 219. pag. 398.

Id. Ibid. pa. 1. in compend. objec. 2. p. 625.

Id. Ibid. in Causa Dei a nu. 37. pag. 19.

(4) Tull. de Nat. Deor. li. 3. nu. 69. & seq.  
pag. 343.

(5) Kin. de Orig. Mali ca. 3. sec. 1. sub  
p. 2 nu. 5. pag. 101.

(6) S. Aug. de Genes. ad lit. ca. 7.

abuti libertate erit inter præmia boni usus libertatis illius, quæ nunc nobis concessa est. Quo majori bono ante oculos habito, & comparato cum illo minori nunc nobis tradito, inferri debet cum eodem Augustino (1), abundantiam & magnitudinem Bonitatis Dei laudandam esse tam in majori quam in minori bono; & magis in majori, quam in minori, sed magis magisque in utroque simul, quam si non utrumque tribuisset, quemadmodum magis laudamus Deum, quia dedit nobis potentias animæ, quam quia dedit oculos & manus, & magis adhuc laudamus in utrisque, quam si non utraque nobis largitus esset.

Quod vero pertinet ad secundam partem, nimirum maiorem saltem generis humani partem in æternum perire, illa certe non est sine controversia. Nam apud Josephum Gravina in additamentis, quæ subiecit Dissertationi posthumæ, *De Paradiso*, Benedicti Plazzæ a se editæ, video tres haberi circa illam opiniones. Prima est Vasquezii, qui (2) eam solutu impossibilem eredit, cui favent Suarez (3), qui rem incertam esse dicit: & Prosper Fagnanus, qui in suis Commentariis in libros Decretalium Romæ editis, & summo Pontifici Alexandro VII. inscriptis, inter probabiles opinionones recenset utramque contradictionis partem in hac questione, (4) *an major sit numerus electorum an reproborum*: & S. Thomas, qui præ ceteris approbat (5) illos, qui rem hanc reliquunt intactam. Secunda opinio est eorum Theologorum, quos citat ipse Gravina (6), qui certum, & etiam de Fide dicunt maiorem partem generis humani damnari, quæ, postquam S. Thomas & alii Auctores gravissimi usque ferme ad hæc nostra tempora modo dicto loquuti sunt, primæ non videtur præponenda. Tertia est aliorum Theologorum, & omnis generis Scriptorum, qui affirmant ex universis hominibus maiorem partem salvari. Hos citat idem Gravina (7), & quæ pro ipsa sunt argumenta etsi conjecturalia fu-

(1) S. Aug. li. 2. de lib. arb. ca. 19. n. 50.  
pag. 607.

(2) Valsq. in 1. p. disp. 101. ca. 4. nu. 125.

(3) Suar. de Angelis li. 1. ca. 12.

(4) Fagn. in ca. Ne inactaris, de Const. p. 8.

(5) S. Thom. 1. p. qu. 23. art. 7. o.

(6) Grav. de Parad. par. 3. num. 284.

pag. 522., & nu. 433. pag. 662.

(7) Id. Ibid. nu. 285. pag. 523.



se etiam exponit, & a contrariis objectionibus vindicat. His addipossunt pro tertia hac sententia alii Auctores, quos citat Leibnitius (1).

Si tandem Kingio visa fuit hæc obiectio tamquam nodus Gordianus nondum perspicue solutus, non erat, quod quereretur, quoniam dissecta profecto fuit ab illa S. Augustini responsione (2), quæ est hujusmodi. Quoniam certum est, quod Deus dederit nobis libertatem ad recte operandum, oportet fateamur quoquo modo data est, neque non dari, neque aliter dari eam debuisse, quam data est; Ille enim dedit, cujus factum certe reprehendi nullo modo potest.

55. III. Instat Bayle (3), urgens antiquam objectionem ab antiquis etiam solutam, ut videre est apud Suarez (4). Est de essentia Benefactoris non tribuere donum, quod videt certo fore in ruinam illis, quibus detur, vel dare saltem cum eo dono quicquid requiritur ad hoc, ut illud sit in eorum bonum; Inter maleficos enim sunt, qui quovis modo aliis noceant, nec juxta vetus proverbium, ἐχθρῶν δῶρα δῶρα, dona amplius sunt illa, de quibus quis possit dicere.

*Hostibus eveniant talia dona meis.*

Hinc execrabilis homo fuit Eutrapelus ille, de quo Horatius habet (5)

*... Eutrapelus cuicumque nocere valebat  
Vestimenta dabat pretiosa.*

Atqui Deus dans talem libertatem hominibus, per quam possunt etiam male moraliter agere, dat donum iis, qui male moraliter reipsa agunt, quod ipse Omniscius videt fore certissime eisdem in ruinam, & negat quod ipse Omnipotens potest dare, scientiam scilicet, & alia requisita ad bene utendum ea libertate: ergo Deus dans hujusmodi libertatem hominibus nequit dici illorum benefactor.

Resp. dist. primam partem majoris. Est de essentia Benefa-

(1) Leib. Essai de Theod. par. 1. nu. 17. pag. 124.

(2) S. Aug. de lib. arb. li. 2. ca. 2. nu. 4. pag. 385.

(3) Bayl. Diction. art. Paucicæ. Id. tom. 3. respons. ad quæst. provin-

ciales apud Trevoltianos anno 1706. ar. 74. pag. 965.

(4) Suar. in 1. 2. tr. 5. disc. nu. 3. & 26. pag. 418.

(5) Hor. li. 1. Epist. 18.

nefactoris non dare ea, quæ videt certo fore in ruinam illis, quibus donet ex intrinseca & necessaria connexione sui doni cum eorum damno, concedo hanc partem: quæ videt certo fore in ruinam illis, quibus donet ex libero doni abusu, nego hanc partem; & distinguo secundam, est de essentia Benefactoris dare quicquid requiritur ad bonum, & liberum etiam usum libertate indifferentiæ, concedo hanc partem: ad bonum usum, sed non liberum libertate indifferentiæ, liberum vero dumtaxat libertate a coactione, subdistinguo, ita ut si hoc ipsum non posse abuti det, sit magis beneficus, concedo iterum hanc partem: ita ut si hoc non det, non sit ullo modo beneficus, nego hanc partem. Qua distinctione applicata minori nego consequentiam. Quæ adducuntur ad probandam vel declarandam maiorem non habent locum in dono libertatis indifferentiæ a Deo hominibus traditæ; Non enim dat Deus ex Eutrapeli, aut Hostium prava intentione, sed ex optimo fine, & sincera voluntate illorum felicitatis. Quod si in aliquorum damnum recidit, hoc non aliter evenit, quam per abusum unice ipsis creaturis imputabilem. Et bene hic monet Leibnitius (1) Adversarios, ut velint meminisse de illis vulgaribus proloquiis, abusus non tollit usum, & aliud est scandalum datum, quod vitio vertitur operanti: aliud vero scandalum acceptum, quod non est ullum vitium in operante id, quod alter male tibi convertit in scandalum.

## S E C T I O V.

*De causa efficiente Mali proprie talis in genere.*

## P R O P O S I T I O.

56. **O**mnem malum proprie tale (§.6.) est ab aliqua causa positiva: Et prima etiam ipsius causa est aliquod bonum.

Secunda propositionis pars est primo contra illos, qui  
eam

(1) Leib. Ess. de Theod. ca. 36. n. 41. pag. 177.

eam in dubium revocant, quoniam existimant, vel involvere contradictionem bonum esse causam mali, vel non posse intelligi, quomodo hoc fieri possit: (1) *Cur*, sic Tullius, *Deus omnium nostri causa cum faceret, tantam vim natricum viperarumque fecit? Cur mortifera tam multa perniciofa terra marique dispersit?* (2) *Si quis alius*, sic Origenes, *locus eorum, quæ inter homines observantur inquisitione dignus, natura nostra imperscrutabilis est, inter ea referri certe oportet malorum originem*. Veteribus suffragati sunt aliqui recentiores, ut Jo. Franciscus Buddeus (3), & Mau-  
pertuisius (4), qui saltem Manichæorum objectiones adhuc reputavit satis robustas, & Voltaire in suo somnio Platonis apud Guyonum Auctorem operis Anonymi, *L'Oracle de Nouveaux Philosophes*, contra ipsum scripti (5). At omnium maxime Petrus Bayle, homo multis inimicitiis, erroribus, & scriptis libris celebris, qui natus Carlati pago quodam Comitatus Fuxensis, & in Hæresi educatus, deinde Catholicus factus, tandem Apostata, obiit Reterodami anno 1706. ætatis suæ quinquagesimo nono. Hic aperte docuit falsitatem Manichæismi sola revelatione cognosci posse, non vero per rationem, postquam minus efficaciter ipso judice contra illum Sancti Patres argumentati sunt, & acutissimi Philosophi eumdem propugnaverunt. Atque quæ pro illo jam olim producta fuerunt argumenta, ita recoxit in suo Dictionario in Articulis de Manichæis, Marcionitis, Paulicianis, & Origine, ut stomachum pluribus excitaverit, qui ipsum de hoc reprehenderunt.

57. Inter istos præcipui extiterunt Joannes Clericus, & Isaac Jaquelotius. Et Clericus quidem, Genevæ natus anno 1657, & mortuus Amstelodami anno 1736, Baylem primo aggressus est in suis Parrhasianis (6), cui Bayle respondit in suo Dictionario, articulo de Origene. Sed Clericus iterum bonam causam tutatus est tomo Bibliothecæ selectæ  
quar-

(1) Tul. Acad. qu. lib. 4. nu. 120. p. 101.

(2) Orig. contra Celsum. li. 4.

(3) Buddeus. Phil. Theor. pag. 6. §. 7. pag. 540.

(4) Maupey. Oeuvre, Avant-propos de

Cosmol. pag. 9. & apud Trevoltianos ann. 1748. art. 121.

(5) Guyon. Convers. 10. pag. 407.

(6) Cler. Parrhasiana, 10. 1. pag. 101.

quarto sexto & septimo; & iterum alia reposuit Bayle pro mala, tomo tertio responſionum ad quæſtiones hominis ex Provincia. Non ſiluit Clericus, ſed ſuam reſponſionem protulit tomo nono Bibliothecæ ſelectæ. Reſpondit Bayles tomo quarto Reſponſionum ad quæſtiones hominis ex Provincia, cui iterum ſe oppoſuit Clericus tomo decimo Bibliothecæ ſelectæ: & morte Bayles interveniente terminata fuit hæc dimicatio. Alia quædam nihilominus protulit adhuc Clericus contra Baylem tomo duodecimo Bibliothecæ ſelectæ.

Jaquelotius vero natus in Gallia anno 1647., & ab illa exul propter Calviniſmum, mortuus Berolini anno 1708. ſtetit primo contra Baylem in Gallico libro, *Conformitas Fidei cum Ratione*, in quo Auctores Actorum Lipſienſium deſiderant, (1) *ut Bælii diſcurſus nova nōda Lectoribus repræſentaret, & quid imbecillitatis in iis ratio oſtendat, quid ſpeciei ingenium, & eloquentia iſſis conciliaverit, oſtendiſſet*. Illi reſpondit Bayle tomo tertio Reſponſionum ad quæſtiones provinciales. Inſtauit Jaquelotius novo Gallico libro, *Examen Theologiæ Bayles*, ubi defenditur conformitas Fidei cum ratione. Tunc Bayles iratus edidit, *Entretien de Maxime, & de Themisſe*. His dialogis pari iracundia oppoſuit Jaquelotius, *Reſponſe aux entretiens*. Sed litigantes mors Bayles diremit.

Contra eundem, dum adhuc viveret, fuit etiam Guilielmus Kingius in libro, *de Origine mali*, contra quem tales Bayle animadverſiones inferuit tomo ſecundo quæſtionum Provincialium, ut appareat aliorum de eo relationibus unice ſteſiſſe. Fuit etiam Auctor libri de diſtinctione Boni & mali, qui apud Trevoltianos (2) oſtendit Baylem juſte traduci tamquam ſautorem Manichæiſmi contra Lamium ex Ordine S. Benediſti, cui injuſta videbatur hæc accuſatio. Fuit & Jacobus Bernardus in ſuis, *Novellis Reipublicæ Literariæ*, ad annum 1706: ſed vehementius ceteris in illum invecſus eſt Anonymus Auctor libri Gallice editi Amſtelodami anno 1706. *Philophus Roterodamenſis accuſatus & conviſus*

(1) Acta Lipſ. ann. 1705.

(2) Memoi. de Trev. an. 1704. art. 48. p. 540.

*Huius Atheismi*, quem aliqui credunt fuisse Jureum aliis cum Bayle disceptationibus celebrem. Equidem nisi tantum studium pro iis, quæ semel Bayles scripserat in hac re, ostendisset, & nisi sæpius in suo Dictionario professus esset in controversia Manichæorum, rationem succumbere illorum argumentis, doctrinam de uno principio sustineri non posse contra Philosophum, qui bene in schola exercitatus sit, & quotquot adhuc illam tueri conati sunt, infelicitèr desudasse, assentirer Trevoltianis illis, qui crediderunt (1) Manichæorum insaniam ab illo laudatam fuisse ad ostentandam eloquentiam, quo sine Isocrates Busiridis, & Cardanus Neuronis elogia conscripserunt.

58. Secundo est contra varios hæreticos, quos generali nomine appellabo Manichæos, quoniam hi præ cæteris vehementius hujusmodi hæresim propugnarunt, & latius disseminarunt sequuti Manetem, ex quo nomen illis factum, natione Persam, qui sæculo Ecclesiæ tertio statuit esse quædam in se mala producta ab Ente a se existente, summe malo. Cum multis locis de hac hæresi S. Augustinus loquatur, juvat aliquos producere, & alios mihi notos innuere ex iis libris, in quibus aliud agit, quam contra illam pugnare; Nam libros, in quibus hoc ex professo facit, inferius notabo. Primus sit ille, in quo confitetur se olim cum Manichæis errasse. (2) *Nescio quam*, inquit, *substantiam & naturam summi mali, quæ non solum esset substantia, sed omnino vita esset. & tamen abs te non esset Deus meus, ex quo sunt omnia, miser opinabar.* Alter sic habet. (3) *Causam ad bona creanda Bonitatem Dei idoneam, quidam hæretici non viderunt, quia carnis mortalitatem jam de justo supplicio venientem plurima offendunt, sicut ignis aut frigus aut fera bestia...* Hi qui nonnullam malam putant esse naturam, suo quodam contrario exortam, propagatamque principio, nolunt accipere istam causam creationis rerum, credentes eum potius ad hæc mundana molimina rebellantis adversum se mali extrema necessitate perductum, suamque naturam bonam malo coercendo supe-

D d

ran-

(1) Memoir. de Trev. ann. 1706, art. 57. p. 766.

(2) S. Aug. Conf. li. 4. ca. 15. n. 14. p. 105.

(3) Id. de Civ. Dei li. 11. ca. 22. p. 288.

*randoque miscuiffe*. Tertius sit. (1) *Manichæi immutabilem quamdam & Deo coeternam introducunt mali naturam*: Similia habet in libro de Hæresibus ad Quodvultdeum (2), de Moribus Ecclesiæ Catholicæ, in libris contra Julianum, in Opere imperfecto contra eundem, de Agone Christi, in Psalmum 31. & 140, de Continentia, in Epistolis juxta Maurinos 55. & 236, & contra duas Epistolas Pelagianorum.

De eadem hæresi, omissis recentioribus, perquam multi ex Veteribus loquuntur, ut Simplicius, celebris sæculi quinti Philosophus, sed Ethnicus, in suo Epicteti Commentario (3). Auctor disputationis Archelai Episcopi Mesopotamiæ cum ipsomet Manete, quam protulit (4) Laurentius Zacagnius. Titus Bostrensis, cujus extant tres libri ex versione Francisci Turriani in ultima Bibliotheca Patrum (5), ex quatuor, quos scripsit contra Manichæorum dogmata, quæ in eorum libris se invenisse profitetur. S. Joannes Damascenus in Dialogo contra Manichæos, quem hujus Patris esse ostendit jam Michael Lequien in editione, quam de illius operibus adornavit. Petrus Siculus Auctor sæculi circiter noni in sua Historia de Manichæismo Latine reddita a Matthæo Radero, & inserta in prædicta Patrum Bibliotheca (6). Historia illa Synoptica Manichæismi, quam e Codice a mille annis antiquo protulit Christophorus Matthæus Pfaffius una cum Firmiani Lactantii Epitome integra (7). S. Leo primus tum in sermonibus juxta Petrum Canilius quinto de Jejunio, & quarto de Quadragesima, tum in Epistolis secunda, & nonagesima tertia. Et Photius (8) Epiphanius, Theodoretus, Nicephorus, & Eusebius.

59. Cæ-

- (1) S. Aug. Retr. lib. 1. ca. 9. nu. 2. pag. 2.  
 (2) Id. de Hæres. hær. 46. pag. 13.  
 Id. de Mor. Eccl. ca. 10. nu. 16. p. 693.  
 Id. Cont. Julian. li. 2. ca. 1. pag. 431.  
 Id. Ibid. ca. 9. pag. 324.  
 Id. Oper. imper. li. 1. nu. 66. pag. 905.  
 Id. de Agon. ca. 4. nu. 4. pag. 247.  
 Id. in Psal. 31. enarr. 2. nu. 18. p. 181.  
 Id. in Psal. 140. nu. 12. pag. 1569.  
 Id. Epi. 55. alias 119. ad Janua. cap. 4.  
 num. 6. pag. 130.  
 Id. Epi. 236. alias 74. ad Deuterium.  
 pag. 848.

- Id. cont. duas Epist. Pelagian. li. 3. ca. 9.  
 num. 25. pag. 465.  
 (3) Simplic. ex interpret. Caninii ca. 50.  
 pag. 47.  
 (4) Zacag. Collect. Monumen. pag. 1.  
 (5) Bib. PP. tom. 4. pag. 443.  
 (6) Ibid. tomo 16. pag. 753.  
 (7) Pfaff. pag. 182.  
 (8) Phot. Hist. Manichæ.  
 Epiph. li. 2. advers. Hære. hære. 66.  
 Theodor. li. Hæret. Fabul.  
 Niceph. Hist. li. 6. ca. 31.  
 Euseb. li. 1. ca. 18.

59. Cæterum ante Manetem citatur tamquam Auctor hujus hæreseos, Zoroastres quidam gente pariter Persa, de quo Plutarchus dicit, (1) *Is, quem narrant sexcentis annis bello Trojano antiquiorem extitisse, melioris (principii) nomen Oromazam, peioris Arimaniam perhibuit*: ejusque deliramenta Persarum magi, hoc est sapientes dicuntur recepisse, ut fufius docebit Jacobus Brukerus (2). Rurſus citantur Hæretici Gnoſtici, Cerdoniani, Marcioniſtæ, & Prifcillianiſtæ, de quibus ſic ait S. Iſidorus. (3) *Gnoſtici propter excellentiam ſcientiæ ita ſe appellare voluerunt, bonum & malum Deum ſuis dogmatibus fingunt... Cerdoniani a Cerdone quodam nominati, qui duo contraria principia afferunt. Marcioniſtæ a Marcione Stoico Philoſopho appellati, qui Cerdonis dogma ſequutus, alterum bonum, alterum juſtum Deum aſſeruit, tamquam duo principia... Prifcillianiſtæ a Prifcilliano vocati, qui in Hispania errore Gnoſticorum & Manichæorum permixtum dogma compoſuit*. Similiter Manichæi fuerunt Pauliciani, quoniam ab illis differunt ſolo nomine & tempore: nomine quidem, quod ſibi aſſumpſerunt a Paulo quodam vel Samofateno, vel Armeno: tempore vero, quia ſub hoc nomine, ſæculo præſertim octavo & nono, ſermo de illis eſt apud Auctores cœvos citatos a Laurentio Alticotio (4). Pari ratione hæretici vulgo noti ſub nomine Albigenſium, qui Galliam a duodecimo ſæculo inſequinarunt, puri Manichæi fuerunt, ut probat citatus Alticotius (5), & plenius videri poteſt in Albigenſium impugnatio-  
ne, quam Venerabilis Moneta Ord. Præd. ipsis cœvus dedit, recens in publicam lucem prolata a Thoma Auguſtino Richinio S. Apoſtolici Palatii Magiſtro.

60. Catalogum Hæreticorum, qui eandem abſurditatem tutati ſunt, latius extendit Jo. Chriſtophorus Wolfius (6), & deinde Leibnitius (7). Certe citatus Wolphius Manichæiſmum non ſolum longe antiquiorem Aetate Chriſtiana ar-

D d 2

bitra-

(1) Plot. de Iſid. & Ofiri. pag. 190.

(2) Bruk. Hiſt. Phil. tomo 1. li. 2. ca. 2. de Philoſophia Chaldæor. pag. 116.

(3) S. Iſid. Etimolog. li. 8. ca. 5.

(4) Altic. de antiq. noviq. Manichæ.

cap. 11. pag. 31.

(5) Id. Ibid. ca. 12. pag. 88.

(6) Vvol. Manich. ſec. 2. a nu. 40. p. 174.

(7) Leib. Eſſai. de Theod. pag. 2. a

num. 136. pag. 222.

bitratur esse, sed ab ipso ferme Mundi exordio illius originem repetit, & per omnia tempora, regiones omnes, & Philosophorum præcipuas sectas credit se invenire, longe superans Plutarchum, quem credo sequutum, qui circa finem primi Ecclesiæ sæculi scribens, visus est ad Zoroastri opinionem multos, quos nominat sapientissimos viros reduxisse. Quin immo Manichæismi insinuat Wolfius (1) Theologos illos Catholicos, jam a tempore Suarez (2) relictos & impugnatos, qui peccatum originale dicunt consistere in entitate quadam positiva, quæ vel tenebras sensibus, & intellectui nostro offundat, vel alio quovis modo in errorem nos inducat. At hoc dicere, est non meminisse a Manichæis poni entitatem malam, quæ sit causa physica mali alicujus proprie talis, & sit etiam a se; quæ omnia negant Theologi illi, qui entitatem istam non dicunt esse in se malam, sed bonam ex dictis (§.21.) supra, neque dicunt esse causam physicam mali naturalis, & multo minus moralis, ad quod inclinare quidem docent juxta doctrinam Apostoli, (3) *Curo concupiscit adversus Spiritum*, non tamen necessitare, neque tandem dicunt illam esse a se, sed productam ab ipso Adamo per abusum suæ libertatis, vel a Dæmone, vel alio modo. Quare injusta prorsus est hujusmodi expositio, & similis illi Manichæismi notæ, quam jam olim Pelagiani impingebant Catholicis, teste S. Augustino (4) propter asseritum ab illis Dogma peccati originalis. Suarez observans quosdam Lutheranos docuisse peccatum originale consistere in forma quadam substantiali, quæ superadditur homini, per quam sit præclivis in vitia, & omnino ineptus ad bonas operationes, accuratius loquutus est, dum illos convenire cum Manichæis dixit (5) in hoc, quod adstruant aliquam dari substantiam in se malam. Verum hi quoque non sunt cum Manichæis confundendi, quia non dicunt hanc formam,

scilicet

(1) Volf. Manich. sec. 2. nu. 69. p. 296.

(2) Sua. in 1. 2. tr. 5. disp. 9. sec. 2. n. 11.

pag. 436.

Id. Metaph. disp. 9. sec. 2. nu. 32 pag. 203.

(3) ad Galat. 5. v. 17.

(4) S. Aug. li. 2. contra duas Epist. Pela-

gias. ca. 1. pag. 431.

Id. Ibid. li. 3. ca. 9. nu. 25. pag. 463.

Id. cont. Julianum li. 2. in fine.

(5) Sua. in 1. 2. tr. 5. disp. 9. sec. 2. nu. 41.

pag. 434.



seu substantiam esse a se, sed vel produci a Deo, quod est facere Deum authorem peccati, & pejus quam Manichæos errare, vel produci a Dæmone, quod est hæreticum, inquit ibidem Suarez.

61. Quod autem idem Wolfius cum aliis, quos proficitur se sequi (1), non solum Manichæismum inveniat, sed aliquid pejus in sententia illorum Catholicorum, qui docent non repugnare, Deum constituisse hominem in statu naturæ puræ, non habet ullum fundamentum, quod sit dignum homine, qui ratione sua utatur. Quod enim ipse credat ab his Theologis admitti in eo statu ex una parte appetitum sensitivum, datum a Deo tamquam malum principium mali moralis, & causam ad hujusmodi malum necessitantem, ex alia vero rationem naturalem cum auxiliis Divinis de ordine naturali tamquam bonum principium, seu causam necessitantem ad bonum morale, est omnino falsum. Apertissime enim illi profitentur salvam fore in eo etiam statu libertatem hominis ad bonum & malum, quia in eo appetitus sensitivus, sive illa, quæ nunc datur in pœnam peccati lex peccati, & carnis concupiscentia, alliceret quidem, non tamen necessitaret ad malum: & ratio pariter naturalis adjuta Gratia Divina de ordine naturali, sive lex mentis, & spiritus concupiscentia, ut loquitur Apostolus, incitaret ad bonum, non tamen necessitaret. Quæ tamen huic Wolfio non placet opinio de possibilitate status puræ naturæ, neque recentissime Joanni Cadonico, qui contra illam multa vehementer dixit per modum Episodii, dum impugnaret opinionem de Incolis in Planetis (2), illa est communior inter Catholicos, ut Philippus de Carboneano nuper fatetur (3), qui quidem aliquos nominat etiam pro opposita parte, inter quos tamen non est numerandus Vincentius Contensonius, ut ille facit; Hujus enim Auctoris propositio, quam expresse statuit, & fuscè propugnat sic habet, (4) *status naturæ puræ est quidem de Potentia Dei absoluta & extraordinaria possibilis*.

(1) Volf. Manichæ. sec. 2. n. 99. p. 297. Theol. Moral. Antoinet. ca. 16. pag. 415.

(2) Cad. Confut. di Derham. §. 16. p. 207. (4) Conten. Theol. de Gratia. Dissert. 4.

(3) Carb. Append. de Propos. damnatis ad ca. 1. specul. 2. pag. 23.

*bilis, non tamen conveniens, subindeque nec possibilis de potentia ordinaria.*

62. Pari modo non est ita facile concedendum Manichæos fuisse omnes illos veteres Philosophos, qui solent citari. Unus ex his est Plutarchus, qui cum alios Philosophos a Zoroastre ex dictis (§.60.) non satis distinxit, fuit etiam ipse ab aliis deinceps, ut a Cudwortho (1), & recentius ab Anglis hystoriæ universalis Auctoribus (2) inter propugnatores, aut prælusores Manichæismi computatus. Obijciunt enim illum sic arguentem: (3) *si nihil absque causa sit, & mali causam bonum non præbet, necesse est in natura, ut boni, ita mali suum principium extare.* Rursus cum de Platone ibidem loquatur, notant hæc illius verba: (4) *Plato multis locis quasi occultans & obumbrans suam sententiam, alterum contrariorum principium Idem, alterum appellat Diversum. At in libris de Legibus jam senior disertis verbis pronunciat Mundum, non unica anima, sed ad minimum duabus cieri, quarum una boni sit efficax, altera ejus contraria, & contrariorum opifex.* Locus Platonis fortasse est ille, Dialogo de Legibus decimo, ubi dicit, quod in Mundo (5) *non pauciores, quam duas (animas) ponere debemus, unam beneficam, contrariam alteram.*

Verum hujusmodi accusatio contra Plutarchum iniqua prorsus est. Nam imprimis citato libro partes ille historici dumtaxat tuetur. Deinde quæcunque ex eo obijciantur, possunt commode intelligi, vel in sensu, qui non abhorreat a Catholica doctrina de Angelis, qui sibi primum, & humano deinde generi per invidiam nocuerunt, vel in eo, qui congruat illi opinioni, in qua observante Moshemio (6) constat fuisse Plutarchum, quod scilicet non solum materia, substantia omnino iners præextiterit ab æterno, sed etiam alia quædam natura bruto & incompósito motu semper se movens, seu mens quædam demens, ex quibus Deus unica causa rerum

(1) Cudw. Syst. Intell. ca. 4. §. 13. p. 230.

(2) Stor. Univ. Cosm. p. 186. edit. Neap.

(3) Plutar. de Idæ. & Osirid. circa medium. pag. 190.

(4) Id. Ibid. pag. 193.

(5) Plato. de leg. lib. 10. ante medium.

pag. 593.

(6) Moshem. in notis ad Cudw. ca. 4. §. 13. pag. 233.

rum omnium formatrix composuerit hunc mundum, & quæ in ipso sunt species rerum diversas, (1) *quemadmodum*, sic Plutarchus in Psychogonia apud Cudworthum, *virum, musces peritum non vocem, aut motum facere, sed concinnam vocem, numerosumque motum producere opinamur: ita Deus neque corpori ut tangi, & resistere possit, neque animæ ut se moveret, indidit, sed utrumque sumens principium, alterum tenebricosum, alterum turbulentum, ambo imperfecta ordinavit, ut pulcherrimum animal efficeret*. In qua sententia et si nomen principii adhibeat Plutarchus, loquendo tam de materia inerti, quam de non inerti, planum est illud ab eo non sumi in sensu causæ efficientis, sed causæ materialis, seu ex qua res adspectabiles constant, quod longe distat a Manichæismo. Porro opinio de æternitate materiæ, quæ a Deo adhibita sit ad formationem Mundi, qui necessario imperfectus extitit propter imperfectionem materiæ, est quidem aliorum veterum, eandemque invenit Wolfius (2) in sermone illo, *Unde mala*, Maximi Tyrii Philosophi Platonici, qui Commodi temporibus Senator fuit Romanus, sed non satis aperto; ut ego arbitror, fundamento, si huic dumtaxat stemus illius sermoni, quem ipse citat: non tamen proinde sequitur his imputandum esse Manichæismum; Ad hujus enī genuinam ideam animo informandam opus est distinguere causam efficientem mali a causa ipsius materiali, & rursus causam efficientem mali, quæ in se mala sit a causa efficiente mali, quæ in se bona sit. Verus autem Manichæismus admittit causam mali, non utcunque sed efficientem, esse tum a se, tum in se malam.

63. Quando hæc prout opus erat, satis advertissent Wolfius, & Warburton, primus quidem nescio, an ullibi præterquam in Zoroastri illis vulgo citatis invenisset *Manichæismum ante Manichæos*. Secundus vero miratus non fuisse, quomodo S. Augustinus gratias Deo agat, quod per Philosophiam Platonis ab hæresi Manichæorum illum retraxerit, (3) *Humanitus loquendo*, inquit, *nihil magis con-*  
*ferre*

(1) Cudvort. Syste. Intell. cap. 4. §. 1.  
p. 230.

(2) VWolf. Manich. sec. 2. nn. 32. p. 132.  
(3) VVarb. Julian. Introduction. p. 14.

*ferre poterat ad retinendum Augustinum in Manichæismo, quam doctrina Platonis, qui duo coæterna principia statuebat, Deum & Materiam, quæ erat causa mali. Nam imprimis dato materiam per Platonem esse Deo coæternam, adhuc non sequitur, ergo materia ista est causa efficiens mali: ergo neque sequitur, quod ex hoc infert Wolfius (1) Platonem fuisse in errore Manichæorum. Profecto ex iis Philosophis, qui æternitatem materiæ mordicus propugnarunt est Aristoteles, qui tamen illam naturæ in se bonæ certe credidit; Ejus enim sententia est, ens & bonum invicem converti ex alibi (2) dictis, ejusdemque effectum est laudatum a S. Thoma, (3) si malum integrum sit, seipsum destruit, quia (sic S. Doctor prosequitur illud declarans) destructo omni bono, quod requiritur ad integritatem mali, subtrahitur etiam ipsum malum, cujus subjectum est bonum. Atque hoc etiam modo liberatur a nota Manichæismi Aristoteles illi a Wolfio (4) inusta. Rursus dato etiam hoc alio antecedenti, Materia Deo coæterna per Platonem est causa efficiens mali, non sequitur, ergo materia hæc est natura quædam in se mala. Illegitimas has illationes jam olim Eduardus Stillingfleetus deduxerat dicens, (5) quamvis Ethnici Philosophi non fuerint tam stupidi, ut duos Deos sibi invicem contrarios comministerentur, attamen utpote deducentes originem mali ex materia, ex qua Mundus factus est, possunt ad eundem errorem vi consequentiæ revocari.*

Quid quod redeundo ad S. Augustinum, ille fortasse fuit in ea opinione, quam alii propugnant, Platonem admisisse veram & rigorosam creationem. Hos equidem ipsius sensus, qui mihi in hanc rem occurrunt, non omitam: (6) *Effectricem facultatem dicimus vim quamdam, quæ causa est, ut sint postea, quæ ante non fuerant. Animalia cuncta, plantasque, & quæcunque inanimata nunquid alio quodam opifice fabricata, quam Deo facta esse, cum prius non fuissent, dicimus?* Verum his omissis, Augustini verba hæc sunt. (7)

*Mun-*

(1) VVolf. Manich. sec. 1. nu. 32. p. 124.

(2) Diff. de Bono. 6. 55. pag. 45.

(3) S. Thom. 1. p. qu. 49. ar. 3. Op. p. 169.

(4) VVolf. Manich. sec. 2. nu. 35. pag. 145.

(5) Seil. Orig. Sacre. l. 3. ch. 3. n. 11. p. 344.

(6) Plat. Sophista. circa finem. pag. 136.

(7) S. Aug. de Civit. li. 2. ca. 12. p. 310.

*Mundum non semper fuisse, sed esse capisse Plato apertissime confitetur*, quibus similia alio in loco dicit (1): ergo non solum satis congruum, sed omnino etiam necessarium fuit, ut Augustinus semel quod Platonius factus fuerit, desierit esse Manichæus.

64. Similiter Pythagoras passim ab Auctoribus Manichæorum Coriphæus describitur. At Moshemius non invenit in principiis hujus Philosophi, quid cogat statuere hanc de ipso opinionem, & distinguens in hac quæstione de origine mali varias errantium classes non male arbitratur paucos ex veteribus in Manichæam hæresim incidisse: sed ipsum Pythagoram, aliosque docuisse aliquid simile opinioni illorum, qui Deum constituunt Dominum omnium, & fontem omnis boni, & deinde Angelos in bonitate, quam a Deo receperunt perseverantes authores aliorum bonorum, Angelos vero a sua bonitate & quidem morali deficientes per propriam voluntatis suæ determinationem, tamquam malorum omnium Authores. In qua doctrina illud quidem notandum est, quod satis appareat cognitio per traditionem hausta de peccato tum Angelorum, tum primorum hominum, qui ad illud suasionem mali jam Angeli siverunt se induci: illud vero reprehendendum est, quod videantur hi Authores res semel creatas eximere a Divina Providentia, & tribuere Angelis tam bonis, quam malis potentiam agendi prohibito suo, quin indigeant ipsius Dei concursu ad omnes & singulas actiones.

Similiter cum eodem Moshemio (2) dicam illos, qui ex eo, quod Heraclitus dixerit, *fluere omnia, bellumque, patrem esse ac dominum rerum*, concludunt jure Plutarchum insinuasle (3) creditam ab illo causam mali, peculiarem quamdam naturam malam, injuriam illi, sed magis sibi inferre, qui vel interpretationibus, vel consequentiis tam illegitimis acquiescunt.

Similiter tanto jure mihi videntur aliqui ex eodem Plutarcho ansam assumere dicendi de Empedocle, quod per duo

E c

illa

(1) Id. Ibid. li. 10. ca. 31. pag. 267.

nu. 13. pag. 345.

(2) Mosh. in notis ad Cudworth. cap. 4.

(3) Plut. de Hæd. &amp; Obfid. pag. 192.

illa principia, quæ appellavit Litem & Amicitiam docuerit Manichæismum, quanto jure quis Newtonianos diceret Manichæos, quia admittunt Attractionem & Repulsionem, quæ sunt quid simile Liti & Amicitia.

Similiter tandem qui Manichæismum inveniunt in Calvinianis, sicuti Edzardus, cujus citatur Liber, *Manichæismus Calvinianorum*, & alii, qui de eo etiam Lutheranos & Jansenianos redarguunt, propterea quod tum illi, tum Manichæi dicunt non habere nos libertatem a necessitate in ullis nostris operationibus, hinc principio bono, Gratia Christi necessitante nos ad bonum, illinc principio malo, prava concupiscentia determinante nos ad malum, non sunt audiendi. Sicuti enim ridiculum est hoc argumentum, homo est bipes: sed etiam Gallus Gallinaceus est bipes: ergo homo est Gallus Gallinaceus; ita importunum est hoc ipsorum ratiocinium: Lutherani, Calviniani, & Janseniani negant hominem habere libertatem a necessitate; sed etiam Manichæi hoc negant: ergo Lutherani, Calviniani, & Janseniani sunt Manichæi. Utrobique consequentia est nulla, quæ tribuit duobus inter se diversis eandem appellationem propter unum attributum utrisque commune, cum illa in communi acceptione determinata sit ad unum præcipue significandum iisdem nullo modo commune.

65. Dum aliqui Manichæismi insimulant, qui de illo nunquam fortasse cogitarunt, Antonius contra Genuensis a Manichæismo recentius omnes absolvit, negans unquam extitisse ullos, qui nomine principii muli intellexerint rem quamdam naturam suam malam, (1) *Tantum*, inquit, *docuerunt malis mentem illam gaudere, at nunquam statuerunt physice malam esse*. Quare quæ S. Augustinus urget contra hanc naturam malam argumenta, nollet unquam protulisset tamquam superflua, & aerem verberantia, & pro sua hac opinione citat etiam Beaufobrem. Accipiam equidem quod ipse dat, Manichæismum esse commentum indignum sano homine, quod jam olim significantius expressit S. Augustinus dicens in ipsa hac re, (2) *Impietatem Manichæorum nimum*

(1) Genu. Elem. Metaph. pa. 1. in defin. nu. 75. pag. 62.

(2) S. Aug. contr. Julian. li. 2. ca. 1. p. 431.

*mium fultam & noxiam non solum Fides Catholica detestatur, verum etiam Hæretici omnes, qui non sunt Manichæi, Quod ipsimet intelligebant, qui propter hanc etiam causam, credo, omni studio curabant, ne aliis secum non delirantibus innotescerent, quemadmodum nobis describuntur a S. Jacobo Episcopo Nisibeno, uno ex illis, qui Concilio Nicæno contra Arium interfuerunt, in Tuo de Jejuniis sermone (1), & alijs Patribus ibidem citatis in notis, quibus Eius Cardinalis Nicolaus Antonelli illustravit tanti Patris opera, sua cura ex Armena lingua in Latinam primo prolata anno 1756. At quod pertinet ad historiam, non licet Genuensi, & Beausobrio credere præ Augustino & tota antiquitate, apud quam extabant scripta Manichæorum, quæ penitus de medio sublata fuerunt per flammæ, quibus ea aboleri iusserunt Romani Pontifices, S. Leo Magnus, & deinde Gelasius Primus, Symmachus, & Hormisdas, ut referunt Alticotius (2) ex Prospero & Anastasio ab ipso citatis, & Philippus de Carboneano in suis ad Theologiam Moralem Antoinæ additamentis (3), juxta morem non solum Ecclesiæ, sed omnis bene ordinatæ Reipublicæ, quæ ante inventam Typographiam feliciter hoc modo malos libros extirpabant, sicuti constat ex Tito Livio (4), Valerio Maximo (5), & Veteri Digesto (6).*

66. Probatur jam prima propositionis pars. Omne malum proprie tale est privatio perfectionis in ente, quod non est a se (§. 23.); Nam ens a se habet essentialiter omnem perfectionem, ut ubi agitur de Existentiâ Dei, ostenditur: Atqui omnis privatio perfectionis in ente, quod non est a se, est a causa positiva, quæ illud effecerit sic carens perfectione sibi debita, vel eâ privaverit: ergo omne malum proprie tale est ab aliqua causa positiva.

67. Probatur secunda pars. I. Omne malum proprie tale est ab aliqua causa positiva ex nuper dictis: ergo nullum

E c 2

malum

(1) S. Jac. Nis. serm. 3. §. 6. pag. 52.

(4) Liv. Hist. li. 34. nu. 16. pag. 407.

(2) Alt. de Ant. nov. Manich. cap. 10. pag. 72.

(5) Val. li. 1. cap. 1. nu. 12. pag. 6.

(3) Carb. App. ad tr. de Virt. Theolog. pag. 1127. ca. 1. pag. 434.

(6) ff. Familiz erciscundæ. L. Ceteræ.

malum proprie tale potest esse prima causa positiva ullius mali proprie talis; Nam aliter hoc malum, quod esset causa alterius mali proprie talis, non haberet causam: ergo prima etiam causa positiva omnis mali proprie talis est aliquod bonum.

II. Malum proprie tale est negatio quædam (§.22.): sed contradictionem involvit, negationem, seu nihilum esse causam positivam: ergo contradictionem involvit malum proprie tale esse ab aliquo malo proprie tali: ergo est ab aliquo bono.

III. Omne malum proprie tale est vel naturale vel morale (§.7.): sed omne malum naturale est a Deo, qui est summum bonum, omne autem malum morale actuale est a creatura, prout est libera, hoc est domina sui actus, in qua si consideretur mali hujus causa ut quod, cujus nominis notio alibi (1) tradita est, est ipsa creatura, quæ est quid bonum: si vero consideretur mali hujus causa ut quo, est libertas ipsius creaturæ, quæ non est malum aliquod, sed bonum atque perfectio. Malum tandem morale Originale est similiter privatio cujusdam perfectionis, sine qua excludimur a Visione Dei, & cujus causa fuit Adamus: ergo omnis mali proprie talis causa est aliquod bonum.

IV. Ideo malum naturale non esset a Deo, ut modo dictum est, quia repugnaret Divinæ Bonitati: sed non repugnat, quod probatur sic. Malum naturale vel est pure naturale, hoc est non inflictum propter culpam, & hoc ex dictis (§.37.) nullum est in creaturis rationalibus; in aliis vero creaturis illud non repugnat Bonitati Divinæ, si Deus illud velit non per se, sed de consequenti, quatenus scilicet malum istud sequitur ex eo, quod Deus volens successive omnia bona, horum existentia impossibilis cum illis inducat aliorum alterationem, vel destructionem, in quibus consistit malum pure naturale creaturarum, quæ anima non informantur, aut ratione; Hoc enim tantum abest, ut officiat Divinæ Bonitati, ut illam potius arguat esse vere Divinam, & conjunctam cum infinita ipsius libertate, potentia, & sapien-

(1) Diss. de Caus. effie. nu. 115. pag. 62.



pietia, quæ hoc modo consuluit continuæ varietati rerum, in quibus consistit pulchritudo Universi, quæ oblectationem, & admirationem conciliat creaturis intelligentibus. Atqui Deus vult malum pure naturale non per se, sed de consequenti, ut infra suadebitur: ergo malum pure naturale non repugnat Divinæ Bonitati. Vel malum naturale est malum non pure naturale, seu est malum pœnæ, & hoc non repugnat Bonitati Divinæ, tum quia arguit illam esse infinitam, utpote quæ nequit non abhorreere ab omni culpa: tum quia mala pœnæ laudabiliter intenduntur: tum quia novimus ne ista quidem Deum voluisse respectu hominum in hac vita, tantummodo ad finem puniendi, sed ut media ad alia bona, ut inferius dicam: ergo nullum malum naturale repugnat Divinæ Bonitati.

68. V. Ad hominem sic arguitur cum Ethnico Simplicio (1), Kingio (2), Wolfio (3), Trevoltianis (4). Per Manichæos non repugnat Deum infinite bonum esse primam causam rerum omnium hujus Mundi adspectabilis, etsi noverit illas evasuras naturaliter malas per vim principii cujusdam positivi mali in se, & a se: ergo neque repugnat Deum infinite bonum esse causam ipsarum, etsi noverit sine actione ullius principii positivi, quod esset absolute in se malum, fore processu temporis alterandas & destruendas, seu naturali malo afficiendas. Consequentia est bona, quia si Deus non cessavit esse infinite bonus in primo casu, nulla est ratio, propter quam suadeant illum deficere a sua Bonitate in secundo; Quæ enim ab aliquibus ipsorum assertur ratio teste S. Augustino (5), quod scilicet *ad hæc mundana molimina rebellantis adversum se mali extrema necessitate, perductus fuerit Deus*, est, ut idem ait, desipere, & insanire; Nam lumen ipsum rationis dicit Dei naturam incommutabilem, atque omnino incorruptibilem esse, eique nocere nullam rem posse, & rursus eam in se perfectissimam, & per se beatissimam non subiacere ulli necessitati quicquam extra se

(1) Simp. in Enchir. Epist. ca. juxta Caminium 50. pag. 49.

(2) King. de Orig. mali, ca. 2. n. 8. p. 39.

(3) VWolf. Mauch. sec. 3. nu. 4. p. 115.

(4) Mem. de Trev. an. 1706. ar. 53. p. 713.

(5) S. Aug. de Civit. li. 11. ca. 22. p. 283.

se creandi. Quare manifestum est stolidè excogitatum esse systema duorum principiorum alterius boni, & alterius mali ad effugiendam repugnantiam inconsiderate creditam in eo, quod a principio bono proveniat aliquod malum, quam deinde nullo modo Manichæi effugiunt. Hujus inconsiderationis accusari potest Jo. Franciscus Buddeus, cui visum est, (1) *Manichæorum de duplici principio systema* (quod cæteroqui ipse detestatur) *hoc habere commodum, quod per illud causa malorum & naturalium & moralium, quæ nos premunt, reddi queat.*

69. VI. Cum Stillingfleeto (2), & Hooke (3) sic arguitur. Nomine principii mali vel intelligitur ens a se contrarium in omni attributo principio bono, quod pariter est a se: vel intelligitur ens a se, quod solum est contrarium principio bono in benevolentia: Atqui utrumque est impossibile: ergo impossibile est ens a se, quod sit principium malum. Minoris prima pars probatur, quia ens contrarium in omni attributo enti infinite perfecto est ens continens negationem omnium perfectionum incipiendo a prima ipsarum, quæ est basis cæterarum, existentia: ergo ens a se contrarium in omni attributo enti a se infinite bono est ens simul & non ens, hoc est quid aperte impossibile. Minoris secunda pars probatur, quia ens a se habens omnes perfectiones & quidem infinitas præter benevolentiam est ens sibi sufficiens, & perfecte intelligens, & probans quod rectum est; & tamen nolens sine ulla sua utilitate rectum, quod cognoscit: sed ens aliter continuo volens ac cognoscit, est ens sibi ipsi continuo repugnans, & constans attributis ipsum intrinsecus perpetuo disceptantibus: ergo ens a se contrarium enti infinite bono solum in benevolentia est ens se ipsum destruens.

70. VII. Cum Cardinali Pallavicino (4). Duo ista principia Bonum & Malum vel sunt inæqualia in potentia, vel æqualia. Atqui non potest dici esse inæqualia, quia tunc principium potentius vel destrueret aliud in hunc sibi oppositum,

(1) Budd. Elementa Philosophiæ Theoreticæ par. 6. ca. 4. §. 7. pag. 370.

(2) Stilling. Origines Sacræ, lib. 3. cap. 3. v. 10. pag. 343.

(3) Hook. Princ. Relig. tom. 1. sec. 2. art. 2. pag. 283.

(4) Pall. del Bene. li. 2. ca. 47. n. 5. p. 285. Et de Ad. hum. li. 1. n. 196. pag. 262.

fitum, vel saltem evinceret quicquid vult contra alterius conatum quemcunque, adeoque essent semper vel pura bona, vel pura mala, quod est contra evidentiam: Neque potest dici, quod sint æqualia in potentia, quia æquales potentie invicem oppositæ nihil possunt producere, nisi vel dicatur quasi ex insidiis in casu alicujus in altero oscitantie produci ab unoquoque effectus sibi proprios, quod est statuere ista duo principia non solum ambo imperfecta contra naturam entis a se, sed ambo etiam infelicissima, ut observant Pictetus (1), & Wolfius (2), utpote quæ in continuo mœrore versari debent ex adpectu tot rerum vi principii sibi contrarii perpetuo existentium: vel dicatur pro libertate, quæ illis tribuatur, consentire in aliqua productione; quæ consensio inter ista principia imprimis impossibilis est, quia contra naturam principii boni est consentire in malum, & contra naturam principii mali est consentire in bonum, idque tam constanter, quantum apparet ex conservatione hujus Mundi machinæ, quæ tamdiu eodem ordine conservatur: jamque si consentirent, '(3) *duo principia*, inquit Wolfius, *contraria, re consentientia statuereutur*. Deinde ea etiam consensione admittenda jam cessaret ratio admittendi ista duo principia, quæ est ut salvetur bonitas principii boni indemnis, & sine ulla nota post tot mala existentia; Nam cum hac consensione, per quam principium bonum vult, ut quid agat etiam principium malum, illa bonitas vel non salvatur, vel si salvari dicatur, salvabitur etiam in ea productione rerum omnium, quæ mixta sit malis per solum principium bonum facta ex dictis (§.68.).

71. VIII. Ens malum a se, quod sit causa omnis mali involvit contradictionem in eo, quod ponit effectus aliquos esse & non esse malos. Sunt quidem ex hypothesi, & etiam quia ratio adtribuendi illud malum a se est, ut habeatur causa malorum effectuum: non autem sunt, quia effectus mali saltem morales postulant essentialiter, ut non sint a causa necessaria, sed libera a necessitate: sed illud malum a se in doctri-

(1) Pi& contr. l'Indiffé. chz. 10. p. 120.

(2) Wolff, Metaph. sec. 3. n. 3. pag. 314.

(3) Id. Ibid pag. 323.

doctrina Manichæorum est causa necessaria omnis mali : ergo effectus illius causæ malæ a se non sunt mali . Argumentum hoc insinuavit jam olim Simplicius (1), & deinde Stillingleetus (2).

IX. Contra illos præsertim Ethnicos , qui ( §.62.) reputant malum proprie tale ex natura aliqua a se tum materiali & indocilis indolis , tum spiritali & malignæ indolis , quarum prima coegerit Deum , qui materiam illam disposuit in hanc Mundi adspectabilis speciem , facere plura imperfecta contra id , quod ejus natura plena bonitatis vellet : quia illa ulterioris incapax esset perfectionis , quemadmodum statuarius effingit Herculem jacentem potius , quam dimicantem cum monstris , quia perfectiorem hanc statuam materia sibi data non patitur : secunda vero , scilicet spiritalis natura pervertat continuo suis perturbatis , & furentibus moribus ejusdem opera jam naturaliter perfecta , sic arguitur . Nullum potest esse ens a se nisi unicum , illudque infinite perfectum & Deum , ut ubi de existentia Dei agitur , demonstratur : ergo materia a se , & mens aliqua a se imperfectissima usque ad insaniam tamquam proprium ejusdem attributum , sunt naturæ , quæ nec sunt nec possunt esse . Argumentum hoc desumptum ex unitate Entis a se fuscè promovet citatus Wolfius (3) , & ostendit jam olim adhibitum esse a multis , quibus addatur Pictetus (4) .

72. Alia argumenta & solutiones ad objectiones Manichæorum eruentur ex S. Augustino , qui multus fuit in oppugnanda natura a se mala , ut causa omnis mali proprie talis . Libri qui de hac re consuli præcipue possunt , sunt .

I. Libri tres de libero Arbitrio , quorum primus scriptus fuit ab illo jam Baptizato , Romæ anno Christi 388 , reliqui duo in Africa jam Presbytero anno 395.

II. Libri duo de Moribus Ecclesiæ Catholicæ alter , alter de Moribus Manichæorum scripti circa annum 388 , vulgati circa annum 389 , prout volunt Patres Maurini .

III. Li-

(1) Simp. Comm. in Epiſt. ca. juxta Can. 50. pag. 49.

(2) Stillin. Orig. Sac. li. 3. ca. 3. nu. 10. pag. 343.

(3) VVolf. Manich. sec. 3. nu. 1. pag. 306.

(4) Pic. cont. l'Ind. ff. cha. 4. pag. 64. Id. ibid. cha. 10. pag. 120.

III. Libri duo de Genesi contra Manichæos scripti anno 389, quorum meminit jamdudum Episcopus in libris de Genesi ad litteram (1).

IV. Liber de Vera Religione anno pariter circiter 389 editus, maxime a doctis commendatus, cujus extrema potissimum pars est contra hanc hæresim Manichæorum.

V. Liber de duabus animabus scriptus circa annum 391, qui est primus sui presbyteratus.

VI. Liber contra Adimantum Manichæum scriptus anno circiter 394.

VII. Liber contra Epistolam Fundamenti scriptus circa annum 397, qui fuit secundus sui Episcopatus.

VIII. Libri triginta tres contra Faustum Manichæum, quos opus grande vocat ipsemet Augustinus, vulgati anno 400.

IX. Libri duo de Actis cum Felice Manichæo, qui pertinent ad annum 404.

X. Epistola 79, alias 244 contra Presbyterum Manichæum scripta forte anno 404, & Epistola ad Deuterium 236, alias 74, incerto tempore exarata.

XI. Liber de Natura boni circa annum 405. ponendus.

XII. Liber contra Secundinum Manichæum scriptus circa annum 405, *quem omnibus, inquit ille (2), quos adversus illam pestem scribere potui, facile præpono.*

XIII. Libri duo contra Adversarium Legis & Prophetarum scripti circa annum 420.

XIV. Sermo primus, alias quartus de Diversis. Et sermo 152 de Verbis Apostoli, qui primum prodiit per Patres Maurinos. Et sermo 153, alias quartus de Verbis Apostoli. Et sermo 182, alias 30 de Verbis Epistolæ primæ Joannis capite quarto: & alii.

XV. Videri etiam possunt liber, *de Fide contra Manichæos*: Et rursus *Commonitorium Ecclesiæ Catholice, quomodo sit agendum cum Manichæis, qui convertuntur*, inter opera S. Augustini collocata, utpote illi olim adscripta, modo in appendice rejecta ex rationibus, quas in singulis præ-

F f

mit-

(1) S. Aug. de Gen. ad lit. li. 8. ca. 3. nu. 5. (2) S. Aug. Retrac. li. 2. ca. 10.

mittunt Editores Maurini ad Tomum 8.

73. I. Objicitur. Bonum est contrarium malo : sed unum contrarium nequit esse causa alterius contrarii : sic calor nequit esse causa frigoris , nec lux tenebrarum , & viceversa : ergo bonum nequit esse causa mali .

Resp. dist. maj. Bonum est contrarium malo , si bonum & malum sumantur in concreto , scilicet pro re bona , & re mala , conc. majorem , si sumantur in abstracto , scilicet pro bonitate , & malitia rei , nego majorem ; Nam ut supra ( §. 32. ) etiam notatum est , bonum & malum sumpta in abstracto non sunt contraria , sed privative opposita . Et omissa minori , nego consequentiam . Minor omittitur , quia non est universaliter vera . Verum quidem est illud , quod est contrarium alteri per carentiam ejus perfectionis , quæ est in altero , non posse perfectionem hanc producere , qua caret . Sic quia corpus frigidum , per carentiam caloris contrarium est corpori calido , nequit quod frigidum est producere calorem . Verum etiam est illud , quod habet unam perfectionem , non posse producere oppositam , quando est causa necessaria , & ad unum effectum determinata . Sic quia calor est causa determinata ad calefaciendum , & lux ad illuminandum , nec calor potest producere oppositum frigus , nec lux contrariam obscuritatem . At falsum est illud , quod non est causa determinata ad unum effectum , sed libera ad agendum , & per aliquid quo caret alterum , est ipsi contrarium , non posse hoc sibi oppositum producere . Sic dives , qui contrarius pauperi est , potest seipsum reddere pauperem , & alios relinquere in paupertate sua , vel hanc in illis etiam augere : & similiter fortis , qui contrarius est debili , potest se debilem facere , & aliunde debiles reddere debiliores : & qui ridet , potest in se excitare tristitiam , & alios jam tristes magis contristare .

74. II. Objicitur . Multa mala sunt , in hoc Mundo , & non sunt a se , ut est evidens : ergo ea sunt a causa tandem aliqua a se , quæ continet vel formaliter vel eminenter omnia mala : ergo datur ista causa a se mala . Prima consequentia probatur , quia causa efficiens debet continere aliquo

quo modo vel formaliter vel eminenter suum effectum juxta receptum axioma, nemo dat, quod non habet, nec potest procedi in infinitum in serie causarum. Antecedens autem probatur. Mala sunt serpentes, bufones, tineæ, aliaque pene innumera insecta: mala similiter sunt spinæ, tribuli, aliaque innumerabilia, vel inutilia vel pernicioſa vegetabilia & fossilia. Mala tandem sunt multitudo illa pauperum, qui per continuos labores vitam coguntur ducere, quæ evidenter est pars maxima generis humani: ergo.

Resp. permitto primam partem antecedentis, quia ut apparet ex probationibus, in malorum numerum reputantur, quæ vix in aliquo casu dumtaxat mala sunt, vel ut verius dicam, sunt occasio alicujus mali in aliis a se distinctis: & distinguo secundam, multa mala non sunt a se, si sermo sit de naturalibus, & moralibus, conc. hanc partem; Nam hæc sunt privationes, & requirunt causam privantem: si sermo sit de malis metaphysicis, nego hanc partem; Nam hæc sunt meræ negationes (§.5.), quæ non requirunt ullam causam, adeoque etsi illis per nostrum modum cogitandi possimus tribuere esse, non possumus tamen tribuere, quod sint ab alio; & nego consequentiam, cujus probatio ex dictis non solum nulla est, sed videtur etiam continere falsam suppositionem de natura mali positiva, quoniam requirit, ut hujus causa illud habeat vel formaliter, vel æquivalenter.

75. Quod pertinet ad probationem antecedentis, distinguo, illa quæ enumerantur, sunt mala simpliciter, nego: sunt mala secundum quid, & quidem respectiva, subdividinguo: sunt mala respectiva Mundo, cujus sunt partes, nego: aliquibus in particulari, ut nobis, iterum subdividinguo: aliquando & inadæquate concedo, semper & adæquate nego. Distinctio declaratur: Omnia illa, quæ obijciuntur, considerari imprimis possunt secundum se sive absolute: Atque hoc modo certe non sunt mala proprie talia, neque enim sunt mala moralia, ut est evidens, neque mala naturalia; Nam sunt entia in suo genere perfecta, & admirabilis constructionis, in qua contemplanda Philosophi omnis ætatis tam pro-

phani, quam sacri defixi hæserunt cum incredibili voluptate, ut testantur acutissimæ de hac re lucubrationes, quas nobis reliquerunt. Juvat aliqua ex utrisque testimonia proferre. Ex profanis in mentem revoco Aristotelem, qui de partibus animalium copiose scribens, puerile appellat fastidium illorum, qui ad sordentium animalculorum naturam inquirendam defletere ingenium recusant, quandoquidem, inquit, in his etiam admirando plane magisterio natura inest ac Deus. Plinii sunt hæ circa minima insecta admirationes: (1) *In his tam parvis, atque tam nullis, quæ ratio, quanta vis, quam inextricabilis perfectio! Ubi tot sensus collocavit in culice? Ubi in eo visum prætendit? Ubi gustum applicavit? Ubi odoratum inseruit? Ubi vero truculentam illam, & portione maximam vocem ingeneravit? Quæ subtilitate pennas annexuit, prælongavit pedum crura, disposuit jejunam caveam?* Newtonus ex recentioribus picate quidem, sed nervose sic discurret, (2) *Habent animalia bina latera, dextrum & sinistrum forma consimili, & in lateribus illis a posteriori quidem corporis sui parte pedes binos, ab anteriori autem parte binos armos vel pedes vel alas humeris affixas, interque humeros collum in spinam excurrans, cui affixum est caput, in eoque capite binas aures, binos oculos, nasum & linguam, similiter posita omnia in omnibus fere animalibus. Deinde partes illæ corporis tam exquisita arte atque consilio fabricatæ, oculi aures cerebrum muscoli glandes cor pulmones diaphragma larinx manus alæ vesicæ ad natandum, membranæ pellucidæ animalium quorundam oculis instar conspicillorum obductæ, aliæque sensus, & motus organa: horum sane omnium conformatio prima nulli rei tribui potest, nisi Intelligentiæ, & Potentiæ Entis potentis semperque viventi.*

Venio ad aliquos ex Philosophis sacris. In his dignus est, qui legatur S. Basilus per tres integras homilias (3) admirans structuram animalium in variis reptilibus, volatilibus, aquaticis, & terrestribus. Aliis omissis unus audiat Augustinus:

(1) Plin. Histor. natur. li. 11.

(2) Newt. Optic. li. 3. qu. 31. pag. 164.

(3) S. Bas. in Hexæm. hom. 7. & sequ. pag. 62.



nus: (1) *Vermiculi*, inquit, *laudem sine ullo mendacio copiose possum dicere, considerans nitorem coloris, figuram, teretem corporis, priora cum mediis, media cum posterioribus congruentia, nihil ex una parte formatum, quod non ex altera parili dimensione respondeat. Quid jam de anima ipsa dicam, vegetante modulum corporis sui, quomodo eum numero moveat, quomodo appetat convenientia, quomodo vincat aut caveat obsistentia quantum potest, & ad unum sensum incolumitatis referens omnia, unitatem illam conditricem naturarum omnium multo evidentius, quam corpus insinuet: loquor de vermiculo qualicunque.* Compendiose alibi dicit in membris cujusvis animalis inveniri mensuras numeros & ordinem ad unitatem concordiae pertinere, subdens (2) *quod si cogitarent isti loquacissimi & ineptissimi, non nobis tedium facerent, sed Deum artificem ubique laudarent: & plane intelligerent, quam vere dictum sit, (3) Fecit Deus bestias terrae, & omne reptile, & vidit quod esset bonum, quia eodem monente (4) non ex commodo vel incommodo nostro, sed per se ipsam considerata natura dat artifici suo gloriam.* Igitur objecta creaturae non sunt mala absoluta.

76. Similia valent, quod pertinet ad ea, quae ex Vegetabilibus & Fossilibus obijciuntur.

Quod autem pertinet ad pauperes, non cadit in controversiam illos, prout homines sunt, esse bonum omnino æquale primis Terrarum Regibus, quos (5) *videri concretos esse ex puriori elementorum substantia*, credo, scripserit Udallus splendore Regis, cui librum suum dicabat, excæcatus. Pro ut autem sunt pauperes, non potest dici illos esse quid malum, seu malis omnium gravissimis occupatos. Certe enim felicitas hominis in hac vita non consistit in divitiis, & solis bonis ipsi extrinsecis, sed præcipue in intrinsecis, tam ex parte corporis, quam ex parte animi. Jam vero ex bonis intrinsecis corporis quis neget potissimum esse bonam valetudinem; & hanc in infima plebe longe firmiorem plerunque esse,

(1) S. Aug. de Ver. Relig. ca. 41. p. 285.

(2) S. Aug. li. 1. de Gen. cont. Manich. ca. 16. pag. 120.

(3) Gen. ca. 1. 25.

(4) S. Aug. de Civit. li. 2. ca. 4.

(5) Udall. The history of Mary Stuart. The Preface.

esse, & longe minoribus subjacere aggressionibus morborum atque dolorum, quam in Principibus, & Patribus conscriptis? Ignotum fortasse apud rusticos est, quid rei sint dolor capitis, podagra, colica affectio, quæ sunt ægrotationes acerbissimæ, nec infrequentes in Vitelliis, & Lucullis. Cum autem de gravioribus corporis doloribus verum sit illos irruere potius in divites, quam in pauperes, idem multo evidentius est de animi ægritudinibus. Hæ turmatim ædes principum circumvolitant, easque violenter invadunt: at vix aliqua aliquando accedit ad pauperum casas, & rusticorum mapalia. In his proinde tranquillitas illa animi, tanta felicitatis humanæ pars, frequentior & abundantior est, quam in illis, a quibus plerumque exulat, ut luculenter declarat, & suadet Cardinalis Pallavicinus (1). Atque quam dicant aliqui ex pauperibus seu vulgaribus hominibus, qui vitam continuo labore debent sustinere, pati se propter hoc ipsum infelicitatem, eam invenimus ejusdem generis esse, ac est in quibusvis etiam ditissimis, qui forte sua nolunt esse contenti. Euripo hos assimilat Maximus Tyrius, qui nunquam consistere, quietemve agere norunt, & (2) *quum*, inquit, *equorum mille armento curando equiso unus, innumeris ovibus pastor unus, permultis bubus bubulcus unus satis sit, unius tamen corporis obsequio multis opus est manibus & artibus; atque utinam tot ista sufficiant*. Quis autem non videat hujusmodi malo finem ab illis imponi posse, quoties in animum inducant illud Horatii (3)

*... Quod petis hic est*

*Est ubi vis, animus si te non deficit æquus:*

Cui similia multa Seneca acute & graviter congestit in suis Epistolis (4); & multo magis quoties credant Apostolo testanti, quod (5) *unusquisque proprium donum habet ex Deo, alius quidem sic, alius vero sic*, adeoque monentis, ut (6) *unusquisque, in qua vocatione vocatus est, in ea permaneat*. Quem locum in horum gratiam pluribus tractatibus luculen-

ter

(1) Pall. Christiana Perfez. li. 1. cap. 5.  
& seq. pag. 16.

(2) Tyr. fer. 25. nu. 147. pag. 190.

(3) Hor. Epist. l. 1. l. 1.

(4) Sen. Epi. 119. pag. 504.

(5) 1. ad Corinth. 7. v. 7.

(6) Ibid. ver. 20.

ter illustrat Alphonsus de Sarasa (1), utpote continentem unum ex præcipuis præceptis, in quibus suum opus, *Arts gaudendi*, versatur.

77. Secundo quæ obijciuntur, considerari possunt respectively ad totum Mundum, cujus sunt partes, & ne hoc quidem modo inveniuntur mala, sed diversi generis bona; Nam si loquamur de noxiis brutis & plantis, ea sunt totidem diversæ creaturarum species singularis artificii, quibus ut ait S. Augustinus, (2) *completur hujus universitatis integritas, quæ multo major est, quam domus nostra, & multo melior*. In quo animadverti debet Dei Providentia manifeste relucens in eo, quod animalibus utilibus omnia impleverit maria terras & aera, illis vero, quæ noxia magis nobis sunt, quam utilia, pauca dumtaxat produxerit, & in paucis locis, ita ut ex libris solum aliqua illorum nobis nota sint, cujusmodi est avis illa Peruana Cuntur dicta, quæ ex præda ovium, puerorum, & etiam majorum animalium vivit, utpote tantæ extensionis, ut alis expansis inventa sit referente Derhamo (3) habere latitudinem pedum sexdecim: eademque parum voluit multiplicari data ipsis tenui & rara foecunditate, quasi unice illa creaverit, & conservet ad rerum varietatem, & Mundi hujus adspectabilis pulchritudinem. Sin autem loquamur de illis, qui labore manuum suarum coguntur vivere, planum est sine his non haberi nec Urbes, nec Respublicas, nec Regna, nec Artes, nec Scientias; Hæc enim omnia non subsistunt sine hujusmodi inæqualitate conditionum inter homines. Igitur objectæ creaturæ ne sunt quidem mala respectiva toti Mundo.

78. Tertio considerari possunt respectively ad aliquas creaturas extra se, atque hoc modo inveniuntur esse causas quasdam mali in nobis, quos afficiunt vel dolore, vel miseriis: Sed hæc ratio mali imprimis non convenit illis adæquate; Etsi enim de usu potissimo, & ut ita dicam directo illarum creaturarum debeamus dicere cum Augustino, (4) *Fateor me nesci-*

(1) Sar. *Arts gaud. par. 1. tr. 10. & seq. pag. 243.*

(2) S. Aug. de Gen. cont. Manich. lib. 1. ca. 16. pag. 320.

(3) Derh. *Physico-Theo. B. 4. cha. 20. pag. 169.*

(4) S. Aug. de Gen. cont. Manich. lib. 1. ca. 16. pag. 319.

*nescire, mures & ranæ quare creata sint, aut muscæ aut vermiculi: attamen non possumus sine mendacio affirmare nullam ab illis in nos utilitatem, & jucunditatem derivari, cum plura ex illis sine dubio bona eliciamus respectu tum corporis, tum animi.*

De bonis ad corpus spectantibus multa jam olim observarunt aliqui ex SS. Patribus & Philosophis, quæ novis additamentis ita amplificavit in dies recentiores observatores, ut magis semper ac magis approbetur Græcorum consilium, qui ipsi medendi scientiæ nomen a pharmacis, hoc est venenis fecerunt. Omisissis illis, quæ de hyena, colubro, aquila, accipitre, ipsis cimicibus, aliisque in hanc rem dicit S. Hieronymus (1), sunt Viperæ veneno præsentissimo noxium animal, quæ præbent carnes aptas natas ad comparanda optima antidota, ad dissolvendam torpedinem, & alios usus salutares præstandos, ut notat Derhamus (2). Sunt Scorpiones & Formicæ, ex quibus spiritus per Chemicam elicitur, qui invenitur remedium efficax in quibusdam morbis. Sunt vermes habitantes in visceribus animalium, qui motu suo humorum coagulationem, noxiam vitæ ipsorum conjicit Vallisnerius (3) impedire. Sunt minima terræ & aeris insecta, cibus majorum, & hæc avium, in quibus delicias nemo negat nobis comparatas. Sunt tineæ, quæ naves & ligneas trabes terebrant, & dissolvunt, & multa insecta, quæ ad alimentorum præproperam corruptionem nata diceret, cum tamen hæc observante Pluche (4) vinculum quoddam sint, quo diversæ gentes in mutua unione constringuntur; Moscus enim & Norvegus bitumen apud se abundans, quo naves illinantur: Svecus superfluas sibi quercus & abietes, quibus eadem reparentur, commutant cum aliis gentibus cum Sale & Aromatibus, quibus suos illi cibos sibi conservent. Est ex Vegetabilibus cicuta, quæ homini venenum est, sed coturnices opimat. Et ex Fossilibus est stibium, quod referentibus Dictionario Trevoltiano (5), & Transactionibus Philosophi-

(1) S. Hie. ad Jovinianum li. 2. pag. 48.

(2) Derh. Physico-Theol. B. 9. cha. 1. in notis. pag. 397.

(3) Vallisn. de Vermi ordinari del corpo.

(4) Plu. Lettera dell' uso dello spettacolo. tomo 6. pag. 226.

(5) Dict. de Trev. art. Antimoine.

cls (1), antiquior medicina ita abhorruit, ut qui ex Medicis eo uti ausus fuit ante hæc duo ultima sæcula, graves pœnas non effugerit: at compertum jam est illud posse ita pertractari, ut inter remedia universalia locum obtineat. Nec dissimili modo in omnibus viventibus, & vegetabilibus, & fossilibus, quæ vulgo minus utilia, & etiam noxia habentur, (2) *Siquis*, dicam cum Chrysostomo, *velit sapienter cognoscere, inveniet magnam ex illis nobis utilitatem provenire*, quam in multisprehenderunt jam, & exposuerunt acutissimi viri, ut præter citatum Pluchem & Derhamum (3) in aliis etiam locis, faciunt Lesserus (4), & Grævius (5). Et illa, inquit Kingius, (6) *de quorum usu non constat nobis, nullius habenda non sunt*. Qui aliter faciat dicit Jacobus Riccati (7) est magis perversus & imprudens illo, qui volumen plenum doctrina sagacitate & nitore, contemnit propter aliqua, quæ forte ex sua potius tarditate, quam alia de causa in eo minus intelligit. His similia non semel dixit (8) S. Augustinus, jure stultos vocans illos, qui cum (9) apud artificem hominem non audeant vituperare, quæ ignorant, sed cum ea viderint, credunt esse necessaria, & propter usus aliquos instituta: in hoc autem Mundo, cujus Conditor & Administrator prædicatur Deus, audent multa reprehendere, quorum causas non vident.

79. Sed bona in animos ex hujusmodi objectis rebus redundantia potiora sunt, nec limitata ad aliquas creaturas rationales, & in aliquibus circumstantiis: (10) *Profunt*, sic olim S. Bernardus, *visu est non usu, utiliora cordibus insuetum, quam corporibus utentium*. Atque illud imprimis bonum certum est in nos derivari, quod eorum contemplatione sensus nostri, & intellectus recreentur, & in cognitionem diversarum Creatoris perfectionum proficiamus. Nonne

G g

enim

(1) Trans. ann. 1754. ar. 105. pag. 832.  
(2) Chryl. Hom. 7. in Genes. circa finem. pag. 68.

(3) Der. Physico-Theol. b. 2. ch. 6. not. pag. 58.

(4) Les. Teologia de gl' insecti. l. 2. ca. 5. & seq. pag. 111.

(5) Græ. Cosmol. ca. 2 sec. 49.

(6) King. de Orig. Mali. cap. 4. sec. 4. nu. 7. pag. 77.

(7) Ricc. Oper. to. 2. lib. 1. cap. 13. §. 9. pag. 148.

(8) S. Aug. de Civit. l. 1. ca. 22. pag. 288.

(9) Id. de Gen. cont. Manich. lib. 1. ca. 16. pag. 319.

(10) S. Ber. ferm. 7. in Cantic. nu. 5. pag. 6.

enim mirifice oblectamur, dum in floralis inodorus etiam & insalubres flores, ceu Tulipas, & Anemones, & omnis generis herbas ac plantas, præsertim si exoticæ sint, contemplamur, & dum curiose inspicimus in suis septis Leones, Tigrides, aliasque terribiles feras? Atque hinc certum deducimus argumentum magnificentiae Principum, qui hæc studiose conquisita jubent sollicite tueri & educari: Quanto magis Dei, qui omnia hæc nutu voluntatis suæ creavit, atque conservat. Qui exaggerant non apparentem utilitatem rerum aliquarum vel illarum nocumentum, nisi caute tractentur, hi videntur nolle concedere Deo aliud attributum præter Beneficentiam illam, quæ referatur ad commodum corporis, cum cæteroquin sint ipsi etiam ex anima compositi, & in Deo sit Bonitas respiciens hanc ipsorum animam, & Sapientia & Potentia, aliaque attributa, pro quibus etiam cognoscendis menti nostræ indita est non solum tanta vis, sed etiam quidam in scientiam impetus. Est etiam illud ad voluntatem pertinens bonum, quod eadem reddant nos Deo obsequentes, nec contra ipsum superbientes; Nam inquit S. Augustinus, (1) *ipsa utilitatis* (quarundam rerum) *occultatio, aut humilitatis exercitatio est, aut elationis attritio*, & alibi dicit, (2) *propter superbiam nostram domandam creata illa, quæ molesta sunt: populum Pharaonis superbum poterat domare de Ursis, muscas & ranas illis immisit, ut rebus vilissimis superbia domaretur*. Derhamus hanc ipsam rationem instrumenti Divinæ vindictæ in noxiis istis creaturis considerans (3) arbitratur, hæc propter hoc ipsum frequentiora esse apud gentes, quæ minus Deum, ejusque legem venerantur. Igitur eadem objectæ res non habent certe adæquatam rationem mali respectivi extrinseci.

80. Quarto ipsa hæc eadem ratio mali respectivi ne competit quidem illis semper; Accidit enim pigris, ut bonas fruges amittant, quia sinunt eas suffocari ab herbis sibi inutilibus: accidit stolidis, ut sata non metant, quia illa expectant a locis ineptis ad illorum productionem: accidit fordidis

(1) S. Aug. de Civit. l. 11. c. 22. p. 188.

(2) Id. trac. 1. in Joann.

(3) Derh. Physico-Theol. B. 9. cha. 2.

pag. 399.

didis, ut ipsorum corpora corrodantur a pediculis, & ipsorum vestes a tineis: accidit incautis ut lædantur a furore bestiarum, aut veneno plantarum. Sed in aliquibus etiam ex his, quibus quis aliquando lædatur, paratum a Deo præsens remedium fuisse observavit Derhamus (1). Ita ex Meadio refert in Axungia viperina haberi antidotum ad illius morbum tam efficax, illà supra ipsum statim defricata, ut eo confisi nihil ab illo sibi timeant, qui illas venantur, & ex suamet observatione, *apes*, inquit, *vespas crabrones contrita & confricata*, & *supra vulnus ligata*, *semper inveniri esse illius certum remedium*.

Tandem ratio ista mali respectivi communis est ipsis cum iis etiam creaturis, quæ maxime nobis utilia, & necessaria habentur.

*Nil prodest, quod non ledere possit idem*, statuit jam olim Ovidius (2), & pluribus exposuit. Similiter post S. Augustinum (3), & Theodoretum (4), inquit Kingius, (5) *Nihil in tota terra est, quod non ledat hominem, nisi caute tractatum, cibo, potus, aqua, ignis. An ideo facienda non erant, quia hominem ledant? nec minus caveri a venenatis & feris potest, quam ab iis. . . . & vix millesimi per venena necantur, aut feris lacerantur, qui per ferrum pereunt, nullam tamen culpam hinc Divinæ Bonitatis impingimus*. Et generaliter loquendo, de omni omnino bono in se vidimus alibi (6), dici cum veritate posse, quod sit etiam malum alteri saltem indeterminate sumpto; & propter hoc ipsum, quod sola virtus sit bonum, quod malum nunquam potest esse suo possessori, alibi (7) pariter observatum est, fuisse jam olim Philosophos, qui recusarunt cæteris quibuscunque rebus nomen boni, & melius alii dixerunt esse bona vel media vel infima. Igitur proprio quodam modo objectæ res causæ nobis sunt mali inadæquatæ, quatenus cogunt nos, vel ab illis caveri diligentius, vel illis re-

G g 2 stere

(1) Id. Ibid. B. 2. ch. 6. not. pag. 56.

(2) Ovid. li. 2. Trist. pag. 194.

(3) Aug. de Civit. li. 11. ca. 22. p. 288.

(4) Id. de Morib. Manich. cap. 8. num. 11. pag. 720.

(5) Theod. interr. 18. in Genes. pag. 14.

(6) King. de Orig. Mali. cap. 4. sect. 4. num. 7. pag. 77.

(7) Diss. de Bono. §. 10. p. 9.

(8) Ibid. §. 68. pag. 55.

sistere, quod habent ex dictis (§.37.) solum post peccatum Originale.

81. Atque circa spinas & tribulos fuit opinio S. Augustini non semel absolute prolata, terram non peperisse talia vegetabilia, nisi post peccatum, (1) *ad peccatorem in labore, conterendum secundum Dei judicariam voluntatem*. Pro eadem citantur SS. etiam Basilus, Ambrosius, & Damascenus (2). Huic opinioni ansam dare visa sunt illa verba Geneseos, (3) *quia comedis de ligno, de quo praeceperam tibi ne comederes, maledicta terra in opere tuo . . . spinas & tribulos germinabit tibi*. Verum ne in illius favorem hæc accipiantur, facit primo ipse Augustinus, qui alibi monet ex eo, quod dictum sit, spinas & tribulos germinabit tibi, (4) *non facile dicendum tunc capisse ista oriri ex terra*. Facit secundo quod dicitur, (5) *requievit die septimo ab universo opere*, quod communiter interpretes assument, ut excludens omnem novam rerum creationem post diem sextum. Tertio facit, quod etiam in illis habetur ratio boni in se, quandoquidem ut ipse Augustinus dicit, (6) *Habent & tales herbe modum & speciem & ordinem suum, quæ quisquis sobrie consideraverit, laudanda reperiet*. Et rursus habent rationem boni etiam utilis. Ita, ut idem S. Doctor observat, sunt animalia, (7) *quæ his generibus & melioribus & aridioribus commode suaviterque vescuntur*. Ita Sal perfectius & abundantius erui ex plantis spinosis dicunt Chymici. Ita optimus ad constructionem vitri cinerem suppeditari a carduis testatur Derhamus (8). Ita si accidat, inquit Grævius (9), ut vepres pungant dominum, nonne fures etiam arcent aut retardant? Et Virgilius (10)

*Aut illæ pecori frondem, aut pastoribus umbram  
Sufficiunt, sepemque satis, & pabula melli.*

Quar-

- (1) Aug. de Nat. Boni. ca. 36. pag. 510.  
Id. de Genes. cont. Manich. li. 1. ca. 13.  
pag. 318.  
(2) Bzf. hom. 5. Hexæm.  
Ambr. li. 3. Hexæm. ca. 9. & 11.  
Damasc. de Fide. li. 2. ca. 10.  
(3) Genes. 2. v. 2.  
(4) Aug. de Gen. ad lit. li. 1. ca. 18. p. 202.

- (5) Gen. 2. v. 2.  
(6) Aug. de Nat. Boni. ca. 36.  
(7) Id. de Genes. ad lit. li. 1. ca. 18. p. 202.  
(8) Der. Physico-Theol. b. 10. in notis  
pag. 405.  
(9) Græv. Cosmol. li. 3. ca. 2. sec. 47.  
(10) Virg. Georg. li. 2. v. 434.



Quarto facit, quod ex eo, quod nocere possint, non sequitur non extitura, si homo non peccasset; Nam ea etiam ex nuper dictis, quæ optima & necessaria habentur, ut ignis aqua vinum nocere possunt, si quis male utatur: sed sequitur solum reddita esse actu noxia, ignoratâ eorum natura, & utilibus proprietatibus, & subtractâ particulari Dei Providentia ab his malis protectura. Quinto facit, quia non dictum fuit dumtaxat, *tribulos, & spinas germinabit*, sed cum addito *tibi*, tuo scilicet incommodo in poenam tui peccati, vel quia ut ait Augustinus, (1) *in agris etiam ista non nascerentur, cum possent alibi nasci*, vel alio modo. Sexto facit, quia congruentior intelligentia illius textus est, quod terra, propter peccatum productura amplius non esset tantam vim bonarum frugum, ut prius, & contra spinas & tribulos, quæ rara prius erant, abundanter in posterum esset germinatura. Observat Niewentitius (2) hac revelatione maledictionis Divinæ in Terram oportere contenti simus, dum quaeritur, quare bonæ & utiles humano generi plantæ & herbæ tam difficulter multiplicentur, & conserventur, etsi appareant ex natura sua aptæ ad incredibilem sui propagationem propter abundantiam seminum virgultorum ramorumque, quæ omnia in totidem ejusdem speciei plantas novimus posse converti: & quare etiam nulla industria humana possint continuo exigi ab eodem campo eadem utiles fruges, sed opus sit illum otiosum aliquandiu relinquere, donec novas vires acquirat, quasi illæ exhaustæ jam fuerint in prima productione, dum interea spinæ & tribuli similem vim sui multiplicativam exerunt, & exercent, quin propterea humus quicquam fertilitatis suæ amittat non solum ad ipsorum continuam renovationem, sed ne ad bonarum quidem productionem, si quis illis extirpatis has severit.

## S E C T I O

(1) S. Aug. de Gen. ad lit. li. 1. cap. 13. pag. 202.

(2) Nievv. The Religious Phil. Contempl. 23. sec. 30. pag. 722.

*De Causa efficiente, & finali mali naturalis.*

## PROPOSITIO I.

82. **D**Eus est causa physica omnis mali naturalis non directe, sed consequenter: quod quando malum est pure naturale, sive sit malum pure privativum, sive etiam sensibile (§.7.), intendit non quidem ut finem, sed ut medium ad aliquod bonum: quando vero non est malum pure naturale, sed habet rationem pœnæ intendere potest, ut finem aliquem, & intendit reipsa respectu damnatorum: & etsi intendere possit mala pœnæ etiam respectu hominum in hac vita, ut finem, non tamen intendit nisi ut medium ad alia bona.

Probatur prima pars, cui S. Augustinus refert se opposuisse Coluthum quemdam cum suis, (1) *qui non videbat Deum creare mala, pœnas iustissimas irrogando*. Ea sic I. probatur. Malum naturale, vel est a Deo solo, vel est a causa aliqua etiam creata: Sed si est a Deo solo, jam ipse etiam solus est causa illius physica: Sin autem sit etiam a causa aliqua creata, ipse pariter propter suum concursum physicum & immediatum ad omnes & singulas actiones creaturarum, & propter activitatem ipsis creaturis ab eo attributam, & continuo conservatam est causa illius physica: ergo. Hujus argumenti majorem negat Comes Ludovicus Barbieri. Et primam quidem disiunctivæ partem negat, quia Deum posse esse causam efficientem mali naturalis, hoc est ut ipse interpretatur, doloris, falsum & absolum statuit, quamvis fateatur esse sententiam communem. Potior ipsius ratio sic habet: Deus non est causa efficiens mali moralis: atqui malum naturale identificatur cum malo morali: ergo Deus neque est causa mali naturalis. Ipsi verba hæc sunt (2) *Dio non*

(1) S. Augustin, de Hæres. num. 66. pag. 21.

(2) Barbi Saggio di Metaphispar. 1. ar. 37. pag. 347.

*non è causa efficiente del mal fisico , cioè del dolore , giacchè questo s'identifica con la colpa late & stritte considerata, e non si distingue da esse , se non per mentem . Et alibi (1) La distinctione tra la colpa e il dolore è bensì una distinzione per mentem , ma non già una distinzione reale , e questi due mali sono in realtà un mal solo . Idem aliis in locis tum hujus libri (2) , tum dissertationis de delectatione & dolore , tum dialogorum , quos inscripsit Veritates fundamentales, quæ ab eodem hic citantur jam pridem edita , inculcat . Retuli ipsius repetita verba , quia incredibile videri poterat , ut quis hæc serio proferret , quæ idem valent , ac si quis affirmaret homines, qui voluptatibus indulgent, in doloribus versari : illos vero in peccatis aut culpa mori , qui animam in mediis cruciatibus etiam pro Christo toleratis expirant . Concludi igitur debet male ab hoc auctore negari primam illius disiunctivæ partem . Videamus jam , cur neget secundam , posse scilicet unam creaturam inferre malum aliquod naturale alteri . Ratio illius est , quia (3) *Creaturae* , inquit , *sunt essentialiter incapaces ullius efficientiæ in alias creaturas* . Quod supponit certum ex iis argumentis , quibus Occasionalismus , quem ipse amplectitur , innititur . At cum hæc argumenta nulla esse alibi (4) planum fecerim , ostendens Occasionalismum omni rationi repugnare , perperam secunda etiam nostræ disiunctivæ pars negatur . Quandoquidem autem idem Auctor dicit , (5) *esse præjudicium commune nullis innixum expressis auctoritatibus Theologicis , quod Deus possit esse , & sit reipsa author mali naturalis* ,*

II. Probatur ex illis Scripturæ, (6) *Bona & mala a Deo sunt* . Nullum (7) *est malum in civitate , quod non fecerit Dominus* . Ego (8) *Dominus formans lucem , & creans tenebras , faciens pacem , & creans malum* : Quæ & alia similia quam plurima dicuntur de malo naturali præsertim pœnæ , ut docent Interpretes ; & posset exemplo Alphonsi de Sara-  
fa

(1) Id. Ibid. art. 40 pag. 383.

(2) Id. Ibid. ar. 37. pag. 343. & art. 38. pag. 352. & in Conclusionem pag. 397.

(3) Idem ibid. art. 40. circa finem , pag. 390.

(4) Diss. de Caus. Efficien.

(5) Barb. Ibid. art. 40. pag. 384.

(6) Eccli. ver. 14. ca. 11.

(7) Amos 3.

(8) Isai. 45. vc. 7.

sa (1) per historias omnis generis & temporis usque ad evidentiam confirmari : ergo .

83. Probatur secunda pars . Illud est a causa physica per se & directe , quod est terminus positivus actionis , illud vero est a causa physica per accidens & de consequenti , quod est privatio perfectionis in termino positivo , qui semel quod sit positivum jam ex dictis (§. 23. ) est aliquod bonum : Sed malum naturale non est terminus positivus actionis causæ ullius physicæ , sed est privatio perfectionis in termino positivo : ergo Deus est causa physica mali naturalis non per se & directe , sed per accidens & de consequenti . Major est definitio nominis , adeoque non subiecta fallitati . Eadem est etiam secundum modum loquendi ab aliis usitatum : sic S. Thomas dicit , (2) *Deus in rebus causando bonum ordinis universi , ex consequenti , & quasi per accidens causat corruptiones rerum* . Minor vero supra jam (§. 23. ) demonstrata est .

84. Probatur tertia pars . Malum pure naturale est privatio alicujus perfectionis , hoc est alicujus boni : Sed de ratione finis est esse aliquod bonum : ergo malum pure naturale nequit habere rationem finis : ergo Deus nequit illud intendere tamquam finem : sed si nequit intendere tamquam finem , non repugnat illud intendere tamquam medium ad aliquod bonum ; Nam Deum intendere malum pure naturale tamquam medium ad aliquod bonum , nihil aliud importat , quam Deum dare existentiam quibusdam creaturis mutabilem & defectibilem , ut etiam alia bona producat : in quo ex parte rerum existentium jam relucet Bonitas Dei , quæ ea , quæ nihil erant facit esse : ex parte vero defectibilitatis relucet libertas Divina , quæ donat esse rebus extra se pro suo libito : ex parte vero aliorum bonorum , quæ ex defectu primorum tamquam a principio quodam , quod Aristoteles vocavit privationem , redundant , relucet iterum Bonitas Dei conjuncta cum Sapientia & Bonitate se dignâ , quæ ex hujusmodi malis novit bona deducere : ergo Deus intendit malum

(1) Saraf. Ars gaudendi. par. 1. trac. 9. pag. 216.

(2) S. Thom. 2. par. qu. 49. art. 2. O. pag. 169.

lum pure naturale tamquam medium ad bonum.

Confirmantur singulæ partes verbis S. Thomæ, (1) *Deus, inquit, malum naturalis defectus, vel malum pænæ vult, volendo aliquod bonum, cui conjungitur tale malum: sicut volendo iustitiam, vult pœnam, & volendo ordinem naturæ servari, vult quædam naturaliter corrumpi.*

85. Hoc modo mala illa pure naturalia, quæ creaturas inanimatas afficiunt, ut sunt alterationes, & destructiones ipsarum, intendit Deus ad generationem, & productionem aliorum bonorum, quæ continua varietate intelligentes creaturas oblectant, vel conservant, & divitias Potentiæ Dei ostendunt. Quare hæc, ait Augustinus, (2) *damnabilia putare, ridiculum est, cum istæ creaturæ cedendo ac succedendo peragant infimam pulchritudinem... quæ rerum est ordo transeuntium.* Idem alibi, (3) *Fit, inquit, decedentibus, & succedentibus rebus temporalis quædam in suo genere pulchritudo: sicut sermo bene compositus utique pulcher est, quamvis in eo omnes syllabæ, atque omnes soni tamquam nascendo, & moriendo transcurrunt, quod est exemplum ab ipso frequenter* (4) *in hac re adhibitum.* Hinc talem Deus creavit materiam, & cum talibus legibus movit, ut voluerit per contrarios motus ipsius partes inter se pugnare; contrarietate enim motuum sublata inutilis ea esset ad varietatem productionum: pugna vero illa jam posita, nisi certis etiam legibus fuisset directâ, ad destruendum tantummodo, non ad quicquam producendum seu ædificandum inservisset.

86. Ii omnes, inter quos Jo. Christophorus Wolfius (5), qui Bayle oppugnanti ex malis pure naturalibus Bonitatem Divinam, solent respondere illa nequaquam officere Bonitati Divinæ, quia sunt necessariæ consequentiæ materiæ a Deo creatæ, & motæ in contrarias partes, confirmant hanc propositionis partem; & ex prolata probatione, quod sci-

H h licet

(1) S. Thom. 1. p. 2. qu. 19. art. 9. O. pag. 86.

Id. de Vera Relig. cap. 21. num. 42.

(2) S. August. de Civit. lib. 12. cap. 4. pag. 303.

pag. 761.

Id. cont. Epist. Fundam. cap. 41. nu. 47.

(3) Id. de Nat. Boni. cap. 8.

pag. 180.

(4) Id. cont. Advers. Legis li. 1. cap. 6. pag. 552.

(5) Volfi. Manich. sec. 3. nu. 27. & seq. pag. 490.

licet hæc a Deo non intendantur propter se, seu ut finis, sed ut medium ad alia bona, intelligitur clarius, cur ea mala non officiant Bonitati Divinæ, quod nimis jejune videtur dictum ab illis, qui solum dicunt eas esse consequentias necessarias materiæ creatæ. At non ita Maximus Tyrius, qui in suo de Origine Mali sermone, clarissime dixit, (1) *quæ apud nos opinionem malorum corruptionisque habent, ea profecto ipse Artifex ad salutem vult esse Universi*: & postquam meminit de terræmotibus, inundationibus, & incendiis subiungit: *Particulæ hæc corporum sunt, affectionem igitur materiæ intueris, quam tu ideo corruptionem appellas, quod eam ex abeuntium rerum consideras motu: at ego salutem appello, propterea quod futurarum rerum successionem ob eam esse conjektor. Inficiari enim non potes, hujusmodi viis vitam sibi ipsi succedere, atque inde & mutationem corporum, & universi novationem creari.*

87. I. Objicitur contra hanc tertiam partem. Corpora monstrosa sunt mala quædam naturalia, ita ut vulgo dicantur peccata naturæ: ergo nequeunt esse a Deo. Probatur consequentia. Hæc mala nihil conferunt ad Bonum Universi: ergo intendi nequeunt a Deo, non jam ut finis, sed ne ut medium quidem ad aliquod bonum.

Resp. conc. antecedens, & nego consequentiam. Ad probationem autem nego antecedens. Conducentia monstrosorum ad bonum Universi multiplex esse potest, etsi minus nobis appareat. Etenim ipsa in se considerata sunt adhuc opus insignis sapientiæ, & relucet in illis quædam rerum varietas, quæ ad Universi pulchritudinem pertinet, nec aliter monstra appellantur, nisi per comparisonem ad alia, quæ novimus perfectiora, quorum pretium pluris jam facimus ex hac ipsa comparatione. Considerata autem prout referuntur ad causas secundas, dici universim potest illa se habere tamquam tonos illos, qui in Musica considerati secundum se dumtaxat, dissonantiæ sunt, intermixti vero in serie eorum, qui consonantiæ sunt, ad augmentum pertinent harmoniæ. In particulari autem illud dici debet, quod si illorum mon-

stro-

(1) Tyr. serm. 23. num. 248. pag. 192.

strorum causſæ ſecundæ ſint non liberæ , opus eſſet comprehendere omnium ſeriem & dependentiam , ut poſſemus cognoscere , quam bene & opportune monſtra hæc congruant toti, tamquam ipſius quædam partes . Accidit enim , inquit S. Auguſtinus (1) *ut qui totum inſpicere non poteſt tamquam deformitate partis offendatur , quoniam cui congruat , & quo referatur , ignorat* . Si autem ſint cauſæ liberæ , & ab hac ipſarum libertate monſtroſitas illa dependeat , relucet in illis hoc ipſum exercitium libertatis creatæ , quæ eſt donum Creatoris , quem nunquam poenitet doni in nos collati .

88. Malebranchius confutatus ab Antonio Arnaldo (2) auſus eſt dicere Deum , qui juxta ipſum alibi (3) impugnatum ſolus omnia facit , facere hæc monſtra per ſpeciem, quamdam neceſſitatis , utpote quæ ſequuntur neceſſario leges univerſales , quas ſibi ſtabilivit in rerum adminiſtratione ſervandas . Sed apage iſthæc doctrina , quæ tollit a Deo Libertatem & Sapientiam . Contra vero alius Arnaldus cognomento Sorbinus , colligens non ſine nimia credulitate aliqua monſtra humana , de quibus meminerunt Auſtores , legit (4) in ſingulis ſignificationes , admonitiones , & comminationes Divinas eventuum futurorum , quæ laudanda quidem pietate , ſed nescio quanta cum veritate ſatis tetricæ perſe-  
guntur .

89. De Monſtroſis rebus latius diſputant Theologi (5) , & videri poteſt S. Auguſtinus tum loco nuper citato , tum alibi (6) . Nec reticendus eſt Thomas Bartholinus , qui ridicule ſatis a Cometarum influxu (7) monſtrorum originem derivavit . Recentius ſuper monſtris litigatum eſt vehementer , utrum ea ſint ſpecies quædam creaturarum , quas in prima creatione rerum Deus ſtabiliverit , ſeu ut ajunt , an monſtra talia ſint per originem , an quod congruentius dicitur , talia ſint per accidens , hoc eſt ex fortuita in ordine ad nos circumſtantiarum combinatione , quæ impediât perfectionem.

H h 2

indi-

(1) S. Augu. de Civit. Dei li. 16. cap. 8.

(2) Arnau. Reflex. ſur le iſt. de la Nat. &amp; de la Grac. li. 1. cha. 2. nu. 5. pag. 74.

(3) Diſſ. de Cauſ. effici. nu. 130. pag. 73.

(4) Sorbin. trac. de Monſtris.

(5) Theol. in 1. ſent. diſt. 45. , &amp; in 2. diſt. 35.

(6) S. Auguſt. li. 83. qu. qu. 24.

(7) Barthol. de Cometa Cœliſium Medicum .

individui alicujus in ea specie, ad quam accedit monstrum. Pro monstris ex origine steterunt Winslowius, Verneyus, & Hallerus: Pro monstris vero ex accidenti Lemeryus, & Geoffenus locis ab Alphonso Nicolai (1) citatis, & olim S. Thomas, qui ea repetit ex aliqua corruptione, seu inordinatione in aliquo principiorum, concludens, (2) *sic in affectionibus rerum naturalium peccatum invenitur*. Fortasse poterit admitti alia sententia inter utramque jam dictam media, esse aliqua monstra per originem, *ex defectu virtutis proximi agentis*, alia per accidens, *ex concursu contrariorum agentium sese impredientium*, quod videtur sentire Suarez (3), cujus sunt prædicta verba.

90. II. Obiicitur. Incendia, Terræmotus, Fulmina, & aliæ similes rerum conversiones sunt mala pure naturalia, quæ sunt meræ destructiones: ergo non conferunt ad bonum Universi: ergo nullo modo possunt esse a Deo.

Resp. Omitto antecedens, & nego utramque consequentiam. Omitto antecedens, quia quis tuto affirmare potest ista mala, quæ respectu rerum materialium, quæ incenduntur, & evertuntur sunt mere naturalia, non inservire ad aliorum bonorum formationem? Nonne videmus ab Agriculis spargi cineres per campos ad feliciorum progressum factorum? Nonne solo æquantur ædificia amplissima, semel quod refugium latronum evadant? Conferre igitur similiter possunt mala objecta ad plura bona, & ad illa ab ipso. Autore intendi, quemadmodum reipsa Maximus Tyrius ex dictis (§. 86.) asseruit. Certe quidem prima consequentia est falsa; Quod enim Deus facit, conducere ad bonum Universi prout ex materialibus & spiritualibus creaturis constat, nemo sanus dubitabit, etsi determinare non possit singulorum utilitatem. Illa tamen semper erit, quæ nos moneat Potentia & Justitia Dei, præsertim quando ea non solum habeant rationem mali ratione sui, sed etiam respectivi ad nos, quibus ex improviso miseriam, vel aliud quodvis inferant detrimentum.

91. III.

(1) Nicol. Lexicon. 13. di Scrittura, pag. 198.

(2) S. Thom. 1. 2. qu. 78. ar. 1. in corp.

(3) Suar. Metaph. disp. 9. sec. 2. nu. 1. pag. 203.



91. III. Obiicitur . Mala , quibus afficiuntur Bruta æque gravia sunt , immo graviora etiam illis , quibus subjacet homo ; Vita enim Brutorum est perquam misera , & mors intempestiva non solum pro necessitate humanæ vitæ , sed etiam pro libito & voluptate hominum . Verum qui velit graphicam descriptionem infelicitatis aliquorum Brutorum plenam commiserationis , dabit Bayles , cui referentibus Trevoltianis (1) placuit tomo secundo Responſionum ad quæſtiones hominis ex Provincia , argumentum hoc pro causa Manichæorum vehementer urgere . Certe Bougeantius (2) ex maiorum brutalium consideratione intulit Brutorum animam esse unum aliquem malum Dæmonem , qui in illis suæ in Deum perfidiæ modo pœnas subit : & Cartesiani ex eadem inspectione confirmantur in sua illa opinione , quæ Bruta constituit esse mera automata : ergo omnia saltem Brutorum mala non possunt ne indirecte quidem esse a Deo . Probatur consequentia , quia in Bruta non cadit neque ratio pœnæ , per quam intelligatur aliqua Dei vindicta de quibusdam ipsorum peccatis , cum non habeant Bruta potentiam peccandi : neque cadit ratio meriti , per quam intelligitur homo etiam innocens posse illis subjacere cum sua utilitate , & sine ulla nota crudelitatis in ipsorum conditorem ; Nam non solum demeriti , sed etiam meriti incapax est animal irrationale . Quare jam olim apud Augustinum invenitur hæc quæstio , (3) *Quid pecora meruerunt mali , ut tanta patientur incommoda ?*

Resp. nego antecedens ; Nam ut jure observat Jaquelotius (4) , vis cognoscendi Brutorum est infimi gradus , & explicatur per hoc , quod in illis deficiat cognitio finis , propter quem condita sunt , & sollicitudo futuri , & generatim facultas reflectendi . Ex quo fit , ut illorum mala non sint tanta , quanta nos reflectendi vi præditi apprehendimus , (5) *Bruta* , inquit , Kingius , *dum vivunt , sine anxietate se fruun-*

(1) Memoir. de Trevou, ann. 1706. art. pag. 271.  
57. pag. 765.

(2) Boug. Trattati. sopra il linguaggio delle Bestie .

(3) S. Aug. lib. 3. de lib. arbit. cap. 234

(4) Jaquel. Conform. de la Foy. par. 2. cha. 6. pag. 188.

(5) King. de Orig. Mal. ca. 4. sec. 5. n. 5. pag. 66.

fruuntur, saltem gaudent præsensibus, nec præteritorum memoria, aut futuri metu cruciata. Opportuno idipsum exemplo Leibnitius (1) declarat, nimirum, quod sicuti ad veram felicitatem requiritur conscientia, ac reflexio ad bonum, quod possidetur, & non sufficit sola perceptio boni, quare laudatur illud,

*O Fortunati nimium sua si bona norint Agricola,*  
ita pariter ad veram infelicitatem, atque miseriam requiritur conscientia mali, quod actu premit, nec sufficit sola ipsius sensatio. Hoc posito mala Brutorum accedunt ad mala puræ privationis (§. 8.), certe longe abesse ab illa ratione mali sensibilis, quæ invenitur in hominibus, qui sua uti possunt ratione, facile concipimus obiciendo nobis ante oculos statum amentium vel infantium, quos quia scimus rationis usu expertes, certi sumus longe minus pati iis malis sensibilibus, quibus illos subjectos videamus, ac nos patiamur.

92. Atque hæc ipsa brutorum mala intelliguntur esse, consequentiæ necessariæ constitutionis & conditionis ipsorum naturæ, quæ condita est morti & corruptioni obnoxia, & servituti nostræ addicta. Igitur patet Brutorum mala intendi posse cum laude Creatoris, quia non intenduntur hoc fine, ut sint in singulis eæ perpeffiones, quibus afficiuntur, sed ex aliis Deo optimo dignis, quales sunt illi, de quibus meminit S. Augustinus objectæ quæstioni respondens, *quid pecora meruerunt mali?* Ac primo ut in brætis sic constitutis habeatur genus quoddam particulare creaturarum, superans multa alia earundem genera imperfectiora, & deficiens ab aliis perfectioribus. *Isti calumniosi*, sic ille, *& talium quæstionum non studiosissimi examinatores, sed loquacissimi ventilatores hæc dicunt vel sentiunt, quia iniquissime de rebus existimant, qui cum summum bonum, quod & quantum sit aspicere nequeant, talia volunt esse omnia, quale putant summum bonum; ideoque inordinatissime flagitant, ut nec mortem nec ullam corruptionem patiantur corpora bestiarum, quasi non sint mortalia, cum sint infima, aut ideo mala sint, quia sunt cælestia meliora.* Secundo, ut per ipsos dolores, qui-

(1) Leibn. Essai de Theodic. par. 3. nm. 250. pag. 421.

quibus subjacent sit illorum conservationi bene provisum. *Dolor*, sic S. Doctor prosequitur, *quem bestię sentiunt, animarum etiam bestialium vim quamdam in suo genere mirabilem laudabilemque commendat. Hoc ipso enim satis apparet in regendis animandisque suis corporibus, quam sint appetentes unitatis. Quid est enim aliud dolor, nisi quidam sensus divisionis vel corruptionis impatiens?* Tertio ut nos talium dolorum in brutis contemplatores magis proficere-mus in tam proficua nobis cognitione Creatoris. *Non appareret*, sic idem, *quantus inferioribus creaturis animalibus esset appetitus unitatis, nisi dolore bestiarum. Quod si non appareret, minus quam opus esset admoneremur ab illa ineffabili unitate Creatoris esse omnia ista constituta.* Quartum addo, ut nos tanto brutis perfectiores, ipsorumque dominio donati multi generis commodis per ipsa sueremur. Sic quæ animalia insidiantur aliis, ut canis lepori, accipiter avibus, præbent homini, qui omnibus dominatur, multi generis voluptates. Sic mors insectorum, quæ ab avibus præsertim vorantur, reddunt has magis jucundas nostris mensis. Sic per equos sub curru, & per boves sub aratro sudantes succurrimus nobis in omnibus, quæ ad vitam ipsam, ipsiusque solatium spectant. Quibus positis manifestum est ex hoc capite opus non esse in illa Cartesii, & Bougeantii opposita inter se commenta abire, quæ aliunde nullo pacto sustineri possunt.

93. Quarta pars propositionis, scilicet malum poenæ potest Deus intendere etiam ut finem sic probatur cum Suarez (1). Malum poenæ respectu causæ illud inferentis est bonum, & quidem honestum, justa scilicet culpæ vindicta. Atqui bonum honestum potest intendi ut finis: ergo malum poenæ potest Deus intendere ut finem. Majorem aperte asserit S. Augustinus dicens, (2) *Cum in pœnis est natura vitiosa, etiam hoc ibi bonum est, quod impunita non est; hoc enim est justum, & omne justum procul dubio bonum*, quibus similia alibi (3) etiam habet; eademque suadetur tum quia homi-

(1) Suar. Metaph. disp. 22. sec. 3. nu. 3. pag. 231.

(2) S. Aug. de Civit. li. 12. ca. 3. pag. 103.  
(3) Id. in Psal. 32. narr. 2. m. 2. pag. 189.

homines ipsi cum laude sunt authores pœnæ, quæ culpas vindicet: tum quia expresse habemus in S. Scriptura, (1) *Bona & mala, vita & mors a Deo sunt*, in quem locum dicit S. Augustinus apud Cornelium a Lapide, (2) *quæ duo non esse contraria profecto videt, quisquis ab operibus divinis Judicia divina discernit, quia aliud est creando non instituisse mortalem, aliud judicando plectere peccatorem*.

94. Quod autem malum pœnæ intendat Deus reipsa ut finem saltem aliquem respectu Damnatorum; nam finis ultimus omnium rerum est Gloria Dei, extra controversiam esse puto. Fuit quidem Kingius apud Wolfium (3), qui putavit pœnam æternam damnatorum intendi a Deo ad finem confirmandi bonos in sua electione. At si loquatur de Bonis jam beatis, hi sunt jam ex statu suæ Beatitudinis tam confirmati in bono, ut certi sint se nunquam ab illo posse desciscere. Quare horum respectu nequit habere locum hujusmodi finis. Sin autem loquatur, ut conjecit Petrus Bayle apud eundem Wolfium, de aliis novis creaturis rationalibus a Deo condendis post Universale Judicium, quibus identidem damnati apparituri sint, suamque miseriam manifestaturi, ut hoc modo illas confirmet, & urgeant ad boni prosecutionem, hæ sunt hypothèses prorsus arbitrariæ.

95. Obiicitur contra hanc partem sic. Deum intendere quovis modo malum pœnæ æternæ non componitur cum ejus infinita bonitate: ergo non potest illud intendere.

Resp. nego antecedens. Ex eo enim, quod Bonitas Dei sit infinita, non infertur ipsam debere pugnare cum Sapientia, Justitia, & aliis Divinis Perfectionibus pariter infinitis. Bonitas Dei enituit maxima in producendis ex nihilo creaturis tantæ perfectionis, quantæ sunt intellectuales, quæ possunt ex suo arbitrio Legi suæ obtemperare, easdem ad hanc obedientiam alliciendo promissione præmii æterni, & certa pœnæ æternæ declaratione ab inobedientia deterrendo, & diuturna fortasse longanimitate dando ipsis incitamentum & spatium ad pœnitentiam. Eadem etiam enitet in

(1) Eccli. 11. v. 14.

(2) a Lapide ib. pag. 285.

(3) VVol, Manich. sec. 3, nu. 43. pag. 523.

in sincero etsi inefficaci amore in ipsas sic æternum damnatas, quatenus nollet eas unquam commisisse culpas illas, pro quibus easdem punit, quem amorem exprimit Scriptura describens Deum lamentantem, dum poenam etiam comminatur, (1) *Heu vindicabor de inimicis meis*, utpote facientem, ut alibi dicitur, (2) *opus alienum & peregrinum ab eo*: quemadmodum terreni iudices damnant efficaciter reum, quia Iustitia id exigit, etsi simul inefficaciter illum ament, quia vel humana insoles, vel amicitia id exposcunt. Rursus si Bonitati Dei non solum non repugnat indixisse poenas æternas peccantibus contra sua præcepta, quin immo illam commendat, quia ut sæpe ait S. Jo. Chrysostomus (3), metu etiam gehennæ ad regnum nos cogit, curiam debet repugnare exequi in promeritos hujusmodi comminationem? Hoc igitur nullo modo Dei Bonitati repugnat, quod aliunde exigitur ab ejusdem Iustitia Immutabilitate & Veracitate.

96. Aliqui autem sunt tantam vim concedere huic objectioni, ut eidem tamquam cuidam demonstrationi innitentes negaverint æternitatem poenarum pro illis creaturis, quæ in suis peccatis statum viæ terminaverint, quod in Fide Catholica nefas est, ut Jo. Vincentius Patuzzi ostendit in suo opere, *de futuro Impiorum statu*, quod contra illos Veronæ edidit anno 1748. Habent hi præcuntem sibi Origenem, ut communius dicitur, & aliqui citati a Wolfio (4) ex professo contendunt, vel saltem hæreticos ignotos, qui hunc errorem in aliquibus ipsius libris inferuerunt, ut multi referente Suarez (5) colligunt ex eo, quod contrarium sæpe in aliis locis aperte ab ipso doceri inveniatur. Et alii quidem negant resurrectionem reproborum. At hæc aperte revelata est in Scripturis (6); & nisi dicant animas reproborum tandem in nihilum abituras, jam videntur in illis agnoscere æternitatem potioris poenæ, quæ in carentia Visionis Dei consistit.

## I I

## Alii

(1) Isa. ca. 1.

(2) Isa. ca. 28.

(3) Chry. Hom. 23. in Gen. Id. Hom. 16. in 1. ad Timoth.

(4) Wolff. Manich. sec. 3. nu. 4. pag. 520.

(5) Suar. in 1. 2. cr. g. disp. 7. sec. 3. nu. 4. pag. 423.

(6) Dan. 12. 2. Joan. 5. 28.

Alii putant eos quidem resurrecturos, sed post aliquod tempus poenarum, vel vi Divina in nihilum abituros, vel vi poenarum fore omnino purgatos. Secundam hanc partem, quam jam olim S. Augustinus iterum iterumque (1) impugnaverat, Auctor quidam Anglus recentius amplexus est, contendens omnem poenam pro quibusvis peccatis futuram temporariam. Quare Infernum damnatorum convertit in locum, ut ipse ait, purificationis, refugiens, credo, vocabulum Purgatorii, utpote adhibitum a Catholicis. Hujus systema secunda vice editum anno 1733. impugnant Trevoltiani (2), & fusiori opere Simartus, cujus synopsis iidem afferunt (3). Brevi certe illud evertitur ex eo, quod æternitatis poenarum in damnatis habeatur aperta & frequens Revelatio Divina, nulli subjecta interpretationi post repetitas definitiones Sextæ Synodi actione II., Concilii Lateranensis (4), & Tridentini (5).

Alii statuunt Infernum Improborum consistere in sola exclusionem a Visione Dei, remota omni alia perpeffione. Sic Jaquelotius apud Wolfium (6) & Trevoltianos (7). At Scriptura graphice describit etiam poenas sensuum.

Alii credunt damnatos fore similes illis mentecaptis, qui etiam in vinculis & carcere sibi plaudunt, & læti vegetant. Sic Kingius apud eundem Wolfium (8). At Scriptura testatur damnatos sensuros suam miseriam, & de illa æternum dolituros acerbissime.

Alii tandem accipiunt Scripturas de Inferno, & poenis ejus loquentes in sensu tantum comminatorio, non vero assertivo, atque hoc modo relinquunt locum arbitrio Dei illas pro suo libito terminandi. Sic olim illi, quos quamplurimos dixit esse S. Augustinus (9) eosdem confutans, quemadmodum deinde fecit & S. Thomas in additionibus ad tertiam par-

(1) S. Aug. de Fide & operibus cap. 15. pag. 179.

Id de Civit. Dei li. 21. per plura capita.

(2) Memo. de Trev. an. 1735. art. 116. pag. 2393.

(3) Ibid. an. 1749. art. 36. pag. 567. & art. 65. pag. 1021.

(4) c. Firmiter. de Sum. Trinitate.

(5) Triden. sess. 6. ca. 14.

(6) VVol. Manich. sec. 3. nu. 43. pag. 526.

(7) Mem. de Trev. an. 1706. art. 86.

pag. 1110.

(8) VVol. Manich. sec. 3. nu. 43. pag. 523.

(9) S. Aug. Enchi. ca. 112. pag. 238.

partem (1). Hos recentius sequuti sunt Stillingfleetus apud eundem Wolsium (2), Henricus Morus, & Tillotsonus apud Pictetum (3), & Joannes Clericus iterum iterumque (4). At licentia est in hujusmodi interpretatione explosa a communi sensu Ecclesiæ Catholicæ, quæ negat accipi posse conditionate, quæ S. Scriptura satis aperte significat accipiendam esse ut absolute pronunciata, præsertim cum adsint in hac ipsa æternitate poenarum aliquæ etiam a nobis intelligibiles rationes.

97. Prima satis communis inter Theologos est, quod peccatum grave, quatenus offensa Dei infinitæ Bonitatis, habeat malitiam quamdam infinitam, cui proinde convenit poena extensive saltem infinita, quam rationem fusc declarat etiam ex Heterodoxis Pictetus (5).

Secunda est, quia homo peccans & moriens sine retractione peccati præfert deliberatam voluntatem nunquam desistendi a peccando: profecto in peccato non retractato moriens, secum illud defert, & consequenter poenam illi sociam: & quia illud æternum est, hæc etiam iustissime æterna est. S. Augustinus rationem hanc probavit dicens, (6) *æterna supplicia remetiuntur, ut quia æternam voluit habere peccati perfruitionem, æternam vindictæ inveniat severitatem.*

Tertia est, quia talis poena accidit illis de ea confisiis, quam Deus ipsis prædixit, sic volens continere in officio suas creaturas, dum mortalem vitam ducant, promittens e contrario bene viventibus præmium æternum. Tertia hæc ratio prima est apud Suarez (7), qui non solum singulas jam allatas confirmat ex doctrina Patrum, sed etiam objectiones aliquas diluit, quæ ex ipsis Patribus producuntur.

98. I. Instatur. In idea Justitiæ & Bonitatis Dei non continetur idea punitionis æternæ: ergo vel Deus non puniet

I i 2

niet

(1) S. Thom. addit. qu. ult. ar. 3. ad 3. pag. 631.

(2) VVol. Manich. sec. 3. nu. 43. pag. 525.

(3) Pict. cont. l' Indiff. des Relig. cha. 17. pag. 308.

(4) Clerc. Parthasiana. tom. 1. pag. 311.

Id. Bibl. selec. tom. 8.

(5) Pic. cont. l' Indiff. des Relig. cha. 7. & seq. pag. 96.

(6) S. Aug. li. 6. quæst. contra Pagan. quæ. 4. nu. 27. pag. 283.

(7) Sua. in 1. 2. tr. 5. disp. 7. sec. 3.

niet in æternum, vel ipse non est pœnæ æternæ author.

Resp. cum Trevoltianis (1) nego antecedens, & multiplex ipsius suppositum. Imprimis quod ulla sit creatura, quæ habeat ideam completam ullius perfectionis Divinæ, ut possit decernere, quid cum illa componatur, aut ab illa repugnet. Deinde quod idea Justitiæ Dei non possit componi cum damnatione ad æternam pœnam creaturæ, quæ cum absoluta libertate transgressa est Divinam Legem sibi indictam cum aperta comminatione hujusmodi pœnæ contra inobedientes. Tandem quod adsit sensus communis, qui excludat ab idea Dei æternam de improbis punitionem. Certe de Deo cogitans Apostolus exclamavit, *O altitudo!* & quivis hominum, qui paulum sapiat, illum imitatur. Bayles apud eosdem Trevoltianos (2) retorquet argumentum sic. Si idea Bonitatis Dei excludit æternam suarum creaturarum punitionem, excludit etiam temporalem diuturnam: sed per Adversarios excludit æternam: ergo etiam temporalem diuturnam, quam tamen ipsi excludi nolunt.

99. II. Instatur. Homines etiam crudeles in alios sibi inimicos, remittunt tandem odium contra illos, quos vident jam laceros & anhelantes: ergo a fortiori Deus infinite bonus in se, & hominum amantissimus remitteret æternæ & acerbissimæ pœnæ rigorem, quæ sequitur culpam, si ipse esset illius author.

Resp. concedo antecedens, & nego consequentiam, cujus discrimen ab antecedenti, quod fuscè exponit Rogacius (3), est primo, quia Deus non ex aliqua animi perturbatione, aut cæco vindictæ impetu, nec inscius sequituræ qualitatæ & quantitatis dolorum, sicuti accidit in hominibus, sed ex placido tranquilloque Justitiæ amore irrogat pœnam, illam volens determinate, & sciens perfectissime, totam ejus qualitatem pro primo ipso instanti, & tota successiva æternitate. Brevius dicam, illud antecedens est verum, quia in homine intervenit passio, quæ variabilis est, at

(1) Mem. de Trev. ann. 1735. art. 216. pag. 2400.

(2) Ibid. an. 1749. pag. 679.

(3) Rog. Uno necess. par. 1. ca. 26. nu. 4. pag. 648.



at illa consequentia est nulla, quia in Deo habet locum sola ratio, quæ eadem semper est. Quare de Deo dicitur: (1) *Justitia tua, justitia in æternum*. Secundo, quia homo, qui punit, & ille, qui subit pœnam, cum convenient in eodem naturæ infimo genere, facile tandem in puniente excitatur ille, qui dicitur sensus humanitatis propter hanc ipsam in natura convenientiam, unde oritur, qui animum punientis immutat. At Deus puniens, & homo peccator subditus pœnæ, sunt naturæ inter se tam oppositæ, quam opposita sunt Justitia & Iniquitas. Quare sicuti intelligitur, quod homo puniens ut ita dicam viperam, quæ sibi morsum intentavit, non flectatur unquam a quavis diuturna etiam demonstratione doloris hujus beltiæ, quia longe distant in natura, ita similiter nemo admirari potest, quod Deus puniens peccatorem unquam immutet suum rigorem, etiamsi intueatur gravissimos ipsius cruciatus, quia vera datur oppositio inter Deum, & illum hominem, qui cum per Gratiam in honore esset, per culpam comparatur jumentis, quia similis factus est illis.

100. Quinta propositionis pars, Deum non intendere respectu hominum in hac vita mala pœnæ, tamquam finem, sed tamquam medium ad alia bona, est doctrina non solum SS. Patrum, sed etiam Ethnicorum Philosophorum. Ex Philosophis Platonis sunt hæc verba: (2) *quod miseri sint, qui pœnas pendunt, sique Deus qui sic affligit, poetam dicere non est permittendum. Sed si diceret malos homines, utpote miseros pœnis egere, easque solventes a Deo juxari, permittendum*. Ex Patribus S. Ambrosius in morte hominis, malo omnium maximo inter naturalia, tot invenit bona, ut librum conscripserit *de Bono Mortis*. S. Augultini celebris est sententia, quod, (3) *Deus cum sit summe bonus, nullo modo sinerat aliquid mali esse in operibus suis, nisi esset adeo Omnipotens, & Bonus, ut benefaceret etiam de malo*. Similia habet Damascenus (4), quæ illustrat exemplis Jobi

(1) Psal. 118.

(2) Pla. lib. 2. de Repub. circa finem.

pag. 319.

(3) Aug. Ench. ca. 11. nu. 3. pag. 199.

(4) Damalib. 2. de Fide, ca. 29. pag. 197.

Jobi afflicti, ut ejus virtus eluceret: cæci a nativitate, ut opera Dei in illo apparerent: Martyrum, ut illorum cruciatus ipsis gloriæ, & Ecclesiæ essent semen Christianorum: Crucis demum Christi, ut salus Mundo afferretur. Illustre ejusdem propositi argumentum & instar demonstrationis habemus in stimulis conscientię hominem de pravis quibusque actis redarguentis. Hi mala sunt atrocissima, quæ totum hominem percellunt juxta illud, (1) *Tribulatio & angustia in omnem animam operantem malum*, quod integro tractatu pro dignitate exponit Alphonsus de Sarasa (2). Sed quid clarius, quod hæc velit Deus in hac vita non tam per modum pœnæ peccati, quam per modum medicamenti, quod nos disponat ad illud ocus expellendum, & ab ulteriori in posterum lapsu removeat, semel quod advertamus hujusmodi stimulos aciores esse circa carnis vitia, quam circa alia in se graviora ceteroquin scelera, ut gravis detractio- nis, vindictæ, blasphemię; quia scilicet in his minor est inclinatio & impetus appetitus, & minus proinde prolapsio- nis periculum, quam in illis.

Placet rem ulterius aliis etiam propositis sensibilibus malis declarare. Mala quidem sibi propria habent singulæ ætates hominum, infantia præsertim & senectus: sed eadem possunt a Deo intendi propter illa bona, quæ propria pariter sunt singulis; Nam (3) *habet*, inquit Augustinus, *decorem suum in singulis quibusque hominibus singula quæque ætas ab infantia usque ad senectutem ... Absurdum est, qui juvenilem tantum ætatem vellet esse in homine temporibus subdito; invideret enim ceteris pulchritudinibus, quæ ceteris ætatibus vices atque ordinem gerunt*. Mala sunt morbi, & mors parvulorum, sed ut observant Interpretes in illud, (4) *Ego sum Dominus visitans iniquitatem patrum in filios in tertiam & quartam generationem*, ex his proveniunt hæc bona, quæ Deus intendit, ut reducatur iniquitas ad aliquam æquitatem, ut exemplum habeant alii, quo vel corrigantur,

(1) Ad Rom. 2. v. 9.

(3) Auli. 83. qu. 44. pag. 16.

(2) Saraf. Ars gaudendi par. 2. tit. 10. pag. 233.

(4) Exod. 20.

tur , vel coerceantur ; & generalius Augustinus dicit hac via , (1) *Duritiâ majorum contundi , aut exerceri Fidem , aut Misericordiam probari* : quatenus hoc modo Deus vel impedit illorum æternum cruciatum , vel iis largitur cœlestem beatitudinem , quam , si viverent , prævisi fuerunt non consequuturi , quod valet de parvulis decedentibus post baptismum . Malum intellectus maximum est error : at quam sæpe ille sit non solum utilis , sed etiam necessarius ad vitam hominis , variis post eundem S. Doctorem (2) illustrari posset exemplis . Quid dicam de fame siti & doloribus ? Mala hæc sunt , prout referuntur ad hominem , quem lædunt : bona autem sunt , prout referuntur vel ad animam hominis , quam monent , ut caveat a dissolutione corporis , cui coniungitur , vel ad totam hominum societatem , cujus conservatio & vigor dependet ab artibus & studiis , quibus singuli opportune se dedunt , ut a se famem & sitim depellant , & vitam tueantur . Quod etsi nemo faciat sine labore , est tamen cum ipso labore conjuncta multiplex utilitas & jucunditas , tum in ipso exercitio , quod est conforme naturæ nostræ activæ , quæ abhorret ab otio , utpote quod vires animi & corporis corrumpit , tum in aliis laboris fructibus .

Lactantius , & deinde Derhamus (3) illud etiam observant bonum ex malis , quibus expositi sumus provenire , exercitium scilicet rationis humanæ , quæ ad essentiam hominis pertinet , quod non exiguum est , ubi proposita æque sunt in medio tum bona tum mala : (4) *Propositis* , inquit Lactantius , *bonis malisque tum demum opus suum peragit sapientia . . . Itaque propter exiguum compendium sublatorum malorum maximo bono careremus* . Non placuit Petro Bayle apud Wolfium (5) hæc opinio , sive sententia , quia illam consideravit tamquam unicam & præcipuam rationem , quæ afferatur in quæstione , quare Deus voluerit mala hominis naturalia , quod non est verum , cum sit illa potior , quod ea velit in ipsius punitionem . Quando alia bona desint re-

dun-

(1) S. Aug. de lib. arbit. lib. 3. cap. 23. pag. 55.  
pag. 271.

(2) S. Aug. Enchir. ca. 17. pag. 201.

(3) Derh. Physico-Theol. b. 2. cha. 6.

(4) Lact. de Ira Dei ca. 14. pag. 276.

(5) VVolf. Manich. sec. 3. nucl. 4. pag. 174.

dundantia ex his malis, hæc certe non desunt, quod eadem nos purgent a contractis culpæ reatibus, retrahant a novis sceleribus, fidelitatem nostram in Deum probent, & extollant ad cœlestes promissiones procurandas. Hoc ipsum sufficienter expressit Lactantius, qui propter hanc etiam causam injuste confutatur a Bayle, quasi nomine sapientiæ intellexerit illam solum, per quam a brutis & infantibus distinguimur, cum tamen ibidem addat: *Sapientia etiam facit, ut etiam Deum cognoscamus, & per eam cognitionem immortalitatem assequamur*. Sed clarius S. Augustinus (1) *His, inquit, vel punimur, vel exercemur, vel terremur, ut non vitam istam multis periculis & laboribus subditam, sed aliam meliorem, ubi securitas summa est, diligamus, desideremus, & comparemus*. Quæ bona sacri Oratores in anniversariis Quadragesimæ concionibus agentes de Tribulationibus eloquenter declarant. Quare mala hæc Physica, sicut etiam Metaphysica dixit Leibnitiuss (2) *fieri bona subsidiata, tamquam media ad maiora bona*, pro iis scilicet, qui illis sic uti noverint.

101. Hinc etiam luculenta patet commendatio Bonitatis Divinæ contra illos, qui ex malis, quibus in hac vita homines afficiuntur, vel de illa dubitant, vel cum Tacito apud Genuensem dicunt, (3) *Non esse Deo curæ felicitatem nostram, esse miseriam*: Genuensis quidem brevius credidit querulos istos & blasphemos se obruisse negando mala hominis naturalia esse mala: (4) *quæ inquit, hominibus accidere videntur mala, hæc mala non sunt, nisi præsepte sensatione æstimata, sed bona*, & alibi loquens de malis pariter hominum ait, (5) *Physica mala, si attente expendantur, realia sunt bona*. At fieri non potest, ut hoc modo illi agnoscant se errasse, sed sibi actu afflicti & gementibus illudi clamabunt, vel importune obtrudi ridenda illa Zenonis effata, qui cum solam virtutem aut sapientiam statueret esse bonum, &

omne

(1) Aug. de Gen. cont. Manich. lib. 1. ad c. 4. §. 12. pag. 195.  
cap. 16.

(2) Leib. Causa Dei ad finem Theodic.  
num. 35. pag. 13.

(3) Gen. Elem. Metaph. par. 3. Appen.

(4) Id. Ibid. §. 8. pag. 191.

(5) Id. Elem. Met. tom. 4. de Princip.  
Legis cap. 1. §. 2. pag. 19.

omne æquivalenter bonum, dicebat apud Tullium (1) *ſapientes eſſe, ſi diſtortiffimi ſint, formoſos: ſi mendiciffimi, divites: ſi ſervitutem ſervitant, reges*. Itaque negari illis nequit eſſe vera ipſorum mala, calamitates morbos dolores & alia, quibuſcum conſiſtantur: (2) *Utique*, ſic Auguſtinus, *ſupplicia patientibus mala ſunt*: & alibi loquens de morte, quæ cum primis hominibus contigerit propter peccatum, contigit deinde Martyribus propter ſanctitatem, dicit hoc non ideo evenire, (3) *quia mors bonum aliquod ſeſta eſt, quæ antea malum fuit, ſed tantam Deus Fidei præſtitit gratiam, ut mors, quam vitæ conſtat eſſe contrariam, inſtrumentum fieret, per quod tranſiretur in vitam*. Cum igitur hoc illis negandum non ſit, monendi ſimul ſunt, illa mala, ſi ſapiant, eſſe media ad illorum futuram felicitatem. Et tamen, quatenus huiusmodi media ſunt, dici poſſint bona, addendum tamen, eſſe illis bona in ſenſu morali, in eo genere boni, quod utile dicitur: non vero dici abſolute poſſunt bona, quæ ſentimus eſſe phyſica mala; Hoc enim eſſet confundere omnem ſermonem, nec ubi opus eſt diſtinguere bonum in ſe a bono ad alterum. Utique quod non eſt in ſe bonum, poteſt eſſe utile, ſeu bonum ad alterum. Sic medicina amara, & medica combuſtio corporis ſunt utilia ad ſanitatem, at non ſunt bonum in ſe, cum certe non ſint delectabilia, nec pertineant ad bonum honeſtum. Et ſimili modo mala noſtra phyſica repugnat dici bona, quo nomine venit bonum in ſe, quod eſt vel honeſtum, vel delectabile, ſed vere dicuntur utilia.

102. I. Objicit Bayles (4). Magis conforme eſſet infinita Bonitati Creatoris, ſi hominibus ſuis creaturis a die creationis felicitatem largiretur, & in ea conſervaret in perpetuum, quam quod prius illis immittat mala innumera in hac vita, etſi eo fine, ut ſint media ad alia ipſorum bona, ut vitæ innocentiam, & cumulatiorẽ in Cœlis felicitatem; Nam ex duobus Principibus ille majorem habet boni-

K k

tatem

(1) Tull. pro Murena.

(3) Id. de Civitat. lib. 13. cap. 4. &amp; 5.

(2) S. Aug. de lib. arb. lib. 1. ca. 2. nu. 2. pag. 328.

(4) Bay. Dict. art. Pauliciens.

tatem & benevolentiam in subditos, qui continuo eos conservat in abundantia, quam ille, qui eos a situ & squallore erigit, postquam aliquamdiu voluit in eo computrescere: ergo dici non potest Deum mala hominibus in hac vita tribuere, etsi eo fine, ut sint media ad alia bona.

Respondeo, nego antecedens. Nam bonitas Creatoris est bonitas, quæ debet componi cum cæteris ipsius Creatoris perfectionibus, inter quas est Libertas ab omni necessitate quicquam extra se agendi vel non agendi. Per hujusmodi libertatem determinat Deus unam pro libito suo mensuram beneficii, quam largiatur potius quam aliam. Consideratio Libertatis Divinæ nequit negligi, aliter facta hypothesis, quod Deus dedisset nobis felicitatem ab ipso primo die Creationis, posset adhuc quis objicere non esse conforme Bonitati Divinæ, quod majorem non dederit. Quare patet vanitas & absurditas antecedentis.

Venio ad probationem. Hæc imprimis non est ad rem; Nam contrarium est institutioni Principis terreni non procurare subditorum felicitatem, quod si faciat, ut argumentum videtur Indicare, quia sibi jucundum est intueri afflictos, & audire lamentantes, jam prodit se indolis crudelis & malevolæ. At non reddi a Creatore in hac vita felices homines præditos libertate ad bonum & malum, non est contra rationem creatoris. Deinde cum Picteto (1) reformatur etiam exemplum in rem nostram sic: Princeps, qui sinat subditos inopia premi, ut illos puniat de abusu ipsorum bonorum, eaque norint pluri æstimare, non est crudelis, sed amans subditorum ad instar Patris, qui Filium sinat labi in miseriam, ut eum a perditis moribus revocet: ergo major etiam infertur Bonitas Dei in homines ex malis, quæ toleramus in hac vita; quippe certi sumus hoc non esse, nisi ex rationibus sapientissimis & plenis benevolentia erga nos.

103. II. Objicitur. Scriptum est, (2) *Deus mortem non fecit*. Et *Deus (3) creavit hominem inexterminabilem*: ergo

(1) Pict. cont. l' Indiff. ch. 10. pag. 136.

(3) Sap. 2. v. 23.

(2) Sap. 1. v. 13.

ergo Deus non est causa mali naturalis hominis.

Resp. conc. antecedens, & dist. consequens. Deus non est causa mali naturalis hominis neque ex primaria, neque ex ultima intentione, conc. consequentiam: aliter, nego illam. Primaria intentio mortis & mali naturalis hominum fuisset in Deo, quando mala hæc nobis inflicta non supponerent culpam; eademque fuisset ultima intentio, si ea mala etiam sub ratione poenæ intendisset ut finem, non vero ut media ad alia bona. In hoc sensu scriptum est, *Deus mortem non fecit*. Sed cum reipsa mors & reliqua mala hominum sint poena præsuppositæ culpæ (§.37.), & Deus hæc intenderit, ut media ad alia bona, hinc etsi dici ea non possint esse nec ex primaria, nec ex ultima intentione Dei, negari tamen non potest esse a Deo, quia scriptum est pariter, *Vita & mors a Domino Deo*, ut notat S. Augustinus (1).

104. III. Objicitur. Bonum quod dicitur provenire a morbis & doloribus, incumbendi scilicet in conservationem sui, poterat æque bene haberi, vel per claram cognitionem periculi mortis, vel per diminutionem voluptatis, quæ prius fruebamur, vel per jucundum remedii desiderium, quod nos urgeret ad illud conquirendum eodem modo, ac nunc facimus per tristem dolorum experientiam. Quid quod poterat Deus efficere, ut illæ ipsæ impressiones, quæ nunc nobis sunt doloris causa, essent causa voluptatis: ergo hæc saltem mala poenæ Deus intendit ut finem, non intendit ut medium ad alia bona.

Resp. primo, permitto antecedens, & nego consequentiam. Nam quoties conceditur ex illis haberi aliquod aliud bonum, toties fit planum potuisse illa intendi a Deo, ut medium ad bonum, non ut finem. Deinde præter illud bonum excitandi nos ad conservationem vitæ mediis illis malis naturalibus, sunt etiam alia potiora bona, ut satisfactio pro peccatis, & ea omnia, quæ respiciunt acquisitionem Beatitudinis.

Resp. secundo cum Hooke (2), nego antecedens. Nam

K k 2

clara

(1) S. Aug. cont. Julian. lib. 5. cap. 9.  
num. 36. pag. 648.

(2) Hook. Princ. Relig. tom. 1. part. 1.  
sec. 3. ar. 20. pag. 360.

clara illa cognitio periculi mortis vel dicitur debuisse conjungi cum mortis aversione, & metu, jamque habetur tristitia animi, quæ nisi par sit in sua vi illi, quam dolores producunt, frustrabitur effectus, cum non raro accadat, ut ne vis quidem dolorum ingruentium arceat nos ab iis voluptatibus, quæ illorum sunt certa causa. Vel dicitur debere esse sequebamur cognitionem illam ab omni tristitia, jamque non urgebit ad vitandum periculum. Similiter illa diminutio voluptatis importuna ostenditur ad finem, contra id quod putavit Leibnitius, & Bayles apud ipsum (1), quia vel esset majus malum, quam sensatio dolorifera, quemadmodum majus malum haberetur privari sensu vel visus, vel auditus, & inde ortis oblectamenti, ut mederemur effectibus, quos vel oculorum vel aurium morbi minantur, jamque proponitur ad effugiendum unum incommodum aliud gravius incommodum: Vel esset minus malum, jamque esset medium inefficax ad finem intentum. Contra tertium de illo desiderio, quod jucunde nos excitaret ad cavendam mortem, dico nullum haberi in hujusmodi verbis sensum; Semel enim, quod in eo desiderio habeatur quædam jucunditas, homo eadem fruetur, & desiderans remedium seu vitam, mortem re ipsa expetet. Quod tandem additur de Voluptate, quæ nasceretur ex iis, quæ nunc sunt dolorum causa, hoc quidem cogitavit Bayles apud Trevoltianos (2), qui proinde vellet, ut fustis percussio, ignis vehementia, bestiarum voracitas, & similia hominibus voluptatem afferrent. Sed quis non videt, hoc posito actum jamdudum fore de toto genere humano, quod cum avidum sit voluptatis, in hanc ipsius novam speciem, sui scilicet contusionem lacerationem destructionem convolvans, seipsum jam olim penitus confecisset.

105. IV. Objicitur. Homo etsi præstantissimum omnium animalium ingreditur Mundum debilis nudus inermis ignorans contra id, quod accidit bestiis, quæ robustæ statim se produnt, quantum satis est ad motum spontaneum: vestitæ aliæ

(1) Leibn. Essai de Theod. par. 3. n. 342.  
pag. 533.

Id. Ibid. num. 354. pag. 548.

(2) Memoir. de Trev. ann. 1706. ar. 57.  
pag. 770.



alia pennis, alia pellibus: armata alia unguibus, alia cornibus: & omnes sufficienti cognitione instructa eorum, quæ pertinent ad sui conservationem. Præclare de illis dicit Tullius, (1) *Contra metum & vim suis se armis quæque defendit: cornibus Tauri, Apri dentibus, morsu Leones: alia fuga se, alia occultatione tutantur, atramenti effusione sepia, torpore Torpedines: multa etiam insectantes odoris intolerabilis fæditate depellunt.* Idem autem homo in eodem Mundo brevi vivens repletur multis miseriis, quarum, inquit Augustinus, (2) *quando plorabat nascens, Propheta erat.* Atqui facere Deum hujus hominum vitæ auctorem, est facere Ens, cujus natura Bonitas, libere creans infelices, qui suam infelicitatem sentiant, & doleant, quod nequit intelligi, & apertam contradictionem videtur importare: ergo.

Resp. conc. majorem, & nego imprimis suppositum minoris, Deus enim genus humanum non subdidit morti, & miseriis in prima ipsius creatione: sed hæc sunt poena pro peccato primi hominis, eidem a sua creatione apertissime a Deo indicta; quod cum transfundatur in omnes ipsius posteros, utpote totidem quasi ramos unius ejusdemque arboris jam vitiata, æquum est illius etiam poenas subeant. Quæ urgent Increduli apud Voltairem (3), militant contra veritatem Dogmatis Catholici de Peccato Originali, quibus respondent Theologi Polemici, ut Bellarminus (4).

Deinde ad eandem minorem dico cum Muratorio (5), pro infantia & adolescentia tempore Deum in singulari amore indito genitoribus erga suos liberos omnibus abunde consuluisse: pro reliquo vero vitæ tempore dico cum Plutarcho (6), & qui luculentius de hoc disserit, Pallavicino (7), in anima rationali, qua singuli præditi sumus, datam esse clavem quodammodo, qua illi sibi mille aperiant thesauros, unde omnia sibi comparent, quæ ad victum, vestitum, tutelam, conservationem, & oblectamentum sui per-

(1) Tulli. de Nat. Deor. lib. 2.

(2) S. Aug. de Verbis Apostoli serm. 167. alias 24. c. 1. num. 1. pag. 803.

(3) Voltaire. Oeuvres. tome 6. Metaph. ch. 1. §. c'est là. pag. 23.

(4) Bellar. de Amiff. Grat. ca. 10. p. 225.

(5) Murator. Philosoph. Moral. ca. 7. p. 73.

(6) Plutarch. de Fortuna. pag. 63.

(7) Pallavi. del Bene. lib. 3. cap. 20. pag. 177.

pertinent. Quemadmodum qui abundantem pecuniæ vim dat servo, cui iter aliquod committit, dicitur in ea pecunia eidem providisse de equis, de curru, de hospitio, de comœatu, de omnibus denique ad iter commodè complendum necessariis. Derhamus (1) distinctius ostendit querelam de negato nobis indumento aliquo vel plumarum, vel pilorum, vel vellerum esse propriam hominis, qui statum suum nec naturalem nec politicum capax est cognoscendi. Pro statu enim hominis naturali convenientius illi fuit, ut sibi ipse construeret vestes; Sic enim in regione eadem perpetuo habitare potest, nec cogitur pro diversis anni temporibus alio transmigrare, sicuti faciunt bruta: Sic pro arbitrio potest in diversis terræ locis vitam ducere, & variis se exercitamentis applicare, quæ omnia integumentum aliquod sibi congenitum perpetuo impediret: Sic facilius potest necessariam sibi ad commodius & salubrius vivendum munditiam obtinere. Pro statu autem politico homo tam opportune nascitur imparatus a vestibus, ut si singas illum nasci vestitum, evanescet statim idea Reipublicæ humanæ, quæ coalescit ex diversis hominum ordinibus artibus & officiis, quæ nulla jam erunt commutata Republica in verum animalium armentum.

106. Quod pertinet ad negatam nobis armaturam aliquam naturalem, Galenus sic respondet, (2) *Homini manus datae sunt, instrumentum ad omnes artes necessarium, paci non minus, quam bello idoneum. Non igitur indignit cornu sibi innato, cum meliora cornibus arma manibus, quandocunque volet, possit accipere; Etenim ensis & hasta majora sunt arma, & ad incidendum promptiora: neque cornu, neque ungula quicquam nisi cominus agere possunt, hominum vero arma eminus juxta ac cominus agunt: telum quidem & sagitta magis quam cornua. Non igitur est nudus, neque inermis, sed ipsi est thorax ferreus, quandocunque libet, omnibus coriis difficiliter sauciatur organum, nec thorax solum, sed & domus, & murus, & turris.*

107. Quod

(1) Derham. Physico-Theol. B. 4. (2) Galen. de Ufu part. li. 1. ca. 2. pag. 218.

107. Quod pertinet ad limites magnitudinis, roboris & vitæ humanæ angustioris illis, quos videmus concessos Elephantis & Cornicibus, idem Derhamus (1) respondet, querulos istos non videre incommoda, quæ ex eorum augmento redundarent, quod nimirum deesset nobis terra habitabilis, nec possent ex ipsa haberi, prout nunc est, sufficientia instrumenta & tutamen generis humani. Quare necesse est querantur, simul de terra hac a Deo creata cum hac limitatione, quod stulte fieret, quoniam haberet semper locum nova ex eadem ratione querela, quacunque posita terræ amplitudine. Lucretius cum similem objectionem sic proposuerit (2)

*Denique cur homines tantos natura parare  
Non potuit, pedibus qui pontum per vada possent  
Transire, & magnos manibus divellere montes,  
Multaque vivendo vitalia vincere sæcla?*

Respondit hoc heri non potuisse, quia materia, quam vult esse æternam & a se, non suppetebat ad hæc omnia, quæ est Atheistica responsio.

108. Quod tandem pertinet ad miseras vitæ socias, dico Deum non creasse nos, ut infelicitatem hujus vitæ dumtaxat experiamur, sed ut præparemur ad obtinendam æternam felicitatem per illius tolerantiam, conjunctam cum obedientia ipsius præceptis, quam faciliorem hæc vitæ incommoda reddunt, dum superbiam deprimunt, a vitiis retrahunt, & ardentius beatitudinis desiderium in nobis accendunt, quæ luculenter exponit huic objectioni respondens Benedictus Rogacci (3). Quare si esset stultitia dicit Voltaire (4) in illo, qui negaret existentiam sui Creatoris, propterea quod uno aut altero minuto temporis capite vel pedibus laboraret intra centum vitæ felicissimæ annos, quanto major dicenda est stultitia impiorum, qui audent de Dei Bonitate dubitare propter eas vitæ temporalis ærumnas, quæ comparatione Beatitudinis æternæ, quam Deus nobis comparavit, nihil sunt, & quæ rursus habent rationem medii ad illius certiore consequutionem.

109. In-

(1) Derh. Physico-Theol. B. 5. chap. 4. a num. 8. pag. 620.  
pag. 239.

(2) Lucr. de Rerum Natur. li. 1. pag. 37. pag. 24.

(3) Rogac. Uno necess. par. 1. cap. 25.

(4) Volta. Metaph. chap. 1. §. On repond.

109. Instatur. Saltem mala illa, quæ directe nos retrahunt ab acquisitione Beatitudinis nostræ æternæ, & nomine amissionis Justitiæ originalis veniunt, nequeunt ullò modo esse a Deo; Nam ea urgent in peccata & damnationem: ergo non apparet, quomodo Deus possit per illa intendere aliquod bonum.

Resp. Nego assumptum. Ad probationem distingo antecedens: Urgent in peccata & damnationem ita ut simul urgeant in actus virtutis, & majorem beatitudinem, si desideriosi non sumus, & Dei auxilium imploramus, quod efficax daturum se promissit illud *pie & perseveranter*, ut notat S. Thomas (1), petentibus, conc. antecedens, aliter nego antecedens, & consequentiam. Igitur amissio Originalis Justitiæ induxit quidem rebellionem concupiscentiæ, per quam indeliberatæ incitationes, & appetitus in malum frequenter nos perturbant: at in illis nondum est peccatum ullum proprie tale, ut luculenter ostendit Suarez (2), iisque qui salutis suæ sollicitus est, utitur ad virtutem humilitatis altius in se figendam, quæ est radix omnium virtutum. Eademque intulit etiam nobis necessitatem continuæ vigilantia, & dimicationis; in quo habetur volenti seges palmarum.

## PROPOSITIO II.

110. **C**reaturæ possunt esse causæ physicæ particulares mali proprie talis: atque quæ sunt causæ non liberæ sed imperfectæ, hoc est habentes malum aliquod naturale producunt effectum naturaliter malum de consequenti, non per se: quæ sunt causæ non liberæ & perfectæ, hoc est non habentes malum ullum metaphysicum, si non producunt effectum sine ullo malo naturali, provenit ex aliquo ipsis extrinseco impedimento: quæ tandem sunt causæ liberæ, si producant effectum cum aliquo malo naturali, cum possent producere sine illo, malum hoc provenit ex domi-

(1) S. Thom. 2. 2. quæst. 83. art. 16. O.  
pag. 199.

(2) Suar. in 1. 2. tract. 5. disp. 9. sec. 2.  
num. 9. pag. 435.

dominio, quod illæ habent in suos actus: atque si debuissent effectum illum sine eo malo producere, jam hoc malum respectu effectus naturale, est respectu causæ malum morale: quale pariter est omnis ipsius effectus etiam non malus naturaliter, quo nomine intelligitur etiam omisso, utpote effectus quidam negativus, si producatur ab ipsa, cum deberet eum non producere.

III. Probatur prima pars. Creaturæ possunt esse causæ physicæ particulares aliquorum effectuum: Sed hi effectus possunt habere malum aliquod proprie tale; nam possunt carere perfectione illa, quæ ipsis debita esset: ergo creaturæ possunt esse causæ physicæ particulares mali proprie talis. Veritatem majoris ex professo propugnavi in Dissertatione, de *Causa efficiente*, contra Occasionalitatem, illorum objectiones singillatim excutens, & refellens: quibus addo, quod pro Occasionalismo proximè proposuit, qui meam illam dissertationem in Nunciis Literariis Europæ Parisiis editis ad annum 1765 improbavit: *Hypothesis*, inquit (1) *Occasionalismi vel nullam involvit contradictionem, vel hæc in quovis systemate invenitur, ... nisi quis velit negare omnem speciem concursus etiam simultanei, quod repugnat sanctæ Theologiæ*: Ergo cum Occasionalismus subsistat, non probatur, creaturas ullius effectus esse causas physicæ.

Resp. nego antecedens, cum adjuncta ibidem per modum probationis assertionem, quod scilicet, qui admittit simultaneum Dei concursum ad singulas creaturarum actiones incidat in similes difficultates, quibus Occasionalismus etiam de contradictione evincitur. Obicienti visa fuit certa sua obiectio: saltem nihil addit, ut eam suadeat, fortasse quia jam olim Petrus Bayles pronuntiavit nullas esse difficultates, quæ contra Occasionalismum producuntur, quandoquidem (2) *eadem non minus valent contra systema de Concursu prædeterminante aut simultaneo*. Sed mihi quidem videtur, ne debuisse quidem aut venire illi in mentem, aut ab alio jam objecta recipi & approbari; Etenim

L I

ipsu-

(1) Gazette Literaire tome 46, Février, pag. 281.

(2) Bayl. Tom. 3. Resp. ad quest. prov. pag. 1296.

ipsummet vocabulum concursus simultanei nullum eidem locum permittit. Si enim concursus Dei est simultaneus, jam excluditur omnis actus creaturæ, aut determinatio voluntatis creatæ ante concursum ipsius Dei, & simili modo concursus Dei actualis ante ipsum actum liberum creaturæ. Bene Suarez, qui hoc accuratius exponit, concludit: (1) *Proprie loquendo neque Deus influit, quia Voluntas se determinat, sed quia ipse voluit, & ita decrevit; quamvis conditio, sine qua non influeret ad hunc actum, sit cooperatio ipsius voluntatis; neque e contra voluntas se determinat, quia Deus influit, sed quia potest & vult, quamvis dependenter a Divino influxu.*

112. Probatur secunda pars. Causæ non liberæ, sed imperfectæ agunt per suam virtutem, quæ est perfectio, non vero per intrinsecam deficientiam, quæ est imperfectio, & proinde utpote negatio, nequit esse causæ ullius effectus: ergo effectus quatenus est ab agente causæ non libera non est malus naturaliter, sed solum quatenus est a causâ intrinsece deficiente, malus est; sed hoc significat, effectum illum esse respectu suæ causæ malum naturale de consequenti, & non per se: ergo causæ non liberæ, sed imperfectæ producant effectum naturaliter malum de consequenti, & non per se. Ita claudicatio est effectus naturaliter malus productus a virtute motiva instrumentali tibiæ, quæ solum de consequenti illam producit, cum vis illa exerat se ad producendum motum, qui quatenus est motus claudicans, sequitur ex tibiâ, qua deficiens est, non qua efficiens.

113. Probatur tertia pars. Causa non libera, quæ habet in se malum metaphysicum dumtaxat (§.6.), agit, quantum potest: ergo effectus ipsius ex parte causæ non potest esse nisi cum omni perfectione sibi debita: ergo siquam habet effectus ille privationem alicujus perfectionis provenit ex extrinseco impedimento, quale esset materia non satis disposita, medium resistens, & similia; Nam ut ait Suarez, (2) *Ex concursu hujusmodi causarum sibi resistentium & se*

(1) Suar. in 2. 2. tr. 5. disp. 6. num. 23. pag. 418.

(2) Suar. Metaph. disp. 11. sec. 3. num. 4. pag. 211.

*Et sese impediendum, contingit actionem unius causæ defectuosam & monstrosam prodire, etiamsi in ipsa causâ nullum malum naturale proprie sumptum præcedat.*

114. Dices. Si effectus prodit cum malo naturali ex eo, quod causa inveniatur resistentiam extrinsecam ad agendum quantum potest, jam effectus prodit ex causa imperfecta, quæ scilicet non habet eam virtutem, quæ fatis sit ad vincendam illam resistentiam: sed omnis causa non libera potest invenire resistentiam extrinsecam: ergo nulla causa non libera potest dici perfecta.

Resp. dist. mai., prodit ex causa imperfecta metaphysice conc. mai., imperfecta naturaliter, nego mai. Et concessa minori distinguo consequens: nulla causa non libera potest dici perfecta, hoc est sine ullo malo metaphysico, conc. consequentiam, hoc est sine ullo malo naturali, nego consequentiam.

115. Probatur quarta pars. Causa libera ad agendum, vel non agendum ex hoc ipso, quod est sic libera, non semper vult agere, quantum potest: ergo si nullus est ipsius effectus, cum posset & deberet illam producere, vel si effectus ipsius non est cum omni perfectione sibi debita, hoc provenit ex ipso suo dominio in actum: ergo sine ullo vel extrinseco vel intrinseco impedimento; involveret enim contradictionem, causam esse dominam sui actus, si aliquod hujusmodi impedimentum haberet. Quod autem in casu, quo debuisset causa libera producere effectum, illumque perfectum, & non produceret, sit malum morale hæc imperfectio naturalis respectu causæ, non habet controversiam; sic enim communiter vocatur, unde nascitur illius vituperium.

## S E C T I O VII.

*De Causa efficiente, & finali Mali moralis*

## P R O P O S I T I O.

116. **D**EUS non est causa efficiens neque mediate, neque immediate ullum malum morale: sed est solum illius causa permissiva: quam permissionem Deum rectissime velle lumen ipsum rationis humanæ suadet, sed generalem duntaxat hujus rectitudinis rationem, non vero determinatam aliquam in particulari, quæ adæquata sit, detegere potest.

Prima pars est contra plures hæreticos, quos nominat Bellarminus (1), inter quos fuerunt olim aliqui Lutherani, qui sic esse opus Dei prodicionem Judæ, ut Pauli vocationem dixerunt, quorum blasphemiam damnavit Tridentinum (2). Ab his non fuit aliquando alienus Bayles, qui per solitam sibi inconstantiam adnotante Wolfio, (3) *causam peccati Deam esse conceptis verbis alicubi inficiatur, alibi vero id ipsum non proletaria opera adstruit*, ut ubi dicit, (4) *Si quis magno rationum apparatu efficere conetur, fieri non posse, ut malum morale in Mundum introducat opera principii infinite boni & sancti, respondebimus, fieri id omnino posse. Nihil est insulsius, quam eorum, quæ facta sunt, existentiam rationibus oppugnare*. De his omnibus quis neget, quod Michael Elizalda animadvertit (5), illos pejus desipere Pelagianis; Hi enim sibi solis tribuentes quicquid tam boni quam mali operarentur, saltem poterant propter hoc ipsum suum malum demisse de se sentire. At illi tam bonas quam malas actiones in Deum, tamquam unicam causam refundentes, non solum sibi aditum omnem ad gloriam, sed etiam ad humilitatem præcludunt, & in hoc ipso, quod nul-

(1) Bellar. de Amis. Grat. lib. 2. ca. 1.  
& sequ.

(2) Triden. sess. 6. can. 6.

(3) VVolf, Manich. sec. 1. au. 9. pag. 339.

(4) Bayl. Diction. tom. 2. pag. 2026.

(5) Eliz. Forma veræ Reli. p. 790. p. 827.



multum velint in se agnoscere humilitatis causam, immanem quamdam superbiam præferunt. Quin immo quis non statuatur cum Vasquez, & Suarez, (1) *illos in hoc pejus errare Manichæis? nam hi non bono Deo, sed malo tribuebant peccata*: quod jam olim dixit Irenæus apud citatum Bellarminum de Florino (§. 21.), qui primus citatur tantæ impietatis assertor.

117. Ea probatur sic: Non potest Deus esse causa efficiens mediata mali moralis, neque quatenus dederit creaturæ vim operandi; Nam malum morale, sive ut clarius dicam malitia moralis, utpote negatio quædam non est effectus vis activæ, sed est ejusdem defectus. Neque quatenus dederit vim istam operandi imperfectam; Nam imperfectio hujusmodi est malum dumtaxat metaphysicum (§. 5.), quod nullam habet connexionem necessariam cum malo morali nec intrinsecam, nec extrinsecam; Nam siquam haberet, actum esset de quovis malo morali, cum hoc requiratur libertatem a necessitate, & rursus actum esset de Veracitate ac Sapientia Dei: de Veracitate quidem, quia Deus omnino vellet malum istud, quod sæpe in Scripturis contestatur se abhorrere: de Sapientia vero, quia prænunderet præmia infontibus, & supplicia peccaturis, aliaque media adhiberet, ne id fieret, quod cogit facere. Neque quatenus dederit vim illam imperfectam agendi, intendens malum morale, quod ex ea imperfectione, tamquam ex conditione necessaria provenit; Nam malum morale, quantum ad ipsius effectum non potest recte & ordinate intendi; Ut enim recte posset intendi, deberet posse intendi ut finis, ut autem ordinate, deberet posse intendi ut medium ad aliquem finem; Atqui malum morale non potest intendi ut finis, quia finis est aliquod bonum, at malum morale repugnat esse aliquod bonum, idemque utpote privatio quædam (§. 25.) est nihil, & nihilo non convenit ratio ulla positiva, qualis est ratio boni: neque potest intendi ut medium ad aliquod bonum, quia non sunt facienda mala, ut eveniant bona,

(1) Suar. in 1. 2. tr. 5. disp. 6. num. 1.  
pag. 413.

Vasq. in 1. 2. disp. 129. cap. 2. num. 2.  
pag. 566.

bona : ergo nullo modo Deus potest esse causa efficiens ul-  
lius mali moralis .

118. I. Obijcitur . Habemus ex Scriptura Deum (1)  
præcepisse Semei, ut malediceret David . Convertisse (2)  
cor Ægyptiorum , ut odirent populum ejus , & dolos face-  
rent in servos ejus . Jesum (3) definitò consilio & præscien-  
tia Dei traditum . Herodem (4) & Pilatum cum Gentibus  
& Israelitis fecisse ea , quæ manus Dei , & consilium ejus  
decreverunt fieri . Domini sententiam (5) fuisse , ut indu-  
rarentur corda inimicorum , & pugnarent contra Israel , &  
caderent , & non mererentur ullam clementiam , & peri-  
rent : ergo Deus saltem aliquando præcipit , vel aliud facit ,  
ex quo sequitur malum morale : sed hoc idem est , ac esse  
causam mediatam mali moralis : ergo Deus est causa me-  
diata saltem alicujus mali moralis .

Resp. conc. antecedens , & nego consequentiam . Non  
sunt enim illa verba sumenda in sensu vulgari , qui repu-  
gnat Divinæ Sanctitati , sed in illo , quem subjecta materia  
suggerit , & Interpretes declarant , qui est exprimere per-  
missionem Divinam . Hoc modo , ut notant post S. Thomam  
Melchior Canus (6) & Suarez , Christus Dominus quasi  
imperans dicebat apud Joannem , (7) *Solvite templum hoc* ,  
idest occidite me : & apud Matthæum , (8) *Implete mensu-  
ram patrum vestrorum* : & iterum apud Joannem , (9)  
*Quod facis , fac cito* : quorum sensus est , ego paratus sum ,  
etiam mori , & quod in me est , vobis permittitur , ut etiam  
cito id faciatis .

119. II. Obijcitur . Claudicatio est malum naturale ,  
quod mediate in Deum tamquam causam physicam refundi  
potest . quia imperfectio tibiarum , quæ præsupponitur neces-  
saria conditio ad claudicationem non spontaneam , potest  
esse a Deo immediate : ergo a pari malum morale mediate  
in

(1) 2. Reg. 16. v. 10.

(2) Psal. 104. v. 25.

(3) Act. 2. v. 23.

(4) Act. 4. v. 28.

(5) Josu. 11. v. 20.

(6) Can. de Loc. li. 2. c. 4. pag. 15.

Suar. in 1. 2. tit. 5. disp. 6. num. 12.  
pag. 415.

(7) Joan. 2.

(8) Matt. 23.

(9) Joan. 13.

in Deum authorem refundi potest, quia imperfectio creaturæ rationalis consistens in ejus mutabilitate & defectibilitate, quæ præsupponitur tamquam necessaria conditio ad malum morale, est certe immediate a Deo.

Resp. nego antecedens; Non enim tota ratio, propter quam in Deum mediate refundi potest claudicatio est, quia immediate sit a Deo imperfectio tibiæ, ex qua claudicatio sequitur, sed est hoc præterea, quia ea imperfectio est cum directa intentione claudicationis, quæ intentio manifesta sit ex eo, quod ea imperfectio in tibiâ sit connexa necessario cum claudicatione, quam rursus potest Deus directe velle & intendere, cum ea nullam turpitudinem importet ipsius Sanctitati repugnantem.

120. Secunda pars probatur I. sic. In tantum Deus esset causa immediate efficiens malum morale; in quantum Deus concurrit ad omnes & singulas actiones creaturarum: sed nullus est concursus Dei ad malum morale formaliter sumptum; Nam malum hoc non est actio, sed defectus in actione (§. 25.), quam minoris rationem iterum iterumque adducit etiam Suarez (1), ut planum faciat concursum Divinum ad actus malos talem esse, ut nullo modo Deus dici possit auctor peccati, quod esse contra Fidem idem luculenter demonstrat: ergo Deus non est causa immediate efficiens ullum malum morale.

II. In tantum Deus esset causa immediate, saltem imputative, efficiens malum morale, in quantum privatio rectitudinis, in qua illud consistit, quam habet actus creaturæ, posset tribui etiam Deo, propterea quod privatio formæ a duabus causis producendæ, qualis est rectitudo actionis, tribui debeat utrique causæ: Atqui hoc est falsum: ergo Deus non est causa immediate ne imputative quidem efficiens malum morale. Minor probatur. Privatio formæ a duabus causis producendæ illi soli tribuitur, ex qua unice pendet, quod non producat. Ita quæ accidit in fornace Babylonis privatio combustionis, soli Deo tribuitur, etsi a Deo & igne combustio illa facienda esset, quia per solum Deum

(1) Suar. in 1. 2. tra. 5. disp. 6. num. 20. & num. 28. pag. 417.

Deum stetit, quominus illa fieret: sed privatio rectitudinis in actione creata producenda a Deo & creatura, pendet unice a creatura, ex ejus enim sola voluntate stat, quominus illa rectitudo producatur, juxta illud, (1) *Perditio tua ex te Israel: tantummodo in me auxilium tuum*: ergo privatio illa rectitudinis in actione creaturae illi soli, non Deo tribui debet.

121. Tam pro prima, quam pro secunda propositionis parte sic etiam arguitur. Deus nequit esse causa aliquo modo efficiens id, quod necessario averfatur: Sed Deus necessario averfatur malum morale: ergo Deus nequit esse causa aliquo modo efficiens malum morale. Major evidens fit ex eo, quod non possit sine contradictione concipi in Natura Divina beatissimâ affectionum contrarietas. Minor autem probatur: Deus necessario averfatur malum morale, si id non convenit naturæ rationali a se creatæ, ut rationali; neque enim ex dictis potest concipi in Deo velle simul & nolle, ut rationalis sit, & non rationalis creatura: sed malum morale non componitur cum natura rationali ut rationali: quod fatentur ipsi Adversarii, cum non negent dari in hominibus peccata: ergo Deus necessario averfatur malum morale.

Rursus tribuere Deo esse auctorem aliquo modo mali moralis est insanire cum Ethnicis illis Poetis, qui primos maximosque suorum Deorum de iniquissimis flagitiis, tamquam ab iis vel immediate vel mediate perpetratis accusarunt, graviter proinde reprehensi a Platone, qui hujusmodi illorum fabulas detestatur, & oblivioni mandandas vult, (2) *sive per allegoriam dicta ea sint, sive sine allegoria*.

122. I. Objicitur. Receptum axioma est, quod causa causæ est causa causati: sed Deus est causa liberi arbitrii, quod est causa peccati: ergo Deus est causa peccati.

Resp. distin. mai. Illud est axioma, si intelligatur de causa causæ determinatæ ad agendum, conc. mai. Si intelligatur de causa causæ liberæ ad peccandum nego mai. Et concessa minori, nego consequentiam. Hæc obiectio fecit,

(1) Osee 13.

(2) Plat. lib. 2. de Rep. circa finem pag. 279.

fecit, ut aliqui refugerent concedere hanc loquutionem, Deus author est potentiae peccandi, quæ est in libero arbitrio, & dicerent non a Deo, sed a nihilo esse, quod liberum arbitrium hominis possit peccare. Sed rite intellecto illo axioma, nihil est, quod cogat dicere hæc, quæ vel non possunt intelligi, vel falsa sunt, ut advertit Vasquez(1).

123. II. Objicitur. Scriptura sæpius (2) dicit Deum indurare cor hominis alicujus, vel excæcare: ergo Deus, est causa vel mediata, vel immediata mali moralis. Consequentia probatur. Ipsa duritia cordis est peccatum, cum homo durus ex S. Bernardo sit, (3) *qui nec Deum times, nec homines reveretur*, & ea est fons multorum peccatorum. Sed hæc duritia dicitur haberi per actionem Dei; Nam indurare est verbum activum, quod importat actionem illius, cui tribuitur, qui si sit Deus, certe est efficax: ergo si Deus ex Scriptura indurat cor hominis, Deus est causa mali moralis.

Resp. coh. antecedens, & nego consequentiam. Ad cujus probationem, permitto majorem; Nam multi sunt Theologi teste Suarez (4), quibus videtur *induratio* (de qua loquitur ibi Scriptura) *ex vi vocis poenam potius, quam culpam significare*, ex quo illi inferunt Deum dici posse in proprietate sermonis esse causam indurationis: quod non placet Suarezio, qui observat in rigore sermonis hujusmodi indurationem requirere præter destitutionem Dei, prævam hominis dispositionem, cujus certe causa non est Deus. Sed permisa majori, distinguo minorem. Hæc duritia dicitur haberi per actionem Dei permissivam illius, concedo min.; per actionem Dei efficientem illam, nego minorem, & consequentiam.

Objeccio ista antiqua est, eamque ex professo discutiunt Theologi cum S. Thoma (5), & SS. Patribus, ac Sacrae Scripturae Interpretibus, ubi agunt de Pharaone, de quo

M m

habe-

(1) Vasq. in 1. 2. disp. 129. cap. 20.  
pag. 572.

(2) Exod. 9.  
Joan. 12.

Ad Rom. 4. 40.

(3) S. Ber. lib. 2. de Consider. ad Eugen.

(4) Sua. in 1. 2. tr. 5. disp. 6. num. 15.  
pag. 416.

(5) S. Tho. 1. 2. qu. 79. ar. 3.

habetur Deum dixisse Moyſi (1) : *Ego indurabo cor ejus*. Illorum diverſas in hac re explicationes , prorfus abhorrentes a ſenſu adverſariorum Benedictus Pererius complexus eſt decem diſputationibus (2) , ex quibus colligitur, Deum dici induraſſe Pharaonem , vel quia fecit circa ipſum ea , ex quibus coepit Pharaon ex malitia ſua occaſionem magis obdurandi cor ſuum : vel quia non dedit ipſi gratiam illam , qua efficaciter molliretur : vel quia palam fecit patientia ſua , quam durus eſſet : vel quia diu ipſum toleravit , nec quantum meruit , ſtatim punivit ; in quibus omnibus nulla alia intervenit actio Dei niſi permiſſiva , quæ qualiſcunque ſit , ſecum conjungit , & ſupponit in ipſo homine libertatem a neceſſitate male operandi . Et generaliter excluditur omnis actio effectiva illius indurationis , quæ ſit peccatum : pro qua ulterius ſuadenda perperam recurritur ad proprietatem verbi activi induro , quæ integra remanet etiam in communi uſu loquendi per quamcunque actionem etiam metaphoricam . Sic ut exemplum ponam in re ſatis obvia , dicuntur munera mentem ſapientum pervertere , aut illorum cor obdurare in-damnum miſerorum , vel ut ait Scriptura (3) , excæcare illorum oculos , quæ certe non habent actionem effectivam hujusmodi perverſitatis aut cæcitatis , ſed ſolum ſunt occaſio quædam ad illam mentis perturbationem circa juſtum , quæ dicitur cæcitas . Per ſimilem igitur metaphoram , vel aliam figuram , quæ exaggerat iram Dei in peccatores , loquitur ibi Scriptura .

124. Similis adhibenda eſt interpretatio ad alia Scripturæ loca , quæ Adverſarii congerunt in hac objectione , cujuſmodi ſunt hæc . Dicitur Deus dare (4) ſpiritum mendacii : Mittre (5) operationem erroris , ut credant mendacio : Filios Heli non (6) audiſſe vocem patris ſui , quia voluit Dominus occidere eos : Dominum (7) abtulifſe fortunas ſuas  
Jobo,

(1) Exod. cap. 4. v. 21.

Ibid. cap. 7. v. 3. & alibi.

(2) Per. Select. diſputat. in cap. 12. Exodi.

(3) Deut. 16. 19.

(4) 3. Reg. 22. v. 23.

(5) 2. Theſſal. 2. v. 23.

(6) 6. Reg. 2. v. 25.

(7) Job. 1. v. 21.

Jobo, quamvis id latronum injuria factum constet: Deum (1) posuisse Pharaonem, ut ostenderet in illo fortitudinem suam: Deum (2) similem esse figulo facienti vas in contumeliam pro suo libito: Ipsum (3) abscondere veritatem a sapientibus, & prudentibus: In Parabolis (4) loqui, ut ii, qui foris sunt videntes non videant, & audientes non intelligant, ne quando convertantur: Dominum (5) miscuisse in medio Aegypti spiritum vertiginis, & errare fecisse Aegyptum in omni opere suo, sicut errat ebrius: Roboam (6) non acquievissse populo, quoniam averfatus fuerat eum Dominus, ut suscitaret verbum suum. De quibus omnibus & his similibus accuratior explicatio reddetur consulendo pro singulis probatos S. Scripturæ Interpretes.

Alia pro prædictis propositionis partibus argumenta, & solutiones aliarum objectionum, quæ contra illas fiant, dabit Suarez (7).

125. Tertia jam propositionis pars probatur. Omne, id quod aliquo modo est, sine Deo esse nequit: sed malum morale, utpote non mera negatio, sed quædam privatio, aliquo modo est: ergo sine Deo esse nequit: Sed nequit esse a Deo, ut causa efficiente aut mediate aut immediate (§. 111. & 114.): ergo est a Deo, ut causa permittente. Confirmatur ex illo S. Augustini, (8) *Nihil fit, nisi Omnipotens fieri velit, vel ipse faciendo, vel sinendo, ut fiat.*

126. Quarta propositionis pars probatur cum Suarez (9) sic. Permissio mali moralis ex se mala non est, & potest esse bona: Sed rectissime quis velle potest, quod ex se non est malum, & potest esse bonum: ergo rectissime Deus velle potest permissionem peccati. De majori unice dubitari potest, eaque suadet primo authoritate S. Thomæ, qui ait, (10) *Deus vult permittere mala fieri, & hoc est bonum.* Suadetur secundo, quia si permissio mali moralis ex se mala esset,

M m 2

&amp; nun-

(1) Exod. 9. v. 15.

(2) ad Rom. 9. v. 21.

(3) Matt. 11. v. 25.

(4) Marc. 4. v. 12.

(5) Isa. 19. v. 14.

(6) 1. Reg. 15.

(7) Sua. in 1. 2. tr. 5. disp. 6. pag. 413.

(8) Aug. Enchir. ca. 96.

(9) Sua. Metaph. dis. 11. sec. 3. num. 3. pag. 211.

(10) S. Thom. 1. p. qu. 19. ar. 9. ad 3. pag. 86.

& nunquam posset esse bona in nullis circumstantiis, licita esset, & laudabilis, quod est falsum; Nam in circumstantiis, in quibus, qui alterius culpam impediret, ipsemet culpam patret, non solum sine culpa, sed etiam cum laude illam permittit. Ita miles, quod est exemplum Leibnizii (1) in hac re, positus in excubiis permittit cum laude eandem duorum litigantium, quam illuc accurrens facile quidem posset impedire, sed non sine culpa, quam incurreret deficiendo a sua obligatione custodiendi stationem suam. Sic licite permittitur peccatum fœneratoris, dum licite ab illo pecunia petitur urgente necessitate, etiam sub passionem usuræ, quod est exemplum Cardinalis Pallavicini (2), receptum communiter a Theologis, qui cum S. Thoma observant permitti usuras a Republica, (3) *non quasi æstimes eas esse secundum iustitiam, sed ne impediuntur utilitates multorum.*

127. Quinta propositionis pars, quod Lumen naturalis rationis nobis suadeat Deum rectissime permittere peccata, habet ex parte Bayles violentam oppugnationem, conflantem ex omnibus difficultatibus, quas Manichæi proposuerunt, aliisque ab ipso excogitatis, quoniam si facile est inventis addere in rebus, quæ sunt jam manifestæ, multo magis in iis, quæ versantur circa obscura & implexa: harum quasi succum collegit Wolfius (4). Bayles quidem eas modis omnibus urgens sæpius profitetur, se id facere non jam eo animo, ut Manichæismum promoveat, aut stabiliat, sed ut suadeat standum dumtaxat esse in multis articulis Fidei Revelationi Divinæ, quæ aliquando quid proponit credendum, quod est contra omnem rationem, quemadmodum vult ille esse rectitudinem, & bonitatem Divinæ Voluntatis in permissione mali moralis, quam ipso iudice sola suadet Fides, non vero ulla Philosophia, quin immo hæc contra illam proponit objectiones insolubiles. Celebris est hæc Bayles opinio, cujus falsitatem multi ostenderunt.

Sic

(1) Leibn. *Caus. Dei. in fine Theod.*  
num. 38. pag. 14.

(2) Pall. *del Bene. li. 2. ca. 55. pag. 311.*

(3) S. Tho. 2. 2. qu. 78. ad 3. pag. 182.

(4) VVol. *Manich. sec. 3. m. 14. pag. 369.*



Sic autem hæc pars probatur. Lumen rationis naturalis suadet Deum esse ens perfectissimum: Sed nihil velle aut intentive aut permissive nisi rectissime, est de notione entis perfectissimi: ergo si lumen rationis naturalis suadet Deum esse ens perfectissimum, suadet velle etiam rectissime permissionem mali moralis.

Confirmatur. Quivis cordatus homo credit recte & prudenter factum aut dictum, quod novit factum aut dictum ab alio homine, qui communiter habeatur tamquam excellens integritate, aut doctrina, etiamsi ipse non intelligat, quo illud consilio fecerit, aut quibus fundamentis dixerit, & tanto magis ita credit, quanto major est existimatio, quam de illo habeat. Sic si quis est in Urbe Socrates, quidquid molitur, jam creditur facere sapienter. Siquod theorema invenitur assertum a Newtono, jam assumitur tamquam certum ab illo, qui imparem mentis aciem habere se profiteatur. Illico parent milites duci suo, de cujus arte militari non dubitant. Sine hæsitatione utitur infirmus remedio, quod præscribat medicus, cui magnum sit nomen a doctrina & experientia: ergo quivis homo non potest non credere rectissime permitti peccata a Deo, quem naturalis etiam Theologia demonstrat esse Sanctissimum, Sapientissimum, & ut Nanzianzenus ait, *ipsissimam rationem*. Argumentum hoc exornat Agidius Estrix (1), eidemque innitentes, quod scilicet satis sit scire Deum permisisse, ut intelligamus recte permisisse, cum voluntas ejus necessario sit recta, clamant contra Baylem etiam Pictetus (2), & Wolfius (3) cum aliis Heterodoxis, quos citat.

128. Sexta pars, quod lumen rationis ostendat generales quasdam rationes hujus rectitudinis Divinæ in permissione peccati probatur sic. Lumen rationis ostendit Deum perfectissimum ideo permittere peccata, quia aliter derogaret suis perfectionibus, & seipsum, ut dicit Apostolus, negaret: & minus generaliter, quia novit ex ipsis malis quibusvis

(1) Estr. Diatrib. Theol. sec. 1. af. 13. num. 70. pag. 381.

(2) Pict. cont. l'Indiff. ch. 10. pag. 131.

(3) VVolf. Manich. sec. 3. m. 11. p. 146. & num. 20. pag. 199.

vis eruire aliqua bona; (1) *Neque enim*, inquit S. Augustinus, *Deus ullum non dico Angelorum, sed vel hominum crearet, quem malum futurum esse præscisset, nisi pariter nosset, quibus eos bonorum ulibus commendaret*: quod alibi sæpe (2) inculcat: sed hæ sunt rationes generales: ergo.

129. Septima pars, quod Lumen rationis non debeat determinatam, vel determinatas in particulari rationes adæquatas, per quas Deus rectissime permittit peccata, probatur primo, quia postquam in hanc rationem inquirendam meditatus fuit S. Augustinus, illam esse supra suum captum professus est, (3) *Altitudinem consilii ejus penetrare non possum, & longe supra vires meas hoc esse confiteor*, quibus similia habet alibi (4) sæpe: ergo erit etiam supra illum aliorum hominum, quemadmodum plures reipsa facti sunt, etiam ex Heterodoxis, quos citat & sequitur Wolfius (5), quibus addo Michaellem de Elizalde (6), & Alphonsum de Sarasa (7), quorum neuter accedit ad exponendas rationes aliquas hujus permissionis, de quibus jamjam aliquid dicam, nisi postquam omni studio conati sunt persuadere mysterium in hac re proponi nobis, de quo nunc nostra Fides exigitur, non vero intelligentia & penetratio. Quare nihil melius in hac re concludere possumus, quam illud Scaligeri

*Nescire velle, quæ Magister optimus*

*Docere non vult, erudita inscitia est.*

Secundo probatur, quia quæ solent proferri tamquam determinatæ hujus permissionis rationes, inveniuntur quidem esse aut esse posse aliquæ, sive ut ait Bellarminus (8), probabiles, sed certe non adæquatæ rationes, ut instituendo illarum examen planum fit.

130. Prima ratio sit: Deus permittit peccata, ut locum

- |   |  |
|---|--|
| (1) S. Aug. de Civ. li. 11. ca. 18. p. 285.     | Id. de Gen. ad liter. li. 1. ca. 10. p. 279. |
| (2) Id. de Gen. ad li. 1. ca. 9. num. 12.       | Id. de Dono Perleu. ca. 10.                  |
| pag. 279.                                       | (5) VVol. Manich. sec. 3. nu. 20. p. 399.    |
| Id. de Civ. li. 22. ca. 1. pag. 655.            | (6) Eliz. Forma veræ Relig. qu. 39. a        |
| Id. Ep. ad Maximum 264. alias 141.              | num. 727 pag. 492.                           |
| pag. 394.                                       | (7) Saraf. Ars gaudendi. Tom. 1. trac. 6.    |
| (3) Id. de Gen. ad liter. li. 1. ca. 4. num. 6. | pag. 142.                                    |
| pag. 277.                                       | (8) Bell. de Amis. Graec. lib. 3. cap. 2.    |
| (4) Id. Epi. ad Paulinum 249. alias 59.         | pag. 217.                                    |
| num. 18. pag. 510.                              |  |

habeat illa creaturarum species, qualis est homo, quæ sit prædita libertate etiam peccandi. Hæc placuit Lactantio, qui dicit, (1) *Simul Deum proposuisse bonum ac malum, & bonum quidem diligere, ac malum odisse: sed ideo malum permisisse, ut & bonum emicaret.* Eamdem fuse exponunt Tertullianus (2), & Simplicius (3), eique videtur acquiescere etiam Suarez, ubi dicit, (4) *velle permittere peccatum non est aliud, quam velle hominem habere liberum arbitrium, & formalem usum ejus.* Certe dignitas intrinseca hujus creaturæ est præclarissima, nec minor gloria, quæ in Creatorem ex illius constitutione redundat. Ac quod pertinet ad dignitatem intrinsecam hujus creaturæ, quis non adprobet illa S. Augustini verba, (5) *Sicuti melior est vel aberrans equus, quam lapis, propterea non aberrans, quia proprio motu & sensu caret: ita est excellentior creatura, quæ libera voluntate peccat, quam quæ propterea non peccat, quia non habet liberam voluntatem...* Nec te moveat, quod vituperentur animæ peccatrices, ut dicas in corde tuo melius fuisset, si non essent; In sui enim comparatione vituperantur, dum cogitantur, quales essent, si peccare noluisent. Et alibi (6) Servos suos, dicit, meliores esse Deus judicavit, si ei servirent liberaliter, quod nullo modo fieri posset, si non voluntate, sed necessitate servirent. Per libertatem igitur datur locus creaturæ, quæ habeat dominium in suos actus, & capax sit tot illis animi oblectamentis, quæ redundant ex inquisitione variarum cognitionum, ex inventionibus, ex institutione vitæ, ex colloquutione cum aliis, ex conscientia recte factorum, aliisque hujusmodi, quæ omnia sublata libertate tolluntur. Quanto vero splendidius effulgeat gloria Creatoris ex conditis creaturis liberis intelligi potest, illis per rationem nostram ab hac rerum univertitate paulisper sublatis: quo facto jam Mundus est mera machina digito Dei unice mobilis: in eo amplius elucere nequeunt aut Sapientia aut Potentia illa Divina, quibus efficit, ut tot creaturæ volun-

(1) Lact. de Ira Dei c. 15. pag. 293.

(2) Tertul. lib. 2. contr. Marci. cap. 6. pag. 645.

(3) Simp. Comm. in Epictet. cap. juxta

Caninium 54. pag. 53.

(4) Sua. in 1. 2. tr. 5. dis. 6. n. 7. p. 414.

(5) S. Aug. de lib. arbit. li. 3. ca. 5.

(6) Id. ib. d. cap. 19.

voluntates sui dominæ, sed minus invicem consentientes, in bonum tamen Univerſi conſpirent: nec Divina illa Bonitas, quæ commercium quoddam amoris inſtituit inter ſe & creaturas, quæ ipſi libere poſſent obſequi: neque Divina illa Magnificencia & Juſtitia, quæ in præmiorum, atque poenarum retributione exercentur, quas rationes reſpicientes Deum magis declarat Bellarminus (1). Nihilominus rationem iſtam non poſſe dici adæquatam rationem permit- tendi peccata, quam Deus ſequitur, vidit S. Auguſtinus, qui illam ſubjunxit immediate ad apertam illam confeſſionem. (§. 122.) de altitudine imperſcrutabili Divini in hac re conſilii.

Rurſus quis neget Deum Omnipotentem & Sapientiſſimum poſſe impedire peccata ſaltem multa, ſaltem atrociora, quin tollat Creaturis liberum arbitrium ſemel illis datum: quinimmo illos reipſa, qui ad normam virtutis conſtanter vixerunt, ideo celebramus, quia libertatem a neceſſitate bene agendi cum ipſomet bono exercitio conjunxerunt: ergo dicere, ideo Deus permittit peccata, quia non vult tollere creaturis liberum arbitrium, nequit assignari tamquam ratio adæquata, ut notavit jam Piſtetus (2).

Quare minus efficax eſt illa argumentatio Tertulliani contra Marcionem dicentis, (3) *Quominus homo male libertate ſua frui aggreſſus in periculum laberetur, ſi Deus interceſſiſſet, reſcidiſſet arbitrii libertatem, quam ratione & bonitate permiferat. Denique puta interceſſiſſe. Nonne exclamaret Marcion, O Dominum futilem inſtabilem infidelem reſcipientem quæ inſtituit! Cur intercedit, ſi permifiſit? Eli- gat ubi ſemetipſum erroris notet, in inſtitutione ne an in reſciſſione.* Marcion enim reſpondere poteſt eſſe aliquod medium inter inſtitutionem libertatis, & reſciſſionem, nimirum talem per Omnipotentiam Dei diſtributionem Gratia, & univerſim rerum diſpoſitionem, quæ bonum uſum datæ libertatis, vel ſaltem non tam malum, aut non tam frequenter malum ſecum importaret.

131. Se-

(1) Bella. de Gra. & lib. arbit. li. 3. ca. 18. pag. 520.

(2) Piſt. Cont. l'indifferen. ch 10. p. 136.

(3) Tertull. cont. Marcion, li. 2. cap. 7. pag. 616.

131. Secunda ratio fit illa Cardinalis Pallavicini, qui cum jam in libris de Bono ex professo propugnaverit (1) primam, quam insufficientem ostendi, aliam deinde in Assertionibus Theologicis amplexus est (2), quæ est hujusmodi. Deus permittit peccata, quia honestissime potest illa permittere: honestissime autem potest illa permittere, quia honestissime vult esse creaturas rationales, quæ peccabiles sint; quod probat ex eo, quod Deus honeste vult esse creaturas, quibus possit imponere præceptum rigorosum, de cujus ratione est, ut non necessitet physice, iisque felicitas sit præmium virtutis, non vero naturalis conditio creationis.

Sed hæc ratio non satisfacit. Nam negabunt Adversarii assumptum, neque quæ pro eo adducuntur probationes opportunæ sunt; Siquidem ex eo, quod Deus honestissime velit esse creaturas rationales, quæ peccabiles sint, & proinde capaces pro suo libito obediendi suis præceptis, & merendi sibi felicitatem, non illico fit, Deum posse permittere peccata. Nonne reipsa multi Angeli in Cælo, & Virgo beatissima in terris fuerunt natura peccabiles, & capaces obedientiæ, & meriti, & tamen nullum illorum peccatum permisit? Igitur cum ipse Auctor neget bene arguere illos, qui dicunt *neceffe fuit, esse possibile malum morale, quia alioquin tolleretur libertas*, nescio quonam modo deinde ex peccabilitate creaturarum, & requisitâ ad obediendum & merendum libertate concludat, ergo Deus honestissime permittere potest peccata.

132. Tertia ratio fit illa aliorum. Deus permittit peccata, ut ostendat suas perfectiones. Ostendit enim Sapientiam, dum ab his etiam malis novit multa bona elicere. Sic (3) *Videte*, inquit S. Augustinus, *quanta nobis præstat de ipso immanissimo scelere Judæ traditoris. Judas tradidit ad passionem Filium Dei, & per passionem Filii Dei omnes gentes redemptæ sunt ad salutem*. Sic Idem observat tale augmentum virtutis ex aliorum peccatis provenire relate ad

N n

bonos

(1) Pallav. del Bene. li. 2. ca. 55. nu. 5. & seq. pag. 313.

(2) Id. de Act. human. li. 1. num. 192. pag. 257.

(3) S. August. in Psalm. 53. num. 28. pag. 1020.

Id. Epist. sed Maximam 244. alias 141.

bonos in hac vita, ut dicat, illos (1) *opus habere malorum commixtione, sive ut per eos exercentur, sive ut eorum comparatione magna illis exhortatio fiat, ut nitantur ad melius, quibus sublatis altitudo charitatis quasi evulsa marcescit*. Ostendit Benignitatem in Creaturas, quas peccantes diutissime etiam tolerat: eamque facile intelligimus vere esse Divinam, semel quod advertamus terrenos Dominos, Parentes, Magistros expellere tandem a famulatu, a familia, a disciplina illum vel servum, vel filium, vel discipulum, quos quasi immutabiles in sua perversitate aliquamdiu deprehenderint. At Divina Clementia non solum malos tolerat, sed ut secum in pristinam gratiam redeant, continuo urget. Hinc ut profecquitur idem Augustinus, *Mali, nisi patienter cum mali sunt, tollerentur, ad laudabilem mutationem non perveniunt*. Ostendit Sanctitatem, & Justitiam, dum præmio bonos, pœna malos afficiet, saltem in Inferno. Sic S. Augustinus: (2) *Cur non crearet Deus, quos peccaturos esse præcivit, quandoquidem in eis & ex eis, & quid eorum culpa mereretur, & quid sua gratia donaretur, posset ostendere, quibus similia habet alibi* (3).

Verum hæc & similes rationes certe nequeunt dici adæquatæ, & postquam quis istas attulerit, necesse erit assurgat ad alias altiores nobis nunc ignotas, sed certe Deo dignas. Quin immo ne videntur quidem numerari omnino posse inter causas finales talis permissionis, sed inter bona, quæ supposita jam permissione peccati, Deus novit ex illo eruere. Observavit jam olim Vasquez (4) *Patres vulgari modo fuisse loquutos, ut Scriptura quoque consuevit, cum eventum bonum, qui occasione peccati futurus est, tamquam finem exprimit, & de ipso ut causa finali loquitur, cum tamen revera bonum, quod Deus ex peccato elicit, non sit primariæ suæ voluntatis*: Idemque deinde conclusit Valentinus de Herice, postquam ex professo propugnavit (5) non posse attribui Deo pro

(1) S. Aug. Quæst. in Matth. 12. num. 4. pag. 282.

(2) Id. de Civit. li. 14. ca. 26. pag. 377.

(3) Id. de Nupt. & Concupiscl. 2. ca. 16. num. 31. pag. 317.

(4) Vasq. in 4. 2. dif. 93. ca. 1. nam 15. pag. 439.

(5) Heric. in 1. p. tr. 3. disp. 30. cap. 6. num. 31. pag. 631.

pro fine permittendi peccata, quicquid sit antecedens ad inferendum, quod Deus intenderit peccatum tamquam medium ad illum finem. Brevius equidem sensum prædictum in similibus autoritatibus, quæ obijciuntur, sic colligo: SS. Patres respectu peccantium & peccatorum vocant Deum ordinatorem, (1) *Deus*, inquit Augustinus, *sicut naturarum bonarum optimus Creator est, ita malarum voluntatum iustissimus ordinator*: Atqui ordinare præsupponit existentiam eorum, quæ in ordinem disponuntur: ergo si Deus est ordinator peccantium & peccatorum, jam antecederet ad istam ordinationem intelligitur permisisse peccatum. Quod habendum est præ oculis ad colligendum genuinum & literalem sensum eorum, quæ ex S. Scriptura & Patribus afferri possunt tamquam denotantia in allatis rationibus haberi causas finales ipsius permissionis peccatorum. Unde impii quidem inferunt Deum non tam permissive, quam intentive velle peccata, & mala illis adnexa etiam æterna: Alii vero, ut refert S. Thomas dixerunt, (2) *quod licet Deus non velit mala, vult tamen mala esse vel fieri, quia licet mala non sint bona, bonum tamen est, mala esse vel fieri: quod ideo dicebant, quia ea, quæ in se mala sunt, ordinantur ad aliquod bonum, quem quidem ordinem importari credebant in hoc, quod dicitur mala esse vel fieri: Sed hoc (subjungit S. Doctor) non recte dicitur*.

133. Hinc solvuntur argumenta illa Bayles ab exemplis, quibus contra permissionem peccati causam Manichæorum agit. Dicit enim (3): Pater nec recte nec ordinate permittit filios suos corruere cum tibiæ fractione, ut ostendat toti Urbi dexteritatem suam in restituendo ad pristinam firmitatem & rexitudinem oſa. Similiter inordinate Rex permittit seditionem, & scelera subditorum in dies augeri, ut sibi acquirat in ejus extinctione famam sapientiæ aut potentiæ, & in eorum punitione illam justitiæ: ergo neque potest dici recte & ordinate Deum permittere peccata ad ostendendas suas perfectiones.

N n 2

Re-

(1) Id. de Civit. li. 11. ca. 17. pag. 285.

(2) S. Thom. 2. p. qu. 19. ad 1. pag. 80.

(3) Bayl. Diction. Art. Pauliciens.

Respondeo enim, concedo totum. Piſtetus (1) videtur concedere antecedens, & ſic diſtinguere conſequens; Non poteſt illud dici, tamquam ratio adæquata permiſſionis peccati, concedo conſequentiam; non poteſt illud ullo modo dici, nego conſequentiam, cujus ab antecedenti diverſitatem notat eſſe, quod allatæ permiſſiones illius Patris & Regis ſiſterit tandem in ultimo quodam & præcipuo motivo, certe vitioſo, in præpoſterea ambitione: & rurfus eſſent imprudentes, cum neuter certus eſſe poſſit de felici exitu remedii, de quo cogitat: Rex autem ille, qui permetteret ſcelera, ut haberet, in quibus exerceret juſtitiam, crudelis animi eſſet. At in Deum perfectiſſimum non cadunt niſi fines ſanctiſſimi, & ipſo digni, & eſſi puniat malos, non tamen permittit eſſe malos ad ſuam puniendi, & omnia habet in ſua poteſtate, ut etiam de malis bona poſſit certiſſime elicere. Quod eſt fateri rationes illas non eſſe adæquatas, ſed tamen eſſe aliquas, quæ ſaltem ſatis opportunæ ſunt ad revocandum in mentem inter attributa Dei non eſſe ſolam Bonitatem, nec a Deo mundum conditum eſſe, ut hanc tantummodo creaturis intelligentibus manifeſtaret, quod præter rationem videtur ſapius ſupponere Adverſarius.

134. Quarta ratio ſit illa, quam invenio apud Cajetanum (2), & recentius apud Trevoltianos. Deus permittit peccata, (3) *quia ſunt occaſio tot virtutum admirabilium in tot Sanctis, & adventus Redemptoris*: At inadæquata dicenda omnino eſt hæc etiam ratio, vel melius nulla. Imprimis enim ſicuti non ſunt facienda mala, ut eveniant bona, ſic neque ſunt ex hoc fine permittenda. Rurfus enumerata bona ſunt etiam illa, effectus ordinationis divinæ de peccatis jam exiſtentibus ex ejus permiſſione, non finis permittendi. Aperte hoc exprimit S. Auguſtinus dicens: (4) *Ad aliquem uſum Sanctorum ordinatur omnis cæcitas impiorum a Summo Deo, qui bene utitur etiam malis*: Quæ verba utor & uſus, quæ

(1) Piſt. cont. l'Indifferen. cha. 10. p. 134.

(3) Memoir. de Trev. an. 1706. art. 74.

(2) Cajet. in Comm. ad 1. p. qu. 22. art. 2. pag. 967.

(4) S. Aug. Cont. Fauſt. li. 16. c. 21. p. 295.



quæ important illius, quo quis utitur præviam existentiam, frequentissima (1) sunt apud illum loquentem de bonis, quæ ex impiis & peccatoribus in hunc Mundum derivantur.

Illud etiam contra alteram hujus rationis partem est, quod ea supponat Christum non venturum, si Adam non peccasset, quod est controversum. Præterea videtur supponere dari non posse Redemptionem, per quam quis præservetur a lapsu: quod est falsum ex communissima sententia circa Beatam Virginem, quæ hanc solum illi pertinere Redemptionem docet, de qua videri potest Suarez (2).

135. Quinta ratio hujus Divinæ permissionis sit illa, quam primam invenio apud Kingium, ubi fusissime in hanc rem inquit: quod peccata, quæ vocantur mala moralia sint minora mala, quam mala naturalia, qualia sunt miseria, quibus subjecti sumus, quia inquit, (3) *electiones pravae ideo præcipue pro malis habentur, quia nos in mala naturalia ducunt . . . Majora ergo sunt mala naturalia, quam moralia; propter enim quod aliquod malum, necesse est, ut illud pejus sit*. Ex quo sequitur, ut sicuti sine ulla læsione aut nota Divinæ Bonitatis, Deus intelligitur permittere, seu potius velle mala naturalia, ita intelligitur permittere mala moralia.

Reiicitur hæc, quia impossibilis, & laborans falsa suppositione circa gravitatem minorem mali moralis, quam naturalis, ut jam olim S. Thomas distincte docuit dicens, (4) *quod culpa habet plus de ratione mali, quam poena, & non solum quam poena sensibilis, sed etiam universaliter accipiendo poenam, secundum quod privatio gratiæ vel gloriæ, poenæ quædam sunt*.

136. I. Quia Sacra Scriptura aperte nos docet propter mala moralia subiacere hominem malis naturalibus, & hæc esse illorum poenam (§. 37.) : ergo majora sunt mala moralia, quam naturalia.

II. Ma-

(1) S. Aug. Ep. ad Maxim. 264. alias 141. pag. 294.

Id. in Psal. 77. nu. 28. pag. 832.

Id. in Psal. 36. ferm. 1. nu. 11. pag. 263.

Id. in Psalm. 104. nu. 17. pag. 1185.

(2) Suar. in 1. 2. tr. 5. disp. 9. sec. 4. num. 10. & sequ. pag. 443.

(3) King. de Orig. Mali cap. 5. sec. 5. subsec. 2. a nu. 2. pag. 157.

(4) S. Thom. 1. par. qu. 48. ar. 6. p. 168.

II. Malum culpæ importat, voluntatem se exercere inordinatim, malum vero poenæ non se exercere circa aliquid, cuius usu privatur: ergo quanto aliquid est majus nihilo, tanto malum culpæ est majus malo poenæ. Simile argumentum adhibet citato loco S. Thomas concludens, *quia ergo culpa confistit in deordinato actu voluntatis, poena vero in privatione alicujus eorum, quibus utitur voluntas, perfectius habet rationem mali culpa, quam poena.*

III. Cum eodem S. Thoma. Malum poenæ opponitur bono creaturæ, quo illam privat, at malum culpæ opponitur Bono increato; Nam contrariatur executioni Divinæ voluntatis, & Divino amori, quo Bonum Divinum in se ipso amatur: ergo majus malum est culpa, quam poena.

IV. Sunt quidem multa mala moralia, quæ metaphysice connectuntur cum malis naturalibus, ut furtum & homicidium; Nam in hæc mala directe tendunt, & terminantur: Sed multa etiam sunt, quæ hanc connexionem non habent, ut sunt peccata cogitationis saltem aliqua, quæ in hac Kingii opinione videntur excludi a numero peccatorum.

V. Mala quidem naturalia sunt consequentiæ physice necessariae ex natura creaturarum hujusmodi, quæ constant etiam materia, cuius partes, ut utilis esset, debuerunt habere motus inter se contrarios: Unde alteratio in compositis, & dissolutio, quæ in animatis, morbi tandem sunt & mors; Quare vel Deus has creaturas non debuerat creare, vel semel quod illas creaverit, non poterat ut Author naturæ non velle illarum alterationes & dissolutiones: At mala moralia implicat contradictionem esse consequentias ullo modo necessarias ex natura creaturæ liberæ ab illorum necessitate.

VI. Tandem malum morale consistere in eo, quod nobis vel Reipublicæ nocet, est stulta quædam opinio, de qua jure vulgus ipsum ex alibi dictis (1) Hobbesium execratur: Sed doctrina Kingii in hac re eandem opinionem vel insinuat, vel continet, ut jam contra illum notavit Wolfius (2): ergo.

137. Sc-

(1) Diss. de Bono. p. 102.

(2) VVolf. Manich. sec. 3. n. 34. p. 475.

137. Sexta ratio sit illa, quam dat Leibnitius dicens cum Optimistis, (1) *Deum non permittere peccata, nisi quia absolute impossibile est melius fieri a quocunque*, hoc est ut alibi (2) distinctius explicat, quia cum Deus necessitetur ad faciendum optimum Mundum, semel quod Mundum voluerit creare, ea peccata non vult propter se, nec ut media ad suam gloriam, sed propter optimam Mundi constitutionem, ad quam pertinent ut conditiones, sine quibus non esset Mundus optimus. Rejicitur hæc, quia impossibilis; nam ut alibi (3) ostendo falsum est systema Optimismi, sive quod Deus non potuerit facere Mundum, hoc qui existit meliorem. Nec argumenta, quæ pro hac opinione Canzio nuper visa sunt, ut ipse ait (4) *peremptoria, & phari loco habenda*, quidquam possunt nisi apud eos, qui falsa illa Leibnitii principia admiserint, de necessitate in Deo creandi optimum, & de facultate in nobis inveniendi rationem sufficientem de omnibus.

138. I. Objicitur. Ratio humana ex dictis non potest assequi, cur Deus permittat mala moralia: ergo ratio humana non potest assequi, quomodo permissio ista concilietur cum Bonitate Divina: Sed hoc importat permissionem mali moralis attentata ratione humana non vacare culpa: ergo.

Resp. concedo enthymema in eo tamen sensu, qui dictis revera consonet, scilicet rationem humanam non assequi positivas & adequatas rationes permissionis peccatorum, etsi assequatur aliquas inadæquatas, & omnes negativas rationes, quatenus scilicet solvit, quæ in contrarium opponuntur. Et nego minorem, quæ subsumitur contra omnem rationem, tum quia semel quod ratio dicat se non posse assequi, cur Deus permittat hæc mala, nequit sine contradictione dicere Deum non sine vitio illa permittere: Sicuti qui se declarat non posse judicare de coloribus, quia cæcus est, nequit, si sibi constet, affirmare fictionem esse quemvis colo-

(1) Leib. Essai de Theodic. par. 2. num. 165. pag. 319.

(2) Id. Ibid. nu. 340. pag. 410.

(3) Diss. de Creatione.

(4) Canz. Philosoph. Leibniz. cap. 1. §. 554. pag. 479.

colorem, aut nigrum esse in aliquo objecto colorem, in quo qui vident, dicant esse album: Tum quia etsi ratio non assequatur, cur Deus permittat hæc mala, hoc tamen assequitur, nulla & inepta esse argumenta omnia, quæ ad vituperandam vel alio modo notandam hanc Divinam permissionem afferuntur, singulorum vitia planissime ostendens.

139. II. Objicitur a Cotta apud Tullium (1). Medicus certo sciens ægrotum periturum propter intemperantiam, si illi permittat potionem vini, non potest recte & ordinate, seu sine culpa illam permittere: ergo a pari Deus præsciens homines aliquos peccaturos permittendo illis malum usum rationis, non potest sine culpa hunc illis permittere.

Resp. cum Hooke (2), conc. antecedens, & nego consequentiam; Nam ratio conjuncta cum libertate a necessitate est aliquid, sine quo vel nullo modo habetur homo, vel saltem juxta S. Augustinum (§. 124.) non habetur homo perfectior entitative illo, qui nunc est: at vinum est aliquid, sine quo non moritur homo, aut in nihilum revertitur, & potest convalescere. Quare non sine culpa vinum Medicus cum illa prænotione permittit; hoc enim idem est ac ægrotum occidere, qui alias viveret. At sine culpa Deus dat rationem cum illa libertate conjunctam homini, qui illam etiam velit abuti; Hoc enim idem est ac creare hominem, seu speciem creaturarum nobilissimam, & ejus essentiam conservare. Exemplum reformari in rem nostram sic potest. Medicus etiam si sciat morbum augendum permittendo cibum ægroti, sine ulla tamen culpa permittit, quia sine cibo non vivit homo: ergo a pari Deus, etiam si præsciat hominem aliquem peccaturum dando illi rationem cum ea libertate propter ipsius malum usum, sine ulla tamen reprehensione dat, quia sine ratione conjuncta cum ea libertate, quæ in se est bonum aliquod, ea frustra data esset, si sine usu deberet esse, & non subsistit talis homo: vel propter alias rationes certe Deo dignas, & nobis inscrutabiles.

140. III. Ob-

(1) Tull. de Nat. Deor. lib. 3. num. 69. pag. 344.

Id. Ibid. num. 78. pag. 346.

(2) Hoo. Princ. Religi. tom. 1. sec. 3 ar. 2. pag. 375.

140. III. Objicitur a Bayle, & quidem sæpius. Mater certo sciens fore ut filia pudicitiam amittat, si sinat eam interese certorum hominum coetibus; hoc illi non permittit sine nota imprudentiæ & crudelitatis, etsi dicat se permittere, ne illi libertatem tollat: ergo neque Deus sine simili nota permittit occasiones peccandi, & ipsa peccata, quæ præscivit, si dicatur permittere ex motivo relinquendi libertatem.

Resp. concedo antecedens, & distin. consequens: non permittit sine aliqua nota Deus occasiones peccati, & peccata hominum, si dicatur permittere ex motivo non tollendi ab hominibus libertatem tamquam motivo inadæquato, nego consequentiam: tamquam motivo adæquato, omitto, vel potius nego suppositum. Qui enim dicit cum S. Augustino (§. 123.) rationem, qua Deus permittit peccata esse supra suum captum, non determinat ullam rationem neque adæquatam neque inadæquatam. Quod autem motivum conservandi libertatem possit esse aliqua inadæquata ratio hujus permissionis in Deo quidem laudabilis, nullo vero modo in matre illa, ratio est cum Hooke loco nuper citato, quod præsentia filiæ illis coetibus non est necessaria ad illius vitam: at libertas, qua homo in statu viæ possit bene vel male agere, pertinet ad hujus status constitutionem. Wolfius cum multas (2) objecto exemplo dederit disparitates, hanc tamen non vidit, quæ præcipua certe est, & sine qua cæteræ videntur minus sufficientes, vel subjacent novis instantiis. Qualis est hæc, quod Mater illa ex Filiæ perditione nequit nec illi, nec sibi, nec familiæ, nec patriæ utilitatem ullam eruere; at Deus potest, qui plura sua attributa hac occasione manifestat, justitiam si puniat, longanimitatem si toleret, misericordiam si parcat, gratiam si ad majorem etiam perfectionem comparandam perducatur peccatorem.

141. IV. Objicitur. Etsi peccatum permissum non semper sit peccatum permittentis, tamen ipsa permissio semper est peccatum permittentis, quando facile illud poterat non permittere: Sed facile Deus potest nulla peccata permit-

O O

mit-

(1) VVolf. Manich. sec. 3. nu. 20. p. 402.

mittere : ergo et si peccata a Deo permiffa non fint ipfius peccata , tamen ipfa permiffio non fatis excufari poteft a peccato .

Refp. diffin. mai. , quando poterat & fimul conveniens illi erat non permittere , conc. mai. , quando poterat quidem , fed conveniens illi non erat impedire , feu non permittere , nego mai. , & conceffa minori , nego confequentiam . Vidimus fupra dari vel imaginari poffe ( §. 120. ) etiam inter homines cafus , in quibus licita illis fit permiffio alicujus mali , quod poffent impedire . Ceterum regulariter loquendo refpectu hominum femper eft peccatum ipfa hæc permiffio , quia in ea violatur præceptum Divinum , quo Deus unicuique mandavit de proximo fuo . At relate ad Deum ifta permiffio nunquam fubjacet ulli iniquitatis ne umbræ quidem , quia ex una parte Deus nullius contrarium præceptum poteft violare , & ex alia non poteft unquam non habere rationes permittendi fapientiffimas , & fe dignas , etfi nobis ignotas .

## SECTIO VIII.

*Corollaria circa Subjectum , & Causam efficientem , finalem , & formalem mali .*

### COROLLARIUM I.

142. **S**ubjectum cujufvis mali eft aliquod bonum .

Nam fubjectum privationis alicujus boni eft aliquod bonum : fed quodvis malum eft privatio alicujus boni ( §. 23. ) : ergo fubjectum cujufvis mali eft aliquod bonum . Simile argumentum habet S. Thomas (1) , ubi diffiniet idem ftatuit & propugnat . Illius majorem S. Auguftinus , qui frequens (2) eft in eadem affirmatione , fufe probat in hunc modum (3) : Si sub-

(1) S. Thom. 1. p. qu. 48. ar. 3. o. p. 167. nu. 114. p. 940. & ibid. nu. 66. p. 905.

(2) S. Aug. de Civit. li. 12. ca. 3. p. 303. Id. lib. 1. cont. Julian. operis imperfecti .

(3) Id. Enchirid. ca. 11. nu. 4. p. 199.

subjectum, quod aliqua perfectione privatur, non esset bonum, esset malum: ergo esset nullum; Nam malum est in genere negationis: ergo donec subjectum privationis sit aliquid, est etiam aliquod bonum.

Dices: S. Dionysius negat (1) *malum esse in his, quæ sunt*: ergo negit esse in bono.

Resp. cum S. Thoma articulo nuper citato, dist. antecedens; Negat malum esse in his, quæ sunt, per modum entis positivi, conc. antecedens: per modum privationis, nego antecedens, & consequentiam.

143. Ex eo, quod subjectum cuiusvis mali sit aliquod bonum, (2) *patet*, inquit Pallavicinus, *puram negationem entis possibilis* (quod non sit de genere modificationis) *non esse malum, quia non est in alio, cui disconveniat*. Ex eodem principio colligit Augustinus (3) hoc paradoxum, quod, *malum sit, quod bonum est: nec malum sit, nisi quod bonum est*. Verum illud, sicuti par est, cessat esse paradoxum, si remotis terminis mali & boni, qui abstracte sumpti, adeoque in significatione confusa & indeterminata, efficiunt rectæ intelligentiæ, quandoquidem explicant mutuam inter se oppositionem, reponantur illorum apertæ explanationes, & dicatur, carens aliqua perfectione est aliquid, quod habet aliquam perfectionem, nec carens aliqua perfectione est, nisi id, quod habet aliquam perfectionem.

COROLLARIUM II.

144. **C**ausa directe, hoc est non de consequenti efficiens malum, nulla est; Nam malum quidem metaphysicum, seu improprie tale (§. 5.) est mera negatio, seu merum nihil: malum vero proprie tale est etiam ipsum quædam negatio, quæ dicitur privatio, seu defectus (§. 6.): Atqui merum nihil, est nihil per hoc ipsum, quod nulla sit causa directe illud efficiens: & similiter defectus est id, quod est, ex causa non jam physice efficiente, sed deficiente in

O o 2

agen-

(1) S. Dion. de divi. nomi. ca. 4.

pag. 251.

(2) Pall. de Act. hum. lib. 1. num. 137.

(3) S. Aug. Enchir. cap. 11. num. 4.

agendo: ergo. In majori magis magisque declaranda contracte ad malum morale fufe immoratur S. Augustinus per plura capita libri 12. de Civitate Dei (1), ubi tandem concludit, (2) *ergo mala voluntatis efficiens naturalis, vel si dici potest, essentialis nulla est causa, nec talem voluntatem facit nisi defectio, qua deseritur Deus, cujus defectionis etiam causa utique deficit.*

145. Minorem vero eodem S. Doctore referente (3) fuerunt, qui negarunt, innitentes in illo Joannis, (4) *Omnia per ipsum facta sunt, & sine ipso factum est nihil, quia ipsum nihil in fine sententiae positum est: ergo, inquit, factum est, & ideo quia factum est, ipsum nihil aliquid est.* At illa, si opus sit, confirmatur responsione ejusdem S. Doctoris, quæ est hujusmodi. Quemadmodum, quia *domus revera est aliquid, nihil interest, utrum dicatur sine illo facta est domus, an sine illo domus est facta: ita quia nihil utique non est aliquid, quando vere & proprie dicitur, sive dicatur, sine illo factum est nihil, sive sine illo nihil factum est, nihil interest.* Responsio tamen opportunior est hæc alia ab eodem ibidem data; quis velit loqui cum his, qui sensum perdidērunt studio contradicendi? Qui sanum habent cerebrum, rem manifestissimam vident.

146. Hinc si causa sit non libera, & aliquo naturali malo affecta malum provenit ab ipsa, ut non agente ex intrinseca sibi necessitate: sin causa sit non libera, sed carens omni malo naturali (§.7.) malum provenit ab ipsa, ut non agente ex extrinseca sibi necessitate, propter scilicet impedimentum aliquod sibi insuperabile; (5) *Agens enim naturale, inquit S. Thomas, producit effectum suum talem, quale ipsum est, nisi impediatur ab aliquo extrinseco.* Sin tandem causa sit libera, hoc est domina sui actus, malum provenit ab ipsa, ut non agente ex dominio, quod habet in suum actum absque ullo neque intrinseco neque extrinseco impedimento, quorum neutrum componeretur cum prædicta libertate. Patet hoc ex nuper dictis (a §. 138.).

CO-

(1) S. Aug. ca. 6. &amp; sequ. p. 304.

(4) Ioan. Evang. cap. 1.

(2) Id. ibid. ca. 9. pag. 307.

(5) S. Thom. 1. p. qu. 49. art. 1. ad 3.

(3) Id. de Nat. Boni. ca. 25. p. 509.

pag. 169.



COROLLARIUM IIL.

147. **C**ausa de consequenti efficiens omnis mali naturalis est vel solus Deus, vel Deus simul & Creatura, quatenus vel aliquid in re efficiant, quod est impossibile cum aliqua perfectione, quam res illa prius habebat, vel non dant effectui omnem perfectionem sibi debitam. Quod malum si inordinate sit a creatura, quæ sola capax est inordinatæ operationis, cum dicatur malum morale, sola illa est causa efficiens mali moralis. Prima corollarii pars confirmatur auctoritate S. Thomæ, qui propterea quod agnovit dari causam efficientem de consequenti malum, ideo loquens de causa mali non dixit absolute illud non habere causam, sed (1) *aliquaqualiter causam habere, vel habere causam per modum agentis, non autem per se, sed per accidens*. Ultima autem corollarii pars confirmatur verbis S. Augustini, qui cum profiteatur, (2) *questionem illam (unde malum) se admodum adolescentem vehementer exercuisse, & fatigatum in hæreticos impulsisse, atque dejecisse*, tandem a libero voluntatis arbitrio omne hominis malum exortum fuisse statuit, tum malum culpæ, tum illud, quod ex illo sequutum est, malum pœnæ. Quod in multis suis operibus (3) docet, præcipue vero in tribus de libero arbitrio libris, quos scripsisse se dicit (4) *propter eos, qui negant ex libero voluntatis arbitrio mali originem duci: & Deum si ita est Creatorem omnium naturarum culpandum esse contendunt: eo modo volentes secundum suæ impietatis errorem, Manichæi enim sunt, immutabilem quamdam, & Deo cœternam introducere mali naturam*.

148. Cum itaque improba voluntas sit causa malorum omnium proprie talium, quæ sunt in creaturis rationalibus tam Angelis, quam hominibus; illa Angeli jam depravati, qui persuasit Evæ inobedientiam est causa remota, & ex-

172

(1) S. Thom. 1. par. qu. 49. art. 1. O. pag. 482.

Id. lib. contra Fortunatum.

Id. de Civit. li. 22. ca. 1. p. 555.

(2) S. Aug. de lib. arb. ca. 2. nu. 4. p. 570.

(4) Id. lib. 1. Retrac. cap. 9. num. 2.

(3) Id. Enchir. ca. 24. & sequ. nu. 4. p. 105. pag. 12.

tra genus nostrum humanum, malorum omnium, quæ illud affligunt: illa vero Evæ in idem peccatum impellentis Adamum est jam prima, intra speciem humanam, malorum ipsius causa. Quare S. Augustinus loquens de lapsu filiorum Dei alienigenarum/ mulierum amore captorum, unde & omnes, exceptis octo, diluvio perire meruerunt, dicit, (1) *quod malum a sexu fœmineo causam rursus invenit*: Proxima tamen, & persæpe unica causa mali potissimi, scilicet actualiter moralis, est cujusque voluntas; (2) *Nam sic idem Augustinus, esse posse voluntatem malam etiam sine aliquo spiritu vel seducente vel incitante, in ipso Diabolo satis ostenditur, qui per nullum alium Diabolum, sed propria voluntate factus Diabolus invenitur.*

## COROLLARIUM IV.

149. **C**Ausa formalis cujusvis mali, per quam scilicet malum constituitur in esse mali, nulli est. Nam malum non solum improprie tale (§. 5.), sed etiam proprie tale est negatio quædam (§. 22.). Atqui repugnat dari formam aliquam, per quam nihilum, seu negatio constituitur in esse nihili; nomine enim causæ formalis venire solet aliquid positivum: ergo repugnat dari causam formalem, seu formam aliquam mali: ergo nulla est causa formalis ullius mali. Hoc ipsum S. Thomas jam olim dixit: (3) *Causam formalem malum non habet*. Nihilominus quoniam ipsæmet negationes concipiuntur per modum entis, dici potest, malum prout concipitur tamquam aliquod ens, habere pro sua causa formali ipsammet suam malitiam, ut Suarez non solum loco supra (§. 3.) citato, sed alibi (4) etiam adnotavit: & hoc modo ipse dicit de Peccato Originali, illud (4) *formalem causam non habere, præter quidditatem suam.*

CO-

(1) S. Aug. de Civit. li. 15. ca. 42 p. 406.

(2) Id. de Patientia ca. 24. nu. 21. p. 542.

(3) S. Thom. 1. p. qu. 49. ar. 1. O. p. 168.

(4) Suar. Metaph. disp. 11. sec. 3. nu. 10. pag. 232.

(5) Idem 1. 2. ar. 5. disp. 9. sec. 3. nu. 1. p. 440.

## COROLLARIUM V.

150. **C**ausa finalis omnis mali proprie talis est semper aliquid extrinsecum ipsi malo, & quidem bonum aliquod vel verum vel apparens.

Prima pars probatur, quia malum in seipso utpote negatio non potest habere rationem finis, sive intendi propter se (§. 84.); Ex quo est illud effatum, *nemo intendens ad malum operatur*, cujus luculentam paraphrasim exhibet S. Thomas (1). Rursus sic arguitur. Causa finalis habet, quod sit intentio finis, scilicet alicujus boni requisiti ad finem debitum rei, contra vero malum proprie tale habet, quod sit privatio talis finis, seu boni requisiti ad finem debitum rei: ergo mali causa finalis nequit esse ullum malum, sed aliquid ipsi malo extrinsecum. Confirmatur ex S. Thoma, qui ait, (2) *Malum non habet causam finalem, sed magis est privatio ordinis ad finem debitum*.

Secunda pars probatur, quia Deus recte & ordinate semper operans, malum omne tam pure naturale quam poenale semper intendit propter verum bonum (§. 84. & 93.). At creatura utpote limitatæ cognitionis potest malum naturale velle non solum propter verum, sed etiam propter apparens dumtaxat bonum: utpote vero etiam capax inordinatæ operationis, malum morale semper vult propter bonum apparens. Quare, *proxima radix*, inquit Suarez (3), *mali moralis, est libertas voluntatis, quæ non habet necessariam conformitatem cum sua regula, concurrente simul aliquo defectu intellectus*,

CO-

(1) S. Thom. 1. p. qu. 29. ar. 9. O. p. 86.

(2) Id. Ibid. qu. 49. ar. O. p. 168.

(3) Suar. Metaph. disp. 9. sec. 2. nu. 1. pag. 203.

151. **E**X dictis colligitur, quomodo apertissime dissolvatur celebre illud sophisma, quod apud Tullium (1), Sextum Empiricum, Tertullianum, & Lactantium legitur, fons non tantum Manichæismi, sed Incredulitatis, & est hujusmodi. Deus aut vult tollere mala, & non potest: aut potest & non vult: aut nec vult, nec potest; Atqui si vult & non potest, caret Potentia: si potest & non vult, caret Bonitate: si nec vult nec potest, caret Potentia & Bonitate: ergo Deus caret Potentia vel Bonitate, vel utroque; Eo ipso Deus non est, seu non existit: ergo Deus non existit.

Dissolvitur igitur tribuendo determinatam aliquam significationem generico illi nomini malum, quæ prout diversa esse potest, diversa pariter nascitur responsio. Fac argumentum loquatur de malo tamquam natura aliqua, seu ente positivo, jam negatur suppositum in ipsa prima propositione ex dictis (§.23.). Fac loquatur de malo morali, tunc concessa majori, negatur minoris secunda pars; Nam posse & non velle tollere mala moralia, est (§.123.) posse & non velle, ut deficiat in creaturarum rerum numero species illa nobilissima creaturarum, quæ præditæ sint libero bene vel mali agendi arbitrio, cum permissione mali ipsius usus ob rationes certe Deo optimo dignas, etsi nobis inscrutabiles. Fac loquatur de malo naturali, tunc iterum concessa majori, iterum pariter negatur minoris secunda pars; Nam, posse & non velle tollere mala naturalia, sive pure naturalia (§.9.) sint, sive non pure naturalia, sed etiam pœnalialia, cit posse & non velle tollere bona diversi generis (§.82.). Fac tandem loquatur de malo metaphysico, tunc iterum concessa majori, negatur tertia minoris pars; Nam non velle & non posse tollere hujusmodi malum est, non velle & non

(1) Tull. li. 1. de Nat. Deor. n. 92. p. 349.  
Sext. Hypoth. Pyrrhon. li. 3. ca. 7. p. 131.  
Tertull. adver. Hermog. cap. 10. lib. 2.

Contr. Marcionem cap. 5. pag. 645.  
Lact. de Ira Dei cap. 14. pag. 276.

& non posse id, quod involvit contradictionem, scilicet creaturam infinite perfectam.

De hoc Sophismate multi loquuti sunt, ut præter citatos, Elizalda (1), Jo. Franciscus Buddeus, Kingius, Leibnitiuss, Genuensis, & alii, de quibus ipse Genuensis alibi (2) de hoc iterum agens meminit, omnes putantes illud se penitus dissolvissse, quod aliqui illorum non videntur sufficienter fecissse. Bayle (3) vero satis audacter & inscite insolubile esse pronuntiavit.

(1) Eliz. Forma Veræ Relig. qu. 19. & seq. pag. 486.

Budd. Trac. de Atheis. cap. 7. §. 1. in notis pag. 408.

King. de Origin. Mali cap. 5. sect. 5. subsec. 7. num. 7. pag. 193.

Leibn. Essai de Theodic. in animadv. ad Kingium §. ultimo pag. 96.

Genu. Elem. Metaph. par. 3. ca. 4. prop. 24. pag. 182.

Id. Ibid. in Append. ad cap. 4. §. 23. pag. 203.

(2) Id. Ibid. tomo 4. de Principiis Legis cap. 3. §. 2. pag. 19.

(3) Bayl. Diction. art. Pauliciens.

L A U S D E O.





# DE PULCHRO

## DISSERTATIO

### PRÆFATIO.

1.



Ultrum dari extra controversiam est; Certi enim sumus ex experientia trahi quodammodo homines a rebus pulchris, ita ut etiam qui indole aspera aut superba sunt, demittant animos, & pulchris obsequantur. Hinc aliquæ gentes, referente Strabone (1), & Athenæo (2), illos sibi in Regem eligebant, qui pulchritudine alios superarent, & Deus ipse Israelitis regem postulantibus Saulem dedit, qui (3) *stetit in medio populi, & altior fuit universo populo ab humero & sursum: & ait Samuel ad omnem populum, certe videtis, quem elegit Dominus, quoniam non sit similis illi in omni populo*. At quidnam sit pulchrum, non ita facile explicatur. Quare idea ipsius, sicuti de idea boni dictum est (4), apud omnes tam doctos, quam indoctos clara est, quatenus utrique conveniunt in assignanda eadem re, ut eodem homine, qui pulchritudinis dote excellat inter alios: sed quotusnam ex doctis etiam erit, qui noverit proferre definitionem pulchritudinis talem, quæ non solum reddat ipsius ideam claram, sed distinctam etiam faciat? Magnam

P p 2

in

(1) Strab. li. 6. (2) Athen. li. 13. (3) Reg. li. 1. ca. 10. 23. (4) Diss. de Bono. 6. 1.

in hoc difficultatem illi ipsi, qui de ea acquirenda solliciti fuerunt, expertos se esse fatentur, ut S. Augustinus, qui multa testatur (1) olim se de hac re meditatū fuisse & scripsisse, quæ tamen sua etiam ætate dicit intercidisse: Et propius nostris temporibus Petavius (2), qui subtiliter & erudite differens de natura pulchritudinis, illud Platonis in hac re commemorat, (3) *quod in proverbio diceretur, quæ pulchra sunt, esse difficilia*. Recentius eandem difficultatem præferunt Beniaminus Chambersius (4), & Diderotius, qui in Encyclopædia, seu Dictionario Dissertationum, quod in Gallia edi cœpit, articulum *de Pulchro* aggrediens observat, non solum, quæ pulchra sunt, sed generalius ea, quæ magis sermone hominum usurpata sunt, esse intellectu difficillima: Et tandem Aloysius Verneius, qui ait ea, quæ (5) *Veteres & recentiores Philosophi dixerunt, mihi implicationem rem ipsam facere, quam nudum vocabulum pulchrum*: quod illi credendum est, non solum quia sponte id fatetur, sed etiam quia, postquam tandem pulchrum statuit definiendum, *id quod placet, id est vel visum, vel auditum delectat*, dicit non multo post, *nulla certa notio pulchritudinis constitui potest*. Experiar igitur & ego pro modulo meo, an extendere possum tum ideam distinctam pulchri, tum illas, quæ conveniunt suis speciebus, quas conabor accurate distinguere. Atque quoniam pulchro opponitur deforme, & oppositorum oppositæ sunt notiones, & gradus, ex iis, quæ de pulchro statuuntur, conici debent, quæ ad deforme pertinent.

S E-

(1) S. Aug. Conf. li. 4. ca. 13. pag. 104.

(2) Petav. Dogm. Theol. de Deo lib. 6. ca. 8. num. 6. pag. 272.

(3) Pla. Hippiæ mai. in fine. pag. 83.

(4) Cham. Dizion. art. Bellezza. pag. 61.

(5) Vorn. Metaph. li. 4. ca. 14. pag. 183.



## S E C T I O I.

*Definitiones , & Divisiones Pulchri .*

## A R T I C U L U S I.

*De Pulchritudine tum in genere , tum vera ,  
tum apparenti .*

2. **P**ulchrum significat ens bonum in se , constans diversis sive realiter , sive æquivalenter partibus , quod per sui cognitionem delectat . Ita corpus humanum , in quo plures realiter sunt partes , pulchrum est & dicitur , quoties hæc cognoscantur habere eam perfectionem , quæ ipsis convenit , per quam possit dici bonum , & non malum , cum qua cognitione semper conjungitur quædam animi delectatio . Ita anima pulchra est & dicitur , quatenus intelligitur acuta in cognoscendo , recta in volendo , prompta in recordando , quæ præcipuæ sunt ipsius partes , non quidem reales , sed per æquivalentiam fundatam in hujusmodi diversis effectibus ab ipsa in se simplici prodeuntibus .

Ex dissertatione autem *de Bono* , notum est aliud esse bonum in se , aliud bonum alteri : nec omne quod est bonum alteri , esse bonum in se : Quare definitio pulchri importat bonum illud , quod in se tale est , non vero illud , quod bonum dumtaxat est per respectum ad aliquid a se distinctum , ut infra probando bonitatem hujus definitionis suadebo distinctum . Rursus ex ibidem dictis aliud est bonum verum , aliud apparens , etiam cum sermo est de Bono in se . Eadem proinde divisio cadit in pulchritudinem : atque quæ vera est pulchritudo , postulat , ut sit reapse bonum in se , cum quæ apparens dumtaxat est , postulet , ut per errorem reputetur esse bonum in se . Hanc divisionem in pulchritudinem veram & apparentem observarunt etiam citatus Diderotius (1) .  
& Wol-

(1) Did. Encycl. art. Beau , §. Quand ie dis pag. 149.

& Wolfius apud eundem (1), & recentius Fuginellius (2). Hinc fit, ut quæ unus pulchra dicit, alius neget, quia nimirum alteri est apparens, alteri vero non est.

## ARTICULUS II.

*De Pulchritudine essentiali, & naturali.*

3. **P**ulchrum formaliter sumptum, seu pulchritudo tam vera, quam apparens, immediate dividitur in essentialem, naturalem, & artificialem. Andre Soc. Jesu Cadomi mortuus anno 1764. ætatis suæ octogesimo nono, qui scripsit Tentamen de Pulchro, ubique jam celebre, & magnifice laudatum a Diario Encyclopædico Bullionensi (3), & a Gallica Encyclopædia (4), mihi adhuc ignotum, prædictam divisionem dedit, cujus duo posteriora membra, cum limitatione tamen ad res corporeas observavit jam olim S. Augustinus, dicens (5) *omnia, quæ sensibilibus pulchra sunt, sive natura edita, sive artibus elaborata.*

Pulchritudo essentialis est, quæ consistit in rei essentia, nullam involvente contradictionem in suis attributis, per quæ a nobis concipitur vel explicatur, quæ omnia proinde inter se apte conveniunt. Talis pulchritudo non solum est in omnibus existentibus creaturis, sed in omnibus absolute possibilibus, quam solus Deus infinite intelligens perfectissime cognoscit.

4. Pulchritudo naturalis consistit in essentia rei existentis. Hæc cum sermo est de quavis creatura, & ejus actionibus, quæ non sint ipsi liberæ, unde dici illæ solent naturales, & naturaliter pulchræ, dependet a Libertate Dei, qui cum sit infinitus in cognoscendo, ex infinitis modis, quibus salva pulchritudine essentiali, quæ & fundamentalis dici potest, vidit potuisse variari in eadem specie creaturam aliquam, etc.

(1) Id. ibi. §. II distingue. pag. 143.

pag. 142.

(2) Fug. Princ. Metaph. tom. I. prop. 40. coroll. 3. pag. 449.

(4) Encycl. art. Beau. pag. 146.

(3) Journ. Encycl. ann. 1764. Aout. pag. 752.

(5) S. Aug. de vera Relig. ca. 30. nu. 26.

elegit , & determinavit hunc potius modum , quam illum , sub quo daret illi existentiam . Exemplum talis pulchritudinis habetur in toto Universo , & singulis ipsius partibus , ut in plantarum & animalium structura , eorumque naturalibus operationibus . Ita cum S. Augustinus stetit olim contemplans cum admiratione & voluptate duos Gallos Gallinaceos inter se pugnantes , & quæsisset deinde , curnam ipsa hujus pugnae facies esset pulchra visu , rationem esse dixit , quia omnes illius partes aptissimo modo sese invicem connectebant ex institutione Divina , quæ omnia cum ratione modificat , & gubernat . (1) *Ut , inquit , in iisdem Gallis erat videre intenta projectius capita , inflatas comas , vehementes ictus , cautissimas evitationes , & in omni motu nihil non decorum , quippe ratione desuper omnia moderante . Postremo legem victoris , superbum cantum , & membra in unum quasi orbem collecta , velut in fastum dominationis . Signum autem victi elatus a cervice pinnullas , & in voce atque motu deformis totum : & eo ipso naturæ legibus nescio quomodo concinnum , & pulchrum .*

## A R T I C U L U S I I I .

*De Pulchritudine artificiali .*

5. **P**ulchritudo artificialis est illa , quæ rerum pulchritudini naturali superadditur ex arbitrio artificis . Arbitrium , quod includitur in notione pulchritudinis artificialis non est arbitrium , per quod aliquid , quod essentialiter non est pulchrum , reddatur pulchrum , sed est arbitrium , per quod aliquid in se essentialiter pulchrum superadditur per modum proprietatis accidentalis alteri pulchro , tamquam illius subiecto ; Nam quod aliquod artificium sit capax unius aut alterius dispositionis seu formæ , quoniam exeat e tali specie determinata , præsupponit tam unam , quam aliam formam esse in se pulchras , & quatenus solum possunt considerari res aliquo modo compositæ , cum hac distinctione inter ipsa-

(1) S. Aug. de Ordine li. ca. 5. num. 23.

ipsarum attributa essentialia & accidentalia, habet locum ista denominatio pulchritudinis artificialis. Quoniam autem pulchritudo artificialis includit in sua ratione relationem ad sui causam cum libera electione operantem, illa reperiri nequit, nisi in operibus causæ intellectualis, cujus propria est hæc libertas.

6. Exemplum pulchritudinis artificialis videmus in omnibus artificiis tum liberalibus, ut in tabulis & signis: tum literariis, ut in orationibus & carminibus: tum in mechanicis, ut in habitationibus & vestimentis, & utrorumque formis & ornamentis; In omnibus enim si reipsa pulchra sint, elucet supra pulchritudinem essentialem arbitrium nostrum in electione hujus potius methodi, quam alterius. Sic sermo in orationibus Tullii pulchritudinem habet artificiose singulari, quia præter pulchritudinem naturalem sermonis humani, quæ necessario postulat sententias verbis opportunis expositas, ad rei, de qua agitur, cognitionem & persuasionem in aliis excitandam, eam habet dispositionem atque texturam, ut non solum rem persuadeat, sed in illam jucundâ quadam violentiâ totum mentis assensum quodammodo pertrahat, & omnes animæ affectus inclinet. Sic in Architectura de pulchritudine essentiali est, quod columnæ & parietes sint ad perpendicularum, quod trabes & tigilla sint recta, & inter se parallela. Nam hæc de natura intrinsecæ ædificii sunt, quod sit non ad miseram hominum habitantium cædem sub cumulo saxorum brevi corruentium, sed ad illorum tutamen & securitatem. Quod autem hæc & similes ædificii partes habeant hanc potius inter se rationem, quam aliam, dependet ab arbitraria electione nostra unius potius, quam alterius ex multis, quæ in se pulchræ sunt, & bene se habent cum substantia ædificii conjunctæ. Ex arbitraria ista electione nati sunt quinque illi celebres Architecturæ ordines, Etruscus, in quo ratio diametri columnæ sumptæ ab imo ipsius scapo est ad ejusdem longitudinem comprehensâ base & capitulo, ut 1. ad 7., Doricus, in quo est ut 1. ad 8., Jonicus, in quo est ut 1. ad 9., Corinthius demum, & compositus, in quo est ut 1. ad 10. Idemque de aliis sexcentis dicitur,

citur, in quibus ex eo etiam elucet arbitrium, quod non desunt quotidie, qui in his mutationes inducant, ex quibus laudem sibi comparant singularem, quando in illis appareat cum vi ingenii aptâ ad novas pulchritudines, ut ita dicam creandas, notitia etiam eorum, quæ ab aliis jam olim stabilita, & communiter receptâ inter artis dogmata videntur numerari.

## A R T I C U L U S I V.

*De Pulchritudine ex solo ingenio, & ex ingenio simul & Scientia.*

7. **P**ulchrum artificiale dividitur cum eodem Andre in pulchrum ex solo ingenio, & pulchrum ex ingenio simul & scientia. Pulchrum ex solo ingenio est illud, quod est in artificijs, quæ facta sint vi solius ingenii innati, seu ut ajunt, Marte dumtaxat suo independenter ab omni artis cultura. Pulchrum hoc elucet in operibus illorum, qui etsi vel nullo modo, vel satis parum exculti fuerint in præceptis artis, nihilominus illa exequuntur modo satis opportuno, & concinno, ut videas aciem ingenii, quod vi sua perspexit penitus requisita essentialia ad artificij bonitatem, & pulchritudinem. Sic celebris fuit hoc sæculo Romæ quidam Zabaglia, qui etsi certe impar esset ad docendam Mechanicam, de qua forte nullum unquam vidit Auctorem, nihilominus data problemata de constructione aliqua, aut elevatione alicujus magni ponderis corporis, aut similibus, quæ Architectorum propria sunt, & ab illis habebantur pro difficillimis, & magnos sumptus requirentibus ad sui executionem, ille unico quasi obtutu intelligens modum expeditiorem applicandi opportunas potentias contra oppositas resistentias, resolvebat reipsa facillime, & minimo sumptu.

Pulchrum ex ingenio simul & scientia est illud, quod eminet in artificijs, quæ facta sint vi ingenii non solum innati, sed etiam ut ita dicam acquisiti per cognitionem scilicet artis, ad quam illa pertineant. Pulchrum hoc elucet in iis

omnibus; quæ sunt a primæ notæ artificibus illorum locorum, in quibus artes egregie excoluntur, quod tanto magis apparet, quando conferantur cum artificiis ejusdem generis alterius loci, in quo minus vigent artes. De primis dices, Proh pulchrum & elegans, & exquisiti judicii, & expolitæ artificis opus! De secundis vero, nihil tale certe dices, & fortasse artificis ignorantiam, inertiam, rusticitatem, atque barbariem late apparentem merito condemnabis.

Perraultius apud Chamberfium (1) dividens pulchritudinem in positivam seu convincentem, & arbitrariam, incidit in illam jam expositam; Nam ita illam declarat, ut pulchritudo positiva complectatur pulchritudinem tum essentialem, tum naturalem: arbitraria vero idem sit cum pulchritudine artificiali.

#### ARTICULUS V.

##### *De Pulchritudine Spirituali, & Corporea.*

8. **P**ulchritudo tum essentialis tum naturalis dividitur in pulchritudinem spiritualem & corpoream. Sic pulchra est natura Angeli, & Animæ rationalis, & Deus ipse, a cujus pulchritudine tamquam a fonte provenit omnis pulchritudo creata: (2) *Omne pulchrum*, sic S. Augustinus, *a summa pulchritudine est, quod Deus est*, & ut magis explicat S. Dionysius, sive Auctor de divinis Nominibus, (3) *est participatio pulchritudinis pulchrorum omnium cause*. Sic pulchræ sunt illæ entium spiritualium operationes, quæ Virtutes nuncupantur sive intellectuales sive morales. In quibus omnibus habentur exempla pulchritudinis spiritualis; Nam exempla de corporea, nulli, qui cæcus non sit aut stupidus, non sunt obvia.

9. Pulchritudo spiritualis dividi potest in moralem & non moralem. Moralis dicatur illa, quæ reperitur in actionibus

(1) Chamberf. Diction. art. Bellezza. pag. 61.

(2) S. Aug. li. 83. quæst. 44. pag. 16.

(3) Dion. de Div. nom. li. 4.

nibus bonis moraliter : Sic actus virtutis sunt pulchri , & turpes contra actus vitiosi , qui illis opponantur . Pulchritudo vero spiritualis non moralis reperitur tum in ipsa essentia rerum spiritualium , tum in earum actionibus , quas dicam indifferentes , ut in cognitionibus scientificis . Sic pulchra est anima rationalis , & pulchræ demonstrationes scientificæ .

Pulchritudo corporea dividitur in illam ; quæ est objectum visus : sic pulchram dicimus faciem : Et illam quæ est objectum auditus Sic pulchrum dicimus concentum . Hæc divisio est juxta communem sententiam , ut observavit jam olim Socrates , apud Platonem dicens (1) *id pulchrum esse , quod nos delectat per auditum & visum* : & S. Thomas , alii-que cum illo animadvertunt , quod (2) *non dicimus pulchros sapores , aut odores* , eo jure , de quo infra quæremus . Solum S. Augustinus notat , quod (3) *in visibilibus formis as-  
tutius dicitur pulchritudo* , quam in iis , quæ ad aures pertinent . Sed ratio etiam in promptu videtur esse , quia scilicet frequens magis & necessarius est usus oculorum , quam aurium .

Andre in suo tentamine de Pulchro (4) dividens illud in pulchrum visibile , pulchrum in moribus , pulchrum in operibus Spiritus , & pulchrum musicale , plane designavit per pulchrum visibile & musicale duas species pulchri corporei jam observatas : per pulchrum vero in moribus , & pulchrum in operibus Spiritus , distinxit duas species pulchritudinis spiritualis , in quarum neutra habet locum pulchritudo propria ipsiusmet Spiritus , quam in eo esse intelligimus , etiam si præscindamus ab omni ipsius operatione . Quare tum ex hoc capite , tum ex eo , quod permisceat membra dividentia diversi generis , descendens a corporalibus ad spiritualia , & iterum ad corporalia revertens satis imperfecta divisio est .

Qq 2

A R-

(1) Plat. Hipp. mai. circa fin. pag. 83.

(3) S. Aug. de Musica lib. 6. ca. 13. n. 18.

(2) S. Thom. 1. 2. qu. 27. art. 1. ad 3. pag. 62.

pag. 62.

(4) Encycl. art. Beau. pag. 146.

*De Pulchritudine absoluta & relativa.*

10. **P**ulchritudo tam visibilis, quam audibilis dividitur in pulchritudinem absolutam & relativam. Absoluta est illorum objectorum, quæ non sunt aliorum imago, seu imitatio. Sic pulchra sunt opera Naturæ, ut Stellæ, Animalia, Plantæ, Flores, Voces, & similiter opera multarum artium, ut Architecturæ & Mûsices. Pulchritudo relativa est illorum objectorum, quorum intrinseca bonitas consistit in conformitate cum suis exemplaribus. Sic Pulchræ sunt expressæ vel coloribus vel verbis imagines prærupti montis, incendii urbis, rugosæ vetulæ, languentis infirmi, horridi & foedi cujusvis cadaveris vel monstri, quando hæ bene imitatæ fuerint sua exemplaria. Sic fabulæ vel tragicæ, vel comicæ, vel epicæ, magis vel minus pulchræ dicuntur, prout magis vel minus accedunt ad mores, sensus, & verba eorum, de quibus agunt.

Divisio pulchritudinis tam visibilis, quam audibilis in absolutam & relativam adhibita jam olim est ab aliis. Sed sensus horum nominum idem non est apud omnes. Hos etiam ab illo, quem jam proposui, diversos, juvat observare. Primo sunt, qui nomine pulchritudinis absolutæ videntur intelligere formam aliquam Peripateticam, per quam res efficiatur pulchra; Nolunt enim in ejus notione includi respectum ullum, ne ad vim quidem cognoscitivam. Quare negant, pulchritudinem esse quid relativum in hoc sensu, quod scilicet ex essentialiter dicat ordinem ad intellectum. Inferius bonitatem definitionis stabilitæ de pulchritudine ostendens planum faciam istos errare.

Secundo sunt, qui pulchritudinem absolutam vocant illam, quæ non dependet a nostris opinionibus: contra vero relativam, quæ ab his dependet. In hoc sensu visus est hæc nomina accipere Vernejus, ubi statuens *pulchrum* esse nomen relativum, quin tamen, quæ sit hæc relatio declarat, pri-



primo quidem dicit, (1) *Ineptos esse aliquos, qui longo sermone efficere aggrediuntur, esse aliquam rem absolute, idest simpliciter, & sine ullo ad alium respectu pulchram*. Deinde vero negat ullam haberi certam regulam pulchritudinis, quia ex cuiusque placito illa dependet, (2) *Si pulchrum, inquit, est, quod singulis placet, nulla certa regula, nulla imago in se, & simpliciter pulchra designari potest*. Contra istos, qui admittentes omnem pulchritudinem esse in prædicto sensu relativam, consequenter negant ullam esse realem pulchritudinem, distincte inferius disseram.

11. Tertio sunt, qui pulchritudinem absolutam sumunt pro positiva, & relativam pro comparativa. Juxta quam acceptionem fit, ut easdem res sive naturales, sive artificiales, aliqui quidem dicant etiam pulcherrimas, alii vero ne esse quidem pulchras concedant. Utrique bene, vel non omnino male. Primi enim loquuntur de rebus illis in se ipsis dumtaxat spectatis: Secundi vero de iisdem loquuntur ex comparatione, quam ineunt cum aliis ejusdem generis a se cognitis. Atque cum ante oculos primorum obversentur perfectiones rei magis, quam ipsius imperfectiones (Nam hæ, deficiente comparatione, minus sunt ipsis observabiles) non injuria pronunciant rem illam esse pulchram, scilicet absolute. Cum vero Secundi contrario modo obruantur adpectu plurium imperfectionum ejusdem rei, quæ ex præviis cognitionibus, quibus ornati sunt, turmatim in eorum mentem quodammodo irruunt, & vix sinunt advertere ad perfectiones, quæ cæteroquin eidem insunt, sine injuria pariter negant rem illam esse pulchram; scilicet comparative; Nam observavit jam olim S. Augustinus, quod (3) *species mala in comparatione dicuntur formosioris atque pulchrioris*.

Quarto Auctor anonymus opusculi Romæ editi anno 1765. *Saggio sopra la Bellezza*, de medio prorsus tollit divisionem hanc pulchritudinis in absolutam, & relativam, dicens illam natam esse ex abusu (4) vocis relativæ sumptæ etiam a Metaphysicis in hac re pro absoluta. Quod credit sic

(1) Vern. Metaph. li. 4. ca. 11. pag. 182.

(2) Id. Ibid. pag. 184.

(3) S. Aug. de Nat. Boni. ca. 23. p. 507.

(4) Anony. §. 21. pag. 42.

sic suadere . Qui dicunt pulchras esse Raphaelis tabulas , Tullii orationes , & similia relate ad illos , qui has artes Pictoriam & Oratoriam calleant , sicuti sunt , qui sic loquuntur , non animadvertunt , hæc esse pulchra relate ad omnes , qui hujusmodi operum dotes intelligant : Sed quæ pulchra sunt relate ad omnes , qui illa intelligunt , sunt pulchra absolute : ergo illa sunt pulchra absolute : ergo qui dicunt illa esse pulchra relative , abutuntur nomine relativi pro absoluto .

Sed hoc argumentum non suadet propositum , in quo negari in primis potest major ; quandoquidem illa esse pulchra relate ad omnes , qui illorum dotes intelligunt , idem est ac esse pulchra relate ad illos , qui Pictoriam & Oratoriam norint , quod est id , quod illi expresse affirmant . Deinde omissa majori negari potest minor , & cadunt reliqua . Accipio tamen quod ipse assumit , esse qui dicant Raphaelis tabulas & similia esse pulchra relative dumtaxat , & non absolute , sed in tertio sensu jam indicato , adeoque sine ullo terminorum abusu .

12. Pulchritudo tam absoluta quam relativa rursus dividitur in totidem fortasse species , quot sunt illæ corporum , & rerum corporearum . In his illa hominis optimo jure habetur potissima admiratione digna .

Omitto divisionem pulchri generice sumpti , quæ nascitur a diversis ipsius gradibus , & unius pulchri cum altero comparatione : ex qua fit , ut unum dicatur alio pulchrius , & etiam pulcherrimum . Ita dici potest in iis objectis , quorum pulchritudo est relativa , illa esse pulcherrima , in quibus reperitur etiam pulchritudo absoluta . Sic inter duas imagines , alteram Alcibiadis , alteram Therisitæ , ambas quam maxime suis prototypis conformes , pulchrior habetur prima , quam secunda : Atque si inter duo poemata Epica illud , quod proponit suum heroa cum aliquibus defectibus , pulchrius habetur altero , quod suum in nullo aberrantem exprimit , ratio est , quia hoc secundum deficit a ratione pulchritudinis relativæ (§. 10.) , quæ prima observatur ac requiritur in objectis , quæ sunt aliorum imago . Generaliter argum-

tum

tum tanto majoris pulchritudinis in re aliqua utique habetur, quo plures sunt illi, quibus res illa placet, ita ut illa tandem dici possit pulcherrima, quando omnibus, qui illam percipiant, placeat.

## S E C T I O II.

*De Bonitate datæ de Pulchro in genere  
definitionis.*

## P R O P O S I T I O.

13. **N**O TÆ pertinentes ad notionem adæquatam pulchritudinis in genere sunt, bonitas rei intrinseca, multiplicitas diversarum partium sive realium, sive æquivalentium coalescentium in unum, ordo ad vim intellectivam, & aptitudo ad eam delectandam.

Hæc propositio cum probata fuerit, planum faciet definitionem pulchri in genere supra (§. 2.) positam esse opportunam, utpote quæ notas hujusmodi continet & enunciat. Ac imprimis, quod pertinet ad notam bonitatis absolute, sic arguitur.

Primo. Omne quod dicitur pulchrum, invenitur esse bonum sive verum, sive apparens; Nam (1), *quidquid laudatur*, inquit S. Augustinus, *ideo laudatur, quia bonum est. Infans qui laudat, quod non est bonum*: Sed quod est pulchrum laudatur: ergo quod est pulchrum, est bonum. Rursus omne, quod habetur tamquam pulchrum, invenitur esse illud tantummodo bonum, quod dicitur bonum in se; Nam vera universaliter est hæc propositio, omne pulchrum est bonum, ita ut quæ communius dici solent pulchra, in quacunque specie pulchritudinis sint, dicantur etiam ab Auctoribus bona. Ita S. Augustinus dicit, (2) *Bona est terra altitudine montium, & temperamento collium, & planitie camporum: & bonum prædium amœnum, ac fertile: & bona domus paribus membris disposita & ampla, & lucida: & bona*

(1) S. Aug. in Psal. 134. nu. 4 p. 1495.

(2) Idem Ibidem.

*na animalia, animata corpora: & bona facies hominis dimensa pariliter, & luculenter colorata: & bonum Cælum cum Sole, & Luna, & Stellis suis: & bona loquutio suaviter docens: & bonum carmen canorum numeris, & sententiis grave, quæ omnia vulgo dicuntur pulchra. At viceversa universaliter vera non est hæc alia propositio, omne bonum est pulchrum; Nam ut jam olim observavit Jo. Philoponus (1), medica potio, sectio, adustio, bona sunt ægroto, non tamen pulchra dicuntur, quia hæc non sunt in specie boni in se, sed solum in specie boni ad alterum: & propter eandem causam, communiter quidem dicuntur bonæ divitiæ, bonus aer, bona valetudo, non vero eadem communiter dicuntur pulchra: ergo ad pulchritudinis notionem pertinet bonitas rei intrinseca.*

Secundo. Quod cognoscitur præditum perfectionibus sibi debitis, non necessario judicatur bonum ad alterum, seu utile: at enim vero necessario judicatur bonum in se; Atqui etiam quod cognoscitur præditum perfectionibus sibi debitis non necessario judicatur bonum ad alterum, seu utile: at necessario judicatur pulchrum; Certi enim sumus, quovis intentato supplicio non posse obtineri, ut quod apparet plenum suis perfectionibus, reputetur deforme aut turpe, aut contra, quovis proposito præmio obtineri non posse, ut quod apparet plenum defectibus reputetur pulchrum: sed ad summum verbo tenus, per mendacium expressum per præmia aut supplicia, poterit pulchrum dici turpe, & turpe pulchrum: ergo pulchrum necessario est bonum in se, non vero necessario est bonum ad alterum.

14. Tertio. Authores passim loquentes de pulchro notam boni, & rursus boni in se exprimunt: ergo illa est communiter recepta in notione pulchritudinis. Prima antecedentis pars probatur. S. Dionysius, (2) *Pulchrum*, inquit, *idem est cum bono, nec ulla res existit, quæ non pulchri sit ac boni particeps*. Interpretes Sacræ Scripturæ observant illud, quod in Genesi, Vulgata sæpe repetit: *Vidit Deus, quod esset bonum*, in textu Hebræo exprimi per tale nomen, quod

(1) Phil. lib. 7. in Hexæm, cap. 6.

(2) S. Dion. de Div. nom. cap. 4.

quod æque significat bonum ac pulchrum. Idem ostendit Petavius (1) accidere in lingua Græca, adductis in medium testimoniis Auctorum Græcorum, qui pulchri nomen attribuant singulis boni speciebus. Idem ostendi potest de Auctoribus Latinis. Facciolatus in suo Dictionario, verbo *Pulcher*, dat exempla ex Gellio, & Horatio, in quibus pulchrum idem est ac bonum, & etiam summum bonum. Alia ex Catone & Tullio dat Philippus Pareus in suo Lexico, verbo *Pulcher*. Idem dici posse, quod accidat in Lingua Italica, testis est quisque Italus, qui virtutem dicit pulchram, quæ est in genere boni honesti, & concentum dicit pulchrum, qui pertinet ad bonum delectabile.

Pro secunda antecedentis parte est S. Augustinus, qui dicens, (2) *pulchra esse omnia unâ salva convenientia*, inter ea scilicet, quæ ad ipsa, quæ dicuntur pulchra, spectant, jam dicit bonitatem intrinsecam esse characterem pulchritudinis; Nam per convenientiam plurium inter se ex alibi dictis (3) definitur bonitas. Idem rursus cum animadvertat, (4) *quod imago dicitur esse pulchra, si perfecte representet rem*, jam ostendit pulchrum dici ipsum bonum in se. Si enim imago sit alicujus monstri, ipsius pulchritudo non potest in alio consistere, nisi in eo, quod sit bona imago sui exemplaris. Est S. Thomas, qui de Honestate morali, quæ est species potissima boni in se, illam dicit, (5) *esse quamdam spiritualem pulchritudinem*. Sunt illi Platonici, de quibus meminit Pallavicinus, (6) qui in Venere adumbratam dicunt fuisse a Veteribus non solum pulchritudinem, sed etiam bonitatem: & alii omnes, qui statuunt illum esse verum amorem, & ut dicitur benevolentiam, qui habet pro suo objecto formali pulchrum: illum vero, cujus objectum formale sit bonum amantis, esse cupiditatem dicendum, & philautiam, non vero amorem, qui communiter revera dicitur amor concupiscentiæ. Bene hoc unus ex his Maximus Tyrius

R r

sic

(1) Pet. de Deo lib. 6. ca. 8. nu. 1. p. 271.

(2) Aug. de Ver. Relig. cap. 30. p. 767.

(3) Dist. de Bono 4. 59.

(4) S. Aug. de Trin. lib. 6. cap. 10.

(5) S. Th. 2. 2. qu. 145. ar. 4. O. p. 338.

(6) Pall. del Bene. lib. 2. cap. 12. num. 5. pag. 179.

sic expressit. (1) ὁ δὲ ἐρῶν ἄλλῃ τῇ, καὶ μὴ κάλλει, ἰδοιῆς ἐρᾷ. ἀφωρῶμεν δὲ, εἰ βούλη, τὸ ὄνομα, καὶ ἐπιθυμεῖν λέγομεν τῷτον, ἀλλὰ ἢ ἐρᾷ, ἵνα μὴ τῇ περὶ τὴν φωνὴν παρανομία, πράγμα, ὑπαλλάξαντες λάθωμεν, ἀλλὰ ἢ τὸ ὄνομα μόνον, quæ equidem relicta Cosmæ Paccii versione sic reddam, *quis aliud amat, quam pulchritudinem, voluptatem amat, æqua si placeat, nomen hoc auferamus, idque dicamus cupere, non vero amare, ne propter æquivocum appellationis, non solum rei nomen, sed rem ipsam ignoremus*: Atqui amor benevolentia: habet pro suo objecto formali bonum in se: ergo dum Platonici dicunt amorem Benevolentia: habere pro suo objecto formali pulchrum, dicunt pulchrum importare rationem boni in se.

15. Minorem facti argumenti respuit Yvon, Auctor articuli de Bono in Gallica Encyclopædia, tamquam Chimæricam, concedens posse quidem nos admirari pulchrum, quia bonum in se est, non tamen amare (2), nisi simul sit bonum nobis; in hoc enim dumtaxat vult consistere objectum amoris rationalis. Sed illum vehementer falli suadetur, quia opponitur receptæ apud Philosophos, & Theologos doctrinæ. Sic Plato refert haberi vetus hoc proverbium, (3) *pulchrum esse amicum*, de quo videri possunt, quæ disserit M. Antonius Muretus (4). Illud quidem Plato quasi declarans subjungit; *Apparet enim molle quiddam, lenæ, ac pingue, ideoque in nos facile forte illabatur, serpit & penetrat, quasi lubricum quiddam*. Sic Stobæus (5) probat responsionem Aristotelis illi interrogationi, cur quæ pulchra sunt, amarentur? quæ sic habet: *Cæci hæc interrogatio est*. Plutarchus vero laudat illud Xenophontis: (6) *Ignis tangentes solum urit, pulchri vero, etiam procul distantes, inflammant*. Tandem vulgus ipsum, novit Poetas cujusvis temporis passim dicere amorem filium esse Veneris, seu pulchritudinis, quam per illam fabulæ adumbrant. Sed venio ad

Theo-

(1) Tyr. ferm. 11. pag. 67.

(2) Yvon. Encicl. art. Bon. pag. 270.

(3) Plato. in Lyfide infra medium. pag. 88.

(4) Mure. Var. Lect. li. 4. ca. 4. p. 99.

(5) Stob. ferm. 63. de Pulchrit.

(6) Plut. li. de Amore.

Theologos . (1) *Omnibus*, sic S. Dionysius, *est pulchrum & bonum amabile* . (2) *Num*, rogat S. Augustinus, *amamus aliquid nisi pulchrum?* *Quid est, quod nos allicit, & conciliat rebus, quas amamus? nisi esset in rebus decus & species, nullo modo nos ad se moverent* . (3) *Ipsum honestum*, sic S. Thomas, *secundum quod habet spirituales decorem appetibile redditur*, qui simul refert & approbat illud Tullii (4): *Formam, & tamquam faciem honesti vides, quæ si oculis cerneretur, mirabiles amores*, ut ait Plato (5), *excitaret sapientia* . Est tandem illud Apostoli: (6) *Charitas non quarit, quæ sua sunt*, cui ex diametro Yvon opponi videtur .

16. Quod pertinet ad alteram notam de multiplicitate partium, sive quod pulchrum non significet bonum in se, quodcunque, sed illud quod consistit in complexu plurium in unum, probatur primo, quia de his, quæ simplicitatem quamdam, etiam prout concipiuntur a nobis, præferunt, non dicimus esse pulchra, etsi dicamus esse in se bona saltem, transcendentaliter . Sic de primis principiis scientificis, ut nihil potest simul esse, & non esse: totum est majus sua parte, & similibus, non dicimus esse pulchra, propter quamdam quasi simplicitatem sui esse, sub qua illa concipimus contraposte ad complexum plurium coalescentium in unum . At enim vero pulchrum dicimus de Theorematis & Problematis, quæ sunt complexio tot veritatum, quot sunt propositiones, quas in se includunt, & sine quibus distinctam illorum ideam non habemus: Eadem de causa sententia prolata a severo aliquo Socrate vera dumtaxat dicitur, at pulchra etiam prædicatur, postquam venustatem accepit ex ornamentis eidem additis a Tullio aliquo, vel Catullo: ergo pulchrum invenitur esse bonum illud in se, quod consistit in complexu plurium in unum .

Secundo probatur ex consensu Authorum, qui communiter statuunt multitudinem, & unitatem, illam partium, hanc compositi, esse duos necessarios characteres pulchritudinis.

R r 2

(1) Dion. de Div. Nom. cap. 4.

(2) S. Aug. Confess. li. 4. c. 13. p. 104.

(3) S. Tho. 2. 2. qu. 145. art. 2. ad 1. p. 338.

(4) Tull. 1. de Officiis.

(5) Plato. in Phædro ante med. p. 261.

(6) 1. Corint. 13. v. 5.

dinis . Aliquos proferam inferius loquens determinate de pulchritudine spiritali , & corporea , in quarum secundæ abundantiores sunt Auctores , utpote de re , quæ sicuti frequentius cadit in hominum sermones , ita distinctius fortasse tractata est a Philosophis . Hic non omitam Antonii Genuensis definitionem huc facientem , (1) *Pulchritudo est apta attributorum aut partium entis congruentia* : maxime vero illam Augustini assertionem , (2) *Omnis pulchritudinis forma est unitas* : ubi nomine unitatis convenientiam certe singularum partium cum illo , quod constituunt , intellexit ; Nam ipsemet sic se ipsum non semel explicat : (3) *Undæ , inquit , salva convenientia pulchra sunt omnia : ipsa vero convenientia æqualitatem unitatemque appetit* , & alibi dicit , (4) *quæ multa sunt bona , tunc placent , cum in universum aliquid conveniunt atque concurrunt . Universum autem ab unitate nomen accepit* . Contra quam Augustini ipsius explicationem male objicit Diderotius (5) unitatem modo dicto acceptam , *potius constituere essentiam perfecti , quam pulchri* ; Nam S. Doctor non dicit essentiam pulchri esse unitatem , sed dicit de essentia pulchri esse unitatem , quandoquidem dicit illam esse formam pulchritudinis . Rursus non dicit unitatem perfectam esse essentiam pulchri , sed unitatem nominat præscindendo a sui perfectione , vel imperfectione . Quare si quid est perfectum , non solum erit pulchrum , sed pulcherrimum : at si quid erit tale , ut perfectum dici quidem non possit , sed bonum duntaxat in iis , quibus constat partibus vel attributis , negari non poterit esse pulchrum ab illo , qui illud possit cognoscere .

17. Huc etiam pertinent duorum recentiorum definitiones , alteram citati modo Encyclopædistæ , alteram Caroli Giuliani , quam inferuit in notis ad novam hujus Encyclopædiæ editionem Lucensem . Primus (6) inquit , *Pulchrum appello id , quod in se continet ea , quæ in mente excitare poss-*

(1) Genu. Elem. Metaph. par. 1. def. 80. pag. 65.

(2) S. Aug. Epist. ad Cælest. 8. alias 63. pag. 23.

(3) Id. de Ver. Rel. ca. 10. p. 767.

(4) Id. de Gen. cont. Manich. li. 1. ca. 21. pag. 658.

(5) Dide. Encycl. art. Beau. §. Que S. Augustin. pag. 147.

(6) Id. Ibid. §. l'appelle. pag. 149.



*possunt ideas relationum.* Quam suam definitionem bonam esse fusissime conatus est suadere. Sed illa præter notam multiplicis partium, quam postulat notio pulchritudinis, & pro qua illam hic adduco, nihil aliud continet, quod approbari possit. Atque ille ipsius defectus est omnino insignis, quod non meminerit de bonitate rei, quæ est pulchra. Propter quam causam ejus definitio non solum convenit rei pulchræ, sed etiam cuivis rei quantumvis deformi. Certe audita hac definitione pulchrum est, quod continet in se eam, quæ in mente excitare possunt ideas relationum, subsumi potest; Atqui homo varus gibbosus luscus nasutus ulcerosus multa habet in se, quæ excitant ideas relationum: ergo homo ille est pulcher; Quod est falsum & ridiculum. Ipse ejusdem Author majorem huic impugnationi ansam, & vim tribuit, tum quia monet se, dum in sua definitione nominaret ideas relationum, consulto loquutum esse indeterminate, quia, (1) *non postulo*, inquit, *ut ad appellationem pulchri opus sit declarare determinatam relationem, quæ in eo regnet*: tum quia videns impugnationi prædictæ se subjacere, eamque ipsemet non mediocriter urgens, ab illa tamen nullo modo se liberat, & vel concedit, ut quæ turpia etiam sint, possint dici pulchra, vel quam ipse idem sibi objectionem proponit, in alio ac a nobis proposita est sensu, accipit.

18. Secunda definitio sic habet: (2) *Pulchrum non est nisi proportio, justa relatio, & regularis convenientia idearum inter se, & quæ adhærent objecto*, sive ut sua ipsius verba referam, *le beau comprend en soi plusieurs idées, n'étant que la proportion, le juste rapport, & la régulière convenance des idées entre elles, & qui sont adhérentes à l'objet*. Hanc quoque assero, quia exprimit multitudinem attributorum rei, de quibus haberi potest idea: sic enim interpretor eam illius vocem, *ideas*, adeoque confirmat propositum. Ceterum definitio hujusmodi approbari nequit, primo propter redundantiam tot nominum proportionis, relationis, convenienti-

(1) Id. Ibid. §. Quand ie dis tout ce.  
pag. 149.

(2) Giulii, Encyclop. art. Beau in notis.  
pag. 148.

venientiæ, quæ idem significant, vel æque obscura sunt, & forte magis quam pulchrum: secundo propter obscuritatem sermonis, in quo si ideæ nomen sumatur juxta communem acceptionem pro cognitione, & applicetur rebus inanimis, quæ sunt pulchra ut floribus, fructibus, gemmis, fit sensus ridiculus, quippe tribuitur illis, quod habeant cognitiones, & regularem convenientiam cognitionum.

19. Quod pertinet ad tertiam notam de ordine ad vim intellectivam, quem dicit pulchritudo, probatur primo, quia quod laudatur est bonum, dicens ordinem ad vim cognoscitivam; Insanit enim juxta Augustinum (§.13.), qui laudat, quod non est bonum: Sed pulchrum laudatur: ergo pulchrum est bonum, dicens ordinem ad vim cognoscitivam. Rursus in hypothesi, quod nequeat haberi cognitio de objecto ut bono, quæ solius intellectus est, non restat nisi simplex apprehensio objecti boni, quam non sufficere ad denominationem pulchri apparet, tum ex infantibus, qui non carentes sensatione objectorum, quæ bona in se sunt, quia tamen nequeunt illa cognoscere, ut in se bona, non indicant a se haberi pro pulchris, quæ pulchra sunt: Tum ex iis, qui cum in arte vel scientia aliqua exculti non sint, ignorant, cur nam alii iis expoliti exclament unanimiter, O rem pulchram! dum opus aliquod, ut picturam contemplantur, vel sermonem aliquem aut audiunt, aut legunt, quæ ipsi pariter sensibus suis usurpant, quin tamen possint illa judicia exhibere & declarare, quia opportuna carent intelligentia: tum multo magis ex Brutis, quæ vident quidem & audiunt, quæ nos pulchra dicimus, sed nullo modo significant pulchra a se ipsis haberi, quia nequeunt ab ipsis cognosci, ut in se bona.

Secundo probatur ex Autoritate. S. Thomas, & cum eo, qui illum sequuntur, dicit: (1) *Pulchrum & bonum, in subjecto quidem sunt idem, sed ratione differunt; Nam bonum proprie respicit appetitum, pulchrum autem respicit vim cognoscitivam*: Et alibi: (2) *Pulchrum est idem cum bono, sola ratione differens: addit supra bonam quendam ordinem ad vim*

(1) S. Thom. 1. p. qu. 5. ar. 4. ad 1. pag. 10.

(2) Id. 1. 2. qu. 27. ar. 1. ad 3. pag. 62.

vim cognoscitivam. Petavius dicit: (1) *Pulchritudinem rei cujuslibet intelligo sic, ut sit convenientia quædam ipsius cum illa perfecta specie & exemplari, ad quod natura sua exigi possulat*, addens infra, (2) *quamobrem tota pulchritudinis ratio, cum ad archetypas formas comparari dicitur, ad cognitionem, & notitiam quoque referri simul intelligitur*: quam definitionem profero, ut constet bonitatem, & ipsius ordinem ad intellectum esse etiam per Petavium notas essentielles pulchritudinis. Beniaminus Chambers, (3) *Quando*, inquit, *dico aliquid esse pulchrum, significo me percipere aliquid, quod approbo*. Yvon dicit: (4) *Bonum relate ad nostram mentem recidere in ideam pulchri*; Sed illud quod immediate subjungit, *pulchrum aliud non esse nisi perceptionem idearum*, debuerat omnino omittere, utpote vel carens sensu, vel dictum ridiculum. Quis enim intelligat, vel non irrideat qui, dicat pulchrum idem esse ac cognitionem, seu speciem illam cognitionis, quæ est cognitio relationum? Huc tandem facit, quod S. Augustinus in illud Vulgata, (5) *Videntes filii Dei filias hominum, quod essent pulchræ*, quod ipse sequutus versionem Septuaginta, legit *quod essent bonæ*, dicit, (6) *consuetudo Scripturæ hujus est etiam speciosos corpore, bonos vocare*: Quod Vives in eum locum confirmat exemplis adductis ex Terentio, qui etiam deformitatem vocavit malum. Ex quibus confirmo pulchritudinis notionem constari ex bonitate rei, & ordine ad vim intellectivam, cum habeamus, bonum dici illud pulchrum, quod visum seu cognitum sit.

20. Quod tandem pertinet ad ultimam notam, quod nimirum pulchritudo dicat aptitudinem ad delectandum subiectum, quod illam cognoscit, probatur, quia non licet in rerum notionibus recedere ab usu communi. Sed usus communis Authorum est, exprimere in notione pulchritudinis ipsius aptitudinem ad delectandum, qui illam contempletur: ergo notio pulchritudinis importat hanc etiam aptitudinem ad

(1) Pet. Theol. Dog. de Deo li. 6. ca. 8. num. 7. pag. 273.

(2) Id. Ibid.

(3) Cham. Diction. art. Belleza, p. 61. pag. 407.

(4) Yvon. Encycl. art. Beau, pag. 279.

(5) Gen. 6. 2.

(6) S. Aug. de Civit. lib. 15. cap. 23.

ad sic delectandum . Minorem hæc suadent . S. Thomas ait , (1) *pulchrum dicitur id , cuius apprehensio placet* : S. Dionysius (2) *pulchrum est , quod omnia ad se vocat* , ubi sequutus est etimologiam Græci nominis *κᾶλος* , pulchritudo , a *καλεω* voco . Didacus de Rosis , (3) *Pulchrum in genere dici posset , quod per sui cognitionem delectat* . Pallavicinus , (4) *Pulchrum nihil aliud est , nisi species quædam boni , quæ per sui cognitionem delectat* . Pro eadem citantur Leibnitius , Crouzas , Wolfius . Eamdem vidimus supra (§.9.) proponi a Platone , & aliquo modo a Vernejo : & recentius Adamans Fuginellius in eamdem rem inquirens statuit , (5) *pulchrum definiri posse quod nobis placet* , cuius memini in confirmationem usus communis circa hanc notam appositam in definitione pulchritudinis ; Nam mala cæteroquin est definitio hoc solum exprimens quod placeat , quia de objectis etiam , quæ grata sint odoratui aut gustui , dicimus illa nobis placere , non tamen necessario dicimus illa esse pulchra , quin immo non raro id aperte negamus , ut cum pyrum illud , quod sub rudi cortice gratum succum continet , vocatur ab Etruscis mendax , & a Romanis pyrum turpe simul & bonum .

## S E C T I O I I I .

*De Quibusdam opinionibus circa naturam pulchritudinis .*

## P R O P O S I T I O I .

21. **F**undamentum pulchritudinis non est utilitas . Opponitur propositio auctori tentaminis circa meritum & virtutem , quem Diderotius (6) impugnât , qui pulchritudinis fundamentum statuit esse utilitatem .

Contra illum igitur est primo , quod luculenter jam  
offen-

(1) S. Thom. 1. 2. qu. 27. art. 1. ad 8.  
pag. 62.

(2) S. Dion. de Div. nom. cap. 4.

(3) Rosi. Ethic. Christ. li. 2. ca. 3. pag. 4.

(4) Pall. del Bene . li. 2. ca. 11. p. 173.

(5) Fugin. Princ. Metaph.

(6) Did. Encycl. Art. Beau. pag. 147.

ostendimus (§. 13.), bonitatem intrinsecam rei esse fundamentum pulchritudinis, utpote primum ipsius attributum: ergo fundamentum pulchritudinis non est utilitas, seu bonitas extrinseca.

Est secundo S. Augustinus, cujus sunt hæc: (1) *Videt pulchri aptique* (quod reducitur ad utile) *disstantiam, quæ quis non negligit intueri. Pulchrum enim per se ipsum consideratur atque laudatur: aptum vero, quasi religatum pendet aliunde, nec ex semetipso, sed ex eo, cui connectitur, judicatur.*

Est tertio ipsum vulgus, quod quandoque audimus de quibusdam ædificiis ad habitandum antiquitus erectis a principum civium magnificentia, affirmare, illa quidem esse magnifica & pulcherrima, sed negare esse satis opportuna ad commode vivendum: & contra de aliis recentioribus affirmare, ea esse sic bona, & opportuna, at negare, eadem dici posse pulchra. Quid quod inventi aliquando sunt artifices, qui cum possent, utpote ex suis laboribus vitam sustentantes, negligere ultimas quasdam sibi, & paucis aliis notas operis perfectiones cum temporis compendio, quod in aliis operibus ad majus lucrum congregandum impenderent, noluerunt omnino negligentiam hanc committere, quia sine ea perfectione, quam norant suscipere posse opus suum, dicebant sibi illud nec pulchrum nec gratum fore: ergo e vulgo ipso indocti homines norunt pulchrum non fundari in utilitate.

22. Illa, quæ afferri in contrarium possunt exempla, aliud non probant, quam bonum in se frequenter esse etiam bonum utile, eademque retunduntur a tot aliis exemplis de iis, quæ etsi æque utilia sint ac alia opposita, universim tamen altera eliguntur tamquam pulchra, altera vero negliguntur tamquam deformia. Sic da duas mensas, alteram sustentatam quatuor pedibus omnino uniformibus, & uniformiter positis, alteram vero pedibus æque quidem altis, sed uno pingui, alio gracili, hoc curvo, illo recto, etsi utilitas par in utroque sit: nemo tamen erit, qui primam pulchram non dicat, secundam vero ut deformem non rideat.

S s

23. Hinc

(1) S. Aug. Ep. ad Marcell. 138. alias 5. cap. 1. num. 9.

23. Hinc probari nequit illa aliquorum definitio pulchritudinis dicens, illam esse aptitudinem singularum partium totius ad finem, quæ in eandem tandem recidit opinionem, quod pulchritudinis quodammodo forma sit utilitas. Contra quam determinate dico, evidens quidem esse, excessum aliquem, aut notabilem defectum in parte aliqua corporis non solum nullius usus esse, sed etiam impedimentum afferre ad opportunum illius usum. Quare cum utrumque deficiat manifeste a fine, plane intelligitur, cur utrumque etiam seorsim tollat corpoream pulchritudinem. Ita oculi nimis exporrecti, quia minus custoditi sunt ab objectis externis, quæ illos lædant, & nimis remotam habent retinam, ut opportune unitos recipiant radios ex objectis paulo distantioribus, deformes dicuntur. Ita crura longiora vel breviora vel graciliora pro mole trunci, incommoda sunt toti homini, & proinde non pulchra. At S. Augustinus observat, quod (1) *si homini unum radatur supercilium, prope modum nihil corpori, & multum detrahatur pulchritudini*: & generaliter paulo plus vel minus in quantitate partis alicujus nec affert majorem aptitudinem ad finem illius partis, nec minuit similiter illius, aut aliarum partium commodum usum, cum tamen afferat vel tollat decus pulchritudinis. Sic qui habet os aliquanto latius, caret vultus pulchritudine, etsi æque bene utatur tum ad loquendum, tum ad manducandum, ac alter, qui habet os magis contractum.

## PROPOSITIO II.

24. **P**ulchritudo essentialis (§. 13.) ne a Deo quidem dependet.

Propositionem alias laudatus Andre affirmavit, dicens (2) *In singulis objectis invenitur pulchrum essentialiter absolutum independens ab omni institutione etiam Divina*.

Ea autem suadetur sic. Pulchritudo essentialis non dependet a Deo, neque ut causa exemplari, neque ut causa efficiendi: ergo nullo modo dependet. Antecedens probatur.

Pul-

(1) S. Aug. de Civi. li. 11. ca. 22. p. 282. (2) And. Encyclart. Beau. §. II agit de p. 146.

Pulchritudo essentialis consistit in essentia rei absolute possibili, hoc est non involvente ullam contradictionem; Sed (1) *res*, ut ait Suarez, *secundum esse essentiae non habent actu causam exemplarem, sicut neque causam efficientem*. Quod superius, quantum pertinet ad exclusionem causae exemplaris, de qua unice dubitari potest, planum fecit dicens, (2) *Creaturae, consideratae tantum secundum esse essentiae, non habent veritatem essentiae ex conformitate ad Divinam ideam; non enim homo est talis essentiae, quia talis cognoscitur a Deo, sed potius ideo talis essentiae cognoscitur, quia talis est essentialiter*: ergo pulchritudo essentialis non habet actu ullam dependentiam a Deo.

25. Objicitur. Pulchritudo essentialis importat attributa rei, quae inter se concordent: Sed attributum entis creati est dependentia a Deo; Siquidem ens a se, & ens ab alio, est prima divisio entis realis; Quare per ipsam dependentiam a Deo, tamquam per differentiam specificam contrahitur ens generalissime sumptum ad ens creatum. Ergo pulchritudo essentialis entis creati importat dependentiam a Deo, quae cum aliis attributis concordet: Atqui repugnat pulchritudinem essentialem, quae importat dependentiam a Deo, non dependere a Deo: ergo.

Resp. conc. maj., & dist. min. Attributum entis creati in statu existentiae, est dependentia a Deo, & quidem ut causa tum exemplari, tum efficiente, conc. min., in statu purae possibilitatis, nego min., & simili distinctione excepto consequenti, etsi cadant reliqua: attamen illud non omitam advertere, entis quidem creati differentiam specificam dici posse dependentiam a Deo: sed illam entis creabilis esse limitationem.

## P R O P O S I T I O I I I .

26. **P**ulchritudo vera, secundum id quod dicit de Bonitate, est aliquid reale, nec dependens ab hominum opinione: secundum vero id, quod dicit de ordi-

S s 2

nc

(1) Suar. Metaph. disp. 8, sec. 7, num. 31.  
pag. 193.

(2) Id. Ibid. num. 13. pag. 189.

ne ad vim intellectivam postulat, iudicium verum.

Sunt qui contrariam opinionem, quantum pertinet ad primam partem sequuntur, quos impugnat Euginellius (1), quin tamen quemquam nominet. Sed nominari possunt ii, qui ex dictis alibi (2) bonum ipsum in hominum opinione situm dicunt. Contra istos jam olim laudatus Andre dicitur eandem hanc partem propugnare. Citari rursus potest Vernejus juxta supra (§. 11.) ex ipso relata, & Leibnitius, qui apud Encyclopædistas (3) statuit, ideo rem esse pulchram, quia placet, non vero ideo rem placere, quia est pulchra. Omitto illos, qui dubitant, quam partem sequantur hujus disjunctivæ, datur vel non datur pulchritudo absoluta, non aliâ verius de causâ, quam propter obscuritatem hujus nominis *pulchritudo absoluta*, quæ tota evanescet, si dicatur pulchritudo non dependens ab opinionibus.

27. Prima jam propositionis pars probatur. Datur bonitas realis, seu non dependens ab hominum opinione: ergo pulchritudo vera, secundum id quod dicit de Bonitate, est aliquid reale, non dependens ab hominum opinione. Antecedens alibi (4) demonstratum est: consequentiam autem probabo, quia sicuti pulchritudo dicit in sua notione bonitatem (§. 13.): ita pulchritudo vera dicit hanc bonitatem esse realem, nec dependentem ab hominum opinione: ergo si datur bonitas non dependens ab hominum opinione, etiam pulchritudo, secundum id quod dicit de Bonitate, respondens huic bonitati reali, non dependet ab hominum opinione.

Secundo sic arguo. Dantur aliqua, ut quidam flores, aves, homines, bestię, quæ singulis constanter placent, & primo ipso aspectu pulchra censentur: ergo id, per quod placent, & pulchra censentur, est in illis realiter, & independenter ab hominum opinione. Consequentia probatur, quia id solum, quod in re evidentè esse apparet, trahit omnes & singulos in eandem de illa sententiam, in eaque immobiliter retinet. Vernejus quærens, (5) *cur forma, quæ*  
ex

(1) Fug. Princ. Metaph. tom. 1. cap. 7.  
prop. 40. pag. 446.

(2) Diss. de Bono. §. 200.

(3) Encycl. art. Beau. pag. 144.

(4) Diss. de Bono. §. 103. & seq.

(5) Vern. Metaph. li. 4. ca. 11. pag. 186.



*ex Pictorum idea conformata sit , magis hominibus singulari placeat , quam aliæ ?* vidit , verissimum esse antecedens hujus argumentationis , sed respondens , *ingenue fatebor , me id nullo modo intelligere posse* , maluit profiteri se nescire , cur id accideret , quam descendere in nostram conclusionem , & agnoscere falsum esse , quod nihil sit absolute pulchrum . Quod autem addidit , non esse mirum , propositum ab ipso problema solvi non posse ; *Nam nec illud intelligi potest , cur quidam cibi aliquos delectent , al'quos non item* , est plus quam importunum , quasi vero sit mysterium , (1) *palato non sano* , ut inquit S. Augustinus , *pænam esse panem , qui sano suavis est* , & generaliter organa gustus diversimode affici ab iisdem objectis , pro diversitate ipsorum dispositionis , etiam in uno eodemque subjecto in horas mutabili .

Confirmatur propositio autoritate & argumento S. Augustini . Ille inducit artificem , qui uno arcu constructo alterum in alteram partem molitur , cumque interrogat , cur id faciat ? responsio est , ut paria sint membra in toto ædificio . Instat ipse , cur id ipsum eligat ? reponit hoc decere , hoc esse pulchrum , hoc delectare cernentes , nihil addens amplius , & oculis humi defixis profitens , unde id pendeat , se non intelligere . Tunc Augustinus volens eruere ab illo rationem , cur credat illa placere , & iudex esse audeat ipsius delectationis humanæ , dicit , (2) *Si prius quæram , utrum ideo pulchra sint , quia delectant , an ideo delectant , quia pulchra sunt . Hic mihi sine dubitatione respondebitur , ideo delectare , quia pulchra sunt ; Quæram ergo deinceps , quare sint pulchra ? Et si titubabitur , subjiciam , utrum ideo , quia similes sibi partes sunt , & aliqua copulatione ad unam convenientiam rediguntur ? Quod ita esse comperiet* : Ergo per Augustinum ipsamet intrinseca rei pulchritudo est ratio , cur illa placeat : non vero ipsum placere est ratio , cur res sit pulchra : & ipsomet iudice fabri murarii superant in hoc Adversarios nostros , qui nec discernunt , quod illi vident , & negant etiam , quod illi comperiunt .

28. Secunda jam pars probatur . Pulchritudo vera distingu-

(1) S. Aug. Conf. li. 7. ca. 16. p. 142.

(2) S. Aug. de Vera Relig. ca. 32 n. 59. p. 79.

guitur a pulchritudine apparenti : sed pulchritudo apparens dicit illam bonitatem, quæ per errorem judicatur esse bonitas, cum in re non sit : ergo pulchritudo vera dicit illam bonitatem, quæ cum veritate judicatur esse bonitas, quia in re talis est.

Hinc intelligitur, quare plerunque homines unanimiter hoc pulchrum dicant, illud vero minus vel magis pulchrum, vel etiam deforme. Quia scilicet non est neque majoris, neque potioris partis hominum, errare in judicando de objectis, quæ prout realiter sunt, cognoscantur : ergo partes in objectis illis omnium sensibus subjectis, quæ præferunt eam inter se connexionem, quæ non potest non cognosci ab iis, qui illas intueantur, esse magis vel minus secum ipsis, & cum toto convenientes, non possunt non censei reddere magis vel minus pulchrum totum corpus. Hac ratione pulchra dicitur machina composita, statim ac cognoscitur ipsius constructio non solum apta ad finem intentum, sed etiam concinne disposita, secus vero informis habetur & contemnitur. Atque quia corpora naturaliter organica, ut illa animalium, sunt Divini Artificis opera, & omnes illorum partes explicant dispositionem, quæ non solum redundat in suimet, sed in totius perfectionem, generaliter pulchra dicuntur, si secundum se considerentur : magis autem aut minus pulchra, si inter se conferantur ; Tunc enim obijciuntur ea, quæ in aliquibus sint peccata, ut ajunt, naturæ, quæ naturales etiam causæ, Deo sic volente, ad illorum productionem concurrunt, quæ aliquando invicem se perturbantes, perfectionem operis in pluribus vel paucioribus partibus impediunt.

29. I. Obijcitur. Homines mutant quotidie formas habitationum, mensarum, portarum, fenestrarum, vestimentorum, omnium denique, quæ ad victum vestitum & usum humanum pertinent, ita ut quæ olim placebant, jam displiceant, & viceversa : ergo horum saltem pulchritudo dependet a mero hominum arbitrio. Probatur consequentia. Mutare illas formas est exercite dicere illas non esse amplius pulchras : Sed si pulchritudo esset independens ab arbitrio, & hominum opinione, non possemus sine falsitate illas dicere, non esse amplius pulchras : ergo.

Resp.

Resp. conc. antecedens , & nego consequentiam . Ad probationem distinguo majorem : mutare illas formas , est dicere , illas non esse amplius pulchras secundum quid , & comparative ad alias formas , & circumstantias , conc. maj. , non esse amplius pulchras simpliciter , & absolute , nego majorem . Minori applicatur eadem distinctio , & consequentia negatur . Distinctio ostenditur legitima exemplo ciborum . Omnes illi , qui conferunt ad conservandam sanitatem , sunt boni , & ut tales habentur ; Nihilominus in his vel illis circumstantiis , ut divitiarum majorum vel minorum , has potius escas adhibemus , quam illas . Certe quas rusticus amat , respuit civis , & quibus civis vescitur , non utitur princeps . Simile quid accidit in objectis rebus . Omnes in se pulchræ sunt , semel quod bonæ in se sint , sed pro circumstantiis diversis alias amamus præ aliis . Quod si quis neget esse pulchras illas formas , quæ in veteri ætate dicebantur pulchræ , non aliter intelligendus est , quam intelligatur civis , qui dicat non esse bonum cibum rusticorum , scilicet in sensu quodam comparativo , non vero absoluto . Sicuti enim si quis negaret , esse absolute bonum cibum , quo multi utantur , sed ipse pro circumstantiis suæ conditionis non utitur , evinceretur erroris ab ipsomet ipforum usu apud alios : ita si quis neget , esse pulchras absolute formas illas olim usitatas , refutatur ab illis , qui iisdem uti sunt . Philosophus etiam suadere posset judicium illud absolutum esse erroneum , inferendo ab iis , quæ pulchra ab ipsis conceduntur esse , pulchra etiam esse ea , quæ illi negant , propterea quod in utrisque invenitur compositio ex partibus , quæ habent eandem , vel parum dissimilem rationem secum ipsis , & cum toto .

30. II. Objicitur . Sæpe accidit , ut opus aliquod , vel literarium , ut dissertatio , vel mechanicum , ut tabula , uno tempore dicatur pulchrum , alio vero negetur , vel ab his eodem tempore laudetur , & suspiciatur , ab illis vero vel nulla dignum laude censeatur , vel forte etiam de pluribus accusetur : ergo pulchritudo dependet a solo hominum arbitrio .

Resp. conc. antecedens , & nego consequentiam , quæ  
 nullo

nullo modo descendit. Illa enim, quæ legitime inferitur, est: ergo pulchritudo, prout affirmatur, non solum importat in sua notione bonitatem rei, sed etiam cognitionem de eadem bonitate, & rursus veracitatem agentis, vel negantis de re aliqua pulchritudinem. Omissis autem causis, quæ possunt inducere aliquem ad mentiendum, quot illæ sunt, quæ possunt impedire cognitionem, seu iudicium conforme ipsi objecto, totidem esse possunt, quæ varietatem inducere possunt in iudiciis hominum, qui veraces sint, circa pulchritudinem alicujus objecti. De multis copiose agit Diderotius (1). Atque tales sine controversia sunt præter hebetudinem mentis, & imperfectionem sensuum, ignorantia: defectus exercitii in hujusmodi iudiciis: præjudicia nata ex consuetudine, legibus, educatione, aliisque, quæ ad præsentiam alicujus objecti excitant tales ideas, quæ illius pulchritudinem non permittant advertere: perturbationes animi, quæ perfectiones in artificiis maxime obvelant, si sint eorum, quos non amamus: sin eorum, quos diligimus, has dumtaxat detegunt. Sicuti enim oculus, inquit Pallavicinus (2), ita intellectus duas habet conspiciendorum species, alteram, quæ objecta amplificat, alteram vero, quæ illa mirifice imminuit. Hinc autem non fit, ut pulchritudo, quæ vera est, non dicat ordinem ad bonitatem realem, sed solum, ut hæc non sit alicui apparens.

## PROPOSITIO IV.

31. **P**ulchritudo non est objectum particularis potentia, quæ distingui debeat in homine ab ipsis potentiis, tum spiritualibus, ut intellectu & voluntate, tum materialibus, ut quinque sensibus vulgo notis.

Propositio est contra Hutchesonium Philosophiæ Moralibus Professore in Academia Glasguensi, qui ut referunt Galli Encyclopædistæ, statuit (3) admittendam esse determinatam quamdam potentiam ab omni alia, ratione nostra distinctam, cujus

(1) Dide. Encycl. art. Beau, pag. 151.

(2) Pallav. Lettère. pag. 267.

(3) Encycl. art. Beau, pag. 144.

### SECTIO III.

319

cujus proprium objectum sit pulchritudo : hanc ille vocat sensum internum pulchri; quemadmodum pariter admittit aliam particularem potentiam, cujus objectum sit bonitas; quam ipse similiter distinguit in anima, & vocat sensum internum boni.

32. Probatur propositio, quia nullum est sufficiens argumentum astruendi hujusmodi potentiam, cujus objectum sit pulchritudo, ut constabit per examen eorum, quæ per authorem præcipua sunt.

Primum sit. Objecta faciunt in nobis impressiones necessario gratas, vel necessario ingratas, quin scilicet id directe pendeat a nostra voluntate, sed solum indirecte, quatenus volumus, quæ grata accidunt, & hæc procuramus: contra vero nolumus ingrata, & ab his avertimur, quantum possumus: ergo pulchrum est objectum sensus cujusdam particularis, qui est intra nos.

Resp. conc. antecedens, & nego consequentiam, quæ nullo modo descendit. Consequentia legitima hæc est, ergo objecta habent vel non habent in se, quod per sui cognitionem delectatione, vel contra molestia aut horrore nos afficiat.

33. Secundum sit. Ideæ objectorum sensibilibus, quæ in nobis excitantur, sunt necessario gratæ, vel ingrata: nec quod gratæ sint vel ingrata, dependet a ratione propria cujuscunque sensus externi, ut a colore, sonitu, extensione, & similibus, sed dependet ab ordine, regularitate, imitatione, & similibus proprietatibus vel harum contrariis, quæ non sunt objecta sensuum externorum: ergo hæ proprietates sunt objecta alterius sensus interni.

Resp. transeat prima antecedentis pars, & omitto secundam partem; Nam vera illa est, si significet rationes coloris, sonitus, & similibus, abstracte sumptas non esse nec gratas, nec ingratas: at in sensu abstracto hæ non sunt objecta sensuum: Falsa autem est, si loquatur de tali colore, tali sonitu, & similibus; Nam hæ sunt reipsa per se occasio ideæ gratæ, vel ingrata ex parte sua. Sic placet color vividus bene videntibus, displicet lippis. Tertia tandem pars ante-

T t

cc-

cedentis sic distinguitur, gratas esse vel ingratas ideas illas dependet a prædictis proprietatibus, tamquam a quibusdam partialibus conditionibus, concedo; tamquam a solis conditionibus illius jucunditatis vel molestiæ, nego; Nam ex dictis ipse color vel sonitus est partialis causa, quod illæ gratæ sint vel ingratae. Et nego consequentiam; Nam, legitima consequentia est: ergo hæ proprietates, ordo, regularitas, aliæque similes, sunt objecta facultatis intellectivæ, quæ reflectit supra ea, quæ per sensus immediate percipiuntur.

34. Tertium sit. Non admissâ in anima hominis facultate determinata ad percipiendum pulchrum in objectis, non restat nisi facultas cognoscitiva utilitatis objectorum: ergo quæ non cognoscuntur utilia, contemnentur, & ingrata erunt: Atqui hoc non accidit; Nam ne barbari quidem solas amant casas, & regias ædes abhorrent, nec ea universaliter, quæ deliciæ vel luxur nuncupantur, negliguntur communiter aut contemnuntur. Ergo datur ea facultas.

Resp. nego antecedens. Restabit enim facultas intellectiva boni in se, & attributorum, quæ ad ipsum quodammodo componendum amice conspirant, qua posita non relinquitur in homine locus soli amoris in bonum utile. Omitto alia, quæ multo leviora mihi visa sunt.

#### S E C T I O I V.

*De iis quæ pertinent ad notiones pulchritudinis spiritualis & corporeæ,*

##### P R O P O S I T I O I.

35. **P**ulchritudo spiritualis bene definitur, bonitas intrinseca entis spiritualis ex pluribus diversis perfectionibus quodammodo coalescens, quæ per sui cognitionem delectat.

Nam characteres omnes supradicti (§. 13.), qui pertinent ad notionem pulchritudinis genericæ, in ea clare exprimuntur.

muntur, & convenienter limitantur ad particularem speciem, pulchritudinem spiritualement. Illam confirmat S. Basiliius dicens: (1) *Pulchra est omnis anima, quæ in bene temperato commensu propriarum facultatum consideratur*, quandoquidem illa verba bene temperatus commensus facultatum animæ, prout ab intellectu consideratur, præferunt tum bonitatem intrinsecam, tum pluralitatem perfectionum, tum ordinem ad vim cognoscitivam. Eidem suffragatur etiam S. Thomas, qui definit pulchritudinem spiritualement esse proportionem inter actiones entis rationalis secundum ductum rationis peractas; dicit enim, (2) *Pulchritudo spiritualis in hoc consistit, quod conversatio hominis, siue actio ejus sit bene proportionata secundum spiritualement rationis claritatem*, quibus similia habet alibi (3). Apparent enim in illa sufficienter characteres essentiales pulchritudinis spiritualis, qui quoniam nobis non innotescunt nisi per actiones externas, ideo de illis fit mentio.

## P R O P O S I T I O I I.

36. **P**ulchritudo corporea bene definitur bonitas intrinseca objecti visibilis, seu audibilis coalescens ex pluribus realiter partibus, quæ per sui cognitionem delectat.

Nam hoc modo sufficienter exprimuntur, ut oportet, genus ultimum & differentia specifica talis pulchritudinis.

Quoniam de pulchritudine corporea plures circumferuntur definitiones, quam de spirituali, utpote de re sensibili, maxime de illa pulchritudinis hujus specie, quæ est hominis, de qua, etiam qui a studiis abhorrent, plus nimio studiosi aliquando sunt, placet aliquas ex his definitionibus afferre, non solum quia conferunt ad confirmandam eam, quam jam posui, sed etiam quia nos deducunt ad distinctiorem aliquam ejusdem ideam.

37. Prima definitio sit illa quæ habetur in his S. Augustini

T t 2

(1) S. Bas. Hom. in Psal. 29.

(2) S. Th. 2.2, qu. 145, ar. 2. o. p. 338.

(3) Id. Ibid. qu. 142, ar. 2. o. p. 334.

Id. Ibid. qu. 180, ar. 2, ad 3. p. 433.

Itini verbis, Pulchrum corporeum est id, (1) *quod habet laudabiles mensuras, & numeros, & ordines in suo cujusque genere*, qui modus loquendi S. Doctoris declarat proprietates quasdam, sine quibus esse nequit bonitas corporis intrinseca. Et siquidem contenti sumus ideis illis quibuscunque, quæ auditis nominibus mensuræ, numeri, & ordinis, in nobis excitantur, ea addit distinctionem quamdam in idea hujus bonitatis, quam declarat.

Huic definitioni accessit Crouzas, qui dixit pulchritudinem esse varietatem, unitatem, regularitatem, ordinem, & proportionem conjunctim. In qua tamen illud reprehendi debet, quod cum necessario ex ordine & proportionem plurium inter se inferantur unitas, regularitas, & varietas; Quis enim concipiat ordinem, ubi ea, quæ multa sunt, vel non coalescunt in unum, vel regulam nullam servant, vel propter omnimodam similitudinem inter se, poterant, quæ prima sunt, esse ultima, vel media, vel aliter? Hæc omnia, inquam, juxta leges bonæ descriptionis rei, quæ suppleat vices definitionis, non sunt in ea numeranda nec exprimenda.

Diderotius (2) observans, illam a Crouza non afferri pro pulchritudine dumtaxat entis compositi, cujusmodi est corpus, sed pro ipsa in genere pulchritudine, eandem reiicit non solum propter obscuritatem tot nominum, quæ non fuerunt antea a suo Authore explanata, sed etiam quia non videt, quonam modo illa dici possit de iis, quæ compositionem non præferunt, ut de verbo, sententia, una aliqua parte totius, quibus certum est vulgo tribui vel negari pulchritudo. Sed secunda hæc impugnatio non est opportuna; Nam siquid vere non præferat multipliciter quarundam partium, ex dictis (§. 15.) non dicitur pulchrum. Quare quæ verba, vel sententiæ, vel pars una totius dicuntur pulchra, ideo dicuntur, quia plura in illis animo considerata obijciuntur, ut mensura, numerus, ordo, sonus aliaque.

38. Sc.

(1) S. Aug. de Genes. contra Manich. lib. 2, cap. 21. pag. 658.

(2) Did. Encycl. art. Beau. pag. 144.



38. Secunda sit illa, quæ pulchritudinem corpoream dicit esse uniformitatem cum varietate. Hæc placuit Hutchesonio, & suis affectis. Certe corpus, quod multis constet partibus, quæ tendant ad unum aliquem quasi finem totius, idem est ac corpus, in quo datur convenientia partium cum toto, in qua consistit ex dictis alibi (1) bonitas rei intrinseca: ergo quando uniformitas cum varietate hoc significet, hæc definitio ex hac parte nostram confirmat.

Caterum illa multis de causis ostenditur imperfecta; Nam omisso, quod in hujusmodi notione non exprimitur ordo ad vim cognoscitivam, dico non intelligi, quid sibi velit hic sermo, Uniformitas cum Varietate, semel quod alia sit illius significatio ab illa, quam nuper proposui. Si enim quis nomine uniformitatis partium corporis intelligat, debere esse in illis rationem æqualitatis in extensione, & figura, nomine autem varietatis intelligat debere esse in illis diversitatem utique in extensione, & figura: imprimis sit sermo involvens contradictionem: deinde traditur definitio evidenter falsa in omnibus operibus naturæ, & artis, quæ ad sui pulchritudinem non solum non requirunt hanc rationem æqualitatis in forma, & figura suarum partium, sed etiam respuunt, & ea posita amittunt totum suum esse. Da enim aures homini ejus extensionis, cujus sunt brachia, os ejus figuræ, cujus sunt manus, vel viceversa: & agnosce, si potes, non dicam hominem pulchrum aut deformem, sed ipsummet hominem. Sin autem nomine varietatis intelligatur idem ac multitudo, jam uniformitas cum varietate idem erit, ac multitudo partium æqualium. Atque hunc revera sensum Auctores hujus definitionis videntur intendere; Nam affirmant, quadratum pulchrius esse triangulo æquilatero, pentagonum quadrato, hexagonum pentagono, & sic deinceps crescere volunt pulchritudinem aucto numero partium: & rursus affirmant triangulum æquilaterum esse pulchrius scaleno, vel isoscele, sed non æquilatero. At hoc modo intellecta illa definitione, primo quidem patet nihil dici, quod aliqua ratione suaderi possit; erunt enim, qui trian-

(1) Diss. de Bono. §. 39.

triangulum isosceles dicent pulchrius æquilateto, & quadratum quovis polygono. Deinde iterum quæritur, quonam modo homo sit pulcher, cujus singulæ partes sunt re, & nomine diversæ.

39. Tertia sit illa, quæ dicit, pulchritudinem corpoream esse dispositionem partium cum proportionem unius ad aliam, & ad suum totum. Huic favet S. Augustinus dicens: (1) *Videbam in corporibus aliud esse quasi totum, & ideo pulchrum, aliud autem, quod ideo deceret, quoniam apte accommodaretur alicui, sicut pars corporis ad universum suum*. Hæc pariter proponitur tamquam confirmatio aliqua nostræ: non tamen eidem præponitur; Nam omisso, quod in ea nulla sit mentio de ordine ad vim intellectivam, & ejus delectationem, illud vocabulum *proportio* in hac re est satis obscurum; Cum enim proportio importet relationem unius termini ad alium, opus est determinare quantitatem aliquam in uno proportionis termino. Atque hæc quæritur, unde nam desumenda sit, seu qua ratione determinanda? Aliqua certe ad sui pulchritudinem requirunt partes inæquales, & dissimiles, ut corpora organica, alia contra, æquales & similes, ut aurum, gemmæ, aqua. Præterea proportio supponens quantitatem non invenitur habere locum in omnibus, quæ pulchra dicuntur, etiam in linea pulchritudinis corporeæ. Sic qui nigris oculis est, pulchrior censetur illo, qui minus nigros habet, etsi magnitudo oculorum par sit in utroque.

40. Quarta sit illa, quæ addit tertiæ suavitatem coloris. Sic Tullius pulchritudinem corporis humani definit: (2) *Esse quamdam aptam figuram membrorum cum coloris quadam suavitate*, quem non semel imitatus est S. Augustinus (3), similia de hominis pariter pulchritudine dicens. Similiter S. Basiliius, (4) *pulchrum, inquit, est, quod in membrorum compositione continne, ac decenter aptatum est, atque efflorescentem habet gratiam*. Huc etiam facit, quod dicit S. Thomas.

(1) S. Aug. Conf. lib. 4. cap. 13. pag. 1042

Id. Episc. ad Nebridii. 3. alias 151.

(2) Tull. Tusc. lib. 4. nu. 31. pag. 571.

pag. 5.

(3) S. Aug. de Civi. li. 22. ca. 13. p. 692.

(4) S. Basil. in Psal. 44.

mas. (1) *Ad pulchritudinem tria requiruntur: primo quidem integritas sive perfectio; quæ enim diminuta sunt, hoc ipso turpia sunt: & debita proportio, sive consonantia: & iterum claritas. Unde quæ habent colorem nitidum, pulchra esse dicuntur.* Ubi effugere voluit S. Thomas terminum illum suavitatis attributum colori, & elegit potius terminum claritatis, quod alibi pariter facit dicens: (2) *Pulchritudo corporis in hoc consistit, quod homo habeat membra corporis bene proportionata cum quadam debita corporis claritate.*

Contra illos, qui hanc cæteris præferrent, valent quæ contra superiorem dicta sunt, & hæc alia præterea. Quidnam est ista coloris suavitas, vel quisnam est color, qui sit visu suavis? Flavus placet in auro, viridis in pratis: sed uterque generaliter displicet in vultu. Ipse idem color, qui placet in vultu humano aliquibus, minus placet aliis. Ita Europæos vultus candidus, & rubicundus: contra vero Comorinenses niger delectat, quo exemplo excluditur etiam claritas coloris, tamquam requisitum essentiale ad pulchritudinem visibilem.

41. Quinta sit illa Buffierii (3), qui dicit pulchritudinem corpoream esse dispositionem partium in toto, quæ communior est inter alias dispositiones, quæ reperiuntur in toto ejusdem speciei. Hæc definitio non solum confirmat definitionem nostram, sed contracta ad exprimendam pulchritudinem visibilem, ut hominis vel animalis, dat ideam satis distinctam de illius primario attributo, scilicet intrinseca bonitate, quemadmodum subtiliter ejusdem Auctor declarat. Sic homo apud Europæos habitu corporis nec nimis carnosus, nec nimis gracili: colore albo, quem roseus rubor perfundat: facie longa potius quam rotunda: fronte ampla: oculis rectis amplis & nigricantibus: naso nec simo, nec aquilino, nec crasso, nec longo, sed recto & gracili: ore exiguo: labiis gracilibus: dentibus albis, nec exilibus, nec separatis: auribus mediocriter longis: & staturâ sex circi-

ter

(1) S. Thom. 1. p. qu. 39. art. 8. o. p. 138.

(2) Id. 2. 2. qu. 145. art. 2. o. p. 338.

(3) Buff. Traite des prem. verit. a n. 94. p. 2. o.

rer palmorum dicitur pulcher, & qui pingi possit, quia inter plures homines major pars illorum accedit ad has dispositiones, minor vero ab illis recedit, vel per excessum, vel per defectum. Exemplum esto in statura, in qua observare possumus non solum in amplissima civitate, sed in integro etiam regno tam pygmæos, quam gigantes raros esse. Illud vero in hac re accidit, quod nimia brevitatis corporis, etiam si cætera adsint, videatur tollere ab homine decus pulchritudinis; venustus enim aut elegans dicitur, non vero pulcher, qui plus justo sit infra solitam magnitudinem: contra vero proceritas, cæteris non deficientibus, pertinet ad augmentum pulchritudinis humanæ; Nunquam enim si laudare aliquem velimus, omittitur hujusmodi proprietas, si in illo sit, ut constet etiam ex illo, quod de Saule supra (§. 1.) ex Sacris Literis retulimus. Hujus autem ratio videtur esse major sensibilitas singularum partium in majori magnitudine, & fortasse etiam occasio, quæ inde desumitur, conjiciendi proportionalem in animæ pariter dotibus excellentiam.

Ex hac interea Buffierii definitione eruitur solutio illius quæstionis, cur apud Æthyopes pulcher dicatur homo, cui color niger, labia crassiora, nasus depressus: apud Sinenfes vero pulcher habeatur ille, cui color subrufus, oculi exigui, & semiaperti: apud populos tandem Borealiores pulchri sint, qui oculis sunt cæsi, & capillo flavo, ita ut quæ sunt pulchritudines Africanæ, & Boreales, habeantur apud plerosque populos Europæ, tamquam deformitates quædam. Scilicet unaquæque gens gratam habet eam partium dispositionem, quæ apud singulas communior est.

42. Juxta methodum, qua definitio pulchritudinis visibilis distinctior reddita est, erui potest distinctior pariter definitio pulchritudinis audibilis. At opus est prius distinguere sonos in naturales, ut vocis humanæ: & artificiales, ut instrumenti, vel concentus musici. Qua distinctione posita dici potest, bonitatem pertinentem ad pulchritudinem soni naturalis esse in illis ipsius modificationibus, quæ communiores sunt in ea linea seu specie. Ita vox clara dicitur pulchra, quia inter plures loquentes major pars accedit illam

illam vocis affectionem, minor vero recedit. Hinc intelligitur, quare vox hominis, quæ pulchra dicitur in sua regione, & apud suos, non solum censeatur minus pulchra, sed fortasse etiam absona, & turpis ab hominibus alterius linguæ, nimirum quia illa recedit a temperamento vocis apud ipsos consueto.

Circa pulchritudinem soni artificialis, & quidem compositi promoveri potest claritas ipsius definitionis determinando, in quo consistat ipsius bonitas, quæ certe est quædam modificatio soni, atque dici cum Rogaccio (1) potest, esse proportionem inter tonos componentes, qui sunt partes illius concentus, conjunctam cum claritate soni: in qua expressione etsi includatur nota proportionis supra (§. 39.) in definitione pulchritudinis visibilis improbata, hic tamen improbari omnino non potest, quia cum sit artificialis huiusmodi proportio, noti sunt termini ipsius, sive ratio, quam illi debent inter se habere.

Ex tanta varietate opinionum circa ea, quæ spectant ad notionem pulchritudinis etiam solum corporeæ, de qua frequentius homines cogitant, conficitur observante Genuensi (2), ideam pulchri falso a Cartesianis numerari inter ideas homini innatas.

## S E C T I O V.

*De Bonitate divisionis pulchritudinis in spirituales & corpoream.*

## P R O P O S I T I O.

43. **P**ulchritudo bene dividitur in pulchritudinem spirituales & corpoream.

Propositioni opponitur Vernejus, qui solam agnoscit pulchritudinem corpoream, quæ (3) *vel visum vel auditum delectat: nec aliud*, inquit, *intelligunt homines, cum tali*

V v

(1) Rog. Uno necess. par. 1. cap. 27.  
num. 19. pag. 682.

(2) Gen. Elem. Met. pa. 1. in def. 80. p. 66.

(3) Vern. Metaph. lib. 4. ca. 11. pag. 183.

*ali vocabulo utuntur*. Sed omnino male sic asserit, quia contrarium suadent Philosophi, Patres, Theologi, rude etiam vulgus, & ratio ipsa.

Inter Philosophos, præter Platonicos, qui in facie honesti, ut dixit Tullius supra (§. 15.) citatus, mirabilem speciem contemplabantur, sunt Stoici, qui referente S. Augustino dicebant, (1) *pulchros non esse nisi sapientes*. Certe autem, ut ipsemet ait, approbans, quod sapientia sit pulchra: *oculis carnis, forma sapientiæ, decusque non conspicitur*.

Inter Patres unus satis erit S. Augustinus, qui frequens est in commemoranda pulchritudine spirituali. Sic ille pulchram dicit virtutem, (2) *Totum, inquit, quod pulchrum est in anima, virtus & sapientia est*. Idem pulchram dicit iustitiam, (3) *summa & vera pulchritudo iustitia est*: & alibi (4) *Diligite iustitiam, habet pulchritudinem suam. Quare illam videtis, quando illam exigitis?* Quo etiam spectat præclara ejusdem observatio in illud Psalmi 58. *Confessio & pulchritudo in conspectu ejus*, ubi notat nominari prius confessionem, quam pulchritudinem, propterea quod hæc supervenit illis, (5) *qui confitentur peccata sua, vomunt mala, quæ avide devoraverant, nec redeunt ad vomitum suum, sicut canis immundus*, Idem pulchram dicit Fidem, (6) *Quam pulchra res Fides! Sicut lucet aurum ad oculos corporis, sic lucet Fides ad oculos cordis. Aperis ad illam oculos cordis, quando vis, ut exhibeat illam tibi servus tuus*. Idem alibi (7) pulchritudinem corpoream vocat imam, alibi (8) exteriorem, alibi (9) visibilem, per oppositionem scilicet ad spiritualem, quæ per ipsum est superior, interior, & invisibilis. Idem tandem ipsum nomen pulchritudinis spiritualis dicit esse proprium, & convenire omni honestati, (10) *Honestatem, sic ille, voco intelligibilem pulchritudinem, quam spiritualem nos proprie dicimus*.

Inter

(1) S. Aug. de Civ. li. 2. ca. 7. p. 196.

(2) Id. in Psal. 58. ser. 1. nu. 18. p. 567.

(3) Id. in Psal. 44. nu. 3. p. 382.

(4) Idem serm. de decem Chordis 9. alias 95. de Temp. nu. 16. pag. 60.

(5) Id. in Psal. 95. nu. 7. pag. 2036.

(6) Id. Sermon. de decem Chord. ubi supra.

(7) Id. de Ver. Relig. cap. 40. num. 74. pag. 774.

(8) Id. Conf. lib. 10. cap. 34. num. 53.

(9) Id. lib. 1. qu. 30. pag. 8.

(10) Id. Ibidem.

Inter Theologos est S. Thomas supra (§.35.) citatus, adeoque innumeri, qui illum sequuntur.

Vox autem vulgi unanimes est, pulchrum esse Deum, pulchram virtutem, pulchram animam virtutibus ornatam, pulchras has vel illas leges, hos vel illos sermones sive numeris adstrictos, sive solutos.

Quod tandem pertinet ad rationem sic arguo. Sunt objecta, in quibus, etsi nihil observemus, quod sensus delectet, nihilominus in illis detegimus, quod a mente sit laudabile, quemadmodum dici potest de homine valde ingenioso, sed deformi: Et contra sunt objecta, in quibus etsi non cognoscamus aliquid, quod mens laudet, attamen sentimus illa nos delectare, sicuti dici potest de homine specioso quidem corpore, sed stupido vel hebeti: Atqui quod a sola mente laudatur, est pulchritudo quædam spiritualis distincta ab illa, quæ delectat solum per sensum, quæ nequit esse nisi pulchritudo corporea: ergo pulchritudo spiritualis admittenda est.

44. Objicitur. Pulchritudinis nomen institutum est, & quodammodo excusum ad significandam solam pulchritudinem corpoream: ergo hæc sola admitti debet,

Resp. conc. antecedens; Nam nomina quidem, cum sint signa idearum, sequi necessario debent illarum ordinem. Quare cum ideæ rerum sensibilium sint ordine primæ, relate ad hominem, nomen pulchritudinis primo institutum erit ad significandam pulchritudinem corpoream: sed nego consequentiam; Nam homo non habet ideas dumtaxat rerum sensibilium, sed etiam spiritualium, & abstractarum, quas denotat per vocabula, quæ si placet, dicantur metaphorica, at certe sunt communiter recepta, & facile ex subjecta materia intelligibilia. Exempla in probatione allata rem extra controversiam ponunt, eademque confirmari possunt ex similibus in aliis rebus. Ita cum de aliquo dicitur, esse vir magnanimus, aut peregrisse magnum facinus, nemo concipit, illum habere animum per magnas dimensiones extensum, vel fabricasse turrin, aut montem aliquem, etsi magnitudo

ex sua prima institutione importet trinam dimensionem in longum latum & profundum.

45. Instatur. Ita pulchritudo est nomen primo institutum ad significandam pulchritudinem corpoream, et non nisi improprie possit applicari ad denotandam perfectionem rei spiritualis; Nam non præscindit hoc nomen a multitudine partium, quæ in re spirituali profecto nullæ sunt.

Resp. nego assumptum. Hujus autem probationem distinguo: Non sunt in re spirituali partes materiales, concedo; non sunt partes, quæ dicuntur metaphysicæ, seu essentielles, nego. Quemadmodum hoc nomen *totum* dividitur in multas quasi species, ut aliunde notum est, ita etiam hoc nomen *pars* dividitur in totidem respondentes species. Itaque etiam in spirituali toto, illius perfectiones propter distinctionem, quam inter illas facimus per rationem nostram, sunt suo modo partes, ipsisque inest suus splendor, æquivalenter seu virtualiter talis, quo etiam cæcis corpore modo suo resplendent, ut mente videri possint.

## S E C T I O VI.

*De Bonitate divisionis pulchritudinis corporeæ  
in visibilem dumtaxat & audibilem.*

### P R O P O S I T I O I.

46. **P**ulchritudo corporea bene dividitur in ordine ad solos sensus visus, & auditus.

Propositio est contra aliquos, qui de ejus bonitate dubitant, contententes, posse etiam de odoribus & saporibus prædicari pulchritudinem. Nonne, inquiunt, Columella dixit bellissimum vinum? Et quisnam de barbarismo exoptulabit, qui dicat bellum esse odorem rosarum? Addunt, quod si frequentius inveniatur pulchritudo attributa per Latinos objectis visus & auditus, & perraro aliorum sensuum objectis, hoc accidit casu quodam, quia scilicet primi il-  
lius



lius linguæ institutores, qui normam posteris dederunt, usi non fuerunt per quamdam incogitantiam eo modo loquendi, ut pulchros dicerent odores & sapes, sicuti pulchros dixerunt colores, & pulchras voces. Quare fortasse, qui calleant alias linguas, invenient in illis contrarium usum.

Verumquod hi dicunt, non est opportunum; Nam bellus apud Latinos, ut observant Lexicographi, & Pallavinus (1), est contractio hujus nominis *benulus*, quod est diminutivum adjectivi *bonus*, ut primævi Latini dicebant, & nunc dicitur bonus. Igitur bellus, idem est ac bonus, non vero idem ac pulcher. Jamque linguæ, quæ a Latina desluerunt, ut Italica, Hispanica, Lusitanica, & Gallica, si quando dicant bellos odores, & bellissimos sapes, significant illorum bonitatem, aut optimitatem, non vero pulchritudinem.

47. Hactenus Adversariorum argumenta eversa sunt: propositionem jam directe probo sic. Pulchritudo corporea non potest tribui objectis sensuum tactus, gustus, & odoratus: ergo cum aliunde sine controversia tribuatur objectis visus & auditus, illa bene dividitur in ordine ad solum visum & auditum. Antecedens, quod pertinet ad tactum, suadet ex eo, quod per illum non excitetur de objecto idea entis ita boni, ut constet diversis partibus seu attributis; nam nihil aliud per tactum percipimus, nisi extensionem vel mollem vel asperam: ergo cum notio pulchri postulet ex dictis (§.16.) multipliciter partium diversarum, hæc non complectitur objecta tactus.

Quod pertinet ad objecta gustus & odoratus, imprimis si bene animadvertamus, habet locum par ratio, ac de tactu dicta est; Ideæ enim nascentes ex affectionibus utriusque sensus non explicant diversitatem partium in sua quodammodo compositione. Illud additur, quod non satis diuturna sint hujusmodi bona, quæ sunt de genere boni delectabilis, & bonum, quod pulchrum dicitur, videtur postulare quamdam quasi constantiam suæ existentiae, ut conveniens apprehensio suorum attributorum, & eorum quasi comparatio

(1) Pall. del Bene. li. 2. ca. 11. pag. 174.

ratio cum se ipsis, & toto possit a nobis institui. Est tandem ea etiam particularis ratio, quod bonitas odorum & saporum alligata est individualibus circumstantiis subjecti pro tempore præsenti, in quo illud versatur. Ex quo fit, ut ne idem quidem homo possit affirmare, odorem aliquem esse sibi absolute suavem, nec cibum aliquem esse sibi absolute bonum; Cum enim aliquandiu affectum est organum aliquo determinato odore, quantumvis sibi primum suavissimo, jam amplius illum non percipit, adeoque nullus pro ipso est odor, & homini jam saturo quivis cibus ingratus jam evasit, & molestus.

48. Alii jam olim, cum observarent divisionem pulchritudinis limitari ad sola objecta visus & auditus, rationem inquirentes hanc dederunt, quia hi soli sensus vi quadam cognoscendi majori, quam reliqui pollent. S. Thomas (1) hanc visus est asserere, dicens, *illi sensus præcipue respiciunt pulchrum, qui maxime cognoscitivi sunt, scilicet visus, & auditus rationi deservientes*. Quem sequuti sunt Didacus de Rosis (2), Petavius (3), & recentius Benedictus Rogacci, ubi de pulchritudine copiose differens dicit, (4) *La Vista, e l'Udito, più degli altri tre sensi, partecipano del ragionevole, e dell'Intellettivo*.

Reiicitur hæc solutio a vera jam Philosophia, quæ in materia, & organis materialibus nullam vim cognoscitivam, ne possibilem quidem admittit. Sed hi sequuti sunt præeuntes sibi veteres Philosophos, qui organis sensoriiis apertissime vim cognoscendi, & etiam judicandi tribuerunt. Ita ex Tullio Epicurus censuit, (5) *judicia rerum in sensibus ponens*. Ita Stoici docuerunt: Balbus unus ex his apud eundem Tullium audiens esse, qui putarent pyramidem esse pulchriorem sphaerâ, reponit, illos *novum oculorum judicium habere*: & alibi, (6) *oculi*, inquit, *in iis artibus, quarum judicium est oculorum, multa cernunt subtilius: colorum*

(1) S. Thom. 1. 2. qu. 27. art. 1. p. 62.

(2) Rosis. Ethic. Christiana. li. 1. cap. 3.

pag. 4.

(3) Pet. Theo. Dogm. de Deo. lib. 6.

cap. 4. num. 8. pag. 273.

(4) Rog. Uno necessario. par. 1. ca. 27.

num. 12. pag. 674.

(5) Tull. de Fini. li. 1. nu. 22. pag. 131.

(6) Id. de Nat. Deo. li. 2. nu. 47. p. 106.

lorum etiam, & figurarum sum venustatem atque ordinem, & ut ita dicam decentiam, oculi judicant, atque etiam alia majora; Nam & virtutes, & vitia cognoscunt, iratum, propitium, latentem dolentem, fortem ignavum, audacem timidumque cognoscunt. Aurium idem est admirabile quoddam artificiosumque judicium, quo judicatur, & in vocis, & in tiliarum, nervorumque cantibus, varietas sonorum, intervalla, distinctio, & vocis genera permulta. Et nequis credat hæc omnia dicta ab his fuisse, non quia sensus putarent verâ præditos vi percipiendi, & judicandi, sed ut exprimerent sensuum passiones esse prærequisita quædam, sine quibus anima de quibusdam nec cogitat, nec judicat, hæc habet alter Stoicus Lucullus, (1) cum vim, quæ esset in sensibus explicabamus, simul illud aperiebatur, comprehendî multa, & percipi sensibus, quod fieri sine assensione non potest. Hi in eandem secum opinionem traxerunt alios ferme usque ad nostra tempora Philosophos, quorum celebris fuit distinctio cognitionis in spirituales, & materialem.

49. Fuit quidem, qui S. Thomam putavit non ita vèrè dici, in horum sententiam descendisse, quia non dicit absolute, maxime cognoscitivi sunt visus, & auditus, sed addit, rationi deservientes, ex quibus ultimis verbis colligit, illum non tribuere vim cognoscitivam sensibus, sed significare illis, & maxime oculis, & auribus indigere animam pro statu suæ unionis cum corpore ad usum rationis, quæ est vis faciendî cognitiones abstractas & universales. At præterquam quod interpretatio hæc videtur directe contraria verbis S. Doctoris, illa excluditur ab aliis ejusdem locis, in quibus aperte subscribit sententiæ veterum circa vim cognoscitivam propriam suo modo etiam sensibus. Ita alibi inquit, (2) Dicendum, quod sensus proprius judicat de sensibili proprio, discernendo ipsum ab aliis, quæ cadunt sub eodem sensu, sicut discernendo album a nigro: sed discernere album a dulci, non potest visus, quia oportet, quod qui inter aliqua discernit, utrumque cognoscat. Illud ergo solum restat cum veritate dicendum, quod idem S. Thomas tamquam regu-

(1) Tull. Acad. qu. li. 4. nu. 37. pag. 53. (2) S. Th. 1. p. qu. 78. art. 4. ad 2. p. 258.

regulam generalem statuit, quod, circa opiniones Philosophicas, quarum falsitas in comperto jam est, & nihilominus apud Sanctos etiam Doctores reperiuntur, (1) *Sancti hæc tradiderunt, non quasi asserentes, sed sicut utentes his, quæ in Philosophia didicerunt, unde non sunt majoris auctoritatis, quam dicta Philosophorum, quos sequuntur.* Quod in scriptis S. Thomæ attendendum est, qui quemadmodum advertit Card. Pallavicinus in quadam epistola ad Cardinalem Roberti (2), cum scriberet ea ætate, qua Peripateticam Philosophiam Academicæ omnes profitebantur, ut facilius studiosorum animos sacrâ etiam doctrinâ imbueret, Theologicas assertiones per rationes naturales, & recepta Aristotelis dogmata plerunque comprobavit, ut patet in ejus Summa, relictis propriis ipsarum principiiis, quæ sunt Auctoritas Scripturæ, Conciliorum, & Patrum.

## PROPOSITIO II.

50. **N**ULLA pulchritudo cognoscitur a Brutis.

Probatur, quia Bruta pulchritudinem spirituales profecto non cognoscunt; Nam hæc ad sui cognitionem requirit intellectum, quo carent Bruta: non vero corpoream, sive audibilem, sive visibilem, quæ sunt duæ solæ ipsius species (§. 46.), quia objecta visus, & auditus nequeunt excitare in illis ullam cognitionem, per quam ipsa oblectentur, quoniam, quando in audiendo vel videndo adsit delectatio, hæc ad intelligentiam pertinet, ut alibi (3) ostensum est: Atqui notio pulchritudinis postulat aptitudinem ad excitandam cognitionem objecti per se ipsam delectantem: Ergo non cadit in Bruta cognitio ullius pulchritudinis. Quando igitur bestię aliquæ, ut duo Tauri dimicant propter unam eandemque juvencam, non aliter se habent, ac duo canes viribus pares cum rixantur, ut projecto in medium cibo aliquo potiantur. I N-

(1) S. Tho. in 2. dist. 14. ar. 2. ad 1. p. 45.

(3) Diff. de Bono §. 25.

(2) Pallav. Lettere. pag. 86.

# I N D E X

## R E R U M

NUMERI INDICANT PAGINAS.

### A

<b>A</b> <i>Braham non fuisset homicida, s; filium iussu Dei occidisset.</i>	pag. 79.
<i>Academicorum universalis dubitatio, quam absurda.</i>	83.
<i>Actus, qui fiat, quia creditur bonus, est moraliter bonus, etiamsi adsit in hoc iudicio error, dummodo invincibilis.</i>	150. & seq.
<i>Adolescentia incapax est felicitatis naturalis.</i>	150.
<i>Aestimativa per Peripateticos, quid?</i>	22.
<i>Aeternitas poenarum in Inferno est de Fide. 249., &amp; habet pro se rationes etiam nobis intelligibiles.</i>	251.
<i>Amor benevolentiae, &amp; concupiscentiae, quid?</i>	313.
<i>Amor &amp; honor creaturarum sunt Gloria Deo extrinseca.</i>	149.
<i>Amor est pars felicitatis naturalis.</i>	146.
<i>Amor parentum in filios parvulos singularis.</i>	261.
<i>Andres liber de pulchro.</i>	302.
<i>Angeli Beati, sine ullo malo nec naturali nec morali, semper fuerunt.</i>	143.
<i>Animalia omnium vilissima sunt admirabilis structurae.</i>	227.
<i>Annihilatio non est malum.</i>	180.
<i>Aptitudo ad finem non est bona definitio pulchritudinis.</i>	322.
<i>Appetibile non bene ponitur in definitione boni.</i>	32. & seq.
<i>Appetitum rebus inanimis dabant Peripatetici.</i>	7.
<i>Architecturae diversi Ordines.</i>	304.
<i>Arcopagus damnat puerum capite, quia oculos avibus eruebat.</i>	163.
<i>Aristides exosus, quia iustus.</i>	148.
<i>Aristoteles injuria accusatur Manichaeismi.</i>	216.
X x	Arma-

- Armatus non nascitur homo, sed capax se armandi.* pag. 261.  
*Athcorum sophisma.* 296.  
*Auditus objecta dicuntur pulchra.* 340.  
*Augustini scripta contra Manichæos numerantur.* 224. *Afferis ille Manichæos extitisse.* 209. *Ejus* verbis aliqui abutuntur. 109.  
*Aureum sæculum divites possunt habere.* 49.  
*Aurum jure pluris aliis metallis æstimatur.* 42. & 47.

## B

- B** *Ayles Petrus quis sit.* 207.  
*Beatitudines, de quibus in Evangelio, sic dicuntur, quia disponunt ad Beatitudinem æternam.* 148.  
*Bona extrinseca sunt infima bona.* 26. *Quomodo possint dici mala.* 167.  
*Bona fortunæ, quid.* 25.  
*Bona hominis maxima, media, & infima.* 25.  
*Bona naturalia hominum, plura sunt malis naturalibus.* 192.  
*Bona redundantia ex noxiis rebus.* 232. & seq.  
*Boni communis & privati notio.* 24.  
*Boni delectabilis nomine, venit tam objectivum, quam formale bonum delectabile.* 122.  
*Boni in genere notio.* 2. & 31.  
*Boni utilis notio.* 21.  
*Boni quo notio.* 137.  
*Bonitas actualis formalis distinguitur a bonitate materiali.* 17.  
*Bonitas Dei componitur cum eo, quod sit causa mali naturalis, & poenalis.* 220. *Et componi debet cum ipsius libertate.* 258.  
*Bonitas delectationis formalis distinguitur ab illa honestatis etiam naturalis.* 117.  
*Bonitas delectationis objectivæ non distinguitur realiter ab illa honestatis naturalis.* 118. *sed solum per mentem.* 119.  
*Bonitas formalis in linea morum præsupponit judicium de bonitate objectiva morali.* 104.  
*Bonitas fundamentalis quid per aliquos sit.* 70.  
 Boni-

Bonitas moralis non semper dependet a lege. 69. & 90. & seq.  
 Bonitas non distinguitur realiter ab entitate 30. Nec est aliquid dependens a cogitatione. 39. Nec significat idem ac entitas. pag. 29.

Bonum alteri est unum diverso modo, ac aliud. 28.

Bonum commune, naturaliter nos ad se allicit 64. & 146. Et præferendum est privato. 24.

Bonum consistere in modo specie & ordine, quid significet. 52.

Bonum delectabile, quid? 18. Præscindit ab honestate moralit. 21. Est species boni, distincta a bono honesto, & utili. 120. & seq. Quomodo frui illo possimus in hac vitam laude. 133.

Bonum delectabile, intellectuale, & sensibile, quid? 20. Obiectivum & formale, quid? 21.

Bonum est subiectum mali. 290.

Bonum & malum quomodo cognoscantur. 82. & quomodo opponantur. 181. & 226.

Bonum generativum, quid? 2.

Bonum honestum naturaliter. 6. & honestum moraliter, quid? 8.

Bonum honestum delectabile & utile cadit in solam naturam cognoscitivam. 60.

Bonum honorabile, & laudabile, quid? 56.

Bonum in se, & ad alterum, quid? 4. Diviso hæc communis est, & per membra, quæ non habent medium. 43.

Bonum in se, est etiam malum alteri, 55. & est obiectum formale amoris benevolentie. 314.

Bonum tam in se quam alteri, est ens. 53.

Bonum morale actuale, materialiter & formaliter tale, quid? 13.

Bonum morale est bonum naturale, sed non contra. 8.

Bonum morale materialiter, potest esse formaliter malum. 12.

Bonum morale obiectivum. 9. Simpliciter, & secundum quid. 12. Per se, & per accidenti. 10.

Bonum morale materialiter, potest esse formaliter malum. 13.

Bonum morale semper est non solum bonum honestum, sed etiam delectabile, & utile. 64.

Bonum per se decens, quid? 10.

<i>Bonum per se, &amp; per accidens, est distinctio, quæ perperam contemnitur.</i>	pag. 116.
<i>Bonum per se, &amp; per participationem, quid?</i>	5.
<i>Bonum physicum est prius bono morali.</i>	81.
<i>Bonum simpliciter dictum appellat ad ens existens.</i>	52.
<i>Bonum sibi, habet triplicem sensum.</i>	35.
<i>Bonum temporale, &amp; æternum.</i>	23.
<i>Bonum transcendente, quid?</i>	7. & 68.
<i>Bonum verum &amp; apparens.</i>	3.
<i>Bonum utile præsupponit bonitatem transcendentem.</i>	127.
<i>Bongeantii circa animam Brutorum opinio.</i>	245.
<i>Bruta capacia sunt boni honesti, delectabilis, &amp; utilis.</i>	22.
<i>&amp; 61. Delectantur tactu solum &amp; gustu. 19. Habent vim cognoscendi infimi gradus, quæ explicatur.</i>	245. Non cognoscunt ullam pulchritudinem.
<i>Brutorum mala sunt ferme infimi generis.</i>	245. Eadem sunt multorum bonorum origo.
<i>Bruta utiliora nobis, sunt frequentiora noxiis.</i>	23 1.
<i>Buffierii definitio boni delectabilis non probatur.</i>	18. Nec illa boni morali.
<i>17. Nec illa boni utilis.</i>	21.

## C

<i>Cajetani opinio de Essentia Peccati Originalis.</i>	137. & 178.
<i>Caritas pro amore boni sumitur a S. Augustino.</i>	108. & sequ.
<i>Caritas Theologica habet pro objecto formali Deum, sed solum quatenus in se bonus est. 91. Ejus defectus non facit, ut actus nequeat esse bonus moraliter.</i>	107.
<i>Catilina patriæ parricida.</i>	93.
<i>Causa formalis mali nulla est.</i>	294.
<i>Causa mali propria talis est aliquod bonum.</i>	206.
<i>Causa malum efficiens directe, nulla est. 292. Sed efficiens de consequenti est vel Deus, vel Creatura. 266. &amp; 293. Et creatura, quæ sit causa necessaria, nec affectu malo naturali, ex extrinseco solum impedimento producit malum.</i>	266.
<i>Cicæ utilitas.</i>	232.
<i>Clericus Jo. creditus Indifferentiſta. 97. Baylem impugnavit.</i>	207.
	Con-



- Concilia Ecclesiæ, interpretes sunt Voluntatis Dei de agendis.* pag. 112.  
*Concilii Oecumenici notio.* Ibid.  
*Concupiscentia mala, est occasio meriti.* 264.  
*Concursus Dei ad singulas creaturæ operationes non suffragatur Occasionalismo.* 265.  
*Conscientia recte formata, quid?* 110. Ea potest esse recta Ethicæ, & non Logicæ. 115. Eadem est regula morum nobis intrinseca. 110. & 114; provide a Deo nobis tradita. 117. Eadem invincibili ignorantia laborans excusatur a peccato formali, non vero materiali. 115. Eadem est cuiusque iudex, & vindex. 85. per suos latratus, & reprehensiones. 146. quæ sunt beneficium Dei. 254.  
*Creatura quævis dici potest mala, & etiam bona.* 158.  
*Creaturæ nullæ præter Beatos Angelos caruerunt malo aliquo proprie tali.* 184.  
*Creaturæ possunt esse causæ physicæ mali proprie talis.* 265.  
*Et libera a necessitate sunt causæ mali moralis.* 267.  
*Credibilitas Catholicæ Fidei.* 98.

## D

- D**amnatorum poena intenditur a Deo, ut finis aliquis. 248., æternam esse est de Fide. 249.  
*Damnum commune naturaliter abhorremus.* 64. & 146.  
*Deistæ respuunt Revelationem.* 95.  
*Delectabile est bonum in se.* 132. Sed secundarium. 134.  
*Delectatio objectiva, quid?* 118.  
*Delectatio sensibilis est levamen molestiæ alicujus.* 123.  
*Demonstratio male accusatur levitatis a Tullio.* 67.  
*Destructio unius creaturæ est ad alterius productionem.* 241.  
*Deus est causa mali naturalis, illud intendens, ut medium ad aliquod bonum.* 238. & sequ. & 253. Ille est solus auctor mali metaphysici sine ulla sua imperfectione. 197. Ille potest dici auctor potentiæ peccandi. 273. Non vero peccati, ut dixerunt aliqui. 268. Ille punit in hac vita, ut beneficiat. 253. Quomodo dicatur indurare. 275. & sequ. Ille solus.

- solum quatenus in se bonus, est objectum charitatis, non vero quatenus est etiam bonus nobis. 91. Ille solus est bonus per se. 6. Illi placere quameunque Religionem est blasphemia impiorum. pag. 95.
- Dictamen conscientie, quid? 84.
- Differentia specifica entis creabilis est limitatio. 323.
- Disciplina Ecclesie variabilis. 113.
- Distinctio specifica peccatorum, quomodo dignoscitur. 183.
- Diversitas iudiciorum circa pulchritudinem ejusdem rei quas causas habeat. 328.
- Divisio boni in honestum, delectabile, & utile, est optima. 56.
- Divisionis finis. 65.
- Docti unde quandoque sint infelices. 144.
- Doloris notio. 165. Ejus quasi forma est carentia tranquillitatis animi. 179. Ille est medium opportunum ad vite conservationem. 259. Dolor corporis acerbior est in hac vita dolore animi, non vero in alia vita. 165.

## E

- E**Ns omne est bonum in se. 44. & bonum alteri. 45.
- Ens reale aliud est actuale, aliud possibile. 52.
- Epicurei male ponunt in delectatione bonum primum. 134.
139. & seq. Illi longe absunt a felicitate naturali. 151.
- Epicurum multi defendunt a morum corruptela. 130. & 193.
- Errones seu Vagi sunt aliquo modo Philosophi. 193.
- Error est malum intellectus. 40. & 145. Ejus discrimen a necessientia. 179. Potest dici bonus ex multis causis. 40. & 50.
- Ille, quo invincibiliter reputatur bonum morale in se, quod tale non est, non reddit actum malum. 105. 115. & seq.
- Esse semper miserum non est melius, quam non esse. 190.
- Ethnicus non facit actus sufficientes ad salutem. 101.
- Etimologia non semper dat notionem nominum receptam. 23.
- Eudoxus voluptatem male statuit esse summum bonum. 57.

## F

- F** Ames & fitis non amantur ratione sui, sed ratione signi de bona valetudine, vel ut medium ad vitandum majus malum. pag. [125.](#) & [136.](#)
- Felicitas Deo intrinseca est infinita. [149.](#) Extrinseca vero potest esse major in infinitum. [149.](#)
- Felicitas *naturalis*, quid? [27.](#) Illa acquiri potest. [27.](#) Sed non sine labore diuturno. [149.](#) Eadem suscipit magis & minus. [28.](#) Non cadit in pueros. [150.](#) Neque in adolescentes. [150.](#) Cadit vero in juvenes, viros, & senes. [150.](#) Et illa, quæ est integra gentis, requirit plura. [154.](#)
- Fidei Divinæ defectus non facit, ut nullus sit actus bonus moraliter. [107.](#)
- Fides aliquando significat conscientiam operantis. [114.](#)
- Fides in Deum, & observantia folius Decalogi, non satis sunt ad salutem. [102.](#)
- Finis quo explicatur. [136.](#)
- Floriani dicebant Deum creasse substantias in se malas. [173.](#)
- Fluddus accusatus est impietatis. [46.](#)
- Fœmina fuit proxima origo malorum generis humani. [294.](#)
- Fortitudinis notio. [189.](#)

## G

- G** Audii notio. [21.](#) Illud non est bonum primum. [135.](#)
- Neque constituit essentiam Beatitudinis. [139.](#)
- Gemma jure pluris aliis lapidibus æstimantur. [47.](#) & [50.](#)
- Gladiatores sunt vituperabiles. [25.](#)
- Gloria humana est bonum delectabile. [66.](#) & sequi. Illius laudes. [65.](#) Illam unice querere est vitium. [67.](#)
- Gloriam Deo dant amor & honor creaturaram. [149.](#)
- Gustus datus est, ut stomacho languenti propter famem medeamur. [125.](#) Cur diversus est in diversis. [325.](#) Cur ejus objecta non dicuntur pulchra? [341.](#)

Hæc

## H

- H**ercules in bivio. pag. 64.  
 Hieronymi antiqui Philosophi opinio de summo bono. 59.  
 Hobbes opinio de bono morali. 82. & 93. & sequ.  
 Homo non est minus comparatus vestibus, armis, & subsidiis  
 ad vitam, quam bruta. 261. & sequ. Ille capax est majoris  
 voluptatis, quam brutum. 19. Ejus vita & magnitudo  
 sunt convenienter limitata. 263. Idem est malorum naturalium  
 libera causa. 194. & sequ.  
 Honestum moraliter non consistit in sola utilitate. 81. Illud  
 est bonum in se. 132. & quidem bonum primum. 132.  
 & sequ. In eo consistit pars magna felicitatis naturalis. 145.  
 Honor est pars felicitatis naturalis. 146.

## I

- I**aqueolotius impugnat Baylem. 146.  
 Idea Boni non est per se nota. 1. Illa boni & mali moralis  
 fortasse nascitur a cognitione experimentali commodi & in-  
 commodi. 82.  
 Ideam de perfectionibus divinis completam non habemus. 252.  
 Idem potest esse simul honestum delectabile & utile. 62.  
 Ignorantia invincibilis primorum principiorum moralium non  
 datur. 89. Quæ vincibilis est, non excusat a peccato.  
106. Sed illa excusat, quæ est invincibilis. 115.  
 Incendia, & Terræmotus non carent utilitate. 344.  
 Indifferens potest evadere bonum morale. 11.  
 Indifferentes, Tolerantes, Deistæ, qui sint. 95.  
 Induratio cordis quid significet. 273.  
 Inferni æternitas non repugnat cum Bonitate Dei. 248. & sequ.  
 Intelligere requiritur ad felicitatem. 143.  
 Judicium certum de licitate actus requiritur ad ejus bonitatem  
 formalem. 105.  
 Juventus capax est felicitatis naturalis. 150.

Leib-

## L

- L** Eibnitius Incredulus reputatus est . 97. Ille non bene di-  
vidit bonum in metaphysicum , physicum , & morale . 57.  
Lex aeterna , quid ? pag. 74.  
Lex non est radix omnis bonitatis moralis . 69. & 90.  
Lex naturalis , quid ? 75. Ea est immutabilis . 72.  
Lex positiva , quid ? 75. & 95. Illa , quæ est a Deo , reddit bona  
moraliter , quæ in se nec bona nec mala sunt . 97. & sequ.  
Libera creaturae dignitas . 279.  
Liberum arbitrium est conditio , sine qua non est malum mo-  
rale , non tamen ad illud determinans . 201. , & 205. Ejus  
conservatio non est ratio adæquata permissionis peccati . 279.  
& 289. Ejusdem abusus non est damno sempiterno plerisque  
creaturis . 202. & sequ.  
Locke Indifferentista creditus . 97.

## M

- M** Acciavellius perperam docet melius esse Principi , ti-  
meri , quam amari . 152.  
Mala hominum sunt mala pænæ . 259.  
Mala intrinseca hominis & extrinseca . 164.  
Mala physica non sunt dicenda bona absolute , sed bona uti-  
lia . 257.  
Mala vitæ non sunt plura bonis . 187.  
Malitia tum in genere . 159. tum moralis objectivæ per se , &  
per accidens , notio . 168.  
Malum absolutum , quid ? 160.  
Malum creaturae rationalis est vel culpa , vel pænæ . 187.  
Malum culpæ opponitur bonellæ , & illud pænæ bono delecta-  
bili . 167.  
Malum datur . 157. Ejus generatim sumpti notio . 158. Illud  
pro malitia , & vicissim malitia pro malo usurpatur , 159.  
Malum & bonum quomodo opponantur . 181. & 226.  
Malum est in subiecto , ut quid ab eo removens . 178.  
Y y Ma-

- Malum metaphysicum, quid?* [161.](#) *Ejus synonyma.* [161.](#) *Illud est malum improprie.* [161.](#) *non consideratum ab antiquis.* [161.](#) *Illud est a solo Deo, & arguit perfectiones Divinas esse infinitas.* [pag. 197.](#)
- Malum morale, quid?* [163.](#) *Morale actuale, quid?* [169.](#) *Morale formale, quid?* [170.](#) *Morale materiale, quid?* [170.](#) *Morale objectivum, quid?* [168.](#) *Hoc potest esse bonum per accidens.* [11.](#)
- Malum naturale, quid?* [162.](#) *Pure naturale, quid?* [163.](#) *Illud proprium meri corporis aut Spiritus, quid?* [163.](#)
- Malum phisicum, idem ac malum naturale, consistit in privatione.* [176.](#)
- Malum pænæ, quid?* [164.](#) *Ex humanæ libertatis abusu ortum est.* [166.](#) & [293.](#) *At non semper est in hominibus pænæ culpæ actualis.* [196.](#)
- Malum proprie tale, quid?* [162.](#) *Illud dicitur, & est privatio perfectionis.* [173.](#) & sequ. *Illud habet causam, & quidem bonam.* [219.](#) & sequ.
- Malum puræ privationis, quid?* [162.](#)
- Malum secundum quid.* [160.](#)
- Malum sensibile non supponens culpam.* [162.](#) & [164.](#)
- Manichæi admittebant duo principia a se, bonum, & malum.* [173.](#) [209.](#) [212.](#) [215.](#) & sequ. *Ex his non inferitur, principium bonum non esse causam mali.* [221.](#) *Illos extitisse Veteres offerunt.* [210.](#) *Quidam recentiores negant.* [218.](#) *Illorum libri combusti.* [219.](#)
- Manichæismus ostenditur impossibilis.* [221.](#) & sequ. *Illum detestati sunt alii etiam Hæretici.* [218.](#)
- Materia non est capax boni delectabilis, & utilis.* [60.](#) *Illa per suos motus producit varietatem rerum materialium.* [241.](#)
- Muthefcas objecta bona sunt, sed non considerantur, ut bona.* [51.](#)
- Moderatio animi necessaria ad tranquillitatem.* [230.](#)
- Monstra conferunt ad bonum Universi.* [342.](#) *Illa esse per originem aliqui, alii per accidens, propugnant.* [343.](#) *Illa esse ex influxu Cometarum, ridiculum dictum est.* [343.](#)
- Mores boni non sunt in Ethnico.* [101.](#)
- Mors*

*Mors est pœna peccati . 186. & sequ. 259. & 261. Illa est horribilis naturaliter . 189. Sed aliquando optabilis . 190. Illam esse malum naturale negarunt aliqui , sed male . pag. 179. Mulieres capaces sunt minoris felicitatis naturalis , quam viri . 151.*

## N

**N**atura capax solius delectationis intellectualis felicior est illa , in quam cadit etiam sensilis . 122.  
*Natura rationalis magis appetit honeste agere , quam gaudere . 137.*  
*Naturæ puræ statum possibilem esse , est communior sententia . 213.*  
*Naturaliter abhorremus ab iis , quæ sunt in damnum commune , & urgemur ad ea , quæ sunt bonum commune . 64.*  
*Nobilitas generis cum aliqua opulentiâ , utilior est ad felicitatem naturalem oppositâ conditione . 153.*  
*Noxia possunt esse , quæ magis utilia sunt . 235.*  
*Noxiæ plantæ vel bestię sunt minus frequentes , quam non noxiæ . 231.*  
*Numerus Reproborum dubium est , an sit major illo electorum . 204.*

## O

**O**ccasionalismi falsitas 239. & repugnantia : 265.  
*Occidere se non est fortis , sed pusillanimis . 188.*  
*Oculi hominum cur non perspicaciores . 199.*  
*Odium non potest separari a malitia sua , quin propterea hæc sit quid positivum . 182.*  
*Odium parentum in quo sensu nobis præcipiatur . 79.*  
*Olfactus objecta cur non dicantur pulchra ? 341.*  
*Omissio computatur pro actu . 169.*  
*Opinio non est radix Bonitatis moralis . 80. & 84. & 89.*  
*Oppositio contraria & privativa quid sint . 181.*  
*Optimi Mundi constitutio non est ratio permissionis peccati . 287.*  
*Ordinator est Deus peccatorum , non auctor . 283.*  
 Y y 2 Pal-

- P** *Allavicipini opinio de idea boni.* 2. *Ejus definitio boni moralis non est opportuna.* 15. *dicit formam boni moralis esse approbationem Voluntatis Dei.* 70. *Statuit sex numero esse bona in se talia.* 131. *Negat delectationem seu gaudium esse primum bonum pro statu felicitatis naturalis, sed solum pro statu felicitatis supernaturalis.* 131. *Reprehendit entium diminutorum assertores.* pag. 30.
- Pauperum conditio non est satis opportuna ad felicitatem naturalem.* 153. *Sed non est omnium miserrima.* 29. *Et necessaria est ad Reipublicæ constitutionem.* 231.
- Peccati notio.* 77. *Illud consistit in privatione.* 176. & sequ. *Non est minus malum, quam malum naturale.* 285. *Non est a Deo nec mediate, nec immediate.* 269. & sequ.
- Peccati Angelorum quædam cognitio apparet in antiquis Philosophis.* 217.
- Peccati Originalis notio.* 172. *Illud quidam dixerunt esse malam substantiam.* 173. & 212. *Et aliqui esse qualitatem morbidam.* 173.
- Peccatum Philosophicum repugnat dari.* 77.
- Pecuniæ origo.* Ea est æquivalenter omnia. 49.
- Perfectionum Dei declaratio, non est adæquata ratio permissionis peccati.* 279.
- Permittit Deus peccata, & quidem rectissime, neque hoc intelligitur sola Fide.* 275. & sequ. *Adæquata ratio hujus permissionis ignota nobis.* 278. & 287.
- Personalitates Divinæ sunt perfectiones.* 51.
- Personæ Divinæ sunt invicem bonæ.* 46.
- Philippi II. Regis Hisp. lætitia ex victoriæ nuncio.* 140.
- Pietas nobis, non Deo est utilis.* 99.
- Planetas esse habitatos possibile est.* 203.
- Plantæ noxiæ minus frequentes utilibus.* 231.
- Plato videtur admittere veram creationem.* 216. *dividit bonum non bene.* 58.
- Plutarchus injuria accusatur Manichæismi.* 214.
- Pæ-



- Pæna cum laude intenditur, ut finis.* pag. 247.  
*Polmanus non bene definit bonitatem moralem formalem.* 15.  
*Pontifex Romanus interpret est Voluntatis Dei de agendis.*  
 112. nec ejus decreta ullus Sanctorum impugnat. 109.  
*Potiri & frui, proprie synonyma non sunt.* 139.  
*Præcepta Decalogi, saltem aliqua, sunt inter prima morum principia, nulli non cognita.* 89.  
*Principia Juris Naturæ, quid?* 87.  
*Principia moralia omnium prima.* 84. *Illa sunt omnibus communia.* 87.  
*Privatio potest esse quid bonum.* 50. & 53.  
*Pueritia incapax est felicitatis naturalis.* 150.  
*Pulchrum amatur, & non admiratur dumtaxat.* 314.  
*Pulchrum dicitur de iis, quæ concipiuntur composita, vel quasi composita.* 315. & sequ. & 332.  
*Pulchrum dicit ordinem ad intellectum.* 318. & sequ. *Et etiam aptitudinem ad delectandum.* 319.  
*Pulchrum ex ingenio, & ex ingenio simul, ac scientia.* 305.  
*Pulchrum quod est, bonum etiam est, & quidem bonum in se.* 311. & sequ.  
*Pulchrum verum, & apparens.* 301.  
*Pulchritudo 301. Hæc non dependet ab opinionibus 324. Nec fundatur in utilitate.* 321.  
*Pulchritudo absoluta. 308. Aliqui absolutam dicunt, quatenus non dependet ab opinionibus. 308. Alii quatenus non dicat respectum ullum, ne ad intellectum quidem. 308. Alii contraposte ad pulchritudinem comparativam.* 309.  
*Pulchritudo artificialis.* 303.  
*Pulchritudo comparativa.* 309. & 327.  
*Pulchritudo corporea, quid? 303. 331. & 335. Illa duastantummodo species habet, visibilem & audibilem. 340. Non bene explicatur per proportionem partium. 334. Neque per coloris suavitatem aut claritatem.* 335.  
*Pulchritudo essentialis. 307. Hæc non dependet ne a Deo quidem.* 322.  
*Pulchritudo naturalis.* 303.  
*Pulchritudo relativa. 308. Aliqui sic vocant illam, quæ de-*  
 pen-

- pendet ab opinionibus : Alii illam , quæ aliter dicitur comparativa .* pag. 309.  
*Pulchritudo soni .* 337.  
*Pulchritudo spiritualis .* 306. , & 330. *Nec negari illa potest .* 337.

## Q

- Q** *Uerela hominum de negatis nobis aliquibus perfectionibus sunt stultæ .* 199.  
*Quintinistæ , alias Libertini .* 96.

## R

- R** *Egula morum est Voluntas Dei , & Conscientia .* 110.  
*Reipublicæ finis in præmiis artium constituendis .* 63.  
*Relativi nomine pro absoluto non abutuntur Philosophi agentes de pulchro .* 309.  
*Remedium contra Viperarum morsus .* 235.  
*Revelationis Divinæ argumenta .* 98.  
*Rousseauii liber de Inæqualitate inter homines .* 83.  
*Rasticorum conditio non satis opportuna ad felicitatem naturalem .* 154.

## S

- S** *Anctis etiam grave est odio haberi .* 148. *Illorum in Philosophicis auctoritas .* 344.  
*Scientia naturalis non facit beatum .* 137.  
*Scriptura non est cuique clara .* 113. *Illa & Traditiones declarant nobis Voluntatem Dei circa agenda .* 112.  
*Seneca male præfert bona præterita præsentibus .* 34.  
*Senectus capax est minoris felicitatis naturalis , quam virilitas .* 151.  
*Sensus externos cognoscere dixerunt multi , sed male .* 342.  
*Sensus interni de pulchro & bono , tamquam quædam potentia hominis , non dantur .* 329.  
*Sollicitudines importunæ sunt deponendæ .* 194.  
*Sorte sua contentum quemque esse oportet .* 230.  
*Spes*

<i>Spes allicit ad virtutem .</i>	pag. 146.
<i>Spinæ &amp; tribuli fuerunt ante peccatum .</i>	236.
<i>Stibii utilitas .</i>	232.
<i>Stoici bonum vocabant solam virtutem . 9. &amp; 25. Et in ea summum bonum male collocabant . 132. Et falso dicebant sapientem beatum etiam in equuleo .</i>	145.

## T

<b>T</b> <i>Actus objecta cur non dicantur pulchra .</i>	341.
<i>Theologi Morales male in universum contemnuntur .</i>	113.
<i>Timor absterret a vitiis .</i>	146.
<i>Tobiæ dolor ex cæcitate .</i>	140.
<i>Tolandi credulitas in levissimis , &amp; Incredulitas in gravissimis .</i>	96.
<i>Tolerantes , Indifferentes , Deistæ , qui .</i>	95.
<i>Torturæ tempus quare determinant leges .</i>	165.
<i>Tragædiæ oblectant , quia intellectum occupant .</i>	140.
<i>Tranquillitas animi est pari felicitatis naturalis .</i>	144.
<i>Transcendentale bonum idem est , ac bonum illud , quod est honestum naturaliter .</i>	68.

## V

<b>V</b> <i>Aletudo bona est pars felicitatis naturalis .</i>	145.
<i>Veneris cultus infamis , per mendacium dicebatur cultus .</i>	88.
<i>Vermium utilitas .</i>	232.
<i>Vestes non datæ homini , sicuti brutis , ad meliorem sui statum .</i>	262.
<i>Viperarum utilitas .</i>	232.
<i>Virtus per se amabilis , etiam remota cogitatione præmii .</i>	91.
<i>Visus objecta dicuntur pulchra .</i>	340.
<i>Vita humana non abundat malis supra bona . 185. Illa est sociabilis . 94. Illa brevior est , quam in quibusdam brutis .</i>	263.
<i>Vitia opposita primis principiis operandi , credita non sunt quid licitum ab ulla gente .</i>	87.
<i>Vitium malorum omnium origo .</i>	146. & seq.
<i>Viri .</i>	

- Virilitas capax est felicitatis naturalis.* pag. 150.  
*Virtutum exercitium in Sanctis non est finis permissiois peccatorum.* 284.  
*Vivas & auditus delectant solum intelligentem facultatem.* 19. & 126.  
*Voluntas Dei est regula bonestatis actionum.* 46. Et *morum*, nobis extrinseca. 110. & sequ. Eadem circa actus intrinsece bonos, non tamen omnes, manifestatur per lumen rationis. 112.  
*Voluptas, quid?* 21. *Cur servilis dicatur.* 18. *Ejus damna.* 152. *Illa nequit esse summum bonum, quicquid dicant Eudoxus.* 57. Et *Epicurei.* Vide *Epicurei.* *Voluptatem ut afferrent, quæ nunc afferunt dolorem, est inepta Bayles cogitatio.* 260.  
*Voluptas ex odoratu est tenuis.* 123.  
*Voluptas ex visu, & auditu sine vi intelligendi, fortasse nulla est.* Ibid.  
*Voluptates sunt remedium alicujus doloris.* Ibid.  
*Usus multarum rerum ignotus nobis.* 233.  
*Utile constituitur in genere boni a bonitate finis sibi extrinseca.* 182. & 142. In eo non consistit bonum morale. 81. & 90. & sequ.  
*Utile significat etiam usum rei sine illius ordinatione ad aliud.* 23.  
*Utilitas non est fundamentum pulchritudinis.* 322.  
*VVitt (de) Joannes trucidatus.* 96.  
*VVolfius Jo: Christoph. male accusat multos de Manichæismo.* 211.

## ERRATA

## LEGENDUM

Pag. 93. li. 35. ex lege  
 Pag. 125. l. 9. rhombum  
 Pag. 153. l. 33. aut ad  
 Pag. 182. l. 15. actum  
 Pag. 192. l. 15. illi  
 Pag. 194. l. 18. essent

ex lege  
 ac rhombum  
 ad  
 actuum  
 illis  
 esset

## F I N I S.





1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100



